






21/19

11











Ch. ... ..


VITA MIRABILIS  
ET MORS PRETIOSA  
VENERABILIS SORORIS  
ROSÆ DE S. MARIA  
LIMENSIS,

Ex Tertio Ordine S. P. DOMINICI,

AD SANCTISSIMUM D. N.  
ALEXANDRUM VII.  
PONTIFICEM MAX.

*Excerpta & collecta*

Per P. M. F. LEONARDUM HANSEN  
Prouincialem Angliæ, & Socium Reueren-  
dissimi P. Magist. Generalis Ord. Præd.



ROMÆ, Typis Nicolai Angeli Tinaassij M. DC. LXIV.

*Superiorum permissu.*

*Romy J. M. Magdalenq Urby*





is autor fuit qui solus me tenet Roma lateri adlectum  
suo Generalis totius nostri Ordinis Moderator, nem-  
pe ratus, eductam Peruvia gleba aurea Rosam ijs de-  
beri manibus, qua Auream Rosam quotannis sancti-  
ficant, dum quarta esurialis Quadragesima Domini-  
ca fideli populo ait: Lætare. Sanè ut ista Dominica, ita  
illa Dominici Rosa est, utraq; floridam apta spirare  
letitiam, digna utraq; Summi Sacerdotis benedictæ  
manu exaltari in candelabrum, ac inde donum fieri  
Catholicorum Principum supplici pietati.

*Eccle.*  
*24. v.*  
*23.* Init. (: fateor:) hodie Autumnus, quo deberi solent  
non flores sed fructus; at vicissim à Rosa Sponso reso-  
nat Echo: flores mei fructus. Opportune; simul  
quippe in hac Rosa & fructifer autumnus vernat, &  
floridum ver fructificat, quinimò hic primus est me-  
ridionalis America flos & fructus, quem ubi Sancti-  
tas Vestra (uti fore speramus) in primitiarum aram  
solemni honoris & honestatis apothecæ elevarit co-  
ram Domino, toti Ecclesia non minùs fructuosum  
quàm floridum lætare intonabit.

Penè exciderat, nobis Germanis Rosam in laquea-  
ribus pingi solitam ritu vetustissimo, ut Harpocratici  
silentij admoneat hospites. Itaque hìc silebo, taciti que  
precabor votis, tam prosperè nobis Valere Sanctita-  
tem Vestram, quàm verè suo throno porta inferi non  
præualebunt. Roma, ix. Cal. Octobris M. DC. LXIV.

S. V.



FR. IO. BAPTISTA DE MARINIS

Sacrae Theolog. professor, Ord. Præd.

humilis Magist. Gen. & seruus.

Tenore presentium, nostrique autoritate  
officij facultatem concedimus Admodum  
R. P. Magistro Fr. Leonardo Hansen Prouinciali  
Angliæ socio nostro, seruatis seruandis imprimen-  
di librum cuius titulus est *Rosa Peruana, seu Vita  
mirabilis, & mors pretiosa venerabilis sororis Rosæ  
de Sancta Maria ex tertio Ordine S. P. N. Domini-  
ci*, iussu nostro à duobus Theologis recognitum, &  
approbatum. Dat. Romæ in Conuentu nostro S.  
Mariæ super Mineruam die 24. Augusti 1664.

Fr. Io. Baptista de Marinis

Magister Ordinis

Reg. fol. 78.

Fr. Antonius Gonzalez

Magister, & Socius.

V. 2.

# Approbatio Theologorum Ordinis Prædicatorum.

**S**ynopsin hanc admirabilis vite Sororis Rosæ de S. Maria Peruana descrip-  
tam ab A. R. P. Mag. Fratre Leonardo Hansen Provinciali Angliæ à me  
visam de mandato Reuerendiss. P. Magistri Generalis Fratris Io. Baptiste  
de Marinis, & à me repertam omni ex parte vernantem floribus elegantissima  
eruditionis, indico nihil continere, quod possit impedire ne secundum sacros  
Canones, & Concil. Trident. & Constitutiones Apostolicas imprimi possit.  
Et in fidein &c.

Fr. Petrus M. Passerinus Procur. Gen. Ord. Præd.

**D**e mandato Reuerendiss. P. Magistri Generalis Ordinis Prædicatorum  
Fr. Ioannis Baptiste de Marinis, vidi librum, cui titulus Synopsis ad-  
mirabilis vite, morum, operum, & felicissimi transitus Sororis Rosæ à San-  
cta Maria Peruana ex tertio Ordine S. P. Dominici, ab admodum R. P. Ma-  
gistro Fr. Leonardo Hansen Provinciali Angliæ ejusdem Ordinis composuit;  
vidi, & in eo miratus sum hominem non humani stylo, sed Angeli penicillo  
depingentem Rosam. E Gaspare de Floribus Leonardus, noster Sororem Ro-  
sam depinxit natam; & de Leonardo nardum factam, Rosam iam mundus  
odorat, et reddolent omnia dum progenitoris flombar scriptor addit flores.  
Miramur in flore colorum venustatem, odoris argutiam, auctoris, artem  
Hansen, has en tibi lector in libro hoc prærogativas offert, si venustatem desi-  
deras, venustus liber hic, elegansque totus, si argutiem optas, arguto liber  
hic expolitur ungue, si artis industriam quaritas, ardua liber hic expeditur  
arte. Quid ultra? Sertum ianio operi amas? Laus tua sit sertum, ut sit  
certum librum sic floridum, floridum, ut ad palatium, auream tuere in  
coronam. Sic censeo Roma apud Sanctam Mariam super Minervam.


Fr. Vincenrius Ferte Ordinis Prædicate-  
rum, Magister, & Regens.



# PROTESTATIO AVCTORIS :

**C**VM Sanctiss. Dominus Noster Urbanus Papa VIII. die 13. Martij anno 1625. in S. Congregat. S. R. & Vniuersalis Inquisitionis Decretum ediderit, idemque confirmauerit die 5. Iulij anno 1634. quo inhibuit imprimi libros hominum, qui sanctitate, seu Martyrij fama celebres è vita migrarunt, gesta, miracula, vel reuelationes, seu quaecumque beneficia, tanquam eorum intercessionibus à Deo accepta continentes, sine recognitione, atque approbatione Ordinarij, & quæ hæcenus sine ea impressa sunt, nullo modo vult censi approbata. Idem autem Sanctissimus die 5. Iunij 1631. ita explicuerit, vt nimirum non admittantur Elogia Sancti, vel Beati absolutè, & quæ cadunt super personam, bene tamen ea, quæ cadunt super mores, & opinionem, cum protestatione in principio, quòd ijs nulla adsit auctoritas ab Ecclesia Rom. sed fides sit tantum penes Auctorem. Huic decreto, eiusque confirmationi, & declarationi obseruantia, & reuerentia, qua par est, insistendo, profiteor me haud alio sensu, quidquid in hoc libro refero, accipere, aut accipi ab illo velle, quàm quò ea solent, quæ humana dumtaxat auctoritate, non autem diuina Catholica Romanæ Ecclesiæ, aut Sanctæ Sedis Apostolicæ nituntur, ijs tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.

PROTESTATIO AVCTORIS




Imprimatur, si videbitur Reuerendis. Patri Magistro Sac. Palatii  
Apostolici.

*O. Archiep. Patracen. Vicesg.*

*Imprimatur,*

Fr. Hyacinthus Libellus Sacri Pala-  
tij Apostol. Magist. Ordinis Præ-  
dicatorum.





# SYNOPSIS

ADMIRABILIS VITAE, MORVM, OPERVM,

Ac felicissimi transitus

## SORORIS ROSAE

### A S. MARIA PERVANÆ

Ex tertio Ordine S. P. Dominici.



*Prolepsis ad pium Lectorem.*



Tiq; miraberis in tota hac Synopsi tam sterile *Miraculorum* silentium: at precor sustine, prodibit & horum appendix vbertas, mox vt ex lege *Sacrorum Rituum* licuerit. Interim solius *Vita* historiolum accipe ex *Remissoriali* (: quem vocant) *Processu* iuratisq; testimonijs fide bonâ extraxam, quæ &

plenior foret, nisi Virginis Rosæ ingeniosa, & cauta humilitas (: de qua infra cap. v.) sic pleraq; studuisset abscondere, quod neq; familiarium intimis, neq; domesticis curiosè oculatis, nec ipsi deniq; perugili Matri innotuerint, præter paucula ista, quæ pene furtim & quasi per rimulas notari subinde potuerunt. Itaq; non nisi comperita hic damus, quæ in his Capitulis tametsi totidem videbuntur manipuli, spicilegium non excedunt..

## CAPVT I.

## Rosæ patria, natales, cunabula.

**L**ima, meridionalis Americæ, quæ mari Pacifico lambitur, nobile emporium Regniq; Peruanæ metropolis hanc nouam in Orbe nouo enixa est Rosam anno Virginei partus M.D.LXXXVI. mense Aprili, qui quòd erupturis floribus terram aperiat, ab officio nomen traxit. Huius mensis vigesimus dies Beatæ Agneri de Monte Politiano Virgini Dominicanæ à *celesti rore, ac diuersis repente enatis floribus* notissimæ sacer est, idemq; Rosæ huic natalis fuit. Itaq; vernant hic omnia, siquidem & Progenitores Virgini fuere *Gaspar de Floribus, Maria ab Olina*, ille ex Insula Hispanorum oriundus cui à *Portu ditite* nomen est, hæc Lima nata; vterq; stirpe non ignobili, sed opibus permodicis, nisi quòd ingentis opulentix loco fuerit tali filiola cælitus ditari. Nascenti Rosæ Paterna domus obtigit in vico *S. Dominici*, ac ponè quidem iuxta *Aedem S. Spiritus*, vt vel ipse locus videatur futuræ tum sanctimonix tum instituti signasse prælagium. Iure iurando testata est genitrix (: in Processu Remiss.) sibi fuisse hunc partum vt felicissimum ita facillimum, minimèq; obnoxium illis angoribus, quibuscum solebat in parturitione reliquarum prolium dirissimè conflictari. Nec minùs adstupuit obstetrix, vt vidit hanc infantem secundarum inuolucris prodire grauem, & quasi penulatam: Nimirum sic nascuntur Rosæ, congenitis integumentis vndiq; velut amictu paludatæ. Ipso dein festiuissimo Pentecostes die (: qui Hispanis *florum Pascha* dicitur) baptizata est Rosa, primoq; rore celestis gratiæ permaduit, nec tamen Rosæ nomen tunc ei impositum, sed Isabellæ siue Elyzabeth; nimi-

nimirum ab auia materna Isabella de Herreca, cui inter  
 lustrales aquas videbatur is honor deberi humano more.  
 Porro vt Rosæ nomen diuinitus Soboli destinatum post  
 trium mensium ambages demum erumperet, prodigium  
 expectabatur, quod tale fuit. Quiescebat in cunis tri-  
 mestris paruula, quandò cum ancillula & filiabus accita  
 Mater conspexit filiolæ vultum vndiq; opertum repanda  
 sed paulò post disparente rosa. Obstupere omnes, at ce-  
 teris. altius ista spectaculo. Mater subito complexu tene-  
 risq; osculis dissuauiauit paruulam, *mibi* (inquiens) *tu de-*  
*inceps Rosa diceris & eris, nec alio post hac nomine te compeli-*  
*laba;* quasi cum Præcursoris Matre protestaretur his Am-  
 brosij verbis: *habet vocabulum suum quod agnouimus, non*  
*quod elegimus.* Rem tamen indignè tulit auia, doluit suum  
 nomen in tenera nepte sic obliterari ac ferè despici, vnde  
 placando huic iurgio nec annorum lustrum satis fuit, do-  
 nec tandem controuersie finem imposuit Sacramentale  
 Chrisma; quo Sanctissimus Limensium Archipræsul Turi-  
 bius in Parochia loci *Quini*, dum Rosæ illiniebat confir-  
 mationis signaculum, omisso Baptismali nomine Rosam  
 pronunciare maluit, cuius fortasse iam tunc fragrantiam  
 senserat in spiritu, quo plenus erat. Sanè videbatur cum  
 vñdio docuisse de omnibus, vt neq; errare posset in Ro-  
 sæ nomine cur exinde pariter & auia adqueuit. Verùm  
 tamen lapsis aliquot annis de Rosæ nomine aliam indixit  
 litem ipsamet Virginis pauida conscientia, nimirum vt ita  
 præberetur occasio locusq; cælesti oraculo quo Rosæ no-  
 men vltimò erat confirmandum. Res ita euenit. Creue-  
 rat puella, iamq; suimet per ætatem compos vt rescuit, se  
 neutiquam in Baptisterio sed in cunis traxisse hoc succe-  
 daneum nomen, suspicata est pro solo vanitatis lenocinio  
 forsitan hoc sibi inditum fuisse nomen, quo vultus sui  
 commendaretur forma ac venustas. Itaq; hoc scrupulo-  
 sancia & animo inquieta sacellum Dei Genitricis in Aede

FF. Prædicatorum Sanctiss. Rosario dicatum adiit, illic lachrymosè procubua Misericordiæ Matri angorem suum exposuit, remedium poposcit. Nec *Virgo Rosa mystica* Virgunculam Rosam distulit consolari, siquidem in alto sed inexplicabili intimæ illustrationis radio pauidam affata docuit, mirè hoc suum nomen probari Diuino quem gestabat Puerulo, se verò de suo pte nomine hoc insuper adiectum ei velle auctarium, quo Rosa à S. MARIA in posterum cognominaretur. Sic quæ trepidabat in nomine, firmabatur cognomine, secunda & lata quòd vtrumq; cælitus datum possideret. Habent quidem hoc (: Ambrosio teste) Sanctorum merita, vt à Deo nomen accipiant, sed qui vltra nomen etiam cognomen è Cælo accipiant, raros puto. Admisit insperatæ nomenclaturæ gratiam puella non sine excelso intimi dulcoris sensu, adeò, vt die quadam à SS. Communione domum reuertens ardore insolito obtestaretur Matrem, vnicum hoc gemini fauoris nomen Rosæ à S. MARIA sibi quàm creberrimè repeteret, ac frequentius occantaret, illo se mirificè posthac delectari, mulceri, colliquefcere. Hærebat parens mirata nouitatem, at subiecit Virgo: Nunc nunc redire se à pedibus Magnæ Deiparæ, huic rem cordi fuisse, huius benedictione, & materno auspicio suam animam transisse in Rosam florido Iesulo Nazareno sacram: proinde si aliquando suspectum sibi fuerat Rosæ epitheton, iam illud in tuto esse, vtpotè diuinitus approbatum; ideo frequenti huius gratissimæ compellationis auditu velle se sui tum nominis tum officij sæpiculè admoneri. Reliquum, quod sibi in illa S. Communione acciderat, Virgo humilis verecundè subicit, Matriq; sat fuit, Rosæ nomen quod infanti prima imposuerat, Cælo placuisse.



Rosæ crepundia, indoles, educa-  
tio Votumq; Virginitatis.

**S** Catarina Senensis infantia ac pueritia tam dulcis omnibus ac blanda fuisse legitur, vt non Catarinam, sed Euphrosynam pleriq; cæperint appellare. Eadem infanti Rosæ fuit indoles quæta, suavis, lepidula, & continuò serena, vt commune dumtaxat gaudium totius domus videretur. Obseruarunt domestici, numquam in fascijs paruulæ voce querula, aut stridulis vagiribus ædium turbasse silentium, numquam plorasse, nisi quòd semel, cum Mater nobilem Matronam visitans foras extulisset Rosam, compesci à planctu non potuit quoadusq; ex aliena in propriam domum referretur, quasi iam tunc nosset publicum fugere, & auersari, vnde ex tunc constituit parens infantem placidissimam deinceps cum exeundum foret, secum non exportare.

Trimula erat, quando in tenerrima indole promiscue, cœperunt supra ætatem robusta virtutum specimina. Et primum quidem tolerantia fuit animiq; inter dolores impauidi, fortis, tranquilli, vt liqueret Rosam esse quam spinæ nec terrent, nec terunt, aut deiiciunt. Accidit, quòd prægrandis arca dum incautè properèq; clauditur, dextrum Rosulæ pollicem fortuitò corripere. Aduolauit turbata Mater, sed dissimulabat tranquilla filiola dolorem, abscondit manum, donec post dies aliquot putresceret sub vnguiculo emortuus sanguis. Aduocatur Chirurgus, Hq; vt læso articulo tumidum pus educeret, acribus remedijs totum penè vnguem absumpsit, demum & vnguiculi relin-

residuum lento, ac violento forfice radicitus auulsit. Vidisses immotam sub his cruciatibus Rosam ac si non suus esset pollex, cui toties ferrum insæuiebat. Obstupuit præ alijs Ioannes Perez de Zumeta (: id erat Chirurgo nomen) haud capiens vnde tantillæ Virgunculæ tanta in ijs tormentis obduruisset constantia, nam toto illo acerbissimæ curationis tempore nec gemitum ediderat, nec vnquam expalluerat ad styli, sanguinis, nouorumq; vulnerum aspectum.

Nondum Rosa quadrimula erat, cum mordax suppuratio in eius auricula succereuit. Rursus igitur Chirurgi manu, ac post lene emplastrum deniq; & ferro opus fuit. Rosa, dum exese cartilaginis pars vitiata præscinditur, eam vultus animiq; firmitate vulnus excepit, qua nec intueri adstantes poterant sulcantem nouaculam. Fluebat sanguis in humerum, nec Rosa exhorruit tincturam suam.

Quadriennium viuendo expleuerat, cum summam capitis sui entem species quædam impetiginis cepit obcurare. Mater obuio sed imperito suasa consilio modicos pulueres insperfit effectum planè improspere, nam ij vtpotè olentes Hermeticam pyxidem affectas partes caustica sua acrimonia rodebant ita immaniter, vt certis interuallis toto corpùsculo tremuisse puellam tacitè notarint domestici: Nec tamen hic iugis, & acerrimus dolor ab ea, vel minimum potuit exprimere gemitum aut molestiæ indicium, nisi quod à Matre interrogata de dolore, cum totum negare non pòsset, modicum ac toleratu facilem esse respondit: sicq; in ijs tormentis cum sua Matre pernoctauit silens, immota, quietissima. Sed anxia parens postridie retulso lenitè cataplasmate inhorruit, videns filiolæ verticem hinc bullis turgidum, inde fossulis profundè vlceratum, & ô (: inquit) misera, siccine totam hanc transegisti noctem sub huiusmodi cruciatibus voraci ardore? tacuit Rosa, nec vrgenti aliud vnquam replicuit, quam sterisc

intra



7

intra mediocritatem suos dolores . Accitus deinde Chir-  
urgus plagæ sanandæ nouaq; cuti inducendæ quadragin-  
ta duos continuos insumpsit dies , tormento vix mitiori  
quàm quo prima nox Virginem lancinarat . Sed neque  
tunc Rosæ defuit par dolori tam moroso constantia, quan-  
tam ab illa imò ab vlla ætate sperari posse Chirurgus dif-  
fidebat .

Idem Rosæ iam sexennis patuit robur sub eiusdem Chi-  
rurgi forcipe, cum sibi ex intimo nare eximendus fuit pha-  
seolus , tertio demum tractu erutus . Dixisses hanc indo-  
lem vni patientiæ natam . Sed rudimenta hæc erant ac  
tempestiua præludia animi corpusculum proprium ceu  
alienum tractaturi . Superest quòd reliquam eius pueri-  
tiam cursim delibemus .

Rosæ quinquenni & adhuc inter pueritiæ infantiaq;  
confinia constitutæ , notitia ac timor Dei se se insinuauit  
modo prorsus admirabili; quia inter ludos Res ità cõtigit  
luditabat cum ea natu maior germanus frater , isq; ( casu  
an studio, incertum ) luto imbuat rutilam pulcherrimamq;  
innocentis puellæ cæsariem . Locus erat, ac puerilis riden-  
di materies , at non ità placuit Virgunculæ , quam non  
contemptus sed sordes offendebant . Itaq; ludum abru-  
pit, cui mox frater : hem ( : inquit ) . soror mea , si te detur-  
pati capillitij tui iniuria tam seriò affligit , scito , cultos  
puellarum cincinnos Inferni rudentes esse , quibus illa-  
queantur iuuenum incautæ animæ , vt in gehennam æter-  
nam detrahantur . Ergo puta exosos Dio capillos , quos  
tu amare videris . Hæc ludibundus puer gestu velut con-  
cionatorio profatus repetebat ludum, at puellæ animum  
altiùs hæc verba , quàm pro dicentis impetu suæ ætatis  
modulo penetrarunt , nec verba erant sed tonitrua , nam  
repente mens illa capacissima simul immensum concepit  
horrorem Inferni , simul apprehendit vastitatem æternita-  
tis, simul Diuinam attentius reuerita maiestatem pondera-  
bat

bat secum omnis peccati foedam infelicitatem : Hinc subito in se reducta cepit odisse suosmet capillos, firmare animum aduersus omnes offensas DEI, detestari occasiones quæcumq; Inferno militarent, deniq; ordinato agmine tunc immigrarunt alta DEI æstimatio, filialis timor numinis, cura salutis, abominatio peccati. Quis tot tamq; seria expectasset è ludo ac luto ? Verùm sub eodem radio progressa vltèrius Rosa limpidè agnouit, DEI auxilium sibi fore & necessarium & iugiter implorandum. Hinc statim exarsit in ipsa conatus orandi, qui & formulam dictauit iaculatoriam, hanc videlicet. *IESVS sit benedictus. IESVS mecum sit, amen*. Dulcescebat exinde in labellis in corculo Virginis hic precandi modus, vt ab ea frequentanda nec dormiens cessaret, vsq; adeò nimirum DEI præsentia iam sensus Rosæ interiores vndiq; occuparat.

Demum sub hac tam præmatura ac sublimi DEI notitia quinquennis Rosa sensit apertius trahi se ac præparari ad S. Catarinæ Senensis excelsa tyrocinia, siquidem huius exemplo confestim & ipsa Virginitatis votum emisit inter hæc primula tenellæ ætatis crepuscula, quinto nimirum ætatis anno ; quin & postea eiusdem Seraphicæ viraginis imitatione sibimet capillos ad viuam vsq; cutem inscia, Matre præscidit, ne quid superesset funium quibus contra iuratum Virginitatis propositum aut traheret, aut traheretur ad nuptias, iam enim satis didicerat ex ludicris, luti inquinamenta suo capillitio quandoq; etiam seriò posse infidiari. Hic igitur puerilis sui lusus & crepundiorum exitus fuit vt mirabilis sic felicissimus, nam rarus est hic gratiæ tractus, qui Rosam ab innocentibus iocis vnico subitoq; passu deduxit in illam maturitatem iudicij, quo simul nosset æstimare DEI celsitudinem, æternitatis pretium, & virginei floris arcanam prærogatiuam. Vnum hic prætercundum non est, quòd qui deinde Virginis conscientiam moderati sunt, prudenter coniecere, superna hæc gratiæ allec-

allectamenta ipsi obtrigisse sub illo primo vsus rationis diluculo, quo iuxta veriore[m] Theologiam quilibet in DEVM finem vltimum sese tenetur conuertere pro suæ capacitatis modulo. Vt vt sit, Rosæ non tam diluculum fuit quàm meridies, dum sic illustrata præferbuit & viam elegit quam debuit; attamen longè maius fuit à via quam elegerat numquam postea vllius noxæ grauioris admissione per totam vitam exerrasse, quod vt ijsdem sui Confessarij concorditer asseruerunt, ita patulum fiet ex ijs quæ sequuntur.

### C A P V T III.

Rosæ erga Parentes mira obedientia, pietas, sollicitudo.

**I**N concursu duorum præceptorum, quo simul honorare Patrem, & Matrem, simul DEO magis quàm hominibus obedire iustum iussu[m]q; est, Rosæ frequenter ingenio & solertia opus fuit, vt neutrum offenderet. Trahebat cælestis Sponsus electam sibi Virginem per arcanas sanctimonix ac perfectionis semitas: Ex aduerso trahebat rudis & cruda Mater Filiam morigeram ad pompas nugarq; seculi, ad vñs corporis ornatus, ad Mundi commercia. In his biuijs plusquàm humanæ artis fuit, incolumi vtrimq; obedientia neque à Sponsi ductu vel latum vnguem deflexisse, nec tamen abiuisse vñquam à maternis præceptis in Sponsi sequela.

Accidit, quod coram honestis Matronis Rosa præsentem Genitricem importuniùs rogaretur suo capiti circumdare textum è floribus sertum, quod illi fortè odoris gratia in medio positum cunctis arridebat. Verecundè renuit mo-

deſta Virgo, inſtabant moleſtæ fēminæ; quibus complac-  
tura Mater iuſſit edicto parere, Filiam. Quàm putas lucta-  
batur hic cū obedientia vani ornatus pudicus horror!  
Vicit nihilominus Roſæ ingenium: nam ſerto clam ab ima  
parte ſuffixit oblongam acum, ſicq; corollam latenter acu-  
leatam ſuo Capiti non tam impoſuit quàm impreſſit vali-  
dèq; impegit, vt ſibi non niſi tormentum eſſet quod orna-  
mentum alijs videbatur. Nimirum obediuit Matri, at ſi-  
mul currebat in odorem Sponſi ſpinis coronati. Latuiſſet  
perpetuò nobile hoc ſtrategema, ni poſtea manu aliena ſat  
operoſè extrahenda fuiſſet acus quæ ſub florido blandi-  
mento profundè ſæuierat; incertum tamen, acus an orna-  
tus exoſi circuli diriùs pupugerit Roſam ſpinis quàm ſer-  
tis amiçiorem.

Aliud. Affectabat muliebri ſtudio Mater Filix manus  
vanè poliri ad delicati candoris elegantiam ac nitorem.  
Huic uſui ſingulare genus ſuaueolentium chirothecarum  
emerat, vt ijs more fēmineo Roſa ſaltim geſtatione no-  
cturna cogeret ſuas manus in adſcititiā venuſtatem. Di-  
xiſſes, non Virgini chirothecas ſed victimæ ſartagineſ, &  
ignem apparari, adeo exterrita dirigit, ingemuit, hæſita-  
uit, donec ferociùs materno compulſa imperio obtempe-  
rauit munuſq; inuiſum admiiſit. Optabat numquam fieri  
noctem, ne ſibi lectulus adeundus eſſet cum tali manuum  
obuolucro. Adrepiſit tamen neceſſaria dormitionis hora,  
extinctum eſt lumen, & pauida Virgo primum ſoporem  
vix libans quas chirothecas induerat pyrothecas ſentire  
cepit, videbantur ſartæ mulcibero, nec videbantur ſolùm,  
ſed reiſſa vrebant, torrebant, aſſabant vtramq; manum.  
Adſtupuit nouo huic frixorio inexperta Roſa, gaudebatq;  
adeſſe licentiā qua manus tormento tam noxio exime-  
ret. Exēmit, viditq; luculentas è chirothecis promicare  
flammas; his deniq; totum collucere cubiculum, immine-  
re palam incendium: at ijs procul abiectis mox ardor,  
flamma,

flamma, cruciatus euauit, & Rosa miræ suauitatis refrigerio cœlitus perfusa dulcissimè conquieuit. Mane, facto crudeles chirothecas Matri placidissimè restituens totam rei seriem candore simplici exposuit, manus fibratim ambustas ostendit, ac ne deinceps ad huiusmodi reuocaretur supplicia obnixè rogauit. Verùm incredula Mater dum, pium hîc Filix commentum suspicatur, curiosius vtramq; inspexit manus, quas vt reuera pustulatas, vstulatas, torridas comperit, vt contrectauit, demum adtremit, desijtq; in posterum Filiam obedientissimam ad eadem incendia durius inuitare.

Verùm tamen inducix fu erunt istæ, non sincera pax, nam Mater ad alias artes breui conuersa nunc tentare Filiam, vt puellari vsu se comeret, vt collo monilia, brachijs armillas vultu cerussam pro more regionis admitteret, nunc instare seuerius, vt saltem formosam ( : qua tunc rutilabat adhuc ) cæsariem erigeret calamistris, vt bysso, simbrijs, cæteroque cultu nonnihil sese ampullaret, fucis ac linimentis roseam oris pulchritudinem gratiosè accenderet, gestu, habitu illecebris natiui decoris iuuaret hanc statem; demum obiurgare, percellere, cædere innocentem quod rudis, incompta, & incompressa supino ac nimio mundi muliebris neglectu abiret à seculi genio, quod infra coæqualium sortem viliissima singularitate descenderet, quod spem opulenti splendidique matrimonij quod ipsam natura formæq; præstantia vocabat ultro hypocrisis abiectionem corrumperet, sordidèq; præfocaret. Sed Virgo memor propositi, ac suæ pulchritudinis obtundendæ quàm acutè sollicitior hæc omnia defixis humil oculis excipiebat inuictis silentio, & quotidianam hanc dramem vsu ac dissimulatione surda concoquere assuescebat, quoadusq; vltima materni præcepti violentia deesset, cui refragari aut lentius parere æquale nefas putabat. Visum hoc Matri opportunum compendium quidquid veilet extorquendi,

proinde cum quadam vice obtrusisset Filiaē gestandam calanticam aureo sericoq; reticulo interfulgidam, vnā præceptum addidit, vt obediendi religionem iniiceret oblutaturæ. Hic Virgo inops subitanei consilij tantillam impetrauit dilationem, dum adiret Confessarium, cui anxie protestata est, nisi præceptum reuocaretur, se non posse non morem gerere Matri hoc gestamen imperanti, malles se huic quantumuis exosi ornatus redimiculo suum illigare verticem, quàm resistendo soluere ius quo Matris obligabatur imperio; subuenit ergo cordatæ Virginis pietati simul ac nodo prudens Confessarius, ac Matrem è vestigio conueniens grauitèr dehortatus est, cessaret tandem pretiosæ vanitatis inutili molestia tentare perplexam Filiam quam ab infantia Diuinus Spiritus præparauerat secretissimis instinctibus ad raram altioris sanctimonix sublimitatem. Extimuit Mater, sicq; & iste fluctus ne fluctuaret obedientia spontè detumuit.

Excogitauit tandem ingeniosa Virgo rationem idoneam, qua deinceps & Matris substatet imperio, & nihilominus reliquam de corporis sui cultu vexam redimeret. Itaq; tenerrimis blanditijs Genitricem obsedit, donec permissionem eliceret, qua decolorem rudemq; saccum ex obuia viliq; materia assumeret pro amictu, quod vestimenti genus nec immodestum est nec inusitatum foeminis, quæ à pompis & nuptijs alienæ sub simplicissimo cultu solitariam nituntur sectari deuotionem. Hoc itaq; castissimo schemate obarmavit se Rosa, vt illius præsidio à se longius repelleret omnem secularem muliebris ornatus vanitatem. Nec scellit euentus, nam sub eiusmodi luteo nullaq; tinctura infecto corporis sui tegumento Rosa tutissimè latuit vsq; ad vigesimum ætatis annum, quo tandem ad Dominicanæ togæ candorem subleuata: facile perrexit reliquas eludere pomposi luxûs insidias. Semel ergo sic abdicato exclusoq; mundo muliebri haud visum

Rosæ



Rosæ difficile , in ceteris quamquam arduis Parenti obedire . Vnicum huius paradigma dabo , vnde coniiciatur de reliquis .

*Canta* in Regno Peruano locus est metalli fodinis percelebris, at putris soli exhalationibus , & algore tetro admodum insalubris . Huc iussa Rosa cum parentibus secesserat , nec multò post noxijs illis frigoribus impar cepit in manibus, ac pedibus dira neruorum attractione laborare . Mater vim morbi præsentissimo ( : vt putabat ) remedio depulsura quorundam animalium illic frequentium hispidas pelliculas arctè circumposuit patienti Filia , sed addito iussu ne iniussa illas à se reuelleret, aut quoquo modo submoueret .

Quatriduum effluerat , quando applicitæ curæ recordata Mater silentem Filiam interrogauit quì valeret, quidue egisset de pellium inuolucris ? respondit ægra , se quidem nihilo melius ac ante valere, pelles autem ita vt Mater adstrinxerat , immotas adhuc sibi adhærere . Mirata simplicitatem parens dum pelliculas dimouet , videt harum mordaci ardore pustulatim Virginis carnem vesicatam, accensam, & turgidis vndiq; tuberculis vlceratam . Tum verò attonita , vt quid ( : inquit ) tot dies noctesq; exegisti sub his cruciatibus , nec abiecasti pelles quæ sic te excarnificabant ? replicuit morigera Filia : & nonne discretè vetueras Mater , ne illas absq; tuo nutu deponerem ? obediui .

Aliquando Mater exploratura tam accuratè obedientiæ prinitatem mandauit Filia , quòd sericos flores , quos tunc fortè pingebat acu , præpostero florum ductu formaret contra omnem artis idæam rectumq; ordinem . Paruit Rosa , obliquauit opus , flores absoluit . Tum Mater velut sub stomachans , eya inquit non flores sed monstra florum . Quid egisti ? itane oscitasti somnolenta dum has ineptias tam deformes tua imperita segnitie abortiret ?

cui illa respondit mitissimè, pariter quidè & sibi quamquā indoctræ visum fuisse talem pingendi modum oppidò peregrinum ac deuium, nec tamen ausam aliter quàm Mater præscripserat acum filumq; ducere, aut proprio arbitratu conari in aduersa, sese nihilominus esse paratissimam sue-  
re ac disfluere quacumq; iuberet Mater.

Quoties sibi per diem ad nendi, suendi, texendiue labores redeundum erat, numquam è scrinio semper è manu parentis acum, fila, colum ceteraq; opificio necessaria demissè postulabat, credens id deberi filiali Matris reuerentiæ. At hæc importunitatem rata, interdum cum bile, ac nausea reiiciebat filiam ad muliebris officinæ domesticum armarium, vociferans tot interpellationibus opus non esse, familiaris officij instrumenta vltro patere sceminis laboraturis. Cui Rosa, malebam (: inquebat) obsequij debito adiungere lucrum explicitæ obedientiæ, & materni respectus humile tributum vnà cum penso dependere. Tanti nimirum faciebat etiam leuiore parenti occasio-  
nes.

Triennio circiter ante felicem Rosæ obitum contigit, eam ab Illustri Matrona D. Maria de Vfatégui consorte Regij Quæstoris D. Gundisalui de la Massa è paterno domicilio inuitari ad suarum Aedium gratuitum contubernium. Obtemperauit Virgo, quia parentes iuebant, imò vt Gundisaluo & vxori in omnibus morigeram se exhiberet imperabant. Hic igitur non mutata sed duplicata fuit obediendi occasio, siquidem humilis Rosa paterno testō at non subiectione exemptam se reputans qua promptitudine domi propriæ eadem alienæ parebat, nec solum mandatis Gundisalui aut vxoris, sed ad nutum quoque filiarum, domesticæq; familiæ, vsq; ad infima domûs mancipia. Huius insigne specimen habes infra cap. 5. §. *Testa-  
tur.* Vbi leges Rosam in ipso mortis articulo morigeram Gundisaluo.



Sed longè mirabilior obedientia ultra mortem. Post Virginis obitum ancillula in Limensi S. Catarinæ Monasterio argenteum cochlear per incuriam perdiderat. Fundatrix eadēq; Cænobij tunc Præfesta iusserat omnes perquiri angulos, excuti scrinia, lustrari singula, sicubi amissum pignus inueniretur; quæsitum ubiq; & diu, geminatur cum quæstione anxietas, turbantur omnia, inuentum nihil. Neq; iam de argento sed de fama cruciabatur sollicitudo, nam periculum erat ne qua innocens temerè in furti suspicionem veniret. Itaq; Præfesta Lucia de SS. Trinitate ad pendulam illic Rosæ iam defunctæ imaginem conuersa, sub ingenti cogitationum tumultu erupit in hæc verba: audito Rosa benedicta, tibi ego præcipio sub illa obedientia quæ mihi in hoc Cænobio debetur ab omnibus, faxis inueniatur argentum quod perdidimus, in sancta veritate protestor tibi ò Rosa, tuum erit hanc curam suscipere, ut præstò sit cochlear dum à vesperis redeo. Redijt, quæsiuit circumspexit, & ecce cochlear propalam in mensa cellulæ vbi decies fuerat quæsitum. Nempe de obedientia Rosæ iam prædefunctæ remanserat, tam celebris apud omnes conceptus, tam alta præsumptio, ut crederetur; vel post mortem obeditura superiori cui nunquam in vita subfuerat, videbaturq; sat esse ad imperium, quòd sua illic hospitabatur imago.

Ex his quilibet facillimè æstimârit, quàm accuratè suis Confessarijs obtemperarit Rosa adhuc mortalis, nam ex quo vestem S. P. Dominici assumpserat, ab ore suorum Patrum spiritualium pendebat rora, & quidquid hi vel obiter innuissent, id Virgini nō mādatum sed cœlestæ oraculum videbatur. Quondam post lachrymarum prolixa diluuii capitis exinanitione languebat non sine discrimine, nec tamen solitis moderabatur vigilijs; admonitus Confessarius mandauit, à media saltem nocte horas omnino quatuor somno tribueret. Conabatur ad amissum parere

rêre Virgo, sed aliter assueta præscriptum horæ punctum seu dormiendo seu euigilando attingere non potuit, idq; sat fuit vt vehementi scrupulo torqueretur, velut rea violatæ obedientiæ. Notarunt hunc Rosæ spiritum domestici, & quotiescumq; roganda erat vt fomenta suo corpusculo admitteret, aut requiem captaret, aliaue se ratione fineret indulgentiùs haberi, subijciebant ita mandasse, Confessarium, statimq; Rosa sine replica planè infantiliter obediebat.

Sed redeamus ad Matrem. Quòd Rosa bibendi vices in triduum aut quatrimum differre sit solita, ex eo patuit, quòd legem sibimet indixerat, dum parentibus cohabitabat, numquam bibere nisi quoties veniam rogata Mater expressè annuisset, quodsi licentia in experimentum virtutis negabatur, plerumq; in aliud triduum fraudabat sitim, non priùs bibitura quàm Mater annueret: imò & quæsta est, ab ea sibi hanc veniam non crebriùs denegari.

Porro reliquam ipsius erga parentes obseruantiam, amorem, pietatem nulla satis capit historia: quàm sollicita iugiter sategerit vt genitorum suorum inopiæ provide-  
ret ex labore suarum manuum, quàm officiosa vt iisdem, ex morbo decubuis ministraret, adlisteret, pharmaca ceteraq; necessaria compararet, quàm deniq; attenta ac sedula, vt domesticas illorum præuerteret offensas, placaret animos, mitigaret afflictiones, singulæ propemodum restantur paginæ in iurato Processu. Quæstor Gundisaluus (: de quo supra, & frequentius in fra) tacitus mirabatur exhaustam viribus Rosam, ac diurnis operibus extremè lassam nihilominus in mediam vsq; noctem labori manuum insistere: Quæstoris coniux, vt semel infirmam vidit fatiscere, totoq; latere imbecillum ac stupidam vix trahendo spiritui sufficere, grauiter hortata est, labanti corpusculo tunc saltem ab ijs laboribus tantillum vacationis indulgeret. Reposuit operosa Virgo, se parentum suorum  
neces-

necessitatibus absq; scrupulo deesse non posse. Mirabilius est, quòd Ludouica Vrtado de Bustamante vidua Bartholomæi Alphonfi de Lombrera vexilliferi assenerat in Processu, Rosam tot Sanctis exercitijs interdiu noctuq; districtam, tot assatim morbis impeditam, tot supernis raptibus crebrò absorptam, vnico tamen die tot laborum pensa solitam absolueret, quot alia quauis etiam celerissima ac peritissima vix integro quadriduo absoluisset: & ne putemus ob tantam festinæ Rosæ velocitatem (vt fit) hiulca, manca, imperfecta prodijisse opera, affirmat præ alijs testis LXVIII. illa singula tam consummata fuisse perfectionis, elegantix, curæ, vt plerumq; metas humanæ artis & industriæ viderentur excedere.

Neq; hic stetit anxius amor ac sollicitudo filix conantis omni ingenio parentû egestatem subleuare. In domestico horto areolas discreuerat satius violis cura sua manuq; excolendis, quas simul vt maturuissent, fasciculatim collectas ancillæ dabat venum exponendas; lucellum qualecumq; illud Matri afferebat. Interrogata aliquando à Viro religioso (: teste xx.) quantum commodi suis parentibus ex tenui isto flosculorum mercimonio accederet, respondit, illud quidem permodicum esse, nî Sponsus cœlestis aliundè mitis at arcanis modis suppleret.

Si quando Patrem aut matrem deiecisset corporis agritudo, nil Filix antiquius nil sanctius nil solemnius erat quàm sepositis omnibus decumbenti seruire, medicinas conquirere, suis manibus parare, inferre, bolatimq; porrigere esculenta, refrigeria adaptare, applicare lenitiua. Tunc noctes transigebat insomnes, affidebat lectulo, stratum componebat, agebat omnia, præteribat nihil quod solatium adferre posset. Interim precibus, gemitibus, suspirijs pulsabat ad Cœli fores; neq; incassum. At hoc commodius miraculorum historiæ reseruetur. Vnicum istud singularissimæ pietatis erga Matrem & extremæ commise-

rationis specimen fileri hinc minimè debet. In ultimo vitæ iam iam fugiētis articulo Rosa dolentem Genitricem iuxta se conspicata, neq; ignara quàm immaniter hanc exanimaturus esset proximus ex Filix morte dolor, rogauit Sponsum, ( : isq; vltimus precantis anhelitus fuit : ) Matrem immodico mœrori imparem ac facile succubituram robusto firmaret solatio, adq; fatalem hunc ictum miseram obduraret suauis-potenti manu. Factum est ac abundantius quidem, quàm moribundæ Filix sollicita pietas flagitârat : simul enim vt Virgo spiritum reddidit, Matrem superne tanta solatiorum diluuiâ inundarunt, vt sub iuramento fassa sit, diu cor suum capiendæ huic dulcedini angustum laborasse sub quadam tempestate gaudiorum, ac velut pectoris intersepta perrupturum anhelis subsultasse tripudijs, ita quod in eodem Rosæ morientis conclaui querendus sibi fuerit secretior angulus, in quo li-

berius sub tantæ lætitiæ suauissima diuulsione

palpitans respiraret. Cum verò in vicinum

inde cubiculum vocaretur siue à cada-

ueris tristi dimouenda spectaculo, si-

ue vt cum alijs videret Aloysiam

tunc fortè rigentem in extasi,

ire distulit, ne angulum suum

tanti iubili conscium præ-

maturè desereret.

Numquam sanè

officiosissi-

ma

Rosæ pietas aut solici-

tius aut lautius re-

fecit Ma-

trem.

## CAPVT IV.

Rosa B. Catarinæ Senensis vesti-  
gijs ad sequelam prouocata  
tertium S P Dominici Or-  
dinem amplectitur.

**V**ariæ ac sine numero sunt viæ, anfractus, itinera,  
quibus Aeterna Sapientia selectas animas in subli-  
me perfectionis cacumen facit eluctari. At eidem pla-  
cuit electam Rosam de S. Maria peculiariter per Seraphi-  
cæ Catarinæ compendia ducere; quando vel maximè hu-  
mana prudentia ( : plerùmque inidonea Spirituum pondera-  
trix : ) importunè Virginem ad alias vocationum semitas  
diuertere conabatur.

In primis haud absurda spe tumida Mater iam à teneris  
filiolam nobili atq; honestissimo connubio destinarat : nec  
abludebant proposito egregia formæ venustas, acie iudi-  
cium, suauitas erectæ indolis, moresq; ad omnem ciui-  
litatis gratiam apprimè tum facti tum eruditi. Ex aduer-  
so credebatur innocens Rosa, tempestiuo ( : de quo supra )  
capillorum excidio, vt quondam S. Catarina de Senis, am-  
putasse spem Matris ac nuptiarum tendiculas, nec segniùs  
interea pergebat sui vultûs roseum decorem iciunijs dete-  
rere, eximiam corporis habitudinem sacco pannofo de-  
formare, publicos conspectûs fugere, & ne hominum pla-  
ceret obtutibus domi latère, adeo quòd toto illo quadri-  
enio quo cum parentibus in *Canta* morabatur, nec pedem  
ultra domicilij limen extulerit, nec vicinum deliciarum.

hortum videre dignata fuerit, nisi quòd semel dumtaxat ibidem ad inuiscendas Indicarum operarum molas iussa fuit Matronarum Filias comitari; quò vt peruénit, vnico semper angulo immota confedit, nullo abrepta famosæ curiositatis spectaculo. Verùm ne sic quidem effugere, sat potuit, quin complures tum celebri virtutis opinione, tum pudici vultus maiestate in sui admirationem, mox & honesti thalami ambitum inuita accenderet. In his Matrona quædam genere & opibus clara vni Filio suo Rosam coniugem sibi nurum vehementer optabat, utiq; felici commercio plus bonorum adeptura quàm datura cum hærede Filio. Placuit utrimq; tam lauta conditio, præsertim quòd Rosæ parentes vt facultatibus tenues, ita graues erant multitudine prolium, nam xi. numerabantur. Solus deerat consensus Virginis, quam voti sui memorem omnis mentio nuptiarum exanimabat, nec tamen impedimentum quo lubens-volens tenebatur, austere Matri audebat detegere. Inde quos quantosq; insultus, quæ domestica prælia, probra, conuicia à parente, fratribus, agnatis sustinuerit æquanimis at inermis Filia, nemo ad viuum propiùs aut comprehendit aut æstimârit, quàm quisquis ad S. Catinæ Senensis historiam respexerit, vbi Lapa Mater tenacem propositi Virginem inclementer obiurgat, premit, exagitat, nisi quòd in Rosam vltra verba etiam verbera, calces, alapæ sauiuerint. Præualuit tamen apud constantissimam puellam idæa Seraphicæ Magistræ suæ (: ita Virginem Senensem appellare consueuerat :) quàm à teneris elegerat statu, habitu, moribus imitandam, prout disertè in Processu testis LXVIII. asseuerat.

Videbantur in hoc vnum conspirasse omnia, ne Rosam Tertiariarum assequeretur habitum, quem tot votis ambiebat, tot suspirijs, tanto lachrymarum sumptu licitabatur. Nam ecce alia oblata est religiosi instituti via, quæ quidem Rosæ displicere nequiquam potuisset, nisi vnice ad

S. Cata-



S. Catarina Senensis alta vestigia fuisset cœlitus destinata. Consurgebat illis diebus Limæ novellum S. Clara Monasterium, totius sanctitatis, rigoris atq; observantię Sacramentum, auspicante Illustriss. D. Maria de Quisones, cui avunculus erat ille ipse famigeratissimus Dei servus Limensium Archiepiscopus tunc superstes, D. Turibius Alphonsus Mogrovejo, de quo supra, neq; huius incomparabilis Viri admiranda Sanctitas, Pastoralis zelus, numerosa miracula ignorantur Romæ in Sacro Rituum Senatu, ubi de illius apotheosi pridem ac strenuè agitur. His inquam auspicijs formabatur recens Monasterium, & vltro inuitabatur velut ad dignissimum tali flore Plantarium Rosam inter primas eiusdem fundatrices nominatim electa, censâ, approbata. Quod ubi certiùs rescivit, ante omnia sategit explorare Divinæ voluntatis beneplacitum, suæq; vocationis mysterium supremo Arbitro cernua commendavit, non recusans pro asylo sctæ virginitatis & coæquo sibi strictioris vitæ desiderio arduissimam oblari Cœnobij clausuram arduumq; viuendi genus amplecti, maximè quodd experimentis iam didicerat vix aliter se importunas procorum molestias, parentum, fratrum, domesticorum adfultum, mundi, immundi conspectum posse euadere. Sed en arcanum cœlestis providentiæ ! obstaculum à Matre fuit. Putabatur hæc prima omnium consensura, siue ob tanti Archiepiscopi reuerentiam, siue quodd onusta prolibus Filiam sine dote posset decentissimè accommodare. Obstetit tamen, causata domus inopiam, quam Rosa magnū labore sustentabat. Obstabat simul ætate morbisq; fatiscens auia, cui decumbenti vnica à fomentis erat, assiduq; ministerio. Obstabant demum alia, providente Numine, quod florido S. P. Dominici viridario hanc Rosam incomparabilem per tot ambages reservabat.

Hoc vt magis innotesceret, binis è Cœlo prodigijs opus fuit; primum hoc ordine euenit. Qui Rosam viderant adeo

adeò celestium auidam, adeò spiritualibus exercitijs, solitudini, macerationi corporis addictam, & seculi pertexam, suadebant idemtidem alicuius Monasterij ingressum, quo liberius vacaret Deo. Idem probauere demum Confessarij, vrserunt. Viri graues & spirituum magisterio spectabiles, quorum concordia iudicio vt suum Rosa humiliter submitteret, conscia & annuente aua successum tentauit per germanum fratrem, Diuino interim (: vt supra ) arbitrio se remittens. Iam in SS. Incarnationis Monasterio, (: quod sub regula S. P. Augustini militat :) à Sanctimonialibus Rosam exoptantibus admissionem locumq; inter nuncia fratris industria impetrârat, nilq; decrat, quàm vt relicta paterna domo clam sine pompa ac strepitu ad Cænobium rectâ pergeret valuis patulis admittenda, candidisq; ibidem lilijis interferenda. Ergo proximâ Dominica die ad pium hoc sui furtum electa in viam se coniecit, vnico germano suo latissimi itineris assumpto comite, ac ponè iuxta, S. Dominici vicinam Ecclesiam transiens in eam diuertit cum fratre, vt illic in Diuæ Virginis Sacello (: cui à Rosario nomen & cultus est ) maternam Augustissimæ Deiparentis benedictionem, velut opportunum suæ professionis viaticum præsumeret, exinde reliquum viæ alacrius decursura. Cæterum vix ad orationem humi genua fixerat, cum sensit pauimento sese immobiliter acclauatam. Sic hærentem & yltra conductum morosius cunctantem interpellauit frater, cundi tempus esse, longiori orationi commodius in Monasterio spatium fore. At Rosa, quòd loco-mouere se neutiquam posset erubescens, vnàq; dissimulans tentabat subinde, si quo modo se tanti prodigij secretissimo retinaculo explicaret. Interea bis, ter ab Ecclesiæ porta reuersus frater, cunctantem increpuit, moræ periculum exaggerauit, surgere conanti brachium subiecit: connituntur ambo, sed in cassum. Rupem dixisses adnatam solæ, aut ingentem plumbi massam, nulla trech-



tearum vi attollendam. Intellexit Rosa mysterium, nempe ex decreto cœlestis Sponsi non esse quod ipsa populosissimi illius Monasterij optato receptaculo sursum sese abderet, aliud de genere sui instituti prouisum esse in secreto Aeternitatis consilio, denique summa rei erat quod solius Catarinæ Senensis vestigia Rosam expectabant spinis seplendam. Igitur ut erat immobilis, ad S. Rosarij clementissimam Reginam conuersa, promitto inquit Tibi, me rectâ ad Matrem hinc redituram, ædesq; paternas quoad iusseris habituram pro Asceterio. Mirum dictu! repente quæ plumbum fuerat, se plumam sensit, nemine adminiculante surrexit, domum repetijt, Matri ingenuè rem ut erat detexit, proq; monastica aliud clausuræ genus (quod cap. X. referetur) de consensu parentis adinuenit.

Alterum prodigium. Limanus ager ut psittacos ita papiliones gignit colorum varietate ac elegantia planè mirabiles, ut ferè de vtriusq; gloria hi cum illis certare videantur. Fortè Rosa in Seraphicæ Magistræ suæ bicolori habitu attentius defixa secum de capeffendo Dominicani Ordinis amictu deliberabat anceps, cum ex ijs papilionibus vnus solo nigro alboq; colore pulcherrimè striatus leni sed minimè fortuito allapsu Virginem festinè circumuolitaui, illa confestim rapta in mentis excessum perspicuè intellexit quod animo dudum agitârat, nempe Diuinum id esse responsum de tertio habitu Prædicatorij ordinis tandem assumendo.

Nec fefellit euentus iam securam, nam paulò post obstaculis vndiq; submotis facta est voti compos, inq; Rosariano Deiparæ Sacello ubi quondam immobilis hæserat, solemnî ceremonia de manibus P. Magistri F. Alphonsi Velasquez Ord. Præd. sui tunc Confessarij (cui id P. Prouincialis commiserat) induta est veste bicolori quam in Senensi Magistra dilexerat. Contigit hoc anno salutis MDCVI. ipsa S. Laurentij Martyris festinâ die, cui haud  
absur-

absurdè aptaueris illud Tibulli: *lib. 2. Eleg. 6. At Laurus bona signa dedit, gaudere . . .* Sanè gauisa est Rosa, vt se vidit circūamictā varietate, cūq; Laurétio nouis ardebat ignibus, liquescebat in dulci iubilo, nouaq; Tertiaria reputabat se plus quàm nomine *Beatam*; Nimirum cū infante creuerat hoc desideriu, siquidē à quinto suæ ætatis anno S. Catherinæ Senensi iam sese addixerat, quod ex ore ipsiusmet Rosæ affirmant se percepisse testes. II. & XXII. in cit. scriptiùs Processu. Vbi verò Seraphicam eiusdem vitæ historiam domi per capitula legi audiuit, attentissima tamquàm soli legeretur sibi, medullitus se sensit inflammari ad sequelam, non quietura, donec & foris in habitu, & intus in fimbrijs aureis tantæ heroinæ ac Magistræ discipula conformaretur.

Verùm si Rosæ perarduum fuit vigesimo demum ætatis anno per tot obstacula eluctari ad Sacrum habitum, vix minori lucta ipsi constitit, eundem vsq; ad mortem retinere. Retinuit tamen, quamquam variè tentata vt alium assumeret: neq; enim cessabat humana prudentia Diuini ignara consilij diuersa suadere, offerre, ingerere quasi meliora ac digniora. Ex his duo referam quæ viatrici eius constantiæ validiùs incubuerunt.

Quæstor Gundisaluus vir optimus, quiq; apud Virginem sibi concreditam valebat autoritate imò & domestico imperio, seu sponte seu aliundè inductus suggerebat reformatam Sacri Carmeli Regulam quam Rosæ genio credebat aptiùs conuenire; instabat utiq; decentiùs in celebri Excalceatarum Virginum parthenone quàm foris inter vltimas Tertiarias militaturam Deo, vacaturam spiritui, inhæsuram contemplationi. Quod autem idonea careret dote, replicabat Quæstor, securam hanc totam sibi deposcere, acturum se omnia, vt à religiosissimo Monasterio haud grauatè admitteretur. Robustus hic fuit aries ad pulsanda Rosæ præcordia, maximè quòd ipsa quoq;

Mater

Mater cui res angusta domi contenta iam erat, pluriumq; seruorum Dei conspirabant arbitria. Rosa tamen si uocationis suæ tenax & certa, noluit tamen aut cerebrosa uideri, aut palam tot peritissimorum beneuola iudicia immodesto supercilio aspernari. Itaq; ut aliàs uis ingenio, selectis ex Ordine Prædicatorum quatuor præstantissimis Theologis rem permisit examini, pollicita id amplecti quod ipsorum potiora suffragia diffinirent; utpotè secura, Deum non permissurum, quod consonis horum calculis euocaretur ab humilioris instituti electa semita, quam Seraphica Magistra de Senis felicissimè præcalcârat. Voto respondit euentus, nam operante Numine supradictus Theologorum quaternio paribus utrimq; votis pependit semper immobilis, stupuitq; neutri partium occurrere pondus quo sese à tam constanti æquilibrio tandem explicarent. Vicie ergo constantia Virginis, quæ exinde fidentior Gundisaluum aliosq; suasores modesto ac graui responso interpellauit; se quidem re floridis oblato Carmeli desertis mirificè & capi & affici, ueruntamen solius Diuinæ non humanæ inspirationis proprium id opus ac munus esse, Spiritum ubi uult spirare, aptam regularis statutum electionem tum commutationem non esse uolentis neq; currentis sed misetentis Dei, sibi deniq; alios supernè impulsus non obtigisse hætenus; præter eos quos habitu protestabatur, uiuendum sibi moriendumq; esse sub charo S. Catarinæ Senensis schemate ac magisterio, adfore tamen aliquando tempus, quo huius nominis atq; instituti nouum Limæ exurgat Monasterium, at nondum se scire, num forsitan illi diuinitus sit reseruata. Certè dignus erat hac Rosa Carmelus, digna Carmelo Rosa, nisi hanc Ordini hortulano Rosarij altior zephyrus commendasset.

Eliso igitur hoc ariete superfuit alius, at omnium importunior quia subtilior, nam per ipsos humilitatis cuniculos infernè adactus quatiebat Rosam unius commotio-

ne scrupuli, qua patuit via cogitationi pauidissimæ, nimirum se sordidam peccatricem illo niueo Senensis Catarinæ velamento nimis indignam esse, plus eo vestis candore promitti foris quàm latèret intus, vni sibi deesse omnia quæ extimo nitore probè respondeant, proinde habitum, qui Seraphicæ Magistræ fuerat protestatium virtutis ac religionis symbolum, in se nonnisi laruam esse publicūq; vsurpatæ sanctimonix mendacium. Duplicabat angorem, quod alba vestis humano plausui videbatur ansam adiutumq; ultro concedere, nam Virgo gliscentem sui nominis celebritatem auersata dolebat ex candido indumento ab alijs fœminis internosci in publico, eminus se venientem monstrari digitis, notari oculis, laudari à prætereuntibus, ipsiq; S. Catarinæ Senensi nonnumquam ab obuijs comparari. Tormenta hæc erant, quæ Sacram illi vestem reddere exosam poterant, ac primò verècundè occultandam deniq; & seponendam suggerebant, vsq; adeo vt suum familiare asylum (: facellum dico SS. Rosarij, in quo Rosa habitū assumpserat:) cursim adierit quasi denuo illic firmitatè immobili radicada, solitoq; Magnæ Deiparæ præsidio tentationem molestissimam depulsura. Euēnit uti sperauerat; nam ad Aræ crepidinem defixis humi genibus inter orandum placidissimo animi deliquio sensim diriguit. Notarunt precantis vultum circumstantes eiusdem tertij habitus Sorores, videruntq; Rosam à Sacrae Imaginis obtutu supplici diu pendulam initio quidem exalbescere pallore niueo, post interuallum decora suffusione rubescere, deniq; tota facie lucescere ac scintillatim radiare. Coniectarunt subito quod erat, permagnum aliquid actitari, velut sub iride Rosarij, cuius mysteria triplici hac tinctura distinguuntur. Et verè sic erat, nam Rosa sibi ac genuino vultus colori demum reddita erupit in iubilum victoriæ: *Eya inquit Sorores, laudandus est nobis Deus, qui nos Tertiarias communni solida charitatis vinculo sibi dignatur adstrin-*

*gere ac perpetim sociare* . Obscurum ænigma perfacile capiebant ; quotquot præuij conficiæ concia fuerant . At Virgini pœana hæc erant debellatæ tentationis , quam ita fregit vt numquam redierit .

Tanto constitit victrici Rosæ candidum Seraphicæ Cætarinæ habitum & obtinere & retinere constantissimè . Porro quàm plenè cum illo Magistræ suæ virtutes induerit ( : quamquam id seqq. Capitis reponamus : ) ad coronidem huius Capitis vnicum id argumentum esto , quòd semel tacitè spectanti mirantiq; Confessario visa fuerit Rosa specie, vultu, lineamenti sic transformata, vt viua similitudine ipsissimam S. Cætarinæ Senensis effigiem referret .

## C A P V T V.

Rosa præiactò solidæ Humilitatis  
fundamento securè inædificat  
reliquarum virtutum molem.

**I**N suo Nihilo cominus ac penitissimè agnoscèdo quàm profundè iugiterq; Rosa perstiterit occupata , omnis humillimæ suæ vitæ clamat actio . Pauca hic è plurimis compendio substringemus . Parùm ei videbatur , quòd domi Filiam se obliça ancillæ domesticæ vilissima quæq; ministeria occupabat, nisi & infra ancillam sese demitteret . Mariana quædam seruiebat in Rosæ paternis ædibus , Inda genere, agrestis conditione . Hanc sæpius in secreta domûs parte orauit, exorauit, adegit Rosa, vt se deiectâ humi nunc pronâ nunc supinam calcaret pedibus, ac velut contemptibile peripsēma studiosè plantis detereret ; quin flagitabat

superaddi sputa, calces, verbera, nihilq; omitti quod extremi contemptus saperet vilitatem. Quòd si Mariana conabatur parcere, aut nonnisi obiter imperata exequi, acrius instabat supplex Rosa, nec nisi voti compos humose attollebat. Quotiescumq; ob singularitatem vitæ à fratribus aut Matre proscindebatur iniurijs, credebat se ijs imò & decuplò grauioribus tam dignam esse, vt etiam vltro quæ sibi imputabantur ad culpam, soleret in maius attollere, suumq; reatum amplificare, ne præter aut vltra meritum videretur affligi ac despici, quæ tantopere ambiebat vbiq; succumbere & conculcari.

Assueuerat morborum suorum (: quos in agro exhaustoq; corpusculo sustinuit crebros, & sæuissimos) celare magnitudinem, ne quis subueniret. At quando præ nimio aut cõuulsionū laniatus, aut per symptomatū periculosam violentiam dissimulari non poterant, ingenuè quantis distabesceret cruciatibus fatebatur, at ea dumtaxat spe verborumq; artificio, vt ex dolorum suorum immanitate, æstimarent homines quàm foret Rosa coram Deo enormis ac fœda peccatrix, quæ videlicet assiduè tot scelerum iustissimis vindicijs ab irato Numine meruisset flagellari. Hoc de se credebat ipsa, hoc itidem credi ab alijs per anxie cupiebat.

Inde est, quòd sapiùs coram intimis ac familiaribus suis timida frequentabat huiusmodi voces: mirari se, cur Deus nondum horribili abyssò demerserit infelicem Mundum, qui tantam ferebat peccatricem. Item, suis demeritis illum apud Inferos deberi locum, qui omnium sit infimus & summè infamis. Vilissimum se terræ pondus, abominabile generis humani carcinoma, purulentam sentinam ac fœcem esse, indignam cui luceant Cœli, cui aspires aer, cui tellus dorsum substernat, suo contagio inquinari elementa, suis piaculis grauari solum, amarescere Oceanum. Quoties improsperum quidpiam aut domi aut foris accide-



accideret, non dubitabat suis id imputare delictis; cūq; tā seriō ista & sētiret & diceret, ferre nō poterat, quōd eius innocentiae gnari talia credere recusarent; grauius dolebat si replicarent, ex mera humilitate similia dici; his regerebat, utiq; sibi quæ sola se nosset fidem habendam esse. Verū si eō procederent, ut refellendis huiuscemodi vituperijs encomia Rosæ laudesq; opponerent, expauescebat misera, ac velut fulminis ictu perculsa tremebat, pallore, silentio, gemitu mæstissimè protestans se torqueri.

Accidit quōd Gundisaluum Quæstorem Michael Garzes Canonicus familiariter domi suæ inuiseret; hic ille inter amica ut sit colloquia delapsus ad varia coepit narrare perfunctoriè, quæ Rosæ (: tunc iisdem ædibus cohabitantis :) mirabilem vitæ sanctimoniam, castigationem corporis, operumq; & morum præstantiam commendabant. Fortè de proximo conclauī hanc inuita percipiebat Rosa, confabulationem, sed laudum suarum nauseam non ferens exiliit præ dolore, inq; cubiculum interius ubi filiola Quæstoris Michaela erat, sese proripuit; ibi mox liberrimo eiulatu ac lachrymis suam amarissimè sortem incusans verberabat innoxium pectus, despuebat laudationis suæ cramben, caligabat pudore sui, utq; cruciatum cruciatu simul pelleret & vindicaret, pugnum crebrius impegit capiti ubi densioribus aculeis spinea corona (: de qua infra cap. VIII. ) tempora clam obsederat. Quæ sic vulnerabatur ex laudum molestia, qua putas animi iucunditate exceperit contemptum, probra, conuicia? Sed pergamus.

Quoddam perarduum heroicæ virtutis opus ad S. Catharinæ Senensis imitationem Rosa tentauerat, perfecerat, quōd cum ipsius valetudini summè noxium & exitiale crederet Domina Isabella Mexia, horrore pio stimulata, P. Magistrum F. Alphonsum Velasquez Confessarium Virginis admonuit, ut acerba reprehensione factum velut excessum temerarium improbaret, ac Rosam à similibus  
ultra

ultra vires tentandis absterreter. Increpuit ille Virginem, vtpotè nondum ex circumstantijs tunc assequēs, quid laudis illa potius meruisset. Verùm humilis Rosa velut culpam in opere sanctissimo agnosceret veniam deprecata, spondit emendationem, lata ibi se obiurgari, vbi maxime plaufumi vanamq; gloriam metuerat.

Quandocumq; ad Confessariorum pedes in suimet accusationem procumbebat, ita mox obruebatur lachrymis, interpolabatur singultibus, dehiscibat profundis ex imo corde suspirijs, vt credidisses nonnisi enormium flagitiorum ream esse quæ sic plangebatur. Comparebat velut altera in Ciuitate peccatrix, verecundabatur, tundebar precordia, trepidabat quasi iam iam crebri risu absorbenda; nec tamen in tanto humillimæ contritionis apparatu sufficiens materia semper adfuit in quam tutò proferri posset Sacramentalis absolutionis sententia. Certè hoc postea vno ore fassusunt Confessarij, pluries laborandum sibi fuisse, vt in tanta innocentissimæ vitæ puritate scrutando reperirent quod ad pœnitentiæ forum certò spectaret. E' contra non segnius laborabat Rosa, vt minimos quosq; defectus in immensum exaggeraret, serioq; ploratu ac gemitu posceret medicinam. Neq; his contenta, præter frequentes in hebdomada exomologeses insuper quotidianam sibi coram S. P. suo Dominico indixerat Confessionem, qua velut in Capitulo correctionis eidem culpas suas minutim exponebat, veniamq; & remedium ab eius suffragio humiliter postulabat.

Testabatur Gundisalui Quæstoris vxor D. Maria Vsa-tigu, quòd eius in ædibus dum triennium vixit Rosa, adeò sese omnium reputàrit infimam, vt non soli Patri familias & Coniugi, sed tenellis quoq; filiabus, imò seruis, ancillis, mancipijs domesticis subiecta ad nutum, singulorum æquè placita velut imperia exceperit, fauorem arbitrata, si quid sibi ceu precario in domum receptæ heriliter mādabatur, vnde

vnde & pro modico aquæ haustu flexis poplitibus à Gundifaluo (si forte aderat) libandi facultatem sibi exorabat. Grandia sunt ac proluxa quæ circa mansuetissimam Rosæ humilitatem notauit edixitq; Gundifalui domus, sufficiat hoc postremum. Decumbebat agoni proxima, cum in ultimo vitæ suæ horario quadrante offertur ei pro confortatione cordis pretiosus liquor sorbendus è cyatho; negauit ægra se posse: verum audito quòd ipse Paterfamilias iusserat, se subditam recordata paruit, sumpsit, exhaustit, tenui voce adijciens: ite nūciate Gundifaluo Domino meo, me quod reuera non poteram, ipso iubente potuisse, nec in ipsa mortis Ianua me fore immemorem quid hero suo debeat subdita. Qua vetò animi demissione tunc ad circumstantes conuersa petiuerit condonari sibi quidquid forsitan in eam domum aut familiam seu prauo exemplo, seu tetricis ac inofficios moribus deliquisset, longiorem exigeret periodum, nisi ad reliqua foret properandum.

Diu nesciuit Rosa, quidquam vel minimum in se reliquum esse quod laudi patèret aut pulchrum æstimari posset, doncc foemina quedam obiter manus Virginis conspicata (: vt est muliebre ingenium ad similia lynceum & insigniter oculatum:) commendauit in ijs candorem, decentiam, proportionem. Exhorruit Virgo ad improuisam tantilli præconij vanitatem, arreptaq; viua calce cruciabiliter manum vtramq; deformauit, vsque dum ardore mordacissimæ pellis vndiq; funderetur in rugas, bullulisq; sparsim tumesceret, eo quidem dolore ac damno, vt per dies 30. & amplius vestire seipsam Rosa nequierit, vnde ancilla Mariana in opem sibi aduocanda fuit: hæc verò post Virginis obitum rem totam vt gesta fuërat manifestauit, quam Rosæ humilitas (:vt alia maiora & plurima:) de more occultasset.

Pridem studuerat humilis Virgo omni arte natiuam speciosissimi vultus sui gratiam abolere, ne qua posset mortali-

talibus oculis placere, idq; non solum iugi inedia dirisq; macerationibus, sed & aqua gelida creberrimè toti corpori superfusa videbatur iam assecuta, dum in exangui facie præter obscurum pallorem & maciem cauernosam nihil conspicuum apparebat. Verùm vt comperit, his paulatim indicijs omnem austeritatem suorum ieiuniorum à curiosis deprehendi, æstimari, extolli, plus sibi à vanæ gloriæ laudumq; tinea quàm ab eximiæ formæ præstantia timendum rata cõfugit ad solitum orationis præsidium, anxijq; precibus impetrauit à Deo talem sibi aptari vultum, qui saltim abstinentiæ suæ rigores ac tot ieiuniorum extima signa mortalium oculis non vendicaret. Mirum dictu. Mox redijt genis detritis viuus color, reddita faciei corpulentior plenitudo, fronti nitor, luminibus vigor, vt prope modum iurari potuisset, Rosam quid sit ieiunium penitus ignorare.

Inde lepidum obuénit quibusdam Argis per otium curiosis, qui in feria sexta Parasceues fortè in Templi vestibulo confabulantes obseruauerant Rosam cum Matre domum ab Ecclesia redeuntem. Transegerat Virgo totam illam Quadragesimam solo pane & aqua, sed præsertim illis hebdomadæ Sanctæ postremis diebus vix micatim aliquid cibi admiserat: insuper à furno manè præcedentis feriæ V. (cui nomen à Cœna Domini:) continuo vsq; ad istius feriæ VI. meridiem immota perstiterat in eodem S. Dominici Templo, vigilias agens coram Sacrosancta Hostia tunc de more in S. Sepulchri arculam solemniter illata, nec bolum aut aquæ guttulam toto illo 30. circiter horarum interuallo sumpserat. Dum igitur supradditi congregerrones inde ad proprias ædes cum matre redeuntem vident roseo vultu instar auroræ subuiuïdam, aspectuq; vegetam, amānam, & minimè decolorem, temerè suspicati sunt, Virginem venire ab epulis ac lautitie, sonoreq; ac liberè in prætereuntem iocati, en (inquiunt) moniale



fuit, grādia ac miranda detexit quia debuit : attamen vltra interrogata ne quid responderet, cautelam, & parsimoniam verbis suis appendit in trutina. Vnde quæ tunc verrecundè inuita aperuit perpauca ac penè vulgaria crediderim, si conferantur ijs quæ Rosa sub Diuino Secreti beneficio ac humilitatis sigillo retinuit obfignata.

Fauit mirabiliter huic virtuti Deipara humilium idæa, siquidem ipsamet adiunxit Rosam instrumenta suæ mortificationis humiliter occultantem. Res ita se habuit. Ecclesiam S. Dominici de more precatura adierat, cum illic existentem subita consternauit recordatio vnus ex varijs instrumentis domando corpusculo adaptatis quod ipsa domi fortuito reliquerat loco patulo vbi facile ab aliquo domesticorum absentis cubiculum ingressuro videri poterat. Expalluit confusa Virgo, timens hoc indicio deprehensum iri, quantum exercitijs poenitentiae soleret incumbere. Confestim igitur ad Virginem Matrem obsecrando conuersa rogauit anxie, periculo succurreret, ipsumque instrumentum in altero locorum quos ipsa mente designabat reoenderet. Statim euauit metus, abscessit pavor, & Rosa ab oratione domum regressa instrumentum suum reperit non vbi reliquerat, sed vbi illud à Matre Gratiae recondi flagitabat.

Tantam eius humilitatem indiuisè comitabatur suauissima mansuetudo, placida affabilitas, mite supercilium; mirati sunt quotquot eam nouerant, numquam ab illius ore excidisse verbum duriusculum, obstreperum, criticum, numquam auditum sermonem iactantiae, fastus, ostentationis, nihil in moribus aut motibus apparuisse tetricum, vel subrisse quod acidam saperet austeritatem. Tota serena, comis, benigna, de se nesciebat altum sapere, sed tantum subijci omni humanae creaturae. Negasset Rosam esse quæ aded carebat spinis, at sustine, nam in semetipsam, tota spinosa fuit, quod ex varia corporis sui castigatione proxima. 4. Capitula fusè docebunt. CA-



## C A P V T VI.

Rosæ mira abſtinentia, prodigioſi  
ieiuniorum exceſſus.

**F**undamento tam profundo, lato, ac ſolido dignum, fuit ac tutum, prægrandia, excelsa, ponderoſa ſuperſtrui faſtigia. Sanè vim narrationis tranſcendunt quæ de Rosæ ieiunijs ieiunè ſatis innotuerunt, nam vt diximus, latent plurima. Hoc ſummatiè conſtat, Virginem per S. Catharinæ Senenſis veſtigia gradatim abſtinendi, ieiunandique uſum fermè ad ipſum uſq; inedia culmen mirabiliter produxiſſe. Suo ordine diſpiciamus ſingula.

Nondum infantix pannos & annos pupula exceſſerat, cum ſibi (: quod illi atarulæ peregrinum & graue eſt) omni fructuum eſu interdixit. Sæpe obſtupuit attenta Mater; paruulam ſuam nulla talium cupediarum aut ſuaui- tate aut varia pulchritudine capi, nam fructus ſibi datos, mox alijs donabat, numquam vel primis labellis admo- uebat. Sexennis feria IV. VI. & Sabbatho (nî Mater aut Medicus ad aliud cogerent) omni prorsus abſtinebat ob- ſonio; niſ præter panem & aquam deguſtans. Anno atar- tis quintodecimo votum emiſit, toto vitæ ſuæ decurſu ab- ſtinendi à carnibus, quoad permitterent ij quibus obedi- re teneretur. Hoc in tenera puella canæ prudentiæ mo- deramen fuit, quò ſic corpusculo ſuo detractum voluit vt ſimul alieno in ſe iuri atq; imperio nil detraheret. Inter- rim cæcæ filiolæ ingenioſa non deſuere ſtrategemata qui- bus Matri diu occuleret hunc ſeuerum abſtinentiæ teno- rem, ne ab ipſa valentionibus edulijs veſci cogetetur. In- terdum nobiles Matronæ deuotionis, ergo Matrem cum

Filia in suas aedes inuicabant, epuloq; sobriè instructo rogitabant utramq; secum vnà accumbere. Durissimum id erat frugali Rosæ quam vel odor carniū offendebat. Sed parentis Matrōnis, quā Filia complacendi studiosior iubebat hanc omnino carniū vesci ne inurbana singularitate adstrictioris parsimonie videretur. Mensæ honorem profanare. Parebat mæsta Filia, sed maximo irasucti stomachi supplicio, nam quidquid carniū reluctanti ingesserat, paulo post captato secretiori angulo totum supernè reddendum erat non sine miserabili cruciatu. Quodli aliquando æger ventriculus buccellam exosam nulla vi potuisset eluctari, paroxysmus erat in foribus, ac nauseantem ardentissima febris inuadebat. Nec mitiori successu obediēbat Medicis, si quando aut languentem aut lentius cōualescentem tentabant esu carniū ad vires pristinas reuocare; tantum enim aberat isthoc genere alimenti iuuari infirmam, ut etiam à bolo velut à toxico recidiua magis debilitaretur, morboq; redintegrato non ægra sed ægritudo vires acciperet. Semel ex morbo sat ancipiti emergerat, utq; citius instauraretur, ex præscripto Medici paucillum carnis pauenti eius stomacho obtruserant, cum ecce repentina totius corporis lassitudo, mox tremor & deliquium prostrauit miseram, subitumq; pectori ac pulmonibus asthma incubuit, pressit, ac respirandi facultatem interclusit. Vix pluribus horis hac sese angustia Virgo explicuit, ac per aliquot dies nec passum progredi nec planis consistere potuit, donec restituta sibi consuetæ abstinentiæ potestate sensim & ipsa restitueretur sibi. Iam penè conualuerat; & denū inuitam ad carnis ferculum, compulerunt: denuo item rediere prædicta symptomata, nec remedium nisi ab usitato panis & aquæ pastu superfuit.

Laborabat frequenti ischiade, ac plerumq; ea dolorum vehementia, quæ stomachi fundum euerteret. Sub hoc

tormento integros quandoq; cum noctibus dies sine cibo transigebat: verum sedato nonnihil cruciatu mox instabat domesticorum pietas vt è carnibus iusculum admitteret. Ipsa hoc vrbaniſſimè recusato potiùs deposcebat familiarè sibi adferri dapem, panem & aquam; his allatis velut pollucibiliter deliciatura panis medullam intingebat frigida; eâq; sumpta post modicum surgebat è lecto quasi refecta satiq; opiparè recreata. Quæstor Gundisaluus domi suæ bis terue hoc medicamine non anaretico sed planè anachoretico vidit Rosam conualescere, protestans nequam se capere, vnde huic ieiunio vis nutriendi inesse.

Ibidem alia vice obseruatis in Virgine manifestæ debilitatis nimijs indicijs voluit idem Paterfamilias, quòd ex ala coctæ auiculæ quid modicum sumeret quo labentem stomachum nonnihil erigeret. Rosa tot iam edocta malis attamen vrgenti conabatur obtemperare. Vix bolum glutauerat, cum præſaga periculi comiter mensam reliquit, in vicinum conclauis Oratorium se proripuit, valuas adduxit; cumq; de more sub seram noctem pallidula inde prodijſſet, Quæstori & Coniugi subtrepidè facta est, minimum abfuisse quin exiguum id quod ex auicula gustauerat morte lueret, præ dira pectoris obstructione quæ miseram prope suffocarat.

Impulerunt cruda hæc experimenta commiserantem, Quæstorem, vt Virginis Confessarios, Medicos, parentes; sigillatim ac penè adiuratò obsecrauerit, ne deinceps imperatò carniū esu Rosam in vitæ discrimen adductam vellent, sufficere tot euentuum tragica specimina in testimonium promptæ vltra vires obedientiæ, crudele ac Deo palam ingratum fore quidquid vlteriùs tentaretur ad oppugnandam Rosæ abſtinentiam, à qua tam perspicuè illius vita pendebat. Audebat & Rosa sub tali aduocato liberius præoccupare Medicos ne quam sanam vellent, car-

nium edendarum obiectu trucidarent, imò & alia quæcumq; vegetioris succi esculenta se admitturam negabat; ita vilum esse Numini, cui ipsamet naturæ ieges famulantur ad nutum. Alludebat forsitan supernæ quam recolebat visioni, qua Christus increpanti blandienti;q; mediis Rosam docuerat, velle se ab ipsa tam rigidis abstinentiæ exercitijs constanter honorari, sibi illius vitam ac valetudinem curæ cordiq; fore, nec diffidendum, quin ille qui pro ea suam in Cruce vitam prodegerat, qui extrema fusi pretiosissimi sanguinis gutta ipsam tã carò emerat, qui in eius animam tot Gratiæ thesauros tantamq; cœlestium donorum opulentiam congesserat, demum & terreno suo corpuseculo id præstiturus sit, iamq; præstiterit, quo carnis edulio carere possit. ) Ergo cedat Aesculapius, quiescite ò Medici, nam Diuinum est mysterium hoc quod cernitis.

Tardiùs Matri persuasum fuit, vt Filix tam seueram tenuissimi victùs ratione formamq; æquanimiter indulgeret. Quoties aut nimiam in exangui vultu maciem, aut vires infra mediocritatem deiectas notabat, vnã hanc rigidã castigatissimæ parsimoniæ dixtam instar atrocis delicti vocabat in crimen, vociferabatur impatiens, ac penè illismet quibus olim in S. Catarinam Senensem Lapa Mater, tonabat verbis, singularem, obstipam, ac suis ipsius carnificem proclamitans. Cumq; nec sic proficeret, imperiosa præcepit, quotidie secum deinceps accumberet communi mensæ cum familiâ, visura demum, quid quantumq; manducaret. Vicissim à parente Filia supplex impetrauit, saltem ea sibi permitti ac parari fercula quæ non modò ingerere sed & digerere posset. His vltro citroq; velut ex pacto mutuo constitutis prudens Filia culinariam ancillam Marianam suarum partium fecit. Huic dextrè ac sub fide silentij extorsit, vt sibi in singula prandia solam pararet offam ex panis frustis & herbarum pugillo, at sine sale & condimento, simplici aqua decoctam, pauculis dumtaxat

vuis passis nonnumquam inspersis, vt Matri in singulos bolos attentæ videretur genialiter obsonare ac dulciter, vbi rarus bolum augebat acinus. Sed diuersissimum erat quod reipsa gerebatur, nam herbæ quas sibi Virgo in pastum singulari cura selegerat, amarissimæ erant, & agrestis saporis malignitate torquebant palatum. His delicijs mulcebat gustum, quibus ne simile condimentum abesse, persæpe cineres admiscebat.

Audierat in vicina sylua pronasci herbam insigniter præ ceteris amaram: hanc sibi clam adferri, ex ea deinceps insipidum pulmentarium sibi iussit apparari, & ne tam exquisitæ prouisionis annona deficeret, herbam eandem, suo hortulo implantauit, suis manibus sollicitè coluit, persuadens Matri, valere in vsum medicinæ. Semel curiosa Parens in horti sepimento vasculum reperit felle veruccino plenum; statimq; suspicata id quod erat, Filiam interrogauit, cur eo loci id abscondisset, aut cui bono? Rosam, deprehensam se videns simpliciter respondit illo se vti ad offulam suam inspergendam. Egregium sanè stimulandæ orexi proritamentum. Innotuit postea (: reuelante ancilla Mariana) Rosam omni ferè diluculo quo Sacra Synaxi reficienda non erat, austero hoc fellis promulgidario in Dominicæ Passionis memoriam os totum imbucere solitâ. Præcipuè tamen sextis ferijs velut ex acetosa sponsia cum Christo in Cruce pransura ex eodem felle & panis crustula sibi componebat electuarium mordaci aceto & copiosis lachrymis stillatim superfusus; suo idiomate *Gaspachos* appellitabat hoc genus embammatis quia frigidum sumebatur. Deficiente fellis copia succedebant in vicem folia quædam amarissimi fruticis quorum succu & masticatione Christi in morte sitibundi hyssopum malè iurulentum, faucia cogitatione recolebat.

Fruticat in illo occiduuarum Indiarum fertili tractu plânta mirabilis, *Grandilla* vernaculis dicitur, Latinis rei tam

ferò ysa: proprium adhuc deesse nomen crediderim, nisi quòd supplente periphrasi *Elorem Passionis* vocitet fidelis Europa. Hic mirifico naturæ lusu pleraq; Dominicæ mortis nostræ redemptionis instrumenta velut in exigui proscenij compendium sese conspicuè explicant, nam inter foliola cœuentis maculis venustè dispuncta assurgit columbula flagellati Dei statumen, huic infernè spinea coronâ circumiacet, supernè tres clavi infixi prominent, foliorum ambitum quasi filatim pendula flagella interstinguunt, medium sinum acervatim implent granula eximij saporis. Itaq; Rosæ in cibum placuerunt huius benedicti floris non grana quia dulcia, sed pampini quia amarissimi: his decoctis vesceretur libentius, quòd & succi amaritudine & floris sui cognatione aptius Parasceuen quàm prandium repræsentarent.

Transendum nunc ad ieiunia, tametsi dubitari haud immeritò possit, ab ipsa esurie an à talibus cibis durius esse tormentum potuerit. Monuère, qui de Rosæ virtutibus post obitum solemniter testificati sunt, duplex ieiuniorum ei fuisse genus, vnum commune quo semel in die pertenuem panis & aquæ libabat refectiunculam at non nisi sub noctem; alterum verò appellabat suum, quo per totum diem noctemq; penitus gustabat nihil. Primum, tametsi prope quotidianum esset, præsertim vltimis vitæ annis quos in Gundisalvi Quæstoris ædibus consummauit, peculiare tamen quotannis ad normam Dominicani instituti septem illos continuos menses observabat, qui festo Exaltatæ S. Crucis & Paschati Resurrectionis interfluunt Ostillis ieiunio consecrati. His igitur mensibus etiàm herbarum panisq; diminutione accuratiùs se macerabat, donec ineunte Quadragesima omnem sibi omnino subtraheret panem, solis malorum aureorum seminibus parcissimè victitans, nam ex ijs non vltra quinq; sumebat sextis ferijs adiecto solo veruecini fellis haustu, vt hac lautitie quinq; plaga-



plagarum Christi acerbiter præsentius ruminaret. Residuo anni tempore panis mensuram tam sibi curtam indixerat, ut quod vnica diei sat esse credebatur, integro vix octiduo totum absumeret. Dum Rosa adhuc domi propriæ suæ de quo infra Reclusorium inhabitabat, Gundisalui Quæstoris vxor ei hebdomadatim mittebat rudioris panis octo placentulas, ut dietim vna ad minus necessario victui tota impenderetur. Sed euoluta septimana, ac superueniente totidem recentium panum demenso inueniebatur, Rosam ex octo panibus permodicis vnum dumtaxat cum dimidio per totam illam hebdomadam comedisse, restitutis nimirum sex reliquis cum dimidio qui in penu superfuerant.

Nescio, ieiunium an planè *inediam* appellauero quod sequitur. Obseruatum fuit, Virginem cum pane vnico illoque sat exiguo & aquæ vasculo integram dierum quinquagenam transgisse absque omni alio cibo aut potu nimirum à Paschate Resurrectionis vsque ad Pentecosten. Item alio anno totam eiusdem quinquagenæ intercapedinem decurrit prorsus sine potu, ne guttulam aquæ sorbens. Vbi verò Quæstoris eam domus contubernalem excepit, nil nouum fuit, si complures continuos dies absque vilo omnino alimento trans mittebat: plerumque etiam feria V. solebat ibidem se domestico Oratorio includere, nec inde se mouere vsque ad Sabbathum, ita quod infra hoc triduum planè insonnis non modò carebat omni cibo potuque corporali, verum etiam (quod Quæstorem Gundisaluum maximè rapiebat in admirationem) toto illo tempore remanebat vni affixò angulo, ut nequid ad momentum pro quacumque necessitate ab illo discederet. Nempe corpusculum ex inedia vacuum sustentabat pinguedo Spiritus, cui celestium meditatio sagina erat.

Aliquando Communicanti solæ species Sacramentales tantum roboris contulerunt, ut in fortitudine cibi illius

toto octiduo nullum aliud nutrimentum admiserit. Semel extra consuetum tempus quid modicum sumere coacta, cum illud stomacho retinere non posset, reddidit, ac velut intemperantiæ rea seipsam decem dierum rigida inedia damnauit.

Deniq; vel in simplicis aquæ potu adiuuenit, quo siue biberet siue abstineret, gustum fraudaret: nam vt faucium ardori leuamen ac refrigerium subtraheret, integras hebdomadas transigebat sine potu, bibitura verò non frigida sed calentem sorbebat lympham, metuens in aqua subgelida tantillum inuenire deliciarum; Causam rogata, aliam dabat, nimirum hac ratione se mederi somnolentiæ, quam aquæ præsertim frigida haustus prouocaret. Alia minora præterire hæc liceat, cum putem ista sufficere, vt de inimitabili huius Virginis frugalitate victusq; parsimonia nil vulgare conijciatur.

Longè mirabilius fuit, quod notarunt domestici, Rosam plus viriū semper hausisse à ieiunijs & longa inedia quàm à cibo corporali; verum (vt infra narrabimus) etiam hoc ipsi cum Magistra sua S. Catarina Senensi commune fuit, quòd os famelicum vulnerato Christi lateri applicuerit, siquidem extra hunc fauorem & fauum tam discipula quàm Magistra non nōrant aliud quo saturari possent.



## CAPUT VII.

Rosa tenerum corpus cilicij, flagris, catenis domat.

**M**Irum in arido totq; ieiunijs extenuato corpufculo  
 superfuiffe locum qui flagella exciperet, fanguine  
 qui verbera fequeretur. Nihilominus Rosæ tantus inerat  
 castigandi corporis ardor ac ftudium, vt ei per Confeffa-  
 rios modus fuerit imponendus. Inirio, cum S. Catarina  
 de Senis gellare cepiffet habitum, non contenta vulgari-  
 bus funiculis, duas fibi catenas ferreas aptarat in flagrum,  
 hisq; ad imitationem S. Patris fui Dominici per fingulas  
 noctes tam durè ac dirè fibi dorfum & fcâpulas cruenta-  
 bat, vt riuus fanguinis in parietibus, in pauimentò, in fubli-  
 gaculis fuerint notati. Credebat innocens Virgo fe fuis  
 peccatis has debere vindicias. At præterea publicarum,  
 miferia calamitarum, fatagebat his modis ad exemplar  
 fuæ Magiftræ placare Numinis iram, mitigare iuftitiam,  
 vnde nunc pro ærumnis totius S. Matris Ecclefie, nunc  
 pro anguftijs periclitantis Reipublicæ cruentam feſe victi-  
 miam cadebat inclementiffimè, vt clementiam impetraret,  
 plagifq; plagas auerteret. Si qua aut Regno Peruano, aut  
 Vrbi Limenſi patriæ fuæ flagella diuinitus imminebant, fu-  
 is conabatur flagellis diuertere: nec animarum in purga-  
 torijs flammis bullientium immemor duplicabat icûs ca-  
 tenarum in noua cruoris profluuia quæ rogi partem extin-  
 guerent. Pari ſumptu connitebatur Agonizantibus impe-  
 trare ſubſidia pro illo tanti momenti ſupremo momento à  
 quo pender æternitas. Cæterum pro culpis alienis, pro  
 compensandis Peccatorum in Dei Maieſtatem iniurijs, pro

eorundem conuersione ad frugem meliorem dici non potest quot flagellorum sulcis, quot vibicuni liuoribus se ipsam in dies exararit, nesciebat ferias quotidianus feriendi labor & dolor, quem sic dispensabat per diuersas corporis partes, vt dum vnus plagis detumescendi & coalescendi dabatur vices, transiretur ad alteram, ab hac verò postridie reditus fieret ad priorem vix dum coalitam; porro hæc verberum alterna sed cruda vicissitudo tantò diutius cruciabat, quantò acrior sensus inerat partibus pridie læsis. Assueuerant domestici (: quamquam inscia Virgine) ex ædium parte secretissima per singulas noctes audire hos disciplinarum ictus, at semel vltra solitum cohortuerunt, dum Rosa nullo iam læsarum aut illæsarum partium discrimine vehementius ac diutius in se totam desæuiebat plagarum strepitu latè sonoro. Occasionem dederat popularis quædam in Limana Ciuitate turbatio leuibus (: vt assolet) orta principijs. Vir Apostolicus, ac Seraphici Ordinis iubar eximium Venerabilis P. F. Franciscus Solanus in vita & post mortem constanti fama Sanctitatis ac prodigiorum gloria clarus, pro concione obscurius fortè nonnulla protulerat, quæ Limensium vulgus prauè intellecta detorserat in sensum prorsus alienum. Hinc subitus pavor totam peruasit Vrbem quasi ex publico P. Solani vaticinio terræ hiatu proximè absorbendam, quod tamen ille nec dixerat, nec somniarat. Rosa periculi admonita quo tum Sancti Viri celebre nomen tum marcentis Limæ nutabat tranquillitas, mœsta indoluit, noctemq; illam horrifonis flagris in sua carne depurpurauit, vt proprii sanguinis hostimento sopiret comunem populi sui turbationem quæ cordatis periculosior quocumq; terræ motu videbatur.

Magister F. Ioannes de Lorézana Confessarius Virginis cum hunc disciplinarum rigorem imbecillitati corporis paulò æquius censuisset attemperandum, Rosa maximis ab eo pre-

eo precibus extorsit, quo saltem liceret sibi intra certum dierum spatium verbera quinquies mille sibi infligere qui piè creditur esse numerus ictuum quos in sua crudeli flagellatione Christus excepit. Hac permissione obtenta æquè sollicita erat Rosa, ut eum numerum non transiliret, quàm ut impleret. Siquidem ne transiliret, novam à Confessario permissionem toties exorabat, quoties aut aliqua proximorum necessitas, aut causa publica videbatur peculiarem ab ea succursum exigere. Ut autem impleret, observabat attentissimè quot diebus subinde ex infirmitate decumbens ab usu quotidianæ disciplinæ fuisset impedita, subductoq; diligenti calculo ubi conualuisset, ita in proximam dierum periodum diuidebat omissorum ictuum portiones, ut compensatione facta permissum numerum 5000. exactè adæquaret, nec segniùs numerum præsentis dierum periodo tunc respondentem unà absolueret. Pari obedientia suo Confessario adquevit, quando nimiam ferreæ catenæ atrocitatem in aliud ex filis contortum at nodosum asperumq; flagellum præcepit commutari, ut sui Ordinis communiore usui humiliùs sese conformaret. Proinde Rosa ferreum hunc scapularum vomerem sanctiùs nec posuerit an sumpserit, in medio relinquo.

Porro quàm auidè in pœnitentiæ exercitia propenderit Rosæ genius, iam inde fermè ab infantia serijs præludijs abundè ostenderat. Quadriennis erat, cum tenellos humeros (: quibus flagellandis tunc adhuc deerant rudi puellæ funiculi :) incepit vexare nunc crudorum laterum ponderibus, nunc grauis trunci onere, velut ex tunc conata baiulare Crucem post Christum sub infamis ligni molestia laborantem. Mariana ancilla domestica horum arcanorum sola aliquamdiù conscia, sola Virgini à secretis erat; hanc itaq; nunc in remotiorem horti angulum nunc in solarium domus seuocatam flexis humi geniculis precabatur, ut (: quod fuisset ipsa manibus tenella nondum poterat

poterat) humerulos suos vi laterum ibi sparforum oneraret; sub ea mole, grauiq; obtritu durabat paruula in oratione proliza & laboriosa, tandem innuebat ancillæ, sine strepitu pondus auferret, ne fortè superueniens Mater furtiuæ deuotionis turbaret scenam, aditumq; similia iterandi præcluderet.

Alijs vicibus sub eodem silentio rogabat sibi grauari scapulam informi trabe; collectisq; exiguis viribus conabatur obnixa sufferre durissimam sarcinam dum preculas suas bene longas absolueret. Aestuabat impar oneri, gemebat, obluçtabatur, donec interdum victa premeretur vsq; ad solum. Rudimenta hæc erant seuerioris militiæ, quam ætas maturior vt promittebat animo sic corpori minabatur.

Nondum quartumdecimum annum egressa fuerat, cum notari cœpit inter alia poenitentia opera, quod noctu perambulabat hortum nudipes imposita sibi oblonga Cruce, quam dum liuidis gestabat humeris, semetipsam crebris genuflexionibus terræ allidebat, amarissimam Caluarie viam a quis tum passibus tum suspirijs dimetiens; nec vlla malignantis auræ intemperies, non horrida obscuritas, non frigora, non turbines ventorum insuaues erant Virgini vndequa; suo corpusculo quidquid incommodorum poterat accersenti.

Inhibitum ei fuerat (: vt supra attigimus ) ne ampliùs ferream catenam in vsum flagelli adhiberet. Ipsa rem sic interpretata est, non vt omnino sibi catena parceret, sed tantum non caderet. Itaq; hanc lumbis suis triplicato circumductu fortissimè adstrinxit, extremis commissuræ anulis feram immisit, clauiculam abdidit vbi recuperare nec ipsa posset. Occultissimum hoc erat tormenti genus, quodq; vel diù vel fortè semper latuisset vniuersos, nam Rosa vel ipsam operum suorum Secretariam Marianam huius insciam voluit, sed noluit Deus; vnde sic demum patuit:



patuit : Nocte concubia Rosam in strato acutissimus co-  
 xendicum dolor inuaserat, sentiebat afflicta totum à cate-  
 na malum esse, velut quæ per extrittam pellem hinc inde  
 carni neruisq; profunda incumbibat, vnde renes & latera  
 ferri algor in atrocissimi doloris consensum attraxerat.  
 Angebatur Rosa, quòd se sola nec rumpere noxiam cate-  
 nam, nec sine claue seram disfibulare poterat. Crescebat  
 interim sub indissolubili vinculo atrox Ischiadis cruciatus  
 qui demum inuitæ Rosæ post longos gemitus etiam mise-  
 randos eiulatus extorsit. Euigilans Mariana profilijs, ægrâ  
 subleuatura accessit, obsequium quodcumq; in rem foret  
 obtulit, simulq; de morbo ac morbi causa perplexè inter-  
 rogauit. Hic misera Virgo secretum suum prodere debuit,  
 vt ab ancilla consilium modumq; exquireret, quo soluatur  
 catena priùsq; quam experrecta Mater in auxilium vtriq; ac-  
 currat. Tentarunt ambæ quid possent, alternabat vices-  
 lucta & consultatio, sed neutri cedebat tenacis seræ firma  
 contumacia. Meminerat ancilla, eiusmodi seras valida  
 contusione nonnumquam aperiri, dum igitur abit quæsi-  
 tura saxum, anxia Rosa Matrem aut vocari aut sponte mox  
 affore timens ad orationem confugit, quæ instar clauis &  
 Coelum, & seram penetrauit. Mira res, cum saxo re-  
 diens Mariana audit sonoro crepitu seram spòte dissilen-  
 tem, laxatur sensim catena, diducitur, abstrahitur tota, sed  
 passim auulsione opus fuit, quam cutis & cruor sequeba-  
 tur. Hoc agone defuncta Rosa quietem repetijt vt eam-  
 dem ancilla repeteret, ac manè facto velut nil graue passa  
 ad consuetos labores properauit.

Vix laceratæ cutis vulnera coierant, quando Rosa ad  
 suam catenam redijt, pristinoq; ferri tormento se rursus  
 incinxit; donec tandem (: incertum quibus indicijs) rescii-  
 uit Confessarius, qui continuò præcepit Virgini, catenam  
 vt erat sine mora sibi transmitteret. Paruit illa, catenam  
 denuo carni adnatam à lumbis reuulsit, pannoq; diligen-

ter vnâ cum sera obuolutam Sacristæ F. Blasio Martinez tradidit rectâ ad Confessarium deferendam. Sacrista ex pondere suspicatus aureos inesse torques aut pretiosa monilia, digressus à Virgine explicuit inuolucrum, ac dissimilimum auro thesaurum reperit, catenam recenti imbutam sanguine, quam frustillatim adhærescens caro & pellicula variis locis conspicuè satis interpanxerat. Huius aliquot ansulæ seu circuli post Rosæ obitum apud D. Mariam de Vfatégui aliquamdiu asseruati mirabilem at omnibus peregrinam spirarunt suaueolentiam, testes nimirum pœnosi sudoris quem de Rosæ corpusculo imbibierant.

Neq; pulpæ brachiorum ab eiusmodi vinculis immunes erant, his enim Rosa ad cruciatum arcta quædam ligamina circumdederat quæ perpetim torquebant complicatos musculos, at tum vel maximè vexabant lacertos quoties aut aliquid de terra leuandum, aut brachia sursum extendenda erant. In his nexibus clam dolorosis meditabunda vinctum in horto Gethsemani Sponsum comitabatur ad ædes Caiaphæ, Annæ, & Pilati. Nec adeo has alligaturas quamquam strictissimas pellis obduxerat, quin videre eas potuerit Mariana, quando medebatur laceris Rosæ scapulis, nam sæpè postulabatur hoc genus officij, eò quod iugiter in Rosæ dorso patebant scissuræ, quibus ex interuallo iussa Mariana inspergebat ignotos pulueres, ne saniem conciperent, chartâq; bibula obducebat repetitis postridie tunsionibus renouandas. Porro dum brachia & lumbos vincula neruiq; arctabant, manipulatim vrticæ ac minutuli sentes morfu creberrimo vexabant pectus, axillas, latera, ne qua pars vacaret à cruciatu, dum fortè cilicium adhuc deerat præ inopia. Sic nempe Rosa in sentibus configurabat se lilio inter spinas.

Verùm vbi pro ingenti munere ditatam se vidit breui cilicio, quasi purpuram, byssum, trabeamue nacta, sibi suæq; tremulæ carni gratulabatur de nouo pœnitentiæ baltheo,

balthæo, & rigoris paludamento. Initio quidem illud tamen asperum, minus tamen quàm Virgo optauerat, latum sinuosumq; videbatur; vtpote quod vix duorum palmarum mensuram excedebat. Sed paulò post aliud successit ex religiosæ personæ liberali dono, quod Rosam vndeque contentam reddidit. Manicatum hoc erat, atq; à collo & humeris infra genua propendebat; hispidum, ex crassioribus equorum letis prædensè contextum vix non lorice gravitatem æquabat. Ponderosa hæc asperitas vt suapte grossitie ferè implicabilis ita duritie implacabilis cuius robustiori poenitentiae alumno sufficere potuisset ad summam austeritatem, nec tamen Rosæ sat fuit, nam infixis, vndiq; breuissimis acubus hirsutam interulam diligentius in se armauit. Herinaceum credidisses, non Rosam, Virgini tamen hæc rudissima Gausapina non tam cilicium, quàm abolla videbatur; eaq; per complures annos est vsa, donèc ob frequentem sanguinis vomitum alieno coacta fuit imperio noxiam hanc exuere cataphractam.

Aliam tamen ipsa adinuenit castigandi corpusculi rationem quam priori etiam substitueret, minori forsan valetudinis damno at nò leuiori molestia. Saccū villis crassissimis grauem sibi in formam indusij aptauerat, & ne posset deprehendi pilosa ruditas, extremis manicis carbasina integumenta obduxerat. Sub hoc pondere æstuabat, rigeat, lassabatur extenuata viribus Rosa, incessu nonnisi difficillimo gradum promouebat, & siue confederat, siue genua humi fixerat, agrè se attollebat in pedes; poena erat quicumq; motus, languebant artus velut sub sarcina, sibiq; videbatur plumbeo magis quàm cannabaceo stromate subuculata. Infimæ dumtaxat pedum supererant plantæ, quas neq; cilicium nec disciplinæ verbera attingebant; nihilominus reperit sollicita carnis suæ domitrix, quo & illis propriam dispenseret cruciatuum portionem. Igitur quoties domi coquendis panibus accendebatur clibanus, præ-

fabat occasionem Rosa, nudatisq; plantis calcabat immo-  
ra summum fornacis officium ubi vis ardoris vehemen-  
tior erumpebat. Meditabatur illie sensu acerrimo dira  
gehennæ incendia, quæ sibi debet plus quam serio auti-  
mabat. Sic demum à planta pedis vsq; ad verticem capi-  
tis nil ei residuum fuit quæ voluntarios cruciatus excipe-  
ret.

His blandimentis Rosa demulcebat tenue illud corpù-  
sculum cui aliàs à crebris infirmitatibus sat poenarum  
erat, ut infra suo loco videbitur, neq; animus illi deerat  
tentandi etiam his maiora: nā prudentes Confessarii ve-  
tuissent qui idem idem interposito moderaminis præcep-  
to discretam virium rationem habendam oclamitabant.  
Sanè quàm corpori suo Rosa amica non fuerit, supremum  
hoc paradigma esto, quòd Virgo cautissima nec delicias  
Spiritus vsq; ad corporis solatiū exundare sinebat. Per pau-  
cis Dei amicis id curæ fuisse legitur, de vnico Gregorio  
Lopez Mexicano id Rosa legerat, statimq; sibi imitandum  
sumpsit. Igitur vsq; ad hanc subtilissimam diuisionem car-  
nis & Spiritus elegerat conformari. Sponso crucifixo qua-  
tenus ille nec gloriam animæ in suum adhuc mortale cor-  
pus, nec gaudia partis superioris in inferiorem deriuari  
permisit ne passionem impediret. Sentiebat & Rosa ex  
mirifico coelestium sapore ac prægusto suum dulcescere  
Spiritus, inebriari mentem, laginari animum, sed interim  
cauebat & (: quoad potuit) obstabat, ne in ratiū epula-  
rum quantulamcumq; communionem aut sympathiam  
admitteretur miserum corpus, quod soli passioni & crucia-  
tui destinarat: & si eam Rex introducebat in cellaria sua,  
ipsa suum corpus iubebat foris stare. Existimò rarum hoc  
diuortium sublimioribus Rosæ operibus posse accenseri.

## CAPUT VIII.

Rosa capiti aculeatam coronam  
circumdat, imprimit, infigit,

**D**icebat chara B. Catharinæ Senensis discipulam in  
Schola patientiæ ad Magistræ suæ prototypon lau-  
reari. Mira hæc Sanctorum est ambitio, qua malunt Chri-  
sti spineam quam auream coronam in huius vitæ exilio  
circumferre. At Rosæ præcipuè nec tutum nec decorum  
est, spineo carere sepimento. Verum ad rem.

In ipso adolescentiæ ac pueritiæ confinio Rosæ corcu-  
lum acerbissimè compunxerat deuota ac tenerrima com-  
passio ex audissimo obrutu pæ imaginis quæ muto præco-  
nio clamitabat *Ere hæmo*. Hærebatur in illi dplexili sentice-  
ro quod Christi ventilem cruentè infederat, pudebat sub  
spinoso Capite semembrum videri delicatum. Itaq; pri-  
mam sibi tunc coronam (: de secunda ageretur paulò infe-  
rius :) ex ductili stanno complicit, quæ seu funium seu  
virgularum mutuo implexu contortarum spiram effigia-  
bat. Huic per certa intervalla nonnullos indiderat clavi-  
culos introsum præcinctos, coq; diademate clam sibi ca-  
put non sine vulnere obcingebat sub victis victima coro-  
nata.

Annos complusculos duravit & induruit pia Virgo sub  
hoc oneroso capitis spineto, verum id nonnisi puerile fuit  
tyrocinium robustioris tormenti quod ex secunda corona  
aculeis nonaginta & novem armata imminabat. Hanc po-  
steriorem decimo circiter ante obitum agnos, hoc est paulò  
postquam Dominicani Ordinis togam sumplerat, sibi im-  
posuit; nec nisi cum vita deposuit. Nimirum ut caperat

attētiùs contemplari spineam sui Redemptoris coronā in caput S. Catinæ Senensis mirabiliter translātā, minimē sibi quiescendum duxit, nisi eādem pariter in suum inde verticem æmulatione qua posset religiosiori accerseret, nec sibi videbatur totum Seraphicæ Magistræ induisse habitum, nisi & spineam illius induisset coronam.

Nouo igitur ardore, ac patiendi desiderio lamellam argenteam sibi flexit in circulum, huic ab intus ex eodem metallo tres infixit aculeorum ordines, itā vt quælibet series triginta & tres contineret aculeos videlicet pro numero annorum Christi quos mortalis pro mortalibus expleuit in terra. Certē nil excogitari potuisset aut pro capitis (: vt appellant Medici :) *pia Matri* magis pium, aut *dura Matri* durius, nisi hanc duritiem ipsa pietas suggessisset. Porro ne capilli, qui post rescissionem breuiores succreuerant, profundiori obstarent aculeorum impressioni, ad viuam usq; cutem nouacula crinem omnem submouerat, aliquid tamen inculti cincinni relictum in fronte quo coronā interdū obtegeretur, vt Matrem latēret. Quāquam permodici huius capillamenti in sincipite residui alius quoq; vsus fuerit, ad noua dolorum incrementa. Verū de hoc in seq. capitulo, vbi ad Rosæ vigilias transibit succincta narratio.

Dentatum hoc sertum quā diremōderit, quā cruciabiliter omni ex parte pupugerit velatum sacræ puellæ caput, cui torquendo vnica sat fuisset acicula, ex eo fas est conijcere, quod spinæ non simul omnes, sed aliæ post alias binæ, ternæ, pluresue successione molestissima, nudatam inuadebant cutem, proq; occasione ac varietate motuum singulæ obliquabantur in singulis vulnerum angustijs. Compertum est, sub hoc densissimo pungentis metalli vepreto ipsam loquelam Virgini fuisse dolorificā, quid si tussi concutiebatur pectus, si sternutatione exonerabatur miserum caput, aut alia fortius excreandi impor-



tuna necessitas vultum orisq; habitum violentius commo-  
uebat ?

Verum hæc Rosæ ludicra videbantur & artis digna suc-  
cursu , quò læuissent inclementius . Itaq; vbi Coronæ seu  
bractææ extrema coibant , decussatim tænias innexuit ,  
quarum attractu non solum cohibebat cuspidatum hunc  
circulum, ne aut loco exerraret, aut sponte laxaretur, ve-  
rùm etiam quoties lubebat dolorem intendere, tæniarum  
capita strictius adducendo ipsi tormento suo vim faciebat:  
præcipuè verò sextis ferijs placebat Virgini hoc pœnarū  
epimetron in memoriam Sponsi sentibus coronati . Ma-  
luisse pro conformiori similitudine gestare coronam ex  
veris spinis agrestibus , eaq; de re seriò tractauerat cum  
Confessario , at is dissuasit , quòd vereretur facile sub pu-  
tri aculeo grauem in Rosæ capite purulentiam posse suc-  
crescere . Adquieuit & ipsa , considerans eijsmodi coro-  
nam nec sub velo sat commodè celari posse, punctis sine  
ordine prominentibus , nimiumq; suo conciatui decede-  
re , si non omnia vsq; ad vnum acumina introrsum verge-  
rent . Idcirco lamella vtendum fuit , eaq; argentea, quòd  
& solidius adiaceret vulnerandæ cuti , & infixas spinulas  
tenacius retineret . Nec fefellit euentus , nam post Virgi-  
nis obitum Aurifaber, cui iniunctum erat aliquot bracteo-  
læ spinas euellere , ( forsitan vt deuotis personis eas flagi-  
tantibus in donum vsumue cederent ) adhibitis forcipi-  
bus adeo singulas inuenit firmas, vt extrahi nulla potuerit,  
quamquam ad ferri tractum huc illuc inflecterentur . Vt  
intelligas tam suas Rosæ patienti non cessisse spinas, quàm  
his non cessit illa.

Nec tamen contenta hoc quotidiano cruciatu modum  
reperit quo noua in dies vulnera aperiret; nam coronam  
manè circumdata capiti numquam eodem figebat loco  
quo pridie steterat , sed mutato paulisper situ in aliam  
aliamq; partem transponebat redimiculum , vt alterna va-  
riatio-

riatione immitiùs pungeret, atq; in intracto dolore renouaret. Porro qualibet sexta feria hoc addebat in cumulum, vt vsq; ad auricularum cartilagine imumq; occiput coronam demitteret, quò tempora (: vbi caro mollior, sensusq; delicatior ) prædensa stimulorum obsidio & molestius incingeret, & profundius sauciaret. Idem Sabbatho repetebat, compassura Virgini Matri, cuius animam in morte Filij doloris gladius peruaserat.

Diu familiares, domesticos, ipsamq; Matrem latuit hoc tam cruenti pestinis veperetum, quis enim sub vitta ac velo cautissimæ Virginis aut notasset aut quæsiuisset tam fœrale supplicium? ipse Confessarius, qui Rosæ arcanum hoc poenitentiae genus permiserat (: nam citra illius nutum Virgo morigera nihil aggrediebatur vel minimum ) obditer dumtaxat aculeati gestaminis conscius neq; coronam viderat, neq; vel tenui suspitione attigerat peregrinas inuentiones, quibus hanc Rosa in se consueuerat atrocius irritare. Sed tandem Numinis prouidentia rem diutius occultari non fuit, effecitq; vt tanta virtutis exemplum, in plurium opportunam notitiam promanaret. Casus erat: germanum Rosæ fratrem ob puerile delictum Pater quærebat ad virgideciam; interiecit se blandiusculè Rosa Patris iram propiciatura; is verò dum Filiam sibi obstantem impetuose dimouet, fortuito manus errore impexit leuiter in caput Virginis: ea parte qua tecta corona sauebat; mox improuissimum ictum tres sanguinis riuus secuti frontem innocentis Filiae decursim purpurarunt, manifestò satis indicio: qualis herinaceus sub candido eius tegmine clam nidularetur. Hic Rosa magis se proditam quam percussam dolens dupliciter erubuit, conata tamen dissimulare quod erat, cautè in secretius cubiculum se subduxit, coronam festina seposuit, cruorem quasi ludibunda absterxit, impositisq; panniculis qui sauciæ plagæ stillicidium imbiberent, caput solitis velamentis confestim operuit.

operuit . Verum hac solerti fuga trepidam Matrem nec  
 fecellit nec effugit ; cum Mariana ancilla è vestigio Fi-  
 liam secuta de vulnere interrogat , causam cur leui ex ta-  
 ctu sanguis eruperit seiscitatur , deniq; excusante Rosa &  
 ne quidquā deprecante suspiciator vittam solui , caput  
 nudari imperat , quod vt vidit in orbem vndiq; immani-  
 ter dispunctum , facile coniecit , vnde hæc signa tam  
 cruento inessent zodiaco . Verum-tamen siluit , haud igna-  
 ra Filiam si spinetum suum prodere aut abicere cogere-  
 tur , facile alia & quidem longè truculentiora mox adin-  
 venturam , quibus verticem pergeret diuexare . Itaq; tunc  
 velut inscia mysterij calente vino caput filix leniter ab-  
 luit , quantum læsis partibus sat fore ad medelam aut cre-  
 debat aut credere simulabat , aliud interim aduersus ip-  
 sam coronam remedium excogitatura .

Nec mora : delata fuit rei series ad eum qui certius co-  
 ronæ vsum Virgini prohiberet , nempe ad vnum ex Patri-  
 bus spiritualibus quorum ductui Rosa obtemperabat . Is  
 erat R. P. Ioannes de Villalobos Rector Limensis Colle-  
 gij Societatis Iesv , Vir sanctimonia ac re religione celeberrimus , & animarum per tutiora compendia perfectionis  
 deducendarum auriga peritissimus . Huic vt innotuit  
 quod gestum erat , extemplo mandauit Rosæ , quidquid il-  
 lud esset quo caput suum hætenus spinosè discruciauerat ,  
 sibi adferret . Attulit illa coronam suam , ne quidem tan-  
 tillo sibi indulto spatio quo notas sanguinis inter cuspi-  
 dum acumina satis abstergeret ; Allatam prudens ac pius  
 Pater non sine horrore & commiseratione intuitus rigi-  
 diorem esse censuit , quàm quæ illi sexui ætatisq; tenèritu-  
 dini conueniret . Proinde rationibus adortus est Virginem ,  
 vt omnino seuerissimum crudelis instrumenti vsum dissua-  
 deret . Illa adueniens ratione non imperio secum agi , suas  
 vicissim rationes humiliter opposuit , demū in hoc vtrinq;  
 conuentum est , quod poscenti sua redderet , corona sed  
 mitiga-

mitigata . Sicque prouidus ac discretus Pater arrepta-  
 lima hinc-inde prominentiores coronæ aculeos hebeta-  
 uit , obtudit , defricuit , si non satis attamen nec parum  
 hoc temperamento se putans affecutum . At Rosa pluris  
 faciens coronam quàm Regnum gaudebat hanc se recu-  
 perasse saluo spinarum numero , ac saltem non nisi modi-  
 cè ea castigatione exarmatam . Igitur respexit denuo ad  
 pristina dolorum supplementa , iamq; pœnoso taniarum  
 attractui etiam hoc addebat , vt interdum illiso pugno  
 coronam tunderet quò altiùs in caput penetraret ; neque  
 enim diligens lima , sic detriuerat aculeos vt suo non  
 fungerentur cruentandi officio . Patuit hoc vice quadam  
 cum Rosa fortuito in terram lapsu caput leuiter ad vici-  
 num pluteum impegit , vbi confestim ob coronam vertici  
 validiùs impactam copiosus sanguis defluxit in humerum .

De Christi seruo spineo canit Ecclesia : *felix spina, cuius  
 aculei vires frangunt regis tartarei* . Rosa nostra idipsum  
 experiri meruit & in suo : nam quotiescumq; hostis tarta-  
 reus appropinquabat Virgini suggesturus foeda ac sordi-  
 da , alijs ad eum procul abigendum catapultis opus non  
 fuit , quàm quòd vigil Rosa ter digito pulsaret suam coro-  
 nam in SS. Triadis reuerentiam : Tympanum erat , cuius  
 leui tactu percussus Dæmon fuga turpissima declinabat  
 certamen . Suauius , ac fortè mirabilius est , quod de huius  
 coronæ virtute post obitum Virginis compertum est . Quā-  
 dam religiosissimus Dei seruus paulò post elatæ Rosæ exci-  
 quias domum Gundisalui Quæstoris adierat , eo dumtaxat  
 animo vt instrumenta quibus Rosa virgineam carnem vi-  
 uens domuerat , deuotè contrectaret . Oblata ei cum anu-  
 lo fuit corona spinis horrida , vixq; his manus applicuerat ,  
 cum repente æstulare cœpit inusitato quodam Diuini amo-  
 ris incendio , colliquefcere in intimo fundo spiritûs , dulce-  
 scere gustu admirabili supernarum deliciarum , tamquàm  
 ex illismet spinis Paradisi vuas , ex tribulis ficus colle-

gisset

gisset in animæ palatum . Verùm de hoc prodigio commodior redibit tractatio infra Cap. XI. cum de pronubo Rosæ anulo agendum erit : hic sufficiat innuisse, quàm seriò ac festiuè Cœlum ipsum huic coronæ applausit , quando in honorem tam rigidæ compunctionis vnctionem distillauit tam suauem ac pretiosam . Non pigeat , hic denuo reflectere oculos in spiniferum S. Catarinæ Senensis prototypon, quod Rosa nostra spinis coronata sic imitari visa est vt plenè id ipsum non tam expresserit quàm in se transtulerit . Paucis accipe huius rei notabile argumentum quod in Rosæ funere obseruatum est . Dum defunctæ cadaver prostabat in feretro , disposuerat cœlestis illa ( : cui nihil fortuitum ) Prouidentia , vt deesset florida corolla quæ de more caput virgineum circumdaret ; instabat hora funeris ad sepulturam efferendi , at videbantur fugisse terreni flores velut indigni qui Rosam coronarent iam cœlestem . Ergo in confusa illa trepidaq; hinc vrgentium inde cunctantium perplexitate recurrendum deniq; fuit ( : non sine instinctu Numinis ) ad coronatam S. Catarinæ Senensis imaginem , quam Rosam viueret ornare consueuerat ; huius itaq; sertum proprium omnibusq; publicè notum tantisper transfertur in Discipulam , sub hoc Rosa effertur Gundisalui domo ad tumulū , vt quæ viua Seraphicâ Magistrâ ad viuum expresserat gestamine senticoso , eamdē & mortua repræsenteret euidentius sub communi vtriq; corona . Probarunt factum quicumq; mysterium agnouerant , certi non ab humano studio sed necessitatis fortunato potius quàm fortuito consilio hoc singulare virtutis testimonium Virgini obtigisse .

Huc demum & illud videtur pertinere, quòd dum mortualis pompa sic Rosam coronabat in terris , ostento non absimili Beatorum curia eamdē coronauit in Cœlis , vt vtrinq; deprehendatur successisse in ipsammet S. Catarinæ

Senensis coronam. Res ita innotuit : mox à felici Rosæ transitu persona quædam eximie sanctitatis ac nominis in visione imaginaria conspexit inter Angelorum myriades gloriosam SS. Virginum cateruam rectâ gradientem ad thronum Sanctissimæ Trinitatis ; in medio agminis fulgebant Rosæ palmam manu præferens , niueoq; candicans amictu , sed nondum ut reliquæ coronata , siquidem ad Diuini illius Throni crepidinem stabat Virgo Deipara , coruscantem in dextera coronam tenens, qua Rosam suis ipsa manibus inauguratura solemnem hanc Virginum processionem exspectabat . Nimirum simillimo ritu olim S. Cæciliæ Senensis excepta fuerat in Cœlis, cum reliquit terras , ut sic inter Magistram ac Discipulam à spinæ usq; ad auream coronam nulla superesset difformitas . Felices spinæ , quibus de tali manu tale successit in Cœlis diadema .

## C A P V T IX.

### Rosæ lectulus , ceruical , nocturnæ Vigilæ.

**T**anta ei corporis macerandi cura fuit, ut nec pauculas nocturnæ quietis horas tormento vacuas esse permiserit : hinc strati sui voluit eam esse duritiem quæ somnum abigeret magis quàm vocaret : quin & eò tandem processit ars atq; industria , ut qui dormire lectulus idem & equuleus esset . Ita nimirum nec indulgebatur quidquam afflicto corpori, & demebatur somno quod orationi accederet . Suboluit tempestiuè attentæ Matri quò Filia tenderet , nam pene ab infantia utrumq; & durius



rius cubandi & austeritatem dissimulandi studium notarat in puella, unde aliquamdiu hanc secum eodem in lectulo accubare iussit per noctem, ut arte artem deluderet. Paruit Rosa, sed eo ingenio quo nihilominus obediētiae ac poenitentiae merita in illomet lecto materno dexterrimè coniungeret: vix enim obrepserat Matri sopor, cum Virgo culcitrae partem cui incubuerat sensim remouebat, donec substratae tabulae corpusculum exciperent, capiti verò lignum aut prope absconditus later cervicali subducto succederet. Idem S. Catarinae Senensi cum Lapa Matre certamen, idem strategema fuit. Lata successu Rosa pergebat securior non tantum nudare sibi tabulas quibus indormisceret, sed & rudius saxum circumspicere quod cervici supponeret; verum post longas ambages tandem interrupta Filiae solertiam expergefata Mater, ac velut deprehenso immani facinore puellam increpuit, adiecto calidae obstinationis conuicio, si sic ei constitutum erat Matrem fallere, iret porro; sibiq; deinceps suoapte arbitrio lectum quem vellet contabularet, dum tamen capiti saltem humanius cervical concederet, ipsiq; tabulis vnicui simplicis straguli induceret operimentum.

Ad hanc vocem tripudiabat Rosae animus, maternam permissionem tametsi iurgio ac bile acidam pro dulci blandimento arripuit, conditionem auida manu acceptauit, Matriq; pro tam liberali indulgentia gratias egit tenerrimas. Exinde mox conquisitis & in sui cubiculi capaci angulo compaginatis tabulis rude stragulum iniecit, bina insuper puluinaria in speciem imposuit, paruoq; labore grabatum, uti genitrix permiserat absoluit. Verum quoties nox appetebat, remotis puluillis succedebat truncus vndiq; impositus, ac lapilli in hunc usum interdum sub lecto absconditi disponebantur sub stragulo, ut ea inaequalitate offenderetur corpus, cui praedura tabularum planities in delicijs fore timebatur. Quantum hae scruporum sub stragulo.

gulo extantium diffitæ cotes iacentem Rosam dispunxerint, facilis coniectura est, sanè in ipsis solidis asseribus conspicuè apparuerunt impastinata lapillorum vestigia, ipsæ tabulæ scrobiculatim hinc inde extritæ protestabantur satis, quàm molliter his incubuerit macilenta Rosa.

Ceterum lapilli sparsim ac mobiliter dispositi facile cedebant moli, quoties in aliud latus vertendum erat corpusculum. Igitur addenda videbantur tum duriora tum itabiliora in equulei supplementum. Nempe tria ligna tortuosa, indolata, nodosa tabulis imposuit, ac inter commissuras tenuioribus paxillis firmavit sub stragulo ne cederent. Attamen per diem hosce truncos exemptiles seorsim occultabat sub thoro, ne Mater aut ex inæqualitate straguli hos deprehenderet, aut palam expositos traheret in legitimæ suspicionis argumentum. Vnica demum Mariana ancilla secreti conscia fuit, quam validis obtestationibus adegit Rosa ne proderet, & si cubiculum euerrendum esset, hæc ligna suo loco vel immota relinqueret, vel actutum reponeret. Diu placuit feruētī Rosæ crudelis hæc supinæ torsionis carastæ, placuissetq; diutius si fuisset atrocior, hoc est si acutiùs & omni ex parte sæuisset, nam inter lignorum vacua spatia nil erat quod incubuam satis cruciaret.

Subijt ergo noua ac postrema lectuli dirissimè asperandi cogitatio. Tabulis arctè commissis ligna omnino septem instrauit iustis interuallis, quæ ne laxarentur, bubulis loris aptè distrinxit. Porro singulas distantium lignorum intercapedines præacutis tegularum fragmentis, coctilium patinarum frustulis, testarumq; fractarum triquetris sic impleuit, vt singulorum pars mucronata obuertetur corpori, ac ea quidem confertissima densitate qua nutare aut cedere nulla posset, cum infernè sat prohiberent subiecti asseres ne quæ excideret, costasq; obsiderent ligna ne laxaretur phalanx. Quis credet videri deniq; potuisse

dignum

dignum huiuscemodi pratum in quo Rosa quiesceret? nec defuit strato tam nobili dignum ceruical, sed de hoc infra. Eidē coaptatę lodices, at cilicinj, serosę, instarq; tuberculi aut cribri, vt simul & ipsę pungerēt, & testarū puncturas non impedirent sed obiter absconderent. Insuper ad huius lectuli caput occultē ampullam felle plenam appenderat, nec ante ad somnum sese componebat, quā isthoc forbillo amaricasset fauces, in memoriam Sponsi felle ac myrrha potati. Aliquando fassa est Rosa, in lectuli sui aditu hoc felleū libamen sibi non adeo cum sumeret quā si citiūs euigilabat, fuisse molestissimum, tunc enim sentiebat palatum vsq; ad tonsillas & epiglottidē aruisse penitus, linguam præ siccitate vix non immobilem, gutturis bronchos vndiq; accensos, ita quod siccatis faucibus supplicium esset ipsa respiratio. Proinde nil mirum, si (quod postea innotuit) Rosam ceterā intrepidam sæpius horror pauorq; medullitus peruaferit ad vnius sui tam immitis lectuli cogitatum, tremebat, æstuabat, sudabat misera priùsq; vel spondam attingeret, memor quales ipsam expectarent ibidem plumę, quot minaces cristę arrigerentur illic in suam lanienam, quo sibi cruciatu distabescendum quoties in alterum latus reuoluendum esset lassum corpusculum, deniq; sciebat inde se neuti-quam surrecturam absq; omnium membrorum gelido stupore, ac velut ex ossifragio coxis, humeris, cruribus, brachijs miserrimē diuaticatis; vnde cuidam Matronę post annos complures familiariter interroganti, quomodò lectum adeo horribilem & arduum potuerit vel nocte vnica tolerare, respondit cum lepore (vt solebat) & gratia, talem se ex eo accubitu dolorem capere, quantus vtiq; sufficere posset in satisfactionem pro quāuis amicissimę persona Deo offerendam.

Contigit subinde, Rosam velut iusto paori pene imparē diutiùs hærere in ancipiti, lectumne tot pœnarum ferti-

fertilem inscenderet ; Verùm dubitanti & prope exanimi subuēnit Christus visibili blandaq; specie se Virgini obijciens , ipsamq; placidissimè his verbis compellans : *memento Filia , longè duriorem , angustio rem , horribiliorem fuisse lectulum Caluaria , in quo mortis somnum pro te cepi . Nosti quid fellis ibidem propter sui amorem exhauserim , scis quæ illuc non testæ sed ferreae cuspides tibi manus perdrsq; terebrârint , donec ipsam mihi extunderent dilectam animam . Hæc recole , hæc pœnali strato tuo in trutina opone , & videbitur tibi sub charitatis dictamine lectulus noster floridus .* Mirum , quàm altè Virginis animum hæc verba penetrârint , quantum ei robotis constantiæq; affuderint , ne ab horrido illo patientiæ exercitio resili ret; Sanè per ipsos decem & sex annos in huius agonis acerbissimo tormento inuicta perseuerauit , & (: quod mireris ampliùs) conscia demum atq; inuita sed tamen conniunte Matre . Conata quidem hæc fuit semel iterumq; Filiam à tantæ austeritatis excessu diuertere , & lectum immanem frustatim dissipare , sed immisso diuinitus conscientiæ stimulo nec manum : ausa est adhibere nec imperium . Maluit itaq; per Confessarios tentare successum , verùm & hi velut in magnæ perplexitatis negotio videbantur trepidare , nec certi quidpiam resoluebant ; idq; perspicuum satis indicium erat , Deo sic placitum esse , in asperrimi lecti tolerantia electam Rosam dilecto suo Sponso concrucifigi .

Dicendum nunc de cervicali . Tentabat Rosa gradatim abiectis mollioribus ad exemplum S. Catarinæ Senensis eò pertingere vt inscia Matre demum infôrme saxū capiti dormitura supponeret , vnde initio grossioris panni incômodum volumen in cervicali adhibuit , deinde paulatim crudum laterem , deniq; petram polygonam & vndiq; scabram ; Verùm hanc Mater vt animaduertit sustulit , filiaq; puluinar obtrusit lanâ vacuum , sed cum iussu vt illud farciret . Tacuit Rosa , puluinar suscepit , infarsit , sed non lanâ

lanâ vti credebat Mater : vim segmentorum collegit quæ de fabri lignarij dolabra excidunt, his puluinem impleuit, impleto indormiuit ; Nec tamen diu latuit Matrem solertia, factum corripuit, lignea inde retrimenta proijci, lanam substitui, lanam ingeri disertè & cum clamore præcepit . Obediuit Rosa sed non vltra literam, cervicali infarxit lanam at non solam, quia inter lanam extimumq; pannum vbi facies decumbentis excipiendâ erat, tortiles iuncos clam occuluit quos veteris sportæ fragmento in hunc vsum detraxerat . His Rosæ dormientis vultus immodicè dispungebatur, adeo quòd Mater in genis ac fronte Filix persæpe notarit extemporanea hæc stigmata, nec tamen originem diuinare poterat iam secuta de lana quæ cervical implessèt ; donec fortuito casu manum cervicali incuriosè imponens contrectauit hostem in latebra, iuncos deprehendit, extraxit . Vidisses hic denuò Lapam Matrem, Filix Catarinæ probra, conuicia, criminationes aceruantem ; vix temperatum à verberare . Sic Rosa quòd dura sibi quæreret, durissima sufferre debuit . Exinde Mater in virtute sanctæ obedientiæ præcepit Filix, rursus vacuaret suum cervical, lanamq; reponeret, at lanam solam . Iterum obedit Rosa, sed vltra literam, nempe duplicauit lanam, arreptoq; bacillo tantam eius copiam non tam ingessit quàm impressit cervicali, vt hoc suberis tandem duritiem exæquârit . Sic videbatur sibi rediisse ad ligneum illud puluinar, quod pridem sibi Mater subtraxerat . Fuerat is truncus ex arbore quam illic *Paray* vocant indigenæ, excauatus in medio vt caput Virginis collumq; exciperet . Huic per edictum maternum proscripto successerat nodosorum stipitum fascis in extremitate funibus collectus . Verùm & hunc Mater abegerat . Tandem vt in postremum hoc merè lanceum cervical incidit, vltioris inops consilij sic Filiam affata est : Sanè paruisti Rosa, anea, paruisti, siquidem hic modò nil nisi lanam reperio .

Satis

Satis est, imò plus quàm satis, nam tibi & lanam in lani-  
nam sciisti conuertere; quid vltra imperem? ne Matris  
præceptum flocci-fieret; hos floccos condensasti in solidæ  
petræ duritiem. Age vt vis, nec si tibi mortem consciue-  
ris, te ampliùs interpellabo.

Demum aduénit Matri tempus optatissimum, quo sibi  
de PP. Confessoriorum permisso licuit poenosum Rosæ le-  
ctulum manibus audissimis dissipare. Qui conscientia  
Virginis præerant, tribus circiter ante illius obitum annis  
considerauerant, ipsam viribus nimium attenuari, corpu-  
sculum tot flagris, ieiunijs, morbis exhaustum arduo  
tàm asperi lecti supplicio non ampliùs par fore, & si fo-  
menta illi persuaderi nequeant saltim tormenta debili aut  
subtrahenda esse aut moderanda. Itaq; Rosæ lectulum  
ærumnis trium lustrorum grauem cupidæ matri dedunt  
in direptionem ac prædam. Quo animo id acceperit Filia  
poenitentia quàm Vitæ studiosior, non facile dixerim: at  
alacris Mater velut signo ad assultum dato sæuissimam illâ  
catastam non aliter ac hostilem arcem inuasit, truncos, li-  
gna, tigna disiecit, luxauit asseres, & non sine præcipiti  
manu offendiculo testacea fragmèta sublegit, sparfit, tan-  
demq; in vicinum Vrbi fluuium ne ad vsum redirent abie-  
cit, priùs tamen eorum numerum inire voluit, reperitq;  
acuminata frustula parùm abesse à trecentis.

Ergo aliter post hæc Rosæ iacendum, & dormiendum,  
fuit, vix tamen blandiùs aut commodiùs, nam tabulas su-  
as asseresq; repetijt, his sine culcitra paleaue simplex ac  
detritum peripetasma instrauit, sicq; vocato somno exan-  
guia membra deinceps composuit ad soporem. Attamen  
& pauper hic thalamus ei videbatur sapere delicias, vnde  
postremis vitæ annis quos in Gundisalui Quæstoris domo  
exegit, in humili sella collecto corpusculo sedentaria no-  
ctes suas transegit, capite paulisper reclinato ad colum-  
nam lecticæ in qua Gundisalui minorēnes filiola acqvie-  
scebant.



ſcebant . Ità breuiſſimum ſomnum Roſa libabat magis  
quàm capiebat , præſertim hyberno tempore , quo ple-  
rùmq; ex nocturnis frigoriſus ſic tremebat , rige-  
bat , ſtu-  
pebat , vt ſurgens pedibus conſiſtere vix poſſet . Interdū ni-  
mio algore excitata roris marini ramuſculis ad ellychniū  
accenſis obiter hoc fumo tantillum fugitiui caloris quo ſe  
foueret , nitebatur concipere . Nouercali corporis odio  
nec vigil inſidere uſquàm puluino voluit , ſed vel ſtans per-  
agebat labores ſuos quouſq; poterat , vel cum neceſſariò  
ſedendum erat , duro palo utebatur pro ſellula .

Interim prioris ſui lectuli memor & cupida , aſſiduè tū-  
debat Confellariorum aures , querebatur ſe vitam ſuam  
otioſè perdere dum à priſtinis poenitentia exercitijs inui-  
ta cogebatur feriari , omni ſe patientia meritò vacuam ex  
tanta Patrum indulgentia remanere , S. Patri ſuo Domini-  
co indies occantari titulum *Roſa patientia* , ſe verò ademp-  
pta ſibi patientia nec Roſam eſſe nec tanti Patris Filiam ,  
deniq; ſincerent eam quæ nil boni ageret ſaltim mala pati ,  
corpuſq; aſſligere . Tantum effecit , quòd vnus ex Con-  
feſſarijs indulſit Virgini , vt per totam illius & proximi  
anni ( : qui Roſæ poſtremus fuit ) quadrageſimam ex pri-  
ſtini rigoris forma denuo ſibi lectulum inſtrueret è lignis ,  
teſtis , tegulis conſtipatum . Fecit confeſſim Roſa vt ſibi  
permiſſum erat , ſummæq; curæ ſummum adiunxit ſecre-  
tum , adeo vt neque poſt ſuum obitum ( : nam tunc primū  
res innotuit ) ſecundus iſte poenarum lectulus uſquàm  
potuerit inueniri . Credibile eſt , ipſammet ſtatim ve-  
cum Quadrageſima expirarat vtendi facultas , vltro ſo-  
luiſſe cataſtam , diſperſiſſe teſtarum fragmina , proieciſſe  
paxillos & ligna , ne quid innoteſceret , quamquam dili-  
gens perquiſitio vtrobique tum materna tum Quaſtoris in  
domo non defuerit .

Sed nec Roſam morti iam vicinam deſeru-  
erat hoc pe-  
nè coæuum duriffimè cubandi deſiderium , Sernianimis in

suo illo extremi doloris extremo lectulo dolebat altero illo se carere lectulo extremè dolorifico: at quis tam crudelē equuleum apparasset innocentulæ iam-iam morituræ? Saltem optabat ex illo cui incumberebatur humaniori strato humi deponi, ac nudo in pauimento mori. Verùm ut neq; hoc se impetraturam à domesticis intellexit, adstantem germanum fratrem vltimis affata verbis rogauit, ceruicalia vt submoueret; his in partem retractis gaudebat moribunda, quòd se lecticæ tabulis sentiret occipite humerisq; acclinem, mirificèq; contenta quòd crucifixo Spōso qualitercumq; commoreretur in duro ligno, felicem spiritum paulò post in manus Creatoris placidissimè exhalauit. Nec defuerunt, qui in morientis pallido vultu notarint ipsissimam Christi in Cruce expirantis effigiem, quod alio loco, & tempore in S. Catarina Senensi itidem lecto decubua fuerat obseruatum.

Porro quisq; ex tanta vsualis strati duritie haud difficulter intelliget, quantum Rosa vigilijs dederit, cui ipsemet lectus soporem adimebat. Falsa est aliquando Seraphica Catarina B. Raymundo Confessori suo, cum nullo hostium æquè vt cum somno operosius sibi fuisse configendum, quem eo tandem reduxit, vt horis omnino duabus contentus esset. Rosam Catarinæ Discipulam idem certamen exercuit, eadem victoria cohonestauit, nam & ipsa somnum suum intra duarum horarum angustias coercuit, & aliquando etià minus spatij indulsit importuno exactori. Vnde sic diurnum nocturnumq; tempus distribuit, vt ex vtroq; duodecim horas vniuersum orationi seponeret, alias decem impenderet labori manuum, quo Parentes sustentabat, reliquas corporis necessitatibus & breui quieti deputeret. Hanc vigilandi facilitatem iuuenre longæ inedia, cilicij lectiq; carduetum, frigida omnisq; porùs diutina abstinencia, profunda meditatio & applicata mentis ad superna tenax defixio. Nec tamen suas ar-

res partesue omisit versurus hostis, quin Virginem tunc maximè quando ad nocturnam orationem surrexerat, molestissimè niteretur reuocare ad somnum. Rosæ permagno steterè hæc prælia, nam siue genibus humi fixis inchoabat preces, videbatur inesse plumbum grauatæ palpebris, siue erecta stabat, capiti vertigo ponderosissima obtinquebat languidam somnolentiæ cantilenā, siue pennis brachijs procubisset in terram, adgliscebat soporiferi torporis suauè blandimentum. Pudebat Rosam aduersario succumbere tam ignauo, pugnabat etiam cadendo, illidebat ceruicem parieti, tundebat sibi latera, si quo modo extunderet irrepentem lethargum; vincebat tandem at nō sine agone, triumphabat, sed in Cruce: nimirum prostabat in Virginis cubiculo pat. humanæ staturæ Crux lignea, è cuius brachijs vtrinq; prominebant clauī fortes ac solidi, vt sufficerent corpori sustinendo. His igitur ambas manus applicabat in somnum pugnatura, ab horum tenaci complexu pendulum librabat corpusculum dum Deiparæ Virginis officiū absolueret, his cuneolis fidebat impetum somni, erudiebatur ad excubias, crucifigebat hostem, nec nisi victrix obrigidos lacertorum tendines retrahebat à charis victoriæ manubrijs, sic palmas obtinebat sed palmis callosis.

Inuenit & alium pugnandi modū. In cellulæ pariete oblongū fixerat clauū paulò altiore, quiq; Rosæ verticem palmi ferè interstitio superaret; Huic aduersus somni insidias modicum id capillitij quod obtegendæ coronæ in fronte residuum superfuerat, implectebat strictissimè, eoq; tormento accersebat vigiliam, recitabat preculas, somnolentiā strangulabat. Ne tamen sic pendula paucis capillis totam corpusculi molem committeret, vtrumq; summis pedum digitis insistens tangebatur terram, sed agrè satis, ac per alternas successiones nutante lubrico fulcimentō. Colligito lector ex tam atroci remedio, quàm fuerit

iuuentulæ importuna somni vexatio : in lecto muricibus ac tribulis , foris autem clavis pugnandum fuit , & Rosæ seu dormire vellet, seu vigilare tormenta subeunda erant .

## C A P V T X.

Rosæ domestica solitudo , fuga  
publici , cellula perangusta .

**V**T olim S. Catarinam Senensem adhuc pusillam solitudinis amor vsq; ad speluncæ quæstionem abripuit , sic Rosam vel à prima infantia docuit solitarios angulos domi quærere, Mundiq; commercia deuigare . Conueniebant ad eam è vicinis domibus paruulæ , at lusitandi gratia , quod illius ætatis primum est studium : afferbant singulæ suas pupas , quibus vestiendis , comendis , ornatibus foemellarum pueritia cõmunissimo sexus genio addicitur . Has innocenti æmulatione ostentabant silenti Rosæ , hortantes vt & suam promeret aut formaret . Negabat illa se pupam vel habere, vel etiam contrèctare velle , quòd audisset , Malignum aliquando per pupam ( : fortasse idolum fuerit : ) garricum edidisse . Mox puparum lusu coequalibus relicto abdebat se in secretum angulum , quasi arcanis cogitationibus quietiùs vacatura : illic interdum deprehensa à fratre ac interrogata , quidni mallet puerulis festiuè nugantibus colludere quàm in puluerulento , ac pulicibus referto angulo desidere , verbis supra ætatem sensatis respondit : *Sinito hic me delitescere solam cum Deo, nam illic inter pupas an pariter adsit Deus quis novit ?*

Cum annis crescebat latendi studium , vnde in horto  
vmbro-

ymbrosas platanos muro proximas conspicata locum elegit, ubi auxiliante Ferdinando fratre oratoriolum ab omni domesticorum prospectu semotum efformaret. Illic plexili ramorum, palmitum, virgultorum circumductu modicum inclusit spatium, ac supernè frondosis arcubus affabrè concameravit. Intus humile altariolum muto applicuit, Crucem exdensiori charta flosculis plumisq; versicolorem imposuit, & quidquid Sacrarum Imaginum conquirere poterat in hanc suam Basilicam sollicitè comportabat. Videbatur huic angello Rosula vniuersas suas inclusisse delicias, adeo totos in eo hærebat dies solitaria, illuc velut ad orandi, meditandiq; secessum à prandio, à lectulo, à cæna properabat, ibi domesticis se subducebat tumultibus, iocis, fabulis, vni sibi Cœloq; vacans, extra hunc Paradisum nusquam ei benè esse poterat, adeo vt domi abiret in prouerbiū: *Hortum adeas si Rosulam quæris*. Verū, quia isthoc solatio non nisi interdiu licebat frui, paulò grandior facta impetrauit à Matre aliud intra aedes cubiculum, in quo seorsim à ceteris prolibus solitaria pernoctaret. Tempestiua hæc fuere in tenella indole præludia, vt quid maturior esset molitura, ex his præambulis conijceretur.

Paulatim còstatuta & ætas Rosam prouexerat, vt idonea esset honorario comitatu stipare Matrem foras egressuram, maximè cum inuisendæ erant digniores Matronæ. At Filiæ suam vnicè eremum amanti molestissimum erat tam videre, quàm videri in publico; Vnde nunc prece, nunc lachrymis ambiebat Matrem obsecrando ne secum se abduceret. Stupebat ista, nondum assequens vnde idipsum quod reliquæ iuuentulæ ultra modum exambire solent, vni Rosæ tam exosum esset. Itaq; inuitam aliquoties adegit imperio, certa edicto sine replica obedituram. Semel cum à Matre inuitaretur ad secum obeunda foris vibanarum salutationum officia, Virgo iuxta domesticum

furnum

furnum transiens saxum à clibani orificio studiosè sibi attraxit in pedem, eoq; vulnere & cōtusione obtinuit, vt non sistè claudicans residere domi sineretur. Et verius & venustius hoc vulnere pedis rubuit Rosa nostra Peruana, quàm quod de Rosis Cyprijs fabulata est antiquitas, nimirum has non ante rubuisse, quàm ex Cypriæ Deæ sauciato calcaneo fortuitus eas cruor aspersisset.

Porro & aliud Virgo excogitauit strategema, vt solitudinis amans redimeret vexam prodeundi in publicum. Quoties à Matre præsensit se inuitandam ad visitationis obsequia, clam indico pipere quod mordacissimum est cilia palpebrasq; sibi obliniebat, quo quidem affricu mox ardebant oculi, rubebant, stillabant, velut si acris è capite defluxio eos suffudisset. Ità dum Mater egressura vocabat Filiam in comitarum, sufficiebat ostendisse fluidos noxioq; pruritu tumentes oculos, tamquam perferendæ apertæ luci tunc minimè pares. Vnde miserata parens ne affectis luminibus liberior foris noceret aer, indulgebat Filix optatissimam solitudinis ac latibuli facultatem. Durum sanè effugium: at Rosæ præ ipsa pupilla oculi charior erat sua anachoresis, longoq; tempore ipsi valuit hæc solertia, donec tandem suspecta frequentia rem prodidit genitrici, quod ità accidit. Cōdicto mutuo Domina Ludouica Vargas Caruial cum Maria de Oliua statuerat, assumptis vtrinq; filiabus vehi ad celebrem Diuæ Virginis stationem cui à *Monte Serrato* nomen est; Venit præfixa dies, & rheda cum D. Ludouica eiusq; Filia Isabella Alexia substitit ante fores. Præparata Mater aduocat Rosam, at hæc prodit turgentibus rursus oculis, palpebrisq; subtristi rubore inflammatis, vt facilè constaret, visum ea defluxione accensum & nimio dolore nitentem auræ solisq; pericula neutiquam laturum; Hic demum in se reflexa Mater, postquàm se Ludouicæ comiter excusarat, pensare cœpit attentius, quid sibi velit, quod Rosæ oculos

tunc



tunc potissimum obsideret importuna ista defluxio, quā-  
 documq; honestarum Matronarum visitatio aut domi exci-  
 pienda aut foris exequenda instabat. Hinc in Filia vul-  
 tum curiosius intenta vidit non fingi quod apparebat, nam  
 & ruboris incendium, & doloris acrimoniam crebra stilli-  
 cidia tacitè affirmabant. Denique maternā licentia pro-  
 pius os nareq; applicuit, odorem sensit, exsertaq; lingua  
 mordacitatem, sœuissimi collyrij lambendo deprehendit.  
 Quis enarret scommata, clamores, diſteria, quæ tunc in  
 Filiam detonuit Mater? quorū (: inquit) hæ fraudes?  
 cui bono tam ineptæ præstigiæ? si libuit Matris oculos  
 deludere, at ludere cum proprijs oculis quale nefas, quā-  
 tum periculum! tam citò oblita es, nuperrimè Ferdinan-  
 di Perez mæcipium simillimo abusu alij & piperis omni-  
 no visum vsūq; oculorum perdidisse? breuiter ac mode-  
 stè respondit Virgo: *Satius foret à Mater, & me cecam esse,*  
*quàm uana & secularia affasim videre.* Ista responso geni-  
 trix permisit Filia quantum uellet latere domi, tantum ne  
 ampliùs sibi oculos periculoso hoc defriſtu obpiperaret.  
 Tam carò constitit Rosæ optati secessus tarda licentia, quā  
 illo pretio perpaucæ sibi emptam (: plerq; ademptam )  
 uellent.

Vsq; adeo Rosæ placebat desertum, displicebat  
 publicum, ut non solum priuata palatia, commu-  
 niaq; Urbis spectacula mordicus deuitarit, Verum & ge-  
 nerales celebrium Processionum circuitus, ac populosas  
 supplicationes curiosè spectare defugerit. Fatebatur, sibi  
 permolestum ac graue esse inter foeminarum colloquia  
 eernere pomposas vestes, pallia fasciasq; pretiosas, interes-  
 se otiosis fabulis, distineri reciprocis tot inanium urbani-  
 tatum ritibus; præcipuè tamen dolebat, se neq; in dome-  
 stico sui recessus asylo rutam à visitationibus liberamq; es-  
 se. Iam desierat Matrem ad eiusmodi officia foras co-  
 mitari, sed ne ipsa domi uisitaretur, effugere cupiebat nec  
 poterat.

poterat. Mansuetudo, comitas, modestia Virginis trahebant notas foeminas, ut specie honoris dum accedebant ad Matrem, postularent videre & Filiam, quam suavis odor virtutis, honestas indolis, admiratio sanctitatis quamplurimis etiam illustribus commendarat inuitam. Neque his facile accessus poterat denegari quantumcumque se Rosa absconderet, deplorans iacturam pretiosi temporis. Et quamuis sermo nonnisi de Deo esset, protestabatur, utilius sibi ac iucundius semper fore, cum Deo quam de Deo loqui.

Igitur aspirante Numine sublimiorem speculata est viam qua sese ab ijs impedimentis viriliter explicaret: parentes verecundè supplex orauit, permitti sibi in extremo horti angulo locum solitarium pro architectanda cellula, quam cupiebat vnicæ dumtaxat staturæ suæ capacem, cum exigua fenestella quæ lumen exciperet, ostioli clauem sola (: si vellet ) Mater teneret : ibi se labori manuum, orandi meditandique studio, & collectioni spiritus absque ullo minimi temporis dispendio utilissimè vacaturam. Addebant rationes solidas ac ponderosas quas Cælum ac zelus diuini obsequij dictarent. Verùm negabat Mater se permittituram Filia, quòd tali sepulchro viuam se abderet. Post cassas preces, & obstinatas repulsas Virgo de more confugit ad Cœlitum auxilla, Deum in primis Deique Matrem affiduè inuocans, ut maternum sibi consensum potenti afflatu elicerent: nec dubitabat exaudiri, verumtamen altius mota in certitudinis experimentum cœlitus arthan quasi pignoratitiam expectauit, & obtinuit, quæ talis fuit: habebat in paupere thesauro coronam precariam ex corallijs, hanc prompsit, ut in facello SS. Rosarii imaginem Diuæ Virginis speciosus hic torques ornaret. Ergo notum Religiosum adiit, coronam porrexit collo Imaginis. quantumcunque immittendam Neglexit ille quòd scala sibi decisset qua ad sublimem in Ara imaginem pertingeret. Postridie

ad sacellum Virgo redijt missam auditura, cumq; notasset  
 suam Imagini coronam deesse, magnis precibus maiorem  
 h(e quem vocant) Sacristanum exorauit, vt tandem ipse co-  
 ronam, Imaginis collo circūdaret, sua interesse plurimum,  
 vt id fiat, velle se pretioso hoc vinculo suauiter captiuare  
 Matrem-Virginem, vt ita Filiolus vadem seu fideiussorem  
 se interponat. Postrema hæc verba ænigma erant, quod  
 tunc quidem Sacristanus nōn satis assequebatur, fecit ta-  
 men quod Rosa petijt, scalāq; applicita coronam haud si-  
 ne labore circumdedit collo Imaginis, ac scalam remouit.  
 Adfuit demum statuta dies, qua Rosa obtentæ gratiæ Fi-  
 deiussorem intuitura festinauit ad Ecclesiam S. Dominici:  
 & ecce SS. Rosarij sacellum ingressa vidit coronam suam,  
 à collo Diuæ Virginis solutam pendere palam de manu  
 paruuli Iesv. Idem viderunt quotquot promiscuè aderant  
 in Sacello, at mysterium ignorabant, quod supponerent,  
 coronam per ipsummet Sacristam è collo Deiparæ in digi-  
 tos filioli fuisse translata. Sacrista prodigij admonitus  
 venit, vidit, adstupuit, certus nec se nec suorum vllum at-  
 tigisse coronam à die, qua collo Diuæ Virginis circum-  
 ducta fuerat. Sola Rosa conscia miraculi, signiq; tacita in-  
 terpres, exultabat arcano iubilo, sat intelligens quò ista  
 spectarent; nempe Regina SS. Rosarij supplici Rosæ gra-  
 tiam, quam optabat sponsonderat, Filius tandem Fide iu-  
 bebatur pro Matre, sicq; corallinum illud sponsionis vincu-  
 lum ab exsoluta Matre in se transtulerat.

Rosa ex hoc mirabili ostento iam sui voti secura ac pe-  
 né compos, grauem ac honorificam adornauit legationem  
 ad Matrem, hanc obierunt Magister & Cathedraticus P.  
 F. Ioannes de Lorenzana, Gundisalvus de la Massa Quæ-  
 stor Regius, & Quæstoris Vxor Maria de Vfatigui. Festus  
 erat dies Beatissimæ Virginis in Templo purificatæ, quan-  
 do internuncia hæc trias Mariæ de Oliua gratulando ma-  
 gis quàm flagitando exposuit Rosæ suæ constans deside-

rium fabricandi sibi cellulam angustam ac solitariam, in qua sine Confessarij permisso nullius admitteret conspectum aut alloquium. Mater, quæ in illam vsq; horam ad eiusmodi voces apenninis cantibus durior fuerat, statim vt cera liquefacta cessit, nec vel momentum temporis aut deliberationi aut dilationi in re tã ardua deposcens. Nimirum sic exoluit promissa Fide-iussor Deus, qui non minùs parentis cor quàm coralium Filix gestabat in manu sua.

Porro obtenta hac permissione, quàm putas festiuo dulciq; gaudio diem illum transegit Rosa è videbatur in se quadrare id, quod canebatur de iusto Sene: *Responsum accepit Simeon*. Audebat cum eodem cantillare iucundum hoc celeusma: *Nunc dimittis*, velut quæ portum suorum desideriorum iam penè attigisset, fruitura deinceps secretis amplexibus infantis sponsuli, qui ducit in solitudinem, locuturus ad Cor. Deniq; sentiebat Rosa se compellari primo illius dici Responsorio: *Adorna thalamum tuum Sion*. Certè non nisi thalamum pollicebatur cellula, quam sibi designabat Rosa, longumq; putabat expectare dici sequentis diluculum, quo opus inchoaret. Nec moræ, postfridiè adornauit thalamum, comportauit in hortum tabulas, intraq; pauculos dies perfectum stetit solitarie deuotionis breue, arcum, humile Sacrarium. Tuguriolum erat: quinque pedes longum, quatuor pedes latum, dixisses atcam potius aut cistam grandiusculam, nisi modica ad latus fenestrella esse domunculam clamitasset. Vnus ex Confessarijs Virginis obiter habitaculi angustiam perstrinxit, cui Rosa lepidè repleuit, tantum inesse spatij, quantum sibi Sponsq; coelesti abundè sufficeret. Nempe vt dicebam, thalamus erat, quem Virgo Filia Sion adornarat. Nacta hanc Eremum felix Rosa hoc sategit, ne quis illic temporis punctus sibi efflueret sine fructu, hinc totos hærebat dies addita maiori noctis parte, hinc aptissimè per varia pietatis exercitia dispensabat horas, hinc liberrimò contempla-

tionis.

tionis vsu ascensiones in corde suo disponebat propemodum ignara in corpore an extra corpus degeret. Huc postquam se recluserat, cuidam probatae Sanctitatis Matronae in raptu visa est sub specie ac figura lucidissimae Stellae, cuius radios & quaquaersus scintillantem claritudinem opaca parietum angustia cohibere nequaquam poterat. *Lima* alio nomine dicta *Civitas Regum* debuit & suam habere, *Stellam*, ad arcta Saluatoris cunabula tacite inuitantem. Obiter hic attigerim, quod in Rosa dum vixit plurimi obseruarunt, mirifice oblectatam fuisse aspectu sereni Coeli, adeo vt puella omnis Astrologiae penitus ignara magnam interdum noctis partem immota soli siderum spectaculo dulciter inhæreretur: nimirum noua *Regum Stella* amabat Sphaeram suam, eo anhelabat, hanc vnice deperibat sidera indoles, nec facile à coelestium flammularum nocturno obrutu auelli poterat mens Coelo nata; fatebatur, Coeli siderumque diuturna contemplatione se instaurari ac refici, quin & alijs suadebat, clarum sereni firmamenti aspectum inter poriora quae spiritum eleuant allectamenta posse numerari. Vsq; adeo non aberrauit religiosa Matrona, quae Rosam stellis amicam in Stellae figura agnouit, cui tunc pro firmamento exiguum cellae latibulum erat.

Qui Virginis in templa & res sacras ardentem affectum nouerant, mirabantur ipsam iugiter suo Reclusorio sic adhærescere, vt serialibus diebus vix aliquando Ecclesiam adiret, proinde à nonnemine interrogata fuit, quomodo cot. eius pientissimum sufferre posset, quòd non saltim ad interueniendum Missae Sacrificio tantisper omni manè tuguriolum suum relinqueret mox repetendum? audi candidissimae simplicitatis responsum & obstupece. Subiecit Rosa: neutiquam id suo Reclusorio imputandum, sed quia Mater (: quacum sola iusserant Confessarii primis annis Ecclesiam adire) domesticis impediabatur curis, ne omni die ad Missam exiret: sibi tamen diuina bonitate prospe-

etum esse, ut in Cellula residens non unicam sed complurimas  
 scūlas quotidie Missas videret audiretq; . Quæsitum de  
 modo, & compertum, id supernè datū fuisse Virgini, quòd  
 spiritu (non ferus ac si corporaliter præsens adfuisset) in-  
 tererat quotidie Missis singulis; quotquot in vicinis  
 Spiritus xenodochio legebantur, nec solū istis, sed & ijs  
 quæ procul celebrabantur in distita S. Augustini Ecclesia,  
 quæ non minùs quatuor aut quinq; platearum anfractu  
 seu interiectu distabat à Rosæ domicilio . Reclusæ Virgi-  
 nis arctissimæ solitudinī magnum id, prodigiosumq; fuisse  
 solatium nemo ibit inficias: . Aliud Rosæ iam solitariae priuilegium à culicibus fuit;  
 imò obsequium. Vbi anachoretica Virginis cella consti-  
 terat, soli humiditas & arbuscularum frequentia infinitam  
 culicum multitudinem aut gignebat aut trahebat in am-  
 cum suo generi umbraculum . Molestum hominibus anti-  
 mal si quod aliud, nam vniua sua proboscide & tubicinem  
 agit & militem, cum non minùs feriat tubo, quàm tuba,  
 ac bombo sopitos infestet. Horum examina & agmina  
 immigrabant Rosæ tuguriò, præsertim quando vel per  
 diem sicantes radij solis, aut sub vespere serenæ noctis  
 algores tenuissimis corpusculis imminebant. Nec tamen  
 in tot culicum legionibus vel vnici fuit; qui Rosam in  
 sua Cellula vniquam attingeret. Scatebant his vndiq; pa-  
 rietes, personabat ostiolum, implebatur fenestra perpetuo  
 commeantium refluxu, sed cauebant singuli ne Rosæ infi-  
 derent, ac velut ex condito suæ parcebant hospita. Ac-  
 cidit, quòd vel Mater, vel ex permissione Confessarij non-  
 nullæ religiosiores personæ Rosam in angusto suo habita-  
 culo de Diuinis collocuturæ inuiserent; has verò, mōx vbi  
 ad ianuam aut fenestellam consedisent, hostiliter inuade-  
 bat culicum exercitus, his faciem & manus obsidere festi-  
 nabat importuna societas, repellebatur vnus, succedebant  
 quaterni, & plerūq; ex insidijs etiam incautorum sangui-  
 nem



nem hauriebant; relicto pruritûs ac tuberculi vestigio. Mirabantur sub ægyptia hac plaga Rosam integros dies immotam consistere, at stupebant magis, postquam observarunt; in eius vultu ac manibus nec minimum huius cruentæ molestiæ signum apparere. Subrisit Virgo, Maritiq; & alijs respondit: quando huc intraui, cum culicibus amicitiam pactumq; iniij, ne vnumquam me turbarent aut affligerent; vicissim in nullo me ipsis nocituram. Stetimus utrimq; pactis, nec solum communi hoc tecto fruimur sine hostilitate, sed insuper iidem in decantandis Deo laudibus strenuè pro modulo suo me iuvant. Planè sic erat: nam quotiescumq; Rosa primo diluculo referabat cellulæ portam, & laxabat fenestellæ valvulas, culicibus quotquot intus ad parietes densi pernoctarant, præcipiebat: eya amici, ad laudes omnipotentis Dei; confestim illi concentu lenissimo etumpebant in bombos, sparsiq; in gyros variè miscebant arguta murmura, phalange tam ordinata ac in se flexibus aptissimis retorta, ut credidisses aut eorum aut choreas esse quibus ratio dux præfideret. Hoc perfuncti officio euolabant ad pastum similiter ubi ad Solis occubitum repetebant hospitalem domunculam, rursum instabat Rosa, ut priusquam se quieti darent, secum tantisper serotinas laudes communi depangerent Creatori. Mox hilares susurri certatim implebant angulos, organiq; pneumatici modulos gestiebat; æmulari volatilis harmonia, donec iubente Rosa simul omnes conticecerent velut sub vna lege nocturni silentij. Tantum in vilissimas bestiolas imperium statui Innocentiæ reservatum fuerat, quem quidem Rosa tam prope attigit, ut in solitudine cellæ versaretur, tamquam in Paradiso.

Soror Catarina de S. Maria tertij Ordinis S.P. Domini-  
ci, ac D. Eleonoræ de Castro annosa contubernalis Rosam in sua eremo visitabat, sed culicum insolentiam non ferens, vnum qui sanguine iam turgibat, manu occidit,

Rosa

Rosa miranti similis, quid agis (: inquit ) charissima Sorore meos mihi hospites trucas ? at Catarina : dic potius hostes , non hospites , ecce enim quàm sanguine meo plenus sit iste culex . Replicuit illa : quid verò magni est tantillum animalculum nostro pauisse sanguine , dum eius conditor nos suomet toties pascit cruore ? ergo ne perrexeris meos interimere culices, & ego vicissim tibi spondeo quòd æquè tecum uti mecum pacem colent . Factum est , nam nullus deinceps ibi culex Catarinam punxit aut suxit . Idem Matri, Quæstori Gundisaluo , huius consorti , alijsq; accidisse constat , ne dubitari posset de innocentis Rosæ in domesticos sibi culices admirando imperio . Paulò aliter id experta est Soror Francisca de Montoya itidem S. P. Dominici alumna Tertiaria . Hæc inter sacra cum Rosa colloquia viso tot muscarum famelico assultu nonnihil extimuit . Quod ubi aduertit Rosa , ne (: inquit ) metuas Soror, ad SS. Trinitatis honorem soli tres hodie culices te pungent , deinceps ut ego immunis eris . Contigit, prout Virgo prædixerat, Franciscam ter culex adrosit, exinde illo die semperq; in posterum libera ab his fuit præsentè Rosa . Quòd hoc miræ immunitatis privilegium successus ille solitarius è Cœlo possederit ; bene est, quòd verò id ibidem alijs Rosa communicare potuerit ; singulare fuit .

Ultimo vitæ suæ triennio in Gundisalvi Quæstoris domo paris ferè solitudinis desertum sibi Virgo diffinierat, totosq; cum noctibus dies vel in domestico Oratorio latebat abdita, vel in ultimo ædium cubiculo arctis sese cancellis iugiter cohibebat , omnia præstruens omnia interponens, ut inutiles visitationes deuitaret . Nonnumquam de Confessariorum ipsiusq; Gundisalvi permissu maternā adibat domum , ut pristinæ cellulæ suavi eremò per aliquot dies frueretur , ac sæpè coram intimis gravissimè quæsta est, iugi se dolore affici, quòd sextus ac seculi conditio

ditio sibi non permetteret in asperrimos montes procul secedere, ibiq; cauam rupem inquirere vbi remota ab omni humano commercio vitam degeret: Laudabat assidue priscorum eremicorum felicissima tempora, suspirabat ad omnem Nitriæ ac Thebaidis mentionem, & vt verbulo absoluam, migrarant in Rosam ignita S. Catarinæ Senensis desideria quibus olim antra deserti haud perfuntioriè depoposcerat.

## C A P V T XI.

Rosæ mira cum Christo desponsatio, pronuba Augustissima Imperatrice Angelorum.

**E**X Historia Vitæ B. Catarinæ Senensis Rosa didicerat, Virginem Seraphicam adhuc mortalem Christo Sponso fuisse mirabiliter subarrhatam. Currebat & ipsa per huius Sponsæ vestigia *in odorem Sponsi*, sed inter *adolescentulas* vt sibi videbatur, neq; enim illa animi sui profunda demissio permittebat, quod vsq; ad singularem Sponsæ dignitatem tantæq; celsitudinis titulum auderet vltro aspirare. Et tamen in Rosæ thesauris eminebant virginea puritas & abyssalis Humilitas, quæ propriam his nuptijs dispositionem parant, dotemq; constituunt, quo fit, quod raris eiusmodi hymeneis peculiari iure præsideat Augustissima Angelorum Imperatrix, vtpote supremæ tum Puritatis tum Humilitatis priuilegio. *Virgo singularis*, quæq; vt in ceteris ita celebrius in his duobus nec primam similem visa est nec habere sequentem. *Humilitatem*  
Rosæ

Rosæ iam Cap. V. utcumq; tractauimus : *Paritas* hic tractanda foret ante cœlestes nuptias, verùm de hac nobis ad compendium sufficiat concors depositio Confessariorum, quotquot generalem Virginis exomologesim exceperunt; hi fuere XL. nimirum VI. ex Ordine Prædicatorũ, V. ex Societate IESV, singuliq; seorsim velut vno ore ac sub fide iuramenti testati sunt, Virgineum Rosæ candorem ea semper nituisse puritate, vt neq; veniali macula vllius lasciuiaẽ vmquam fuerit attaminata, nec in tota ipsius vita vel semel ei obrepserit fœda aliqua cogitatio. Nempe hyblæam Rosam non tangit scarabæus.

Itaq; tam rarum pudicitiaẽ donum, tam humilis ac pura Virginitas à primo ætutulae suæ quinquennio iam Christo sacrata per votum flos simul & dõs erat futuro Sponsi Nazarenĩ connubio, sed Rosa quantum amabat *Lilium inter Spinās*, tam abiectè sentiebat de seipsa, vnde prodigijs opus fuit, quibus à longè præpararetur ad mysterium, erigeretur ad consensum. Primum (: ex ijs quæ innotuerũt) hoc fuit: quando bicolor ille Papilio, de quo supra Cap. IV. supernè aduolans insedit Rosæ, nõtatum est quòd aliquamdiu per sinistrum Virginis latus reptando oberrabat donec rectà è regione cordis constitisset; illic videbatur morosius & amorosius occupari, nam instar apìs fauo cõstruendo intentæ vertebatur in breues gyros quasi penicillo quidpiam delineans. Expleto opere disparuit, & ecce cordis effigiem plenè ac scitissimè formatam in veste Rosæ, quam à Papilione ibi depictam relictamq; conspicuè obseruarunt puellæ quotquot in eodem conclauì laborabant: at hæ ignorabant arcanum symbolum cordis virgineo cordi inaratum, sola Rosa sentiebat (: sed obscurius adhuc) clamantem eminus Sponsum : *præbe mihi cor tuum*. Coniectabat se à variegato Papilione nõ solum vocari ad concolorem Senensis Catarinæ habitum, verùm etiam insigniri eodem emblemate cordis quod olim cum Sponsa

Senensi Sponsus æternus permutârat . Nihilominus remotiora hæc erant , quàm vt tanti Thalami spem certam , inuergerent , & tamen ( : vt postea claruit ) eminus ista felici Sponsalizio præludebant .

Paulò apertius alterum, quod sequitur . Post assumptam tertij Ordinis candidam vestem nocte quadam in somnis ostensa fuit Rosæ pulcherrima ac decentissima Viri speciei : penè suggerebat animus cœlitem quemdam esse , imò ipsummet speciosum forma præ filiis hominum , nisi quòd habitus latomum fingeat, seu marmorum cædentorum nobilem artificem . Et reuera is erat, sed tunc festinus & amans venerat, tamquam Virginem illic Sponsā sibi quæsiturus . Rosæ, cui nec per somnium vlla vmquam placuerat nuptiarum cogitatio, sentiebat intus, vno isto coniugio nihil felicius in tota sibi vita posse obtingere . Gratix sympathia hæc erat, quæ Rosam docebat amare, *Secreta quæ non nouerat* . Annuic ergo oblato fœderi castissima turtur, ac data vtrinq; maritali fide gratosus ille Sponsus tamquam necessarium iter peracturus discessit; prius tamen nouæ suæ Consorti aliquot ibidem marmora certò numero incidenda, formanda, polienda commisit dum peregrè rediret . Quòd verò coniugum sit relinquere Patrem, & Matrem, vt sint duo in carne vna, monuit Rosam suam Neonymphus, alendorum parentum curam posthac ipsa deponeret, aliundè se illis prouisurum ne quo egeant . Visus deinde ab itinere rediisse Sponsus, at Rosæ quæ interim opus suum lapidarium ex toto nondum absoluerat, pudore suffusa, multis excusare se conabatur, quòd necessitatibus parentum impedita, quòd rudis adhuc illius artis quæ tam inusitata esset fœmineis manibus lino dumtaxat ac lanæ assuetis . Hic Sponsus subridens, ne credideris ( : inquit ) Dilecta mea, solam te in fœminis esse, quam duris hisce laboribus occuparim : statimq; proximi conclauis ostio latissimè diducto ostendit Rosæ lapidariam

dariam officinam peramplam ac spatiosam, quam solæ implebant Virgines arduo labori gnauiter intentæ; his pro acu malleus & scalprum, pro lana durissimi lapides & saxa erant, his tundendis, æquandis, & ad normam affabrè conquadrandis instabant totæ, secabāt, excuabāt, læuigabant, defricabāt, & ut ferramēta citius durior lapis admitteret, hunc affatim emolliciebant crebro suarum lachrymarum stillicidiis. Quodq; sat mirabile videbatur, inter hos impolitos saxorū cumulos & puluerulentas operas vestis erat singulis virginibus non plebeia ex more opificij, sed pretiosa, fulgida, solemnis, quæ nuptiale conuiuū, aut publicā theatri pompā saperet, magis quā sudoriferā officinā. Mirabatur Virgo Virgines operi tam insueto implicitas, at significabatur virtus occupata in arduis; circumspiciebat singularum artificum marmora iam elaborata, absoluta, seposita, quorū nulli ad perfectionem exactissimam quidquam deerat. Tandem Rosa niētū fortuito in se reflexa, vidit eodem quo reliquæ ibi Virgines splendidissimo amictu se pariter circumdatam inclarusse, & quæ illa cunctis suo dumtaxat habitu Dominicano simpliciter canduerat, repente se deprehendit in cyclade gemmis & auro distincta, ut ad easdem illic operas se quoque nosset auctoratam. Quot quantaq; mysteria ex vnica hac visione didicerit Rosa, particulatim apparebit in sequentibus, hic ad solius cum lapicida depacti sponsalitij euentum festinat historia.

Iamq; post eiusmodi præambula supererat vltimum, quod demum hic Sponsus manifestè ac palam se insinuaret virgili Rosæ, & exuto latomi schemate Virginem ad conubialem thalamum apertius inuitaret. Ità accidit, & quidem hoc ordine Dominicā Palmarum annuo ritu peracta benedictione distribuebant Ramos Sacristæ per chorum, & Ecclesiam dum adornatur solemnis Processio: interea cum alijs Sororibus tertiarijs expectabat ibidem & Rosa  
palmam



palmam suam, geniculata in Rosariano Divæ Virginis sac-  
 cello. At siue incuria, & errore properantis Sacristæ, siue  
 (: quod potius crediderim) singulari Numinis consilio ac-  
 cidit, quod hac Vice Rosa sine ramo fuit, omnino qui-  
 dem præter morem, nam annis superioribus in palmarum  
 distributione (: vtpotè Filia Ordinis) præterita nunquam  
 fuerat. Hac igitur novitate confusa Virgo, vt assolent te-  
 neriores conscientiz extimuit, ne aliquo forsan obliquo  
 animi motu indignam se reddidisset illius ramiferæ Pro-  
 cessionis consortio. Circuviit tamen cum reliquo fidei  
 populo, at mæsta & verecunda, peractoque circuitu rectâ  
 Sacellum Rosarianum (: suum portum) repetijt, sibi ad pe-  
 des Deiparæ Virginis cor suum effudit per vndantes la-  
 chrymas, seipsam reprehendens si fortè palmam benedi-  
 ctam aut nimis ambitiosè concupierat, aut per inertiam  
 non quæsierat. Deinde in vultû Augustissimæ Deiparentis  
 intenta, vt vidit hunc sibi serenum & solito dulcius adblâ-  
 dientem, resumpsit animum, iamq; complacbat sibi in eo  
 quo fuerat contristata, & absit (: inquit) quod à mortali  
 manu palmam accipiam, tu Domina, tu *Palma exaltata in*  
*Cades* me ramo ditabis immarcessibili. Ad hæc verba  
 mox vidit Cœli Reginam vultu exporrecto & hilari con-  
 uerti in paruulum quem vlnis gestabat Filium, ac inde  
 velut à fausto oraculo suavius respicere in Rosam; hæc  
 ignoto perculsa gaudio vertit oculos in paruulû, ipsumq;  
 similiter aridentem sibi conspexit. Inter hos duos melli-  
 fluos vultûs æstu reciproco oberrabat Rosa, festinabat ab  
 vno ad alterum, deliciabatur in alterno spectaculo, & quò  
 sæpius ad alterutram redibat faciem inueniebat dulciore.  
 Pluries in eadem S. Imagine (: vt infra narrabitur) demul-  
 serat huiuscemodi suavis annictus orantem Rosam, at nû-  
 quam eo quo tunc dulcedinis excessu, ea familiaritatis au-  
 ra ac gratia, illo reconditi favoris singularissimo fulgetro;  
 ita quod sentiebat iam in animæ suæ fundo, magnum ali-

quid secum agi, nec suum procul abesse lapicidam. Affectus erant, quibus nondum inuenit nomina inops mortaliū ruditas.

Quid multa? erupit tandem puerulus *Iesus* in hoc canticum dramatis: *Rosa cordis mei! tu mihi Sponsa esto.* Penetrarunt medullas Rosæ hæc verba, & velut ictu improviso exanimis in se recidit, breuiq; lucta confusorum, affectuum simul & dehiscibat tremula in abyssum sui nihili, & natabat sublimis tumore lætitiæ, nec tamen succumbens tantæ dignationis miraculo animus inueniebat quid responderet, ni succurrissent verba Humilitatis purissimæ: *Ecce ancilla Domini.* *Ecce* (: inquit) *ancillam, ecce mancipium tuum* ò *Rex Maiestatis aternæ; tua sum, tuam me profiteor, tua ero.* Plura parabat dicere, sed continuò reuoluebatur in eandem paræmiam sobria liquescentis animulæ ebrietas, & infans amor quod eloqui non poterat, balbutire gestiebat. Certè non errauit, *quicumq; ille fuit puerum qui pinxit amorem.* Sed quæ olim in Cana Galilææ nuptijs interlocuta fuerat Virgo Mater hîc minimè tacuit, eò vel maximè, quòd sola ipsa huius Sponsalitij paranymphea aderat, sola Rosam promouerat, Filiumq; pronuba exorârat. Itaq; & ipsa nouellam Sponsam affata, *Vide* (: inquit) ò *Rosa eximium fauorèm quò te Filius meus dignatus est.* Epithalamium id fuit, quod non Dauidis plectro, sed ore proprio Sponsi Mater accinuit. Laborabat sub gaudiorum mole, nec se capiebat Rosa, experta verissimè dici: *Sit licet ignis amor, non leue pondus habet:* Aestuabat, ardebat iam palmę oblita Virgo, pro qua successerat *Lilium connalliū* tam speciosum, tam pretiosum. Deniq; iucundissimum ipsi erat, quòd eodem die ac loco & palmam & Rosam amiserat, utpote post hoc connubium non ampliùs sua.

Subsecuta deinde opulentissimi Sponsi nuptialia antidora: nam ut in examine (: de quo infra Cap. XIV.) fa-

terî compulsa fuit) de intimis Gratiae thesauris rara quædam Seraphici amoris incendia descenderunt in Rosam, secumq; traxere longo ordine diuitias inæstimabiles variorum charismatum, quibus animam Sponsæ ditabat, illustrabat, ornabat profusa tam nobilis Sponsi magnificentia: pignora erant, & monilia, datæq; fidei pretiosi arrhabones humanis verbis inexplicabiles, vnde & Virgo de his à suo examinatore pressius interrogata, nec negare ausa, simplicissimè per solam vocabulorum inopiam se excusauit.

Porro vt iugiter tanti beneficii Mnemosynon versaretur ante oculos, domum reuersa cœpit extemplò cogitare de consando connubiali anulo, quem cordis digito in nuptiarum suarum gratam memoriam gestaret perpetuam ac palam; aduocatoq; in consilium vnico germano Fratre paucis desiderium suum explicuit, mysterium celauit. Ille arrepto circino iustam anuli formam delineauit in charta, debitæq; proportionis addidit palam figurâ circuli cui Virgo paruulum *Iesum* optarat insculpi. Supererat vt de lemmate quod anuli conuexo inscriberetur per gyrum, conuenirent. Hic Rosa Fratrem intuita expectabat quid ille decerneret. Is nil moratus, veluti si arcanis Rosæ nuptijs arbiter interfuisset hæc eademmet verba circumscriptis anulo: *Rosa cordis mei, tu mihi Sponsa es*. Obmutuit, stupuitq; repentino gaudio Rosa vt vidit non deliberatione sed impetu raptim incidisse Fratrem in symbolum, quod vnica ac propria totius negotij erat periocha, in lemma quod Christus ipse dictarat & ore proprio gratiosè expresserat: sciebat, illud humanitus non potuisse aut Fratri suo aut vlli mortalium innotescere, altioris id instinctûs fuisse dictamen, proinde nouo iubilo subsultâs in dulcissimo prodigio ludentem Sponsi manum tacitè adorabat. Anulum deinde ex hoc iam chariorem eiusdem maioris hebdomadæ feria V. in Ecclesiâ detulit, magnisq; preci-

precibus à P. Sacrifista impetrauit eidem locum in arcula, quæ illo triduo SS. Eucharistiæ repositorium est & sepulchri Redemptoris monumentum. Illic volebat suum hoc amoris pignus tantisper cum Sponso mortuo tumulari, ut cum eodem resurgente pariter rediret ad lucem, sic protestabatur amabili Sponso, se nec illo defuncto solutam esse à lege Viri, cum quo & mortis thalamum cupiebat sortiri communem. Denique solemnī die Paschatis hic anulus extriduano Dominici sepulchri contubernio iam sacratior graviorq; ad Rosam redijt, & coram illamet Diuæ Virginis Imagine Rosariana ubi contractum fuerat S. Connubij foedus, cordialem Rosæ digitum inclusit, non sine nouo prodigio, nam ceremonia tam secreta fuit, quod nec proximè Virgini adgeniculans Mater quidquam vel minimū aduerterit, quamquam ad omnia Filiæ intentissima.

Post Virginis obitum vnà cum reliqua ipsius permodica supellectile anulus remansit penes Vxorem Gundisalui. Quæstoris, istudq; memorabile accidit anno 1618. mense, Febuario in dicti Quæstoris ædibus. Vir ille sanctitatis fama conspicuus (de quo supra in fine Cap. VIII.) dum Rosæ defunctæ coronam spineam deuotionis ergo contrectarat, diutius hæsit in anulo, quem ut sibi à D. Maria de Vfatègui porrectus fuerat, modicæ chartæ inuolutum, stringebat intra pugnum. Et en, quidquid sentire ex attractu coronæ cœperat, longè validiùs sensit ab anulo, supernos attractus præpotentes, dulces, delicatos, luminis inusitata, excelsa, pretiosa; ardores Spiritus vsq; ad animæ liquefactionem efficaces, blandos, subtiles. Videbantur analecta esse nuptialis cōuiuij quo Rosa cum Sponso fruebatur in Cælis. Paulò post hic seruus Dei velut internis stimulis impar erupit in voces: *Benedictus Deus, qui tam mirabilis est in Rosa sua. Laudetur SS. Trinitas cui in excelso Gloria fastigio inter præcipuos Paradisi Cines assistit Rosa. Rosa dilecta! Rosa prælecta! Rosa candidissimi Agni Spōsa!*

magna

*magna es, sublimis es, gloriosa, praeclata, incomparabilis es in Triumphali Sanctorum agmine.* Per multa similia ru-  
 etabat idem tunc corde pleno, affectu suauissimo, ac cor-  
 pore prorsus immobili, nam intus ille iubilis ut linguam  
 & os sedentis laxauerat, ita reliqua membra ligarat, adeo  
 quod nec valebat de sella surgere nec brachia aut crura  
 stupore obrigida mouere. Dextra manus quae anulum im-  
 plicauerat, sedis costae laterali innitebatur, ac fixa, velut ac-  
 clauata. Sinistram cordi apposuerat contra immodicam  
 palpitationem exundantis laetitiae, sed & illa insolubiliter  
 videbatur adglutinata: conabatur semel iterumue fortu-  
 natus homo se excutere de sedili, disungere tibias, aut  
 brachia saltem attrahere, nec quidquam horum poterat.  
 Interim pergebat lingua, quae sola mobilis erat, prosequen-  
 batur nunc Dei nunc Rosae encomia, dum simul persona  
 tota cum nimia interni sui gaudij vehementia luctabatur.  
 Quaestoris vxor deuoto spectaculo iam diu oblectata ma-  
 ritum aduocat quasi ad perfunctoriae salutationis debitum  
 officium, nam hospes qui confederat illis in aedibus notis-  
 simus & charus erat. Accedens Quaestor Gundisaluus ho-  
 minemque comiter salutans vidit hunc minimè assurgere,  
 mox vidit nec posse. Hic resalutandi pariter & excusan-  
 di formulas tentabat proloqui, sed frustra, relabebatur  
 enim in eadem Dei & Rosae praecordia, inde querula su-  
 spiriorum dulcedine accusabat violentiam gaudiorum quae  
 felicitis Rosae anulus ingerebat: *ô (inquit) amores! ô qua  
 flammula! qui fernelles! quam sorrens suauiter, quam re-  
 ponsu tenerè per medullas! ô ignes, ô delicias, ô anima astu-  
 ansis vincula tenacissima, nexus pericundi, amplexus inelu-  
 stabiles!* Gundisaluus commiserantis & gratulantis affe-  
 ctui mediis rogabat, num placeret anulum (vnde haec  
 laetitiae tormenta erant) manu-mittere, ut illo sedilis &  
 gaudij se carcere expediret? tacuit homo, demum annuit,  
 sed explicare manum implexosque exserere digitos nequa-  
 quam

quam potuit. Auxilium offerebat Quæstor : admittit. Mirum dictu ; brachium Viri Gundifaluus obstipum reperit ac inflexibile , dexteram algido sudore madidâ vt in mortuis solet , digitos circa anulum ita contortos , implexos , nodosq; incuruos , vt vi ac morâ opus fuerit qua sensim explicarentur . Hinc itum ad sinistram , quæ vt pectori anelleretur, pari anhelitu laborandû fuit. Sic deposito anulo cessarût gaudia cesserût vincula, surrexit liber è sella qui paulò ante tenebatur in captiuitate letitiæ nuptialis. Videbatur anulo restituto simul exuisse manicas & pedicas , quâquâ fateretur , longè melius sibi fuisse in illo deliciarû compede, quàm in miserantis Amici præpropere solutione . Deniq; fidem silentij obsecrauit & abiit . Quòd si in aliena manu tanta potuit nuptialis Rosæ anulus , ipsæmet nuptiæ quid non potuerint in Sponsæ anima ?

## C A P V T XII.

Rosa perpeti orationis studio miram assequitur cum Deo vnionem .

**S**I, qui adhæret Domino vnus Spiritus est cum eo, 1. Cor. 6. fas erit inde conijcere , quàm sublimem vnionis Diuinæ gradum Rosa attigerit , quæ orationis familiaritate iugiter soli Deo inhærebat . Adhuc infantem interna vnctio Spiritûs orare docuerat, feruorem indiderat quem plerûmq; nec ipsa nocturna sônia distrahere ad alia objecta potuere . Hinc sæpius per noctem audita est dormiens numeratò totidemq; verbis reddere precatiunculas quibus



quibus per diem prolixius inuigilârat. Crescebat cum ætate religio, cum staturâ corporis eluatio mentis in Deum; nam & pueriles ipsius annos exercebat seria meditando frequentia, subitisq; & præcocius incrementis excelsa contemplationis peritia eò maturuit ac pertigit, vt circa duodecimum ætatis annum deprehensa fuerit iam consecuisse illum Orationis gradum, quem *Uniuersum* mystica Theologia appellat. Sic compertum in examine de quo infra Cap. xiv.

Porro duplici assueuerat orandi modo: prior isq; præcipuus erat, quando exoccupato simul tum corpore tum animo quietissimè se totam collegèrat ad loquendum cum Deo; alter, quando inter labores manuum externasq; occupationes mentem immobiliter figebat in Deum. Priori (vt supra attigimus) cuiusuis diei naturalis horas non minus 12. seposuerat. Posterior ei continuus erat, & quantum nostræ mortalitatis via permittit, nulli interruptioni obnoxius, nisi dum ad horam patiebatur visiones de quibus Cap. seq. Rarum hoc & singulariter admirandum in Virgine donum fuit omnipotentis dextera, quod siue dormiret Rosa siue vigilaret, numquam & nusquam mentis suæ oculo elabebatur cœlestis Sponsi præsentia; dum nebat, tenebat, fnebat, dum sericos acu pingebat flores, dum alijs colloquebatur, dum comedebat, legebat, ambulabat, in templo, in horto, domi, foris, in platea, in cellula, ubiq; obuersabatur interno obtutui cominus (at velut in speculò) amabilis illa Maieestas cui seruiunt Angeli, cuius pulchritudinem sol & Luna mirantur. Et, quod omnem tum rationem tum admirationem supergreditur, decupabat Diuinâ hæc præsentia interiores Rose potentias sine notabili abstractione a sensibus, ita quod dum Deo loquebatur intus, absq; impedimento simul alia quæq; necessaria cum domesticis tractaret foris, respondebat ad interrogata seriatim, appositè, ordinatè, conuersabatur

sabatur expeditè, disponebat agenda, agebat disposita, facilitate, attentione, promptitudine quæ solent qui vnicè negotijs exterioribus intendunt. Nempè in S. Catarina Senensi simillimum gratiæ paradigma præcesserat, quando streperis culinarum officijs damnata construxit in intimo animæ recessu felicissimum illud imperturbabilis quietis cōclave, quò nulla exteriorum tumultuum importunitas penetrabat. Sic Rosa tota foris & tota intus, dum exterius satagebat circa frequens ministerium, simul in secretissimo cordis thalamo deliciabatur cum Sponso. Hinc pluries in ipsa obseruauit Quæstoris filiolas, quòd cum inter suspendum Rosa filum & acum trahebat sursum, vnà cum brachio videbatur & animus eleuari in extasim, breuiq; mōrula in sublimi suspensa manus redibat ad opus, nec aberrabat acus à puncto quem reliquerat.

Aliud æquè mirabile huic dono accessit in cūmulum, quòd inter orandum non facile mouebatur obiectis, quæ ad ipsam minus pertinebant, tamquam si ad hæc sola obtorpuissent Rosæ externi sensus. Hinc sæpè in ea notarunt religiosæ foeminae, quòd sicuti in populosissimo Templo angulum occuparat è regione maioris Aræ attentius precatura, sedebat per horas immota, defixis in Aram oculis, nec prætereuntes videbat, nec ad repentinos circa se strepitus, dessectebat obtutum; imò si quid videbatur rectà incurere in pupillas non attrahebat nictu cilia, non claudibat palpebras, non declinabat vultum; vt putasses cæcam esse, quando vel maximè aquila erat acie irretorta suum admirans solem. Hinc & illa Virginis sui corpusculi rupea immobilitas dum in Templo, in Sacello Rosæ, in domestico Oratorio fundendis precibus vacabat: nam quo loco situq; ad orandū initio se cōposuerat, eodē post horas, post diem integrum, post solidum cum die binoctium reperiebatur omnino inuariata. Sic Gundisalui vxor quandoq; pomeridiana hora quarta inuenit Rosam eodem genicula-

nieulatam angulo quem in puncto meridiei ad meditationis exercitium occuparat : Sic in Ecclesijs, ubi aut 40. horarum supplicationi, aut alias SS. Eucharistia Sacramentum prostabat adorandum ; Rosa quem summo mane infederat loco velut impetrata durabat in vespertinam sine resolutione, sine motu. Sic in Quæstoris domestico Oratorio, cum sese occludebat Rosa à mane facta V. usque ad Sabbathum ( nonnumquam & usque in Dominicam ) primò rogabat D. Mariam de Usategui, ne toto illo temporis interstitio euocaretur quidquid demum occurreret, si vel ipsa Rosæ Mater veniret Filia locutura : causam rogata candidè respondit, se toto illo temporis spatio immobilem de pavimento surgere in pedes non posse, nequidem ad Oratorii ianuam aperiendam si quis fortè pulsaret ad limen.

Tres dictim horas selegerat, quas sigillatim manè, meridie, vespere solis gratijs Deo reddendis insumebat. In his affectu tenerrimo recolbat singula Dei in se beneficia, mirabatur eius erga se dignationem, adorabat munificam prodigamq; tot donorum, gratiarum, charismatum liberalitatem ; & sanè habebat quotidie noua quæ ex pugillaribus attentissimè gratitudinis recitaret. Familiare quoq; sibi effecit quoddam orandi genus altissimum, luminosum, ignitum ; quo nominatim gloriosa Dei attributa mente persequens, singulis proprium patriæ cultum exhibebat. Verùm tamen et in his alieno potius quàm suo fideret ingenio ; pium doctumq; è Societate Iesv Theologum adiit ; Diuinorum epithetorum sinceram è Sacris Paginis nomenclaturam sibi in epitomen colligi flagitauit. Obsecundauit ille, collegitq; plussculas, sed Virgini pro affectus magnitudine videbatur pauca fascem cupierat non fasciculum ; itaq; à P. Magistro P. Ioanne de Lorenzana grandius supplementum obtinuit, donec summa numeri ad. CL. pertingeret. Hæc ordine aptissimo in XV. decades seciuit, vnicuiq; decadi versum subiectis : *Gloria Patri &c. Si-*

ens erat &c. Porro affirmabat hanc orandi formulam terro-  
ri esse demonibus; utiq; numquam id affirmatura nisi ex-  
perimento suo comprobasset. Deniq; in his Dei attributis  
pene tota movebatur sui cordis systole atq; diastole,  
tantumq; in ijs profecerat, vt modeste aliquando fassa sit,  
etiam inter nendum ad singulas acūs puncturas nouo se  
Deum encomio compellere.

Insuper notatum fuit, adeò Virginem orationi adhæsisse,  
vt familiares sermones quibus erga alios utebatur, simul  
vim orationis plerumq; continerent, quodq; interrogan-  
tibus responsum dabat simul idioma erat mentis in Deum  
eleuatæ; exempli gratia, si cum alijs foeminis hortum in-  
tranti operosius laudabatur viridarij amænitas, responde-  
bat comiter: *Venustus ac pulcher est hortus, Deus illi flores  
adaugeat.* Verum ipsa præcipuè indigitabat hortum ani-  
mæ, cui à Deo precabatur floridâ augmenta virtutum;  
sicq; ingeniosè vni paræmiæ duplicem sensum includens;  
altero satisfaciebatur alloquenti, altero Deum alloqueba-  
tur ipsa. Obseruatum id crebrò, inq; diuersissimis materi-  
js, quarum vix vlla effugiebat hanc spirituales & sanctam  
æquiocandi solertiam, ne quid Rosæ ori excideret quod  
non esset oratio.

Accidit quòd die quadam ab Ecclesia domum rediens,  
vt sensit malè sibi esse, pulmentum sibi ex aqua tritoq; pa-  
ne obiter parare constituerat, utq; focum accenderet, ar-  
dentem aliundè titionem fuerat mutuata. Dum reuer-  
titur, audit è pergula canoram auiculam. Substitit Rosa non  
dedignata, volucrem auscultare tantisper vtpotè Dei lau-  
des (vt sibi imaginabatur) modulo suo cantillantem. Per-  
gebat auicula modulari, variabat lepidæ vocis argutias,  
duplicabat gargarysmos; at Rosa subito pudore in se re-  
ducta obiurgauit seipsam: *quid?* (inquit) rudis ista  
bestiola meum suumq; Creatorem laudat pastus sui obli-  
ta, & ego parando mihi cibo occupabor? quantum est

quod huic donauit animalculo naturæ Autor, & en totis præcordijs totis viribus ei rependit laudis tributum, ego verò de pastu cogito, nec sollicitor quid retribuam Domino pro omnibus quæ retribuit mihi! Hinc conuersa ad titi-  
 tionem quem manu gerebat, vnde quaque extinctum vidit, mirata se tanto tempore illic substituisse, dum totus paulatim extingui titio potuerit: credebatur, se nec dimidium horæ quadrantem in auiculæ musica hæsisse attentam, & fors-  
 san horæ integræ effluxerant. Proinde in se denuo retrac-  
 ta, cepit & ipsa laudare Deum, eo seruire qui sensim Rosam abripuit in extasim, nec ab ea vsq; ad vespertinam sese explicuit, cum manè tribus circiter ante meridiem horis auiculæ melodiam cœpisset auscultare.

Paradoxum foret, si Rosa quod alijs tanto conatu sua-  
 debat, sibimet ipsi non æquè seriò persuasisset. Quidquid hortabatur proximos, quidquid inculcabat, vnum orationis studium erat. Ad huius exercitium Scholamq; inter alios Ferdinandum germanum suum fratrem nitebatur al-  
 licere, promittens laborem exiguum, fructum eximium, atq; inæstimabilem fore. Ille de fructu nil dubitans laborem difficultatemq; maiorem credidit quàm Soror aut prædicabat aut credi vellet; quidquid de saluberrimi exercitij facilitate iactabat Virgo, meras ipse hyperboles fœmine-  
 æq; simplicitatis fabulas interpretabatur: nec tamen destitit Rosa docere fratrem, qua methodo ac ratione inter medias seculi occupationes animum teneret in oratione, defixum. Pari sollicitudine pios libros, quotquot de Oratione peritijs tractare nouerat, & legebat ipsa & legendos alijs, facunda efficacitate consulebat. In his eminebant Ludouici Granatensis erudita Opera de Oratione ac meditatione, quibus assidue euoluendis reuoluendisq; Rosa hebdomadam diuiserat, varijsq; colorum signaculis quid sibi quoquo die legendum distinxerat. Nec minore cura PP. Confessarios quotquot adire poterat, monebat, roga-  
 bat,



bat, obsecrabat, vt suos poenitentes omni suadela & arte, inducerent ad mentalis orationis subeunda gymnasmata, aduerterent magnam hanc esse pharmacopeiam omni aduersus peccata antidoto instructissimā, orationis vsu purgari spiritum, alligari animarum vulnera, hac aperiri celulam Sponsi vnguentariam, omnisq; ceromatis apothecam. Nec Rosa his contenta, ipsos quoq; Divini Verbi praecones frequentissimè compellabat, suos auditores ad orationis exercitamenta inflammarent, vsum piarum meditationum populariter inueherent, disciplinae huius utilitatem, suavitatem, praestantiam omni argumentorum vi, totoq; facundiae suae connisu priuatim ac publicè commendaret. Peculiariter afficiebat Rosam Parthenici Rosarii deuota recitatio, at sub eo ritu ac normā, qua illam primitus ex instructione Deiparae tradiderat mundo S. Pater Dominicus, hoc est cum innexa decadalim consideratione mysteriorum nostrae Redemptionis. Amabat hanc precandi formulam, quod in ea coaluissent mentalis simul & vocalis oratio, singulaq; huius partes & affectus, petitio, vox laudis, gratiarum actio &c. Hinc Rosa velut armillam brachio circumligarat paruum ex minutissimis orbiculis Rosariolum, cuius granula occultè trahebat ad singulas salutationes Angelicas, etiam vbi alloquijs & conuersationi se reperiēbat implicitam. Profuit sanè permultis hoc exemplum Rosaq; ardens hortatio, vt frequentandis Dei laudibus familiaritatis adsuēscerent.

Quintimo hic orandi affectus in Rosa tantæ energiae fuit, vt vel ipsas insensibiles plantas, stupida ligna, mutesq; stipites ad laudem, reuerentiam, adorationem Deo exhibendam mirabiliter inclinaret. Rem adfero inauditam. Matutino crepusculo Rosa de more ad cellulam suā anachoreticam reditura, simul vt horti ianuam pandebat, eminus conspectas arbores, virgulta, herbulas omnes intuitabatur vt secum benedicerent Creatori: *Benedicite vniuersa germi-*



*germinantia in terra Domino.* Et ecce, moueri subito incuphoniā & concentum ramusculos, collidi frondibus frondes, plaudere omni ex parte streperos foliorum susurros, motitari humiliorum plantularum capita; ipsa legumina, flores, frutices, corymbos agitatione varia quodāmodo animari in placidā hymnidici murmuris harmoniam. Neq; id satis: ipsa simul arbuta fledebant ramos in terram velut osculatura solum in Conditoris sui reuerentiam. Accidit, quod mane quodam probatæ fidei personæ se Rosæ hortum adeunti comitem adiunxerat, vix intrarant, cum ad solitum Rosæ inuitatorium vidit certatim incuruari arbores, adeo quod summitatum cacumina terram attingebant lentèq; verrebant solum, velut profundæ adorationis solemniſſimo ritu. Obstupuit Socia, præsertim quod videret id Rosæ peregrinum aut nouum non esse, nam aliundè quoq; innotuit huius prodigij conspicua frequentia, vt illud Virgo nec celare conata sit, nec negare potuerit, subiungebat tamen: vide, num amari dignus sit ille admirabilis mundi artifex! vide an laudari, coli, adorari mereatur à nobis illa æterna Maiestas, cui terrenum, hoc germen, rudes trunci, cuncta vegetabilia modo quo possunt laudis canticum adsulurrant, prorsus venerationis tributum pendunt?

Aliud suppar, & finio. Anno qui Rosæ ultimus fuit, per totam Quadragesimam Sole occiduo aduolabat propè aduersus Rosæ cubiculum, avis paruula sed mirè vocalis ac sonora, ibiq; vicinæ arboris frondem occupabat, quasi dato signo, eruptura in cantum. Rosa conspecto hoc suavespertino choraule sese & ipsa parabat ad laudes Deo modulandas. Exin quasi tessera data inuitabat auiculam metro quod hunc in vsum composuerat, ferè hoc sensu.

Laxa fibras philomela, dulce prome canticum,  
Pangat hymnum vox anhelæ, collaudemus Dominum.

Tuum

*Tuum lauda Creatorem : meum ego Salvatorem*  
 Deum utriusq; nostrum collaudabo . Pande rostrum ,  
 Pande guttur cantillando . *Alternantes concurendo*  
*Melos demus vocibus .*

Confestim auicula tractu vocis lenissimo inchoabat argutulam cantilenam, ac sensim vocalior assurgebat in epiphonema, multisq; flexibus sinuosam absolvens Oden, Virgini cedebat vicem . Tacenti auiculæ succedebat Rosa, ac voce qua præstabat tinnula suauissimaq; prosequabatur Diuinas laudes ingenio ad miraculum fecundo ac prompto : Mox conticescente Rosa ex abrupto carmen suum resumebat auicula, duplicabat intercisionum minutias, tremulis arteriolis volubiles confundebat accentus, deprimebat, eleuabat, torquebat facillimas lubricæ vocalæ argutias, & repente velut ad pause signum ininterquiescebat . Subintrabat continuo æmula vox Rosæ, instaurabat iubilum, magnificabat ineffabiles perfectiones altissimi Numinis, attollebatur vrgente spiritu, languescebat facundis suspirijs, demum prærupto suo silentio antiphonæcum suum reuocabat ad cantum . Ita in Dei laudibus alternabat Rosa & auicula, idq; non perfunctoriè, sed integro læbentis horæ spatio, tanta lege ac ordine, vt canente auicula ne quidem mutiret Rosa, & vicissim Rosâ modulante auicula attentissima nec pipiret; tandem in puncto horæ sextæ pomeridianæ quasi perfuncta officio auolabat, postridie ad idem reditura . At Virgo piorû rythmorû extempore ferax Odæi proscæniû claudebat hoc ferè epilogo :

Ut amem te ò Rex me cuncta stringunt iura,  
 Cum tu Creator sis, & ego Creatura .  
 Deinde ad adstantes socias lepidè conuersa subdebat :  
 Auicula me deserit, fugit succentor meus,  
 At semper mecum permanens sit benedictus Deus .

Latinæ

Latine hæc satis efferi non possunt, quæ in Hispano Rosæ idiomate proprijs numeris venustius illigabantur. Sat esto, quod Rosæ ea Orationis vis fuerit, qua volucres cœli, qua terræ germina sibi attraxit in alternam adorandi societatem.

## C A P V T XIII.

Rosa desolatorijs visionibus exercetur, ac horrendas alterius vitæ pœnas degustat.

**Q**Uod auro fornax, id iustis & electis tribulatio: præcipue vbi obuiandum periculo ne magnitudo reuelationum extollat. Hæc Paulo hæc Rosæ fornax diuinitus obtrigit, sed diuerso igne. Illum stimulus carnis subiecit colaphis, hanc carbones desolatorij coxerunt in internæ derelictionis pœnali sartagine. Vterq; præ angustia clamauit in cœlum, utriq; responsum coelitus: *Sufficit tibi gratia mea, nam virtus in infirmitate perficitur.*

Ad rem. Vsq; ad gradum perpetis cum Deo yunionis Virgo ascenderat, simulq; coepit in dies singulos atrocissima pati mentalium obreuebrationum interualla, quæ non obiter sed solidis plerumq; horis eò deprimebant miseram, vt sæpè nescierit in gehenna esset, an in Purgatorij duro carcere, vel quibus in ergastulis retrusa caligaret. In istu oculi se inueniebat illic, vbi nulla suauissimi Numinis memoria, nullus Diuinæ præsentiae gustus, nullum cuiuscûq; solatij aderat vestigium, vmbra, mentio. Desertum erat obscuritatis, languoris, hebetudinis; regio mortis, nox

deliquit, antrum ultimæ calamitatis; in eo quàm longinquus Virgini Deus, tam procul ipsa sibi. Iacebat sub tenebrarum immànì pondere gemens Rosa, nec ad obiecta supernaturalia, imò neq; ad naturalia sese valebat attollere. Conabatur intellectus vel minimas Deitatis arripere stricturas, sed omne lumen diffugerat, cupiebat voluntas amaro, sed congelata obtorpuerat, laborabat memoria è multis aliquam saltim præteritorum fauorùm imaginem menti adducere, nec poterat. In pænarum cumulum recordabatur velut in nebula, aliquando se nouisse Deum & dilexisse, at sentiebat se hunc eundem nec nosse nec diligere, utpote quem velut peregrinum, absentem, alienum, extraneum, vixq; de fama notum eminus, raptim, tenuiter adniscabat. Hoc verò omnium molestissimum erat, tam procul exulare à Dilecti notitia. Tentabat deinde, saltim per vestigia illum quærere in creaturis, sed nec illa nec istæ apparebant sub lineamento quo solita analogia repræsentarent Creatorem. Interea terror & angor strenuè obibat partes suas. Vociferabatur cor afflictum, *Deus Deus meus, ut quid me dereliquisti?* Sed in vacuo animæ exinanitæ respondebat nemo, nec echo quidem. Redibat ad lucem conatum, sed consopitus erat omnis affectuum calor, obtusa omnis ratio, omnem vndiq; pietatis sensum profundissimus obsederat lethargus. Quid ageret sub his tormentis Virgo tam diuisa in se, quàm auulsa à Dilecto?

Verùm præcipua dolorū pars erat, quòd hi faciem præferebant quasi æternum duraturi, nec finem vllum promittebat vastà miseria, nusquam patebat huius labyrinthi exitus; videbatur quasi muro adamantino obstructum effugium; vnde perplexa Rosa non reperiēbat quo ab infernali *pæna damni* hanc suam infelicitatem secerneret. Conabatur inde venari tristissimum solatium, quòd putabat sub his cruciatibus se sensim interituram, neq; enim videbantur

bantur tales , qui sine totali destructione fragilis creature subsistere diu possent : at tunc ei importunè occurrebat animæ suæ immortalitas quam nulla poenarum vis interire nullus infernus extinguere sufficeret . Interdum , prope erat , vt inconditos clamores ederet imploratura auxilium , at reprimebat cassos impetus , memor neminem posse calamitati tam inexplicabili succurrere , sibiq; deesse verba idonea quibus eam proximis vel tenuiter adumbraret , sed neq; in orbe toto reperiri Doctorem adeo disertum , profundum & eruditum , qui huius poenæ gravitatem aut speculatione assequi , aut animo complecti posset .

Per ipsos quindecim continuos annos quotidie minimum semel in hanc desolationis caliginem demergebatur pauens ac tremens Rosa , nec minus horâ integra ( : quandoq; diutius ) palpitabat sub hoc agone ; tantumq; abfuit quòd vlla hos terrores mitigârit assuetudo , vt penè adauxerit : nam vbi postridie Virgo relabebatur in idem chaos , denuo sub eadem luridæ æternitatis larua recurrebât horridi pauores , nec mærenti suggererat ligata memoria , quòd inde pridie emerisset . Vnde iterum anima eius in malis tabellebat , iterum diffugiebat omne euadendi solatium , iterum exanimem abyssi operiebant , & Rosa tota iam spinea . imò spina rigebat in ima voragine tribulationum . Attamen quibusdam diebus velut per rimulam irrepebat afflictae lentum tantillæ spei crepusculum , quo vtcumq; suspicaretur hoc animi supplicium sine nō cariturum , sicq; videbatur Purgatorij magis quàm inferni ærumnam sustinere . Nihilominus & tunc sæuissimè vrebat Sponsi morosa absentia , affligebat durissimi exilij cruda relegatio , contristabat amarissimæ viduitatis longum diuortium , & quòd reliquam superabat molestiam , tunc quoq; conabatur & nosse , & amare . sed neutrum poterat ; excutiebat mens confusa , oberrabat , palpabat , impingebat orbata lumine , quærebat , pulsabat , gemebat spiritus contribulatus nec

audiebatur, exaruerat cordis fundus, distabuerat vigor, nulloq; vitali motu, nullius affectûs sapore Diuinis afficiebatur. Denique tantus fuit istarum figurarum horror, tanta horrois acerbitas, quòd Rosa tametsi ad quiduis sufferendum à teneris impauida vnicum hunc amaritudinis calicem à se transferri enixè petierit tamquam suis viribus omnino superiorem ac simpliciter intolerabilè; vnde rogabat Sponsum, dignaretur potius ipsam deducere per vias ordinarias suorum electorum, nec vltra permetteret sic amantem dehiscere ad ima profundum, vbi non est substantia. Et reuera, vt durum sit animam separari à corpore, durius reuelli à semetipsa, durissimum fuit reuelli à Dilecto post experimentum vnionis ac suauissimorum amplexuum, siquidem Augustino teste quod corpori est anima hoc amanti animæ Deus, illiq; minor est pœna ab animando quàm ab amando desistere aut repelli. Nihilominus Rosa vt agnouit sic placitum esse ante Deum, virili planèq; heroico spiritu amplexa tormentum, *non mea* (: inquit ) *voluntas fiat sed tua*. Sicq; constanter ad securæ diei similem equuleum sese præparabat, numquam secuta in quam horam is pavidam expectaret.

Tam abstrusa, monstrifica, ignota erat harum desolationum figura & natura, vt vix demum reperti fuerint Theologi perspicaces & gnari, qui de illarum crasi quidpiam certi præsumerent diffinire. Initio Rosa diuersos adibat Confessarios, si quid fortè remedij, leuaminis, aut saltim consilij dare nossent: at illi nec satis assequebantur quid Virgo dicere conaretur, nec peregrina tot ænigmatum innolucra cogitatu sat capaci adæquabant. Vnus respondebat, aut deliria esse, aut insomnia. Alius rem ad lemures & spectra imperitè reijciebat. Non defuit qui nugas, aut sanè dæmonum præstigias & vana terribulamenta suspicaretur. Aequiores fumantis melancholiæ seu atræ bilis esse paroxysmos interpretabantur, quòdq; cerebrum  
inedia



inedia ac vigilijs attenuatum nimis patēret horridis lūridorum phantasmatum incurſibus, ex aduſione vitiati ſplendens, aut ſœculenti ſanguinis corruptione. At Roſa, quod certò ſciret hanc calamitatem non eſſe à corpore, triſtabatur grauius, neminem ſe inuenire qui vel morbum intelligeret, vel in tantæ perplexitatis charybdi cynoſuram aliquam oſtenderet. Ingemiſcebat deinde rudirati ſuæ, quod præ inopia ſterilis ( vt putabat ) ingenioli ac loquendi inſcitia non poterat afflictionem ſuam idoneis vocabulis explicare. Sic ergo incurabilitatis ſuæ culpam imputabat totam ſibi. Vnum ſupererat exile ſolacium, quod Mater ſicut auxiliari non poterat, ita hoſ Filix terribiles agones penitus ignorabat, turbanda aliàs & turbatura ſi reſcuiſſet. Verùm & hoc Virgini tandem nouæ vexationis auxilium fuit : nam vt aliquoties in vultu Filix notarat parens, eam ſtatis horis interdium expalleſcere, angi, palpitare, ac mortuali ſudore propemodum congelari, importunè quod repentinæ ægritudinis id genus eſſet, curq; diſſimularet rogabat, & quò minùs Filia quid pateretur eloqui poterat, eò vehementiùs miſeram vrgebat mater, inſtabat, adiurabat, quaſi internum tormentum alio tormento inueſtigatura. Excusabat puella, ſeiſſam non ſatis habere, compertum quid in anima ſua pateretur, ſed Mater ſonticum morbum ſuſpicata ( præſertim quòd eadem nonnullorum Confeſſariorum erat ſeu criſis ſeu imperita credulitas ) Medicum aduocat, cuiuſq; curæ inutili ſuam tot vndiq; tribulis vexatam Roſam commendat. Proteſtabatur innocens Virgo, incaſſum huiuſmodi ſumptùs, labores, tempus diſperdi, malum ſuum nequaquam in corpore, ſed intus in ſpiritu ſæuire ac dominari; ſed audita non fuit. Proinde videns fruſtra ſe repugnare, nec fidem ſuis dictis haberi, tacuit ac medicinæ ſe ſubiecit quam ſciebat nil profuturam. Nempe hoc vnum adhuc deſuerat tantæ ſuæ calamitatis faſtigio, quòd inſuper cogeatur velut

malè

malè sana ad nauseam catapotia , pharmaca , phlebotomias admittere .

Nitebatur subinde Rosa , vbi de hac suæ desolationis fornace fidentius loquendum erat, adinuenire similitudines quibus utcumq; rem adumbraret , sed mox fatebatur se actum agere . De igne hoc nostro elementalî aiebat ridendam esse comparisonem , quia is nonnisi *pœnam sensus* quam vocant infligere aptus est ; Videbatur aliquid huius attigisse Augustinus, quando inuenit se longè à Deo *in regione dissimilitudinis*: aliquid item in se percepisse Rex citharædus ps. 54. quod appellauit *pusillanimitatem spiritus, & tempestatem*, vel quod Paulus emphaticè vocat *anathema à Christo*. Sed plura sentiebat in se Rosa , quàm verba ista exprimerent , aiebat terrores illos horridasque imagines talem sibi inferre dolorem , qui millies & millies sufficeret cor, vitam, animam eripere , nec se illi sustinendo parem vmquam fuisse, nisi quatenus prodigiosè manu Omnipotentis conseruabatur in vita. Fuit qui putarit Virginem deduci à Deo per scrupèas vias S. Antonij Eremitæ, quem inferni monstra formis terrificis agitarunt. Verùm is consilius erat non afflictio , aut fuga roboris . Creditur S. Catarinam Senensem aliquando idem quod Rosa passam esse ; de B. Henrico Susone id velut competum tradit historia . Visa est ad huius doloris aliquam similitudinem aut proportionem assurgere ille què à mordacissimis scrupulis patitur mens delicata , cum Cœlum sibi vœtibz clausum, Deum hostiliter auersum, infernum rictu immani patulum suspicatur anima sibimet ad modicum derelicta . Deniq; viuaciùs hunc Rosæ cruciabilem horrorem effigiabat Christi in supremo Iudicio vultus asperatus, rugosus, ipsiq; dæmonibus terribilis, dum cogitatur velut iam iam dicturus horrendum illud: *Ite maledicti*. Has rugas, hoc tonitru, hunc pauorem videbatur sibi experiri mæstissimâ Rosa dum laborabat sub hora sui deliqui,

quij, adeo quòd post varias at numquam sæ æquas comparationes effari aliud non poterat quàm : *dolores inferni circumdederunt me, præoccupauerunt me laquei mortis.*

Bis Virgo compulsa fuit edicere alteram huius scenæ partem, videlicet qualis sibi soleret post huiusmodi nubila illucescere Phœbus; fieri enim non posse quin Sponsus ille dulcissimus post tam diram ac tenebricosam eclipsim insigniter recreet ac reficiat animam tot doloribus humiliatam. Ad hæc verba maluisset Rosa aut tacere, aut arte ac dissimulatione sermonem aliò deflectere, sed vt vidit euadere se non posse, ingenuè candidèq; falsa est (: quantum per congruorum vocabulorum penuriam potuit) magalia Dei, quæ sibi post tristissimam ærumnam obtingebant, vt in momento se videbat repositam in vnione qua exciderat aut se excidisse putarat, vt repente sentiebat totam simul animam collucescere & inflammari. Verùm de his opportuniùs in descriptione examinis Cap. seq. Libeat interim mirari lusum Aeternæ Sapientiæ, quæ ad fructum vberiorelem electas animas sic *mortificat & viuificat, deducit ad inferos & reducit.*

## C A P V T XIV.

Rosa Doctorum examen subit;  
yt probetur spiritus an ex  
Deo sit.

**A**Rcanum Gratiæ lumen quod ab infantia Rosam deduxit per vias rectas, simul reflexu admirabili certitudinem indiderat attractûs verè Diuini minimèq; fallacis,

cis, ita quòd de rectitudine semitæ per quam ibat, ambigere non posset, quàmuis hanc parùm tritam, verisq; & obscuris vestigijs vix notabilem comperisset. Nec tamen (: quantumuis certa ) videri volebat quod erat, vnde humillima Rosæ modestia graue, serium, perq; interualla repetitum examen suæ vocationis ac spiritûs recusare non præsumpsit. Inter alios præcipui quos bona fors huic subtilissimæ explorationi destinauit, fuere Doct̃or Ioannes de Castillo & P. Magister F. Ioannes de Lorenzana, cui in Rosam totum vsq; ad extrema competeat imperium. Fuere & alij, at succedanei, quiq; ex occasione dumtaxat penitentia Sacramentalis interdum studiosius intimas eius, animæ latebras peruestigarunt. De primis duobus pauca hic præfari necessum est, vt ex horum sanctitate & peritiâ vis, pondus, fides maturimi examinis aptius innotescat. ,

Doct̃or Ioannes de Castillo professione Medicus, statu quidem Secularis, at exercitio, conuersatione, spiritu planè religiosus, Limæ illis diebus inter selectos Dei seruos eximius habebatur. Philosophiæ ac Medicinæ studijs ad summum apicem eruditus, insuper in omnia Metaphysices adyta summo ingenij acumine penetrarat, celebris ob id in Scholis, in exedris, in doctissimorum virorum congressibus, præsertim quòd mira perspicuitate conceptus sublimes & altissimos proprijs terminis nosset explicare. Vita ipsius merum erat pietatis speculum, ita quòd putaretur virtutes singulas in gradu heroico possidere. Mysticam Theologiam non nudis speculationibus sed, viuis & altissimis experimentis exactè didicerat, suisq; principijs, regulis, & capitibus methodicè digestam egregiè callebat, adeo quòd famosus ille nostri Seculi Mystagogus Didacus Aluarez de Paz Soc. IESV in Peruano tunc Regno Prouincialis, dum suas de Oratione, Meditatione, & Contemplatione præclarissimas lucubrationes apparabat, hñc Virum in plurimis sibi duxerit consulendum. , ipsumque

Tomo 3.<sup>o</sup> de contemplatione Lib. 5. circa punctum *an voluntas ferri possit in incognitum*, suppresso nomine (: siquidem adhuc in viuis erat ) allegat, velut Orationis ac solidæ perfectionis Magistrum, tantumq; digito intento non demonstrat. Scripsit iubente Didaco Aluarezio Castillus iste nobilem Tractatum de ijs, quæ sibi inter contemplationum radios ac lumina occurrerunt. Vidit librum & obstupuit Myrensis Archiepiscopus talium rerum scientissimus, illumq; transcribi fecit Romano Pontifici coram offerendum. Hæc de Doctore Castillo tunc superstitite post alios iuridicè testatus est Petrus de Ortega Sotomayor ex Limensi Cathedratico primario, Canonico Magistrali, Archidiacono Metropolitano, & S. Officij consultore Episcopus Truxilli, dein Arequipæ, deniq; Cusci. Addebat, plura de hoc Viro ac grandiora se prolaturum in publicum, dummodo ultra illum superuiuere contingat. Nunc (: sed breuius ) ad alterum.

P. Magister F. Ioannes de Lorenzana Ord. Præd. testante eodem Illustriss. Præsule eundem cum D. Castillo, aut saltem non inferiorem obtinebat sanctimonix publicæq; opinionis gradum. Eminebant in ipso certabantq; de primatu excelsa vitæ perfectio & Scholasticæ Theologiæ profunditas: concurrebant ardens contemplandi studium & actiua gubernandi dexteritas, vis perspicacis ingenij & alta iudicij maturitas, fuga seculi, & vsus negotiorum. Hinc successiue tot siue Scholarum siue Cœnobiorum ac Prouinciarum in eum confluxerant Præfecturæ, nam Regiæ Vniuersitatis Limanæ matutinus erat Cathedraticus Theologiæ, quam primus inuexit Regno, & in Peruano S. Inquisitionis tribunali censor quem vocant *Qualificatorem*; item Conuentus Limensis Prior, deinde Prouinciæ S. Ioannis Baptistæ Vicarius Generalis, tandem Prouincialis & Visitator, æquè in rebus tum Ecclesiæ tum Reip. versatissimus, omni hominum ordini, summis, medijs, infimis charus &

admirandus, ad quem velut ad commune vrbis oraculum  
 ardua quæq; negotia certatim adferebantur ex consilijs  
 Antistitum, ex Regio *Audientia* (: vt vocant ) Senatu, ex  
 Consistorijs, Iudicijs, Dicasterijs, ex interno extimoq; fo-  
 ro, quia donum Consilij mirificè in tanto Viro eminere  
 sentiebant omnes. Porro quantus fuerit Lorenzana in ea  
 quam iure *Scientiam Sanctorum* dixeris mystica Theoso-  
 phia, quantus in sapore & experimento rerum cœlestium,  
 quàm exercitatus in altissimæ contemplationis disciplina,  
 quàm oculatus ac Lynceus in prudenti spirituum discre-  
 tione, hoc vnum (: si reliqua deessent ) indicio sufficeret,  
 quòd Diuina prouidentia singulariter ipsi spiritum Rosæ  
 commiserit gubernandum. Vnà hic commemorandi fo-  
 rent laude non multum impari P. Didacus Martinez Soc.  
 IESV, Patres Magistri F. Alphonfus Velasquez, F. Ludoui-  
 cus de Bilbao, & F. Ioannes Perez, at primorum duorum  
 examen tot ac tanta complectitur, vt ex reliquis nil addi  
 possit. Modò ad rem pressius. Assedère primo examini  
 honestatis gratia Rosæ Mater & D. Maria de Vfatégui. Co-  
 ram his D. Castillus integro trium horarum spatio Virgi-  
 nem in domestico cellulæ horto velut indagine cinctam,  
 per varias quæstiones distinxit, animæq; venis diligentissi-  
 mè pertractatis omnia sana ac salua inuénit. Primò inter-  
 rogata, à quanto tempore cœlestes stimulos & tranquillū  
 orationis spiritum concepisset, respondit simplicissimè,  
 temporis quidem se non meminisse, eò quòd à prima pue-  
 ritia se repererit fundendis precatiunculis apprimè dedi-  
 tam, ac tota mente ad serios meditandi conatūs erectam,  
 vt nihil occurrere sibi dulcius potuerit, quàm Deo loqui,  
 Deum cogitare, inhiare supernis. Non puduit fateri ista  
 coram Matre, quæ quàm vera diceret, nimis conscia erat.  
 Interrogata de successiuis in hoc studio profectibus, an-  
 pari semper applicatione animi, facilitate, collectione, ac  
 imperturbatæ mentis serenitate orauerit? respondit, vsq;

ad



ad duodecimum circiter ætatis annum se varia inter orandum temperie, difficultatum subinde vicissitudines percepisse at breues & modicas, plerumq; animo libero & quietissimo perrexisse in Deum, at interdum quoq; cum imbecillitate corpusculi, cum somnolentia, & distractionibus luctandum fuisse, verum ab illo tempore in posterum expeditius se orare, eò quòd inter initia sentiret mirabiliter à Deo introrsum attrahi totam animam cum singulis potentijs, gustuq; indicibili intellectum, voluntatem, memoriam Diuinæ pulchritudini sic intus affigi, vt nec sponte se phantasinatum interkursu diuellere, nec occupationibus sensuum externorum distrahi possit à complexu & admiratione præsentis in anima dulcissimi Numinis. Instabat Doctor, an non suæ Imaginatiuæ vim aliquam adhiberet, dum reliquæ internæ potentiæ sic inhærebant saporì Dei, an & quo quantouè connixu, labore, fulcro in hac suspensione dulcissima se sustineret? negauit Rosa laborè, vim, connixum adesse à parte sua, vltro ad tractum quasi magneticum potentias sequi & suo centro obuerti cum suauitate, cuius vel vnica stilla infiniti Oceani amaritudinem corrigeret ac dulcoraret; Inde notabiliter in cor suum descendere calores & æstus periucundos, quos explicare non possit. Hinc radiare continuò in animæ suæ fundo præsentiam serenæ, amabilis, propitiæ Diuinitatis, hanc certò se illic deprehendere, nec alio oblectari se posse, quam quòd experimentalì hac certitudine sentiret intra se Deum. Quæsiuit Doctor, num fortè de mystica theoria libros le&itaret, qui aut methodum artemq; huius introversionis docuissent, aut saltim illius naturam, signa, proprietates, effectus dissertando exponerent? Negauit inops Virgo talium librorum sibi adesse copiam aut vsum, in his solam experientiam & praxim sibi fuisse pro codice, ideoq; se intima animi sui sensa vt vellet appositè efferre non posse, ruditati suæ ne nomen quidem si quod proprium ex-

raret huius intuitiue orationis, innotuisse.

Tunc Castillus, vt erat in hac Schola versatissimus, aggregatus est proprijs notionibus explicare Virgini secretam huius excellæ illustrationis hieraticam, nempe asceticæ disciplinæ Magistris hoc genus contēplandi *orationem unionis* dici, hic intellectum formari specie non acquisita sed supernè infusa, neq; conuerti ad corporea phantasinata sed imaginibus vacuum spiritualis formæ luminosa puritate, imprægnari: hic Deum immediato intimoque illapsu implere sacrarium fidelis animæ, hîc partem affectiuam increati Amoris decidua flamma igniri & candescere, atq; in palato voluntatis felicem beatæ fruitionis prægustum inchoari. Plura addidit ex mysticæ Theologiæ aphorismis, de simplificatione cordis, de cynosura purificatæ intentionis, de nuditate affectuum, de indifferentia resignata, de arcanis introductionibus, de abyssu luminis, de sopore omnis discursûs in intuitu cœlestium, de fonte vitæ, de alijs, quæ Rosæ talium capaci & placuere supra modum, & profuere deinceps vt suis Confessarijs ex hoc vocabulario se nosset clariùs atque significantiùs explicare.

Perrexit Doctor, & studiosè in viam purgatiuam resiliens quæsiuit, quàm diu, quibus industrijs, quanto sudore pugnandum sibi fuerit in prauas animi inclinationes, in vitiârum armata latibula, in morbos indomitârum effrœniumq; passionum? Respondit, vix se meminisse talium certaminum, ab infantia se magno Dei fauore sensisse faciles & summè connaturales propensiones in virtutem absq; vllò tumultu passionum, à prima Dei notitia repletam se fuisse timore & horrore peccati, & si quis motus indeliberatus aduersus rationem nitebatur assurgere, repente ex apprehensione Diuinæ præsentis citra conflictum euanuisse. Interrogata, quid solatij captaret ex creaturis, si contingeret animum contemplantî labore fessum non,

nihil

nihil remittere , aut per eutriapeliā tantisper relaxare ? Respondit , nulla re creata recreari se posse , in hoc solō & vnico omne suū oblectamentum consistere quōd tanta cum certitudine sentiebat in anima sua præsentem Deum , quem si vel ad momentum ē conspectu perderet , id sibi acerbius omni iactura , diuisius omni gehenna videri . Petijt Doctor , quandoquidem in eum gradum nonnisi per tribulos & spineta ascenditur , num saltem aliunde persecutiones & ærumnas passa fuerit ? annuit Virgo , sed ob reuerentiam Matris illic præsentis ad singula non descendit , contenta dixisse generatim , se à domesticis ob vitæ singularitatem varias molestias , insultus , vexationes tolerasse . Verū ab ijs opportuna digressionē incidit in horrendas illas visiones , figuras , pavores , de quibus Cap. superiori actum est , magnisq; precibus exorauit Doctorem , vt sibi illius desolationis ac supplicij naturam , originem , critica , propriamq; interpretationem doctè elucidaret . Non recusauit Castillus edicere quæ sentiebat : quando ( inquit ) in illa obtenebratione videbaris tibi exitum finemq; sperare posse , scito animarum in carcere Purgatorij lugentium dilationes poenossimas te delibasse ; at quando nulla tibi affulgebat spes euadendi , & quidam æternitatis fumus peruadebat horroris caliginem , ipsissimus Inferni typus erat . His poenis eruditur anima ad sui notitiam , dum in lucis ac tenebrarum vicissitudine discit experimento sui nihili , quid à seipsa , quid à Deo habeat , quidq; inter illa & ista interfit . Huius antibari molestissimo pondere teneatur spiritus in suo æquilibrio , ne extollatur in donis Altissimi . Eclipsis hæc docet æstimare Diuinæ familiaritatis præstantiā & dignationem purè gratuitam , sufflamina Timoris donum . Hac fornace probatur aurum , nitefcit charitas , loricatur mascula virtute robustus amor , assuescens diligere non tam delicias Dei quàm Deum . Memini ( inquit ) de nonnullis præcipuis ac Sanctissimis Dei amicis ( : quo-

(:quorum nomina publicis Ecclesiæ tabulis adscripta sūt) eadem legisse quæ de te commemoras; neq; defuere ex ijs qui rogarint Dominum, vt ab huius terroris atroci tormento ipsos demum immunes vellet, libenter se quoduis aliud pœnarum genus subituros. Deniq; huc respexisse Dauidem cum gerneret: *dicatur mihi quotidie, vbi est Deus tuus? anima mea sicut passer solitarius in tecto; ad nihilum reductus sum, & nescius, &c.*

His cursim explicatis vicissim rogauit Virginem Doctor, post illas inferni tenebras & horrores qualiter sibi fuerit? Hic Rosa exterrita, quasi colubrum pressisset pede resiliuit, expalluit, obmutuit, probè conscia si respondendum sit, quanta & rerum copia & verborum inopia sibi foret laborandum. Vrgebat interim Doctor, instabat bis, ter, at nihil elicuit. Tandem seuerius attracto supercilio; aduertito (inquit) ò Rosa hinc tergiuersandi ac silendi locum non esse; tua res agitur: si quid dissimulaueris si quid celaueris in examine, Dei beneficium negasti; ni totum quod exquiro dixeris, nec ego te nec tu me quantum sat est intelliges; & figurarū quas partim explicui partim explicaturus sum ænigmata sensumq; integrè non assequeris. Paruit humilis Rosa, cui metus & pudor totum verecundo rubore vultum accenderat, veniamq; præfata si quod paradoxum rudi, & incautæ excideret, sic orsa est: dum, in ima caliginosæ derelictionis voragine absorptam me puto & lugeo, en repente in ipso pristinæ vnionis meridie velut in Sponsi brachijs me deprehendo, restitutor quasi numquam excidissem, sentio auidos liberrimi amoris impetus, vt cum rapidi amnes disruptis obicibus non fluendo sed ruendo sese euoluunt per cataractam; aspirat mox gratiarum placidus Auster & fluunt aromata: immergitur anima Diuinæ bonitatis immenso pelago, & metamorphôsi ineffabili à se desciscens transformatur in Dilectum, fitq; vnum cum illo. Iussa vlterius dicere, nouo pudore hæsit, rubuit,

rubuit, titubauit, attamen subiecit: inter hos fauores ar-  
 cissimæ Vnionis se sibi videri immobiliter radicatum in  
 Deo, securam in eius amicitia, confirmatam in gratia, sen-  
 tire donum quoddam inexplicabile, fundamentale, solidū,  
 quo reputabat se impeccabilem, vt ille qui fidenter aiebat:  
*quis nos separabit a charitate Christi? certus sum, quia neq;  
 mors &c.* Verū tamen hic protestabatur Virgo, numquā  
 se vlli mortalium hoc dicere ausam, & ne nunc quidem id  
 dicturam fuisse, nisi coegisset rigor præsentis examinis, &  
 si fortè errasset in phrasi locutionis, quam necessitas om-  
 nia efferendi expresserat, censuram correctionis demissè  
 flagitabat. Laudauit simplicem obedientis Rosæ cando-  
 rem Doctor, præcepitq; ne trepidaret, nihil hætenus erra-  
 tum esse, tantū ad reliqua procederet. Processit Rosa,  
 dixitq; voce humili ac intercisā: plerūmq; post illas horren-  
 das tenebras conspicuè sibi ostendi Humanitatem Christi  
 nunc virili nunc infantili aut puerili facie blandam, for-  
 mosam, affabilem; sæpius & Virginem Matrem decoram,  
 amabilem, dulciterq; familiarem. Interrogata de modo  
 & qualitate visionis, imaginaria sit an intellectualis, diu-  
 turna an momentanea, facie ad faciem an obliquè per trā-  
 sparitiones? Respondit, propria illa differentium visionum  
 nomina sibi quidem adhuc ignota esse, at gloriosam Chri-  
 sti humanitatem exhiberi sibi in transitu quodam vicino &  
 claro, sicut cum fulgidum aliquod sidus moroso tractu  
 procurrit in cœlo; nec totam illius videri staturam sed so-  
 lo vultu, & pectore-tenus. Attamen maiestatem Deiparæ  
 paulò diutiùs obtutui suo solitam indulgeri. Vnde  
 subintulit Castillus imaginarias esse visiones, petijtq; vlte-  
 riùs qua igitur forma apprehenderet Diuinitatis præsen-  
 tiam? Laborabat hic Rosa vt verba reperiret idonea, sed  
 tandem per solos terminos remotionis, eminentiæ, & cau-  
 salitatis vtcumq; se explicuit, insinuans lumen esse absque  
 figura, mensura, sine (: vnde patuit ex ea parte visionem  
 purè

purè intellectualem esse ) incomprehensum & omnia comprehendens , subtile , stabile , mundissimum , summè multiplex summèq; vnum , summè distans & summè propinquum , intimum & ambiens , aobile , excelsum & nulli prorsus creaturæ vel tenuiter comparabile , quodq; magis in vitalium quarundam effluxionum mirandis & immediatis effectibus quàm in suamet substantia deprehendi possit ab anima . Sed quinam hi effectus ? teneritudo ( inquit ) robusti gaudij super omne gaudium imaginabile , cognatio filiationis Diuinæ , interior renouatio vetustatis in ipsa animæ essentia , impletio sinuum voluntatis , vita & alacritas omnium affectuum , firma , sancta , lepida , & demum vndequaq; ineffabilis .

Videbat sibi Doctor satisfactum in eo quod maximè scrutabatur , haud ignarus , in materia Vnionis quò plura , dicuntur minus dici . Vnde ad faciliora effatu prudenter digrediens inquisiuit de exercitijs mortificationis ac pœnitentiæ . Rota , quòd putaret in hoc genere se pauca & admodum vulgaria præstare , obiter de suis ieiunijs , cilicijs , disciplinis , & reliquis austeritatibus nonnulla edixit absente Matre , quòdq; in his non suo sed Confessariorum arbitratu modum ac mensuram constituisset . Deniq; post multa vltro citroq; de sui diffidentia , de ardore fidei , de securitate spei , de stimulis superni amoris ventilata & sagacissimè explorata conclusit Doctor , sinceram ac tutam esse viam qua Virgo ambulabat , nullam hic subesse vasserrimi dæmonis imposturam , tales affectus , effectus , lumina ab illusione aut principe tenebrarum nequaquam esse . Pluries deinde Virginem non tam examinaturus quàm collaturus fidenter conuēnit , noua semper inueniens quæ miraretur & approbaret .

Idem Patri Magistro de Lorenzana sensus fuit , postquàm crebriori & per partes interciso examine spiritum Virginis diligentissimè explorauit . Prolixum foret singula

mem-



membratim persequi, vnum hoc superioribus addidisse sufficiat, quod ubi Rosam in via illuminatiua probare cepit, adstupuit responsis puellæ simplicis atque illiteratæ, cum de arcano SS. Trinitatis mysterio, de hypostatica Verbi vnione, de Sacramento Altaris, de gloria Beatorum, de libro vitæ ac prædestinationis, de natura Gratiæ, alijsq; Fidei ac Theosophiæ secretis interrogata promebat axiomata tam profunda ac solida, conceptus tam acutos ac sublimes, sententias tam perspicuas, breues, fecundas, ac ponderosas, verba tam propria, apposita, clara, succincta, vt alijs examinators non dubitaret fateri ingenuè, numquam se in tam luminosum & perspicax ingenium incidisse, laudabatq; Patrem luminum, qui tanta sapientibus ac prudentibus abscondita, humilibus, paruulis, indoctis reuelabat. Idem hoc deinceps admiratus est in methodo confitendi qua Rosa utebatur, ea sermonis tum perspicuitate tum proprietate ac circumspectione, vt sibi videretur Lorenzana non fœminam audire sed annosum vtriusq; Theologiæ profectorem, tanta erat verborum proportio, grauitas, ac mensura, sine parergo, sine circuitu, sine confusione ac superfluitate. Hinc fuit, quod vocatus ad excipendam Virginis confessionem, dicente Sublacrista, in templo ipsum expectari à *Rosula* seu *Rosella*, velut irreuerenter locutum increpuit, tibi (: inquit) Rosula videtur quæ coram Deo Rosa est ac grandis quidem? veniet dies, qua vniuersi intelligent, quàm sit eximiè alta, quàm magna & spectabilis hæc Rosa.

Lorézanzæ suppar Magister & primarius Cathedraticus F. Ludouicus de Bilbao notauit eadem in Rosa dum eius confessiones excipiebat: nempe vario & ipse examine scrutabatur Virginis spiritum. Fessus est postea, multoties inter arcana illius fori alloquia se obmutuisse ad profunditatem & eruditionem solidorum discursuum, quibus Rosa promptè, facillimè, & ex ordine satisfaciebat quæstioni-

bus præarduis & abstrusis, ac subito se agnouisse spiritum altiorem qui in Virgine loquebatur. Sanè apud omnes ( quotquot tunc Limæ vivebant ) multorum opinione sanctimonix & perfectionis fama celebres ea sensim inualuerat constantissima opinio, Rosam spiritu Dei agere & agi, Dono sapientix abundare, scientia cœlitus infusa gubernari. Hinc Ludouica de Melgareyo foemina, sanctissima tanti Rosam faciebat, ut sicubi cum ea concurrisset, nonnisi flexis humi genibus exciperet repugnantem honorari, & si quâ transeuntem obseruasset, gestiebat animo illic os, oculosq; affricare, vbi Rosa vestigium fixerat, & si ad absentem litterulæ sibi formandæ erant, has nudo solo, ingeniculata scribebat.

Præcipuè verò Castillus & Lorenzana de Rosæ vijs perfectissimis, aliquoties, mutua collatione instituta concordēs mirabantur hæc duo singularissima: primum, quod breuissimo compendio & quasi transultu gradum illuminationum mox & vnitiuum possederat absq; eo quod gradum purgatiuum vix obiter attigisset, quia nimirum ab infancia benedictionibus dulcedinis, præuentam ij. semper comitati erant purissimi affectus, in quibus nil terrenum, sorduerat operosius depurgandum. Alterum, quod in illo horrendo solisq; inexperitis parum formidabili obtruncationum tormento ea fuerit Rosæ fortitudo, animositas, constantia, ut fragilis virgo non solum ferendo esset, verum etiam præmissa spontanea resignatione quasi cū Deo certaret, tristiusne ille affligere an illa affligi vellet, dummodò per omnia Diuino beneplacito victoria ac triumphus remaneret. Cotidatissima est, planèq; extrema hæc sui abnegatio, sed simul difficillima taliter amanti, cui felicius videtur non esse, quàm non amare. Immarcescibilem fateri oportet Rosam, quam eiusmodi spinera non suffocant,

## C A P V T XV

Rosa cum Christo, Deipara, & B.  
Catarina Senensi familiariter,  
iucundè, assiduè deliciatur

**A** Nimo cui amarescunt terrena, dulcescunt celestia  
seSEQ, vltro insinuant. Hoc Rosæ obtrigit, cui tota  
conuersatio in coelis erat. Legebat quandoq; interdum li-  
bellos spirituales, & seligebat studiosè capitula præsentis  
affectui temporiq; magis accommodata; immorabatur tã-  
tis per lineolis vbicumq; prædulce IESV nomen occurrisset,  
nam è singulis horum characterum apicibus quasi ignicu-  
los & amorosos aculeos in corde sentiebat. Neq; hoc sa-  
tis: ipsemet paruus IESVVS digiti statura vix procerior sæ-  
pe apparebat amanti Rosæ in eadem pagellæ planitie: sta-  
bat pusillus ac nudus amor, mox inambulabat passu leuissi-  
mo, ac interim obtutu serenulo, tenero, suavi abblandie-  
batur Virgini, ingerebat se, vtpotè *Verbum* attenta Rosæ  
lectione dignissimum, in quo omnes thesauri scientiæ &  
sapientiæ Dei. Familiarius est quod sequitur. Dum Ro-  
sa nendo occupabatur in telæ consutura, ep itèrum Dilectũ  
IESVM mentis puluillo infantiliter & quietissimè insidētẽ,  
illic nutibus taciturnis loquebatur ad cor Dilectæ, huc ar-  
ridebat, huic protendebat breues vlnas velut amplexum,  
offerens, hanc ardentibus ocellis iugiter adutebat, omniq;  
gestu, motu, flexu protestabatur amorem. Quis porro no-  
tricj inter hæc solatia fuèrit sensus lætitiæ, æstiment quibus  
vacat, plus miror, tunc Rosæ oculos superfuisse quibus fi-  
lum, acut, telam videret. Et videbat tamen, quia sic mtd-  
P 2 cebant

cebant hi fauores, vt ab exteriori opere attentionem nec totam auocarent, nec partem exdiuiderent. Has cum *lesulo* Sponso delicias Virgini frequentes obtigisse, imò fortasse quotidianas argumento est, quòd si ille tardabat interdum nec solito more adesset, Rosa querulis at submissis vocibus quasi secum perplexè sermocinans ita lamentabatur: *Hora est, & nondum approperas? duodecima sonuit & nondum adest? me infelicem, quia illo nunc careo! felicem animam quæ penes se illum nunc distinet!* cumque Amor poesim doceat, Rosa pariter has querelas familiari metro illigarat, hoc ferè sensu:

Heu mihi! Dilectum quis detinet? Ecce, moratur:

Hora duodecima est, nec tamen ille venit.

Languedo, deficiunt oculi: præcordia frigent,

Implexas alibi dum trahit ille moras.

Accidit Rosam infirmari ex dolore gutturis, & en totus ille *Desiderabilis*; cuius guttur *suauiissimum* prædicatur Cânt. 5. apparet Virgini, inuitat ad ludum, vtrinq; victoriæ fructus relinquitur victoris arbitrio. Confestim iacitur alca, fauet fors Virgini, lucratur, vincit; nec mora, fructum exigit, memor fortasse ex Canticis quod ait Sponsa: *Fructus eius dulcis gutturi meo.* Quid multa? dolores sui gutturis mitigari poscit infirma, & impetrat. Verùm Diuinus collusor quasi iacturam non ferens redijt, ludum instaurauit, iactuiq; feliciori victor euasit. Victoriæ præmium fuit Rosæ patientia, adauctis repente doloribus qui totam ei noctem fecere infomnem. At Virgini placuit secum disquirere, primo an secundo lusu plus lucri-fecisset, cum longè ardentius faueret Sponso quàm sibi met, vnde tam victam esse quàm vicisse par gaudium fuit miranti Aeternam Sapientiam, quæ ludens in orbe terrarum protestatur delicias suas esse cum filiis hominum. Mater aduertens

Filiæ

Filiæ decumbenti pristinos rediisse dolores, & quidem cum auctatio, suspicata periculum extimuit. Sed cordata Filia vt metum eximeret, blandè modestèq; detexit secretum, nempe merum hunc Sponsi ludum esse; dumq; verbis humillimis enarrat successum, visa est (: vt quondam Stephanus) vultu prorsus Angelico aliquamdiu radiare.

Alia vice, cum diutiùs ac ferè ad mediam vsq; noctem in solitaria horti cellula substitisset Rosa, inuasit fatigatam subitaneus languor ac virium defectio; sperabat transitoriam fore debilitatem, sed durabat vltra consuetam periodum. Sentiebat ægra incerti mali certa incrementa, sed sera nox erat, qua nec Medicum aduocare nec domesticorum vllum ad opem importunè lubebat accersere: agnoscebat electuario vel sorbitiuncula se indigere qua vtcumq; stomacho succurreret ac vires instauraret, at Sabbathum erat ac manè proximo ad S. Synaxim accessura cauebat ieiunio, si fortè medietas noctis iam præterierit. Quoquò se verteret, præuidebat aut virium defectus; aut sumptione cuiuscumq; fomenti impeditam iri ne postridie S. Communione frui liceret. Quid hic remedij inter saxum & sacrum? confugit Rosa familiari fiducia ad cælestem Sponsum *adiutorem in opportunitatibus*; huius pharmacopeiæ se commendat, medicinam corroboratiuam petit, impetrat, nec aliunde quàm ex illo pretioso myrothecio vulnerati lateris vbi quondam S. Catarina Senensis auidè suxerat. Hanc necesseam sanguinis & aquæ mammillam non ori sed cordi Virginis benignè applicuit, hic illa debilitati suæ pharmacum, hic vitalem succum inuenit & traxit. Porro visionem neque cassam aut inanem fuisse, nec purè imaginariam, probauit effectus, nam Rosa mox conualuit, redierunt corpusculo vires, agilitas, robur, quo postridie Templum adiit, panem Angelorum manducauit, satur, vegeta, sana domū  
repe-

repetijt, vtiq; experta, quàm sint Sponsi vbera meliora vino, quàm fragrantia vnguentis optimis. Magna profectò Rosæ dignitas, Matris ac Magistræ Senensis fuisse, non modò Filiam ac discipulam sed & collataneam. Verùm ad alia.

In domo cuiusdam illustis foemina Rosa de more post sancta colloquia veniam petijt secedendi tãtis per ad orationem. Matrona honoris gratia secedenti comitem adiunxit septennem puellam è mancipio domi suæ natam. Hæc vbi Rosam meditationi implicatam reliquerat, clam sese proripuit ad matrem suam in vicino conclau laborantem: inde post horæ spatium erepsit visura num Rosa ab oratione surrexisset. Et ecce vidit iuxta Virginem puerulum IESVM amictu polymito carulei purpureiq; coloris decentissimè tunicatum, quem vt conspexit fulgida claritate circumdatum ac radijs vndiq; coruscantem, non ausa conuersationem irrumperè, substitit eminus, contenta permissione dulcissimi spectaculi, cuius arcana pro ætate nondum capiebat, nec ante quàm Rosa migicasset è viuus rem detexit. Idem in ædibus D. Isabellæ Mexia cõtigisse quæ vidit retulit Filia Isabellæ; nimirum procul inter secretiores ædium porticus ambulabat Rosa, & cum ipsa IESVS in statura octennis pueri sed amictus iam lumine sicut vestimento. Spatiabatur ambo pariter confertis manibus, gressu gestuq; tenerè amantium; miscebant secretissima inuicem colloquia, hærebant in mutuis vultibus tamquam rerum aliarum aut obliti aut incurij; sed paruuli incessus grauior erat quàm puerorum esse soleat, maiestas inerat, & quacumq; fixisset pedem subitaneo lumine resplendebat paulmentum.

Zelus vt intensi amoris præco simul & explorator est, ita vel ipsummet Sponsum cœlestem curis sollicitat, riualem non patitur, ne flosculum quidem. Rosa nomine florebat & opere, nam vt altaribus nulla anni parte deessent flores



flores diligentissimè procurabat , discretis hunc in vsum areolis, quarum vni Basilicum ( : plures Ozimum dicunt ) implantarat . Hunc fortè colebat studiosius, quòd odore ac nomine Regius *Regi seculorum immortalis & inuisibili* aptius conueniret in tributum . Respondebat planta cultricis industriæ, & quò prodibat lætior magis lætificabat. Verùm vt breue est à floribus gaudium , Rosa mane quodam inuénit Basilicum suum non modò siccum ac marcidum , sed radicitus euulsum ac mortuum . Cadaueri adgemuit Rosa & abiit, sed occurrit eunti visibilis Christus, blandèq; affatus Virginem, quid doles ? inquit, an non ego *Flos campi* melior tibi sum omni Basilico totoq; floreto Paradisi ? & vt scias me tuum esse Basilicum, ego alterum illum his manibus eradicaui, fregi, proieci . Flos es, ac florem amas ? ecce me . Didicit Rosa vel ad zelytypiam vsque amari se à Sponso , & pro tantæ gratiæ crebriori experimèto facile exposuisset in prædam quiddid florum sibi residuum erat . Vtiq; plenam hæc fidem faciunt illi religiosissimæ cuiusdam mulieris extaticæ visioni, cui in raptu protestatus est Christus, se Rosam gestare in intimo sui Diuini cordis penetrali, cum sciret, vicissim in eius virgineo corculo se solum tranquillissimè habitare .

Porro quàm affabili, serena, frequentî apparitione Rosam suam dignata fuerit Augustissima coelorum Imperatrix , sat inde conijcere fas erit , quòd ab vndecimo suæ ætatis anno ad extremum vsq; non defuerit vmquam Virgini hoc pretiosum assidua familiaritatis solatium . In Rosariano Beatissimæ Virginis Sacello Rosa planè domestica euaserat, illic totos hærebat diès, illic Ordinis sui habitû, illic *IN SVIVM* Sponsum nacta diuelli à loco non poterat. Ibi altaris ornandi curam, ibi totius nitoris œconomiam sibi deuotè assumpserat, ibi quondianam sibi cum Desparat ex sedulo ministerio commercium erat ac mutua conuersatio.

fatio . At vicissim Angelorum Regina famulam suam eo honore dignata est vt ferè officia Cubiculariæ ipsi exhibuerit, manè Virginem excitando à somno . Tanti fauoris occasio hæc fuit: Rosam à multo tempore continuis integrisq; noctibus adeo destituerat necessarius somnus , vt valetudini suæ non parùm fuerit timendum si medelam respiceret. Hinc opus fuit Confessariorum imperio , qui Virgini præcepere vespertinum lactucæ ac soporiferorum feminum vsum , deinde & temporis spatium quo dormiret, horam qua mane surgeret præscripserunt . Conabatur obedire infirma, sed præualente serotinarû vigiliarû assuetudine nō obediebat sōnus seu veniendū seu abeūdū esset . Præsertim manè dum instabat surgendi hora, incipiebant soporifera modicum operari , somnumq; lentissimum vi attrahebant in cerebrum . Cruciabatur ingenti scrupulo Rosa, quòd exactè ad præscriptam horam euigilare non poterat vt summè cupiebat . Ergo luctam & afflictionem suam Deiparæ ceu veræ *Stella matutina* quæstæ est vt subueiret . Subuenit illa, imò & venit: siquidem exinde, vbi imminuisset surgendi hora, en in puncto aderat conspicua Dei Mater, & voce melliflua compellabat sopitam Rosam: *Surge ad orationem Filia, surge, nam instat hora* . Sic placidè experrecta videbat cominus & (: vt i fassa est ) facies ad faciem illud gloriæ fidus gratiosum, illam frontem decora maiestate plenissimam , illum gloriæ & amænitate paradisum, agnoscebat vocem, venerabatur præsentiam , tacitè secum disquirens : *Vnde hoc mihi, ut Mater Domini mei venias ad me ?* ô gratum surgendi tintinnabulum .

Semel euénit, quòd veniente Domina profundius dormiebat Rosa : primus hic somnus erat ac nonnisi paulò ante coeperat . Excitata Virgo respondit : surgo Domina, nunc surgo ; confeditq; erecta in lectulo , sed prægrauantē somni pondere, oculisq; caligantibus recidit misera in-

cerui-

cervical. Accessit denuo Augustissima excitatrix, & (quod ante non consueverat) protensa niuea manu pulsavit latus dormientis, agitavit familiarissimo tactu resupinum corpusculum, iterumque ait: *Surge Filiola, ne pigriseris, rogasti me, & ecce ad solitas preces te voco; Surge inquam filiola mea, surge, iam hora sonnit.* Longè suavius erat Rosæ filiolum se vocari à tali Matre quàm Rosam. Cessit huius compellationis dulcedini somnus, at simul discessit suauissima excitatrix; nam vt Rosa diduxit grâtes palpebras, vt respexit, agnouit Deiparam sed à tergo, iam enim suspensis vestigijs abire cæperat, velut perfuncta amico officio. Heu tantilla soporis indulgentia quantam subinde iacturam infert! quàm doluit Rosâ, pro illâ vicem Maternum sibi vultum ereptum fuisse dum cunctabatur! empyrei fauores delicti sunt, nî promptè strinxeris, elabuntur. *A. glo. tribulus et iocund. h. m. m. c. l. g.*

Ex quo semel à Christo (vt compertum postea) B. Catarina Senensis cælitus Rosæ missa ac data fuit Magistra, frequenter hæc charam Discipulam visibilibus conuenit in terris, præsertim dum occupabatur in perlegendâ Seraphica Magistra Regula, quam sibi à Cusco (procurante Fr. Ioanne Miguel Ord. Prædicatorum Religioso laico) transmitti demum impetrârat. Mutua harum Virginum conuersatio tam amica et crebra fuit, vt sicut Moys post longam cum Deo in Monte confabulationem remansere in vultu luminum vestigia, ita viderentur ex vultu B. Catarinæ in faciem Rosæ transiisse lumina, quæ hæc illi per aliqua oris lineamenta propemodum assimilarint. Hinc apud Limenses suos Rosa vulgariter altera Catarina Senensis appellabatur, præcipuè ab obitu, quando in mortuali feretro Rosæ facies liberius videnda omnibus patuit. Ceterum de miris delicijs, fauoribus, officijs quibus hæc Seraphica Magistra demulit Rosam suam, crebrior & commodior infra redibit sermo locis proprijs.

## CAPVT XVI.

Rosa familiari tutelarís Angeli  
consuetudine fruitur. Variè  
luctatur cum Dámone,  
semper victrix.

**S**ANCTOS Angelos esse ipsissimum cor Dei sensit Bernardus serm. 12. in Psal. *Qui habitar.* Vbi hæc verba: *apponis erga eum car tuum.* Job. 7. adaptat missioni Angelorum ad hominis custodiam. Rosa Angelum suum non modò custodem, sed & congerionem habuit amicissimum, inò Pararium, symonistam, dinomilum, vt etiam hinc aduerteres, quam dulciter Christus apposuerat erga eam, cor suum. Inde Virgini cum suo Angelo tam domestica fiducia ac necessitudo, vt illo soletet vti veredario, quociescumque ad horam consuetam sponsus non comparebat. Metrico sui idiomatis rythmo tunc familiaris affabatur Angelum, hoc serè sensu:

Vola Ephebe, calice: dic nostro Creatori.

Me sine vita viuere, me prestolando mori.

Cur ille tardet, Rosa dum ardet.

Velociter inquirito.

Roga, festinet: calos inclinet,

Ad me descendat, vultum ostendat.

*Quia amore languet.*

Nocte quadam ocellus horti ianuis. Rosa de more vigilabat

gilabat in angusta sui Eremitæ cellula; sensitque se viribus repente destitui, adeo ut grauem timeret syncopen, unde in domum sese recipere ad Matrem constituit, collato prius consilio cum Angelo suo tutelari: Mater (: quæ horti clauem iugiter tenebat secum) ut notauit in vultu filia signa instantis deliqui, sine mora promptis è mansupio duobus denarijs iussit ancillæ adire subito viciniore propolæ apothecam, emere saccharum, carbonem, & libum indicum quod *Chocolate* vocant indigenæ, iam & Europæis tam vsu quàm nomine sat notum, quippe in aqua calida resolutum cum triente sacchari stomacho simul & cordi potenter succurrit. Filia ne sui causa is sumptus fieret, obnixè rogauit Matrem, affirmans, sibi non defuturam *Chocolatam*. Replicuit Mater, putasne in tota hac domo vel micam *Chocolate* reperiri? negauit Rosa, at subiecit, hanc breuè adfore ex domo Quæstoris. Infremuit parens, & ait nugaris (inquit) aut somnias, quis enim intempesta hac hora calentem *Chocolatam* ad te mittet? Vel unde in Quæstoris domo procul hinc dissita innotuisse potuit, te subitanea debilitate languidam isto medicamine indigere? tu in horto occlusa utique non habuisti quem illuc mitteres, neque ex hac domo ullus abiit qui tuam necessitatem Quæstori indicaret; igitur vade ancilla, iussa exequere. Denuo supplex obstitit Rosa, certò asseuerans Quæstoris mancipium iam iam cum præparato medicamento adfuturum. Ità fuit, nam Matre adhuc disceptante cum filia pulsatur ad fores, seruus erat Quæstoris, intramitti petijt, adferre se à Quæstoris conforte quod Rosæ traderet. Vas erat argenteum calenti *Chocolate* plenum. Obstupuit parens, at Rosa confestim seruum expediens heræ lux rennunciare iussit, opportunè beneficium venisse. Hic Mater confusa multiplici prodigio sciscitari, quid Gundisalui uxorem mouerit, ut tali profundæ noctis hora vernam ædibus emitteret,

quisnam aut Virginis languorem illi Dominæ, aut cæ-  
 tum aduentum emissi mancipij nunciasset Rosæ. Tandem  
 supremo obedientiæ præcepto adegit filiam, ediceret, vn-  
 de sciuerit, tali hora è domo Quæstoris sibi adferri Cho-  
 colatam. Respondit subridens filia: ne mireris dulcissi-  
 ma Mater, nam sæpe huiusmodi officijs me dignatur An-  
 gelus meus tutelaris. Mox vbi in mea cellula cæpi defi-  
 cere, misi Angelum, qui D. Mariæ de Vfatigui suggere-  
 ret me illo quem vidisti succursu indigere. Perfecit il-  
 le, quod mandaueram, ac certa eram illum officio non  
 defuturum. Hac fiducia cellulam reliqui, ad te huc veni,  
 confedi, expectatura hic seruum Quæstoris, & cum  
 parente beneficium diuisura. Mirata est Mater præsentan-  
 eum & velox Angeli obsequium, at magis, vt vidit fi-  
 liam non mirari, vtpote his vlu ac frequentia dudum as-  
 fueram.

Alia vice in eadem horti cellula vltra mediam noctem  
 expectabat, dum in ædes vocaretur pro more ad noctur-  
 nam quietem: solebat enim circa horam, quæ medium  
 noctis antecedit, descendere Mater ad aperiendum horti  
 ostium, vt filia inde abducta ad suum cubiculum sese re-  
 ciperet. Verùm pro illa vice Mater, vel quòd crederet  
 se filiam ab horto iam reduxisse, vel quòd alijs distracta  
 minùs applicuisset animum, oblita fuerat hortum ad ho-  
 ram consuetam exituræ Virgini aperire. Dum ergo se-  
 vidit frustra expectare, dum hæsitat quid agendum, pros-  
 piciens per fenestellam vidit cominus vmbra candidam,  
 motu decoro agilem, aspectuque non iniucundam, quæ  
 Virginem vt se versùs domum sequeretur, inuitabat. Fa-  
 cile ex internis critirijs quæ à sancta Catarina Senensi di-  
 dicerat, agnouit Rosa latentem sub vmbra tutelarem An-  
 gelum, itaque cum illo se fidenter in viam coniecit. Per-  
 uenere ambo ad horti ianuam quæ ad vmbra tactum mox  
 sponte patuit sine clau. Denique vmbra tectus ille ductor  
 sequen-



sequentem Rosam ante Genitricis cubiculum stitit & dist-  
paruit. Fortè hanc petebat umbram qui ambiebat à Do-  
mino custodiri ut pupilla oculi, & sub umbra alarum eius  
protegi; ne miremur lucis Angelos umbræ speciem as-  
sumpsisse dum gerebant officium.

Occasio Angelicæ custodiæ exigit, sequentem historio-  
lam hic subnecti, qua fortè patebit, non proprium dum-  
taxat, verùm & alienos tutelares Angelos sibi ad nutum  
habuisse obsequiosos. Religiosus quidam per ardua, &  
per oliva itinera Prælatum Ecclesiasticum associaturus ne-  
cessitatem suam Virgini aperuit, precum suffragia pro  
auertendis periculis flagitavit. Promisit Rosa, ut erat ad  
subueniendum proximis mirè liberalis & prompta; ho-  
minemque proficiscentem Deo & custodi Angelo impen-  
sè commendauit. Perrexit ille securus promissi, quòd non  
ignoraret quid Rosa valeret apud Deum, & Angelos.  
Nec spei euentus defuit, nam è Lima vsque Potosium per  
varios casus per mille rerum discrimina iter habuit tutis-  
simum. At exinde sensit simul oratione Virginis, & An-  
gelica tutela se repente destitui, nam Truxillum petens  
in eius conuallibus grauissima quæque passus est, & vix  
euasit incolumis. Limam redux amarè questus est de  
Virgine; tandem & coram Virgine, quòd in medio viæ  
ipsum destituisset orationum suarum præsidio. Non  
negauit Rosa id verum esse, tantùm interrogauit vnde id  
nosset: Respondit ille, se Lima Potosium vsque vallante  
Angelica custodia feliciter aut calcasse, aut declinasse  
obuia quæque pericula; Verùm Potosio Truxillum eunti  
aduersa fuisse omnia; ita ut aliud suspicari nequiuert,  
quàm Rosam ab oratione promissa, & Angelum suum à  
tutela commissa interea destituisse. Subiecit Rosa: non  
vanè coniectasti; at scito illa tibi accidisse incommoda,  
quia non ille eras qui esse solebas. Deinde fidentiùs ad  
specialia descendens monuit hominem de Arcanis ipsi  
foli

foli notis, quæque à tanta distantia non nisi diuinitus aut Angelo internuncio Virgini potuerant innotuisse.

Quantum verò Angelicam hanc puellam amabant, ambiebant, mulcebant SS. Angeli, tantumdem ei clam, palam, vi ac fraude nocere conabantur furæ infernales. Torquebat Dæmonem illa hortensis cellula tot Cæli delicijs plena, dolebat superbus illic se non timeri ab imbelli iuuencula, imò ea solitudine vltro ad monomachiam se prouocari. Itaque Virginem per tenebras aggressus est tenebrio. Forma ingentis molossi erat, villosa, tetra, picea: lucem qua videretur dabant solæ rubentes flammæ quas naribus, oculis, auribus affatim protrudebat. Hac specie circuibat orantem Rosam latratu horrifono, ridu immuni ferociterque dentato, lingua foedissimè exserta, odore sulphureo, simulque pendulas aures, caudam, villos arrigebat quasi impetum factururus; nec solum terrere venerat, sed & nocere si posset, nam vt vidit ab immota se despici, rabido morfu pertentabat virgineum illud corpusculum,; assultu, dente, vngue sœuiebat qua poterat, tandem ausu furibundo quam discerpere non poterat, raptabat per solum, trahebat, versabat ceu lacerum aliquod peripsema: donec impauida, sed temeritatis pertæsa Virgo exclamauit ad sponsum, *ne tradas bestijs animas confitentes tibi*. Nec alio fuste ad abigendum hunc Cerberum opus fuit; nam continuò elumbis, victus, fractus resiliit, fugit, euanuit, & Rosa prorsus illæsam indemnemque se admirata corde tranquillo ad orationem rediit.

Semel à domestico Gundisalui Quæstoris oratorio ad interius cubile se Virgo recipiebat: per viam adrepens ex insidijs cacodæmon quanta vi potuit improuisum ei colaphum impexit, maiori tamen sonitu quàm nocumento, subrisit enim intrepida Virago, insuper alteram maxillam dare parata, si hostem conspicium palam habuisset. Alio

loco & occasione in ædibus D. Isabellæ Mexiæ ignauus hostis Rosam à fronte, & cominus aggredi formidans, à tergo eminus rude saxum in eam librauit conuulsu tam impetuoso ac valido ut euntem solotenus prostrauerit. Rosa nec læsa, nec territa agilior surrexit quàm ceciderat, vilissimoque diabolo pudendam imbecillitatem exprobrauit. Ille viâtricis animositate confusus, rabiem qua puellæ nocere non poterat in eiusdem libellos spirituales turpissimè effudit. In his Rosæ eximiè charus erat Ludouici Granatensis codex, quo ad meditationum digerendos articulos diligentius utebatur. Hunc miser corripuit, lacerauit, ac procul in spurcitiarum sentinam abiecit, rem magnam se præstitisse ratus, quod tantæ Amazoni quidquam saltim armorum furto ignobili sublegisset. Nihilominus Virgo & librum suum recuperauit, & pudefecit reduncum depeculatorem, quem non alio quàm improbæ felis aut *scabiosi* nomine dignabatur.

Alia vice, postquàm in eodem oratorio preces absoluerat, incumbente vespere secretius in altissima ædium parte cubiculum adiit, solitaria meditatione dulcedinem ruminatura quam in oratorio gustarat inter preces: Verùm illic populosissima glirium orchestra imò hippodromus erat, procurrebant decuriatim, saltitabant, pugnant, sursum deorsum per muros, armaria, tegulas confuso venatu turbabant omnia; nec sperari quietiora poterant, cum fœdis ac lucifugis bestiis nox ipsa locique faueret conditio. Itaque Rosa mutato consilio in infimam domus partem descendit profundioris silentij quæsitura latibulum. Cella erat penuaria, ubi tunc instrumenta vindemiæ, canistra, lebetes, & id genus utensilia asseruebantur. Huc Rosa ut intrauit, arrectis horrore subito pilis agnouit, ibidem sese à *scabioso* ad pugnam expectari. Nec paori cedens mandauit transeunti illac ancillulæ candelam sibi adferri; qua allata dimisit ancillam, præcipiens

cipiens ne cui domesticorum diceret vbinam Rosa late-  
 ret, nec se diutius solito ibi fortasse moraturam euocaret  
 ad coenam, donec ultro ipsa prodiret. Abierat ancilla,  
 & Rosa vix ianuam clauferat, cum repente audiuit, simul  
 à foris inducto pelsulo sese à cacodemone velut captiuam  
 obserari. Mox intra penum oclusa animaduertit porci-  
 ginosum hostem suum in prægrandi sporta, quam labri  
 fundus occultabat, licentiùs tumultuari. Puduit genero-  
 sam Virginem præsentis ibi luminis uti solatio, aut qua-  
 licumque præsidio, candelam igitur ultro extinxit ipsa,  
 statimque latentem inimicum è sporta in arenam prouo-  
 cans, *heus tu* (inquit) *porce, scabiose, ades dum, hic te ex-*  
*specto: prodi si audes, experire si quid vales, age in hoc vile*  
*corpusculum quæ tibi Deus permiseris, certè in animam nil*  
*poteris, a caelesti sponso hæc mihi securissima fiducia est. Con-*  
*gredere cornuta bellua, eya congregere.* Nec mora: prosi-  
 lit ferocissimus hostis gigantea mole qua contremuit cel-  
 la (nil tremante Rosa) Virginem per humeros corripuit,  
 strinxit, contorsit, quasi in minutissimas partes membra-  
 rum laceraturus obluquantem, utque terrores duplicaret,  
 fecit eam experiri contactu quam pilosis, hispidis, eri-  
 cinis lacertis esset, his inermem iactando, trudendo, pre-  
 mendo miserrimè concutiebat, ut iam singula Virgini  
 ossa viderentur commolita, luxata scapula, nervi distra-  
 cti: at sub fragili carne vigeat infractus animus, & cora-  
 culum in Deo fixum ridebat, despuebat, laxabat furo-  
 rem cyclopi insaniam. Pluribus horis durauit obscu-  
 rissima lucta, ingenti probro aduersarij, qui victoriam  
 desperans, vel vnicum saltem gemitum, aut metus indi-  
 cium extorquere tentabat, nec poterat. Interea Quæ-  
 storis vxor familiam de Rosa interrogans, ab ancillula  
 didicit quo ipsam loco reliquerat cum candelâ, quodq;  
 disertè vetuerat euocari ad cenam. Accessit, vidensque  
 nulla ex parte promittere lumen, subduxit pelsulum, ta-

citè que abiit cunctationis exitum præstolatura. Tandem media nox disspescuit longum certamen, prodijt Virgo quàm lassitudine anhela, tam vultu hilaris, ac vltra morem latissima, vt nemo dubitaret magnum aliquid inter illas tenebras gestum esse. Postridie Gundisalui vxor non destitit, donec enarrante Rosa vniuersam rei seriem prolicuisset, vbi inter alia & hoc notatum fuit, quòd huiuscemodi còflictuum duri agones constantissimæ Virgini neque peregrini erant, aut minus frequentes; nec vñquam formidinis sensum expresserant.

Aliquando in hortum oratura processerat, cum de vicinarum arborum opaco vidit obuium sibi antagonistam non iam terrificum sed blandum, candidum, ac penè in Angelum lucis transfiguratum: nam species illi humana erat, sed formosa, decens, urbana. Doluit Virgo: illic præter consuetudinem apparere hominem, vbi ipsa erat sine teste, sine comite. Interim cœpit eminus ille nutibus procum, mox & procrem agere. Hic Rosa mendacem larvam sonoris vocibus derectata lemuri dorsum obuertit, & quæ in ceteris còflictibus generosè steterat, in solo isto ( quia de Castitate erat ) à nobili fuga victoriam mendicauit, vt verò ad horti ianuâ volando magis quàm currendo peruenerat, in propinqua porticu substitit, correptâque ferrea catecha nudas sibi scapulas flagrix acerbissimis cruentauit, inter fluentes tum sanguinis, tum lachrymarum riuos Sponso suo querula, quòd ipsam ad tempus destituerat, dum in eiusmodi angustias incidere, nunquam enim sibi præsentè ipso tam periculosam laruatæ impuritatis imaginem fuisse occursum. Sed confestim Sponsus gloriosus Virgini se stitit conspicuum, dixitque: *Audi Rosa, ni tecum ego fuissèm, tunc victoriam reportaßes?* Grande id fuit victrici solatiũ, grandis & eruditione plenissima lectio. Simillima hæc sunt, & planè germana ijs, quæ B. Catarinæ Senensi in certamine haud

quidquā dispari contigerunt; quando videlicet hūc respondit Christus: *Dum pugnabas, dum vincebas, intus eram, in tuo corde spectator aderam & fidus adiutor.*

Eminebat in Rosā ( Confessarijs attestantibus ) mirabile donum internoscendi sincerās visiones ab illusionibus Sathanæ, & distinguendi sanctas inspirationes à versutis suggestionibus antiqui Serpentis, quod Apostolus *discretionem spirituum vocat.* Quodque admirare, magis, à prima pueritia hoc insigni munere dotata fuit, quo sibi & alijs mirificè profuit, ut nulla vñquam Virgini occurrerit tam fallax aduersarij tentatio, nulla tam fraudulenta seductoris vafriecies quam non clarè statimq; primo in limine deprehenderit, arguerit, exarmarit.

Mirum, quot quantasque vno hoc telo victorias contra stygios dolos reportarit. Adhuc iuuenula examinati Confessario eruditè recensuit dignoscendorum spirituum regulas ab effectibus, aiebat illustrationes verè Diuinas esse cum in anima relinquunt humilitatem, affectum reuerentiæ, agnitionem propriæ vilitatis, ordinem ac vnitatem cordis, gaudiumque in Deo. Ex aduerso contrarias his impressiones, tumorem, confusione diuisi cordis, complacentiam sui, & inquietudi-

nem erga Deum nonnisi picem improbi auctoris redolere. Id porro erat, quod Christus Beata-  
tam Catarinam Senensem, hæc Rosam  
absque alio Magistro  
edocuerat.



## CAPVT XVII.

Rosa persecutionibus, morbis,  
 ærumnis pressa, strenuè sese  
 ad patientiam exercet.

**R**osis spinæ non tardè accedunt, sed connascuntur. Idem huic Virgini accidit, nondum primæ infantia cunas reliquerat, quando Rosarum speciem, nomen, spinas induit. Nonum ætatis mensem attigerat, cum lactanti Matri aruerunt vbera, lac defecit, & ne aliundè nutritrix cōduceretur, obstabat res angusta domi, en primos infanti tribulos. Conabantur pulte liquidiori supplere lactis inopiam, sed perdifficilis ingestio os paruulum ductione cruciabat. Nec tamen plorabat Rosula, sed proprii pollicis inutili suctu famem tacita fraudabat, magis quàm solabatur. Adeo à teneris discebat pati prius quàm vagire aut loqui.

Creuit ætas, sed pariter, cum ætate afflictio, nam vix ambulare ac fari cœperat, cum quotidie ob muliebrem, Auia, Matrisque de nomine Rosæ controuersiam innocens puella vtriusque persecutioni se vidit miserrimè, simpliciter. Siue enim inuocata sub Rosæ nomine accurrisset domesticis aut Matri, frendens Auia in paruulam, virgis sæniebat: siue ad Isabellæ nomen respondisset vocantibus, irata Mater expediebat virgidemiam, cadebat immeritam. Sic alternante fœminarum bile patiens Virguncula quoquo se verteret, incidebat in pœnam, & ob hoc ipsum quòd non peccarat luebat.

Quàm suavis erat indoles filiolar, tam aspera conditio Matris, ut penè videretur sola patientiæ biga par illud dissimillimum coniunxisse. Virginis modestia, sobrietas, deuotio, seculi fuga, silentium, vigilia impatienti Matri mera delicta erant; quibus castigandis non clamores, scommata, conuitia, non demum pugni sufficiebant, & calces, nodosus ex malo cydonio baculus persæpe ad manum fuit, hoc puellam iam grandiusculam frequentius delumbare solebat, præsertim quando comperita fuit exemplo Sanctæ Catarinæ Senensis rutilam sibimet cæsariem præcidisse. Nec mitiores in eam fuere domestici; postquam nimirum innotuit eius vitæ singularitas, celestium visorum frequentia & commercium, ac præcipuè illa humanis viribus euidenter superior abstinencia, qua faciliè arguebatur tam modico ac ferè nullo alimento iuuentulam naturaliter in vita sustentari non posse, timuerunt germani fratres, ne fortè propèdiem soror magno familiæ suæ dedecore ad Sanguisitionis tribunal raperetur velut suspecta de imposturis ac fraudibus, aut sacrilegi mendacij fideæq; sanctimonix palam vel rea, vel conuincenda. Hos itaque timores quotidie ingerebant cum iurgio, his minis exagitant vndiquè derelictam. Nec vergebatur ultro improvida Mater publicè coram suis & aliorum confundere filiam proclamando uti hypocritam, fallacem, simulatricem, omnisque sinceræ virtutis inanem & vacuam. Accessit in persecutionis cumulum incredula quorundam Confessoriorum seu oscitantia, seu ruditas, dum initio quod sibi persuaaserant, nitèbantur & Virgini persuadere; videlicet ipsam itinere non recto aut saltem non tuto incedere, vertigine cerebri alijsque noxijs intemperijs laborare, friuolas illusiones esse, quas ipsa supernas illustrationes credebat. Hæc & similia, quancumque aliam exanimassent, at minimè Rosam, cuius intus patientia pro chalybe erat, eoque amplius, quod

ex huiuscemodi praetoris afflictionum caudibus deprehē-  
debat manifestius; de peripissimis B. Catarina Senensis  
vias deduci ad sponsi unionem. Hinc vice quadam ab il-  
lustri foemina interrogata, cur non rogaret seraphicam  
Magistram suam; ut his ærumnis potenti illius suffragio  
eriperetur; heroiè respondit; *quid, putas, ad ea mihi rege-  
reret Seraphica Mater mea? quæsitura utique, egone aliam  
mihi exoptem sentiri præter illam quam ipsamet gloriosa  
calcanit? absit a me tam ignota disidia.* Sciebant amba  
quidquid Rosa à B. Catarina peteret, continuò impetra-  
turam, idque patebit infra, sed generosa Discipula plu-  
ris faciebat Magistræ dolorosa Stigmata quam delicata  
solatia, pudebat Crucifixi sponsam, vel per momentum  
extra Crucem ac passionem repetiri.

Et sanè aut nunquam aut rarò deerat grandi ei us pa-  
tientie grandis materia, siquidem vacantem à Cruce ex-  
terna grauior occupabat interna, cessantique foris perfe-  
ctioni agminatim corporis ægritudines succedebant. In  
Canta ex dira neruorum attractione triennium lecto de-  
cubuit cruciatu immenso, gemitu nullo, nisi quòd com-  
passione acerbius quàm passione torquebatur ex illorum  
incommodò quorum ministerijs carere non poterat; vnde  
in hac alijsque suis infirmitatibus solebat dicere: *ò quàm  
salubris, quàm iucunda & felix foret crebriori ægritu-  
dine diuexari, dummodò proximorum abesses incommodum.*  
Sæpe Virginis guttur & fauces ex inferiorum musculorum  
inflammatione acutissima inuadebat angina, cui interdum  
periculosior succrescebat cynanche: sæpius totis pulmo-  
nibus & bronchis decertandum fuit cum asthma: sæ-  
pissimè petmoesta ischias utrique coxendici grauius in-  
cumberebat, non segnius intèrna costas vellicantè pleuri-  
tide. Stomachi, pericardij, intestinorum dolores sine lege,  
sine numero frequentes conuulsiones inuehebant; istique  
morbi, qui prosterndo cuius robustissimo sat erant sin-  
guli,

guli, plerumque bini, terni, quaterni simul ex diuersis oppositisque causis in languidulam irruerant, mirantibus interdum Medicis, vbinam in exsucco, arido, exhaustoque corpusculo tam diuersi ardores incendium fomitemque reperirent. Virgo sat peritè sentiebat, non tam à noxa vel intemperie humorum quàm à beneuola Sponsi manu hæc sibi agonalia festa prouenire.

Febres tum ephimeras; tum reliquas contumaciores ipsa assuetudo penè in iocum verterat, non item articulares illas manuum, pedumque fidiculas quibus notissima; (attamen pauenda) chiragræ, podagræ, arthritidis nomina infederunt. Hic morbus, quòd vitæ minùs putetur insidiari, pro quantitate miseriæ commiserationem, pro magnitudine doloris remedium nusquam inuenit aut leuamen, nec fortè alius est, qui diuturnam infirmi patientiam aut citiùs abigat, aut voraciùs absumat. Hunc tamen Rosa & hospitio frequenti æquanimiter excepit, & cum inuicta tolerantia virtute pacificè vno communi lectulo coniacere fecit. Prodigiosum erat videre tenerrimam Virginem ardentibus iuncturis, tumentibus nodis, inflatis articulis, lancinantibus ex consensu musculis & ligaminibus inter extremos dolorum laniatus decumbere, quietam, serenam, placidam, nec gemitu ac leui suspirio cruciatùs suos accusantem. Si rogabatur qui valeret, nonnisi benè sibi esse respondebat, vel comparatione suorum scelerum permodicum esse quod patiebatur. Alijs de morbi atrocitate sciscitantibus aiebat, suaue ac mellem esse quidquid à manu tam dulcis Sponsi veniebat; alijs de inferorum poena cogitandum esse, hac vna meditatione acutissimos quosque huius temporis dolores obtundi. Sæpius conuersa ad Sponsum; *Domine*, inquit, *auge auge dolorem, dummodo augeas & amorem.*

De his aliquando familiariùs denotæ cuiusdam personæ collocuta, vniuersam hanc morborum seriem inter pretiosos

riosos ac illustriores sibi à Deo collatos fauores recen-  
 suit, subiiecitque nisi hos ipsamet experta fuisset, num-  
 quam persuadere sibi potuisse, vnicum miserabile corpus  
 tantorum ac tam multiplicium dolorum capax fore, neque  
 putare se, vllum cuiuscumque partis aut membri superes-  
 se cruciarum, quem ipsa non senserit; nihilominus sem-  
 per è Cælo sibi adfuisse præsidium & robur quo vniuersos  
 imperturbatè sustineret, numquam sibi obrepisse impa-  
 tientiae motum quo vel latum pilum discesserit à resigna-  
 ra conformitate ac amussi Diuinæ voluntatis. Proinde  
 se sui pudere, quòd tantis Cæli beneficijs nondum vti  
 par erat responderit, atque ex hoc capite se Creaturarum  
 omnium quotquot per Orbem viuunt merito ingratissi-  
 mam esse reputandam, ex quo nimirum viderat eo se  
 modo tractari à Domino, quo ipse nonnisi amicissimos  
 suos tractare solet, nec tamen se pro dignitate redamare,  
 tam amabilem, & amantem Deum: & forsan hic ei sensus  
 erat, quando cū doloribus vnà augeri amorem flagitabat.  
 Huc planè referenda videtur celebris illa visio, quam  
 inter diuiniore Rosæ excessus tanti fecere graues mysti-  
 cæ Theologiæ professores. Eam hic, prout ipsamet Virgo  
 paucis ante obitum diebus Doctori Castillo ex fide pasta  
 narrauit, nudo simplicique adtexam filo: suspensa (in-  
 quit) in vnituo quietissimæ contemplationis lumine vidi  
 fulgorem admirabilis excellentiæ, decoris, ac Maiesta-  
 tis, quem sine termino quaquaversus diffuderat omni-  
 præsens ac subtilis immensitas. Huius amoeni fulgoris cen-  
 trum infederat arcus multicolor, splendidus, ac multipli-  
 ci luminum pictura gratiosè variegatus, supraque istum  
 alius extendebatur arcus parís cum inferiori pulchritu-  
 dinis, ac maiestatis, & hunc in conuexi meditullio conspi-  
 cuae exornabat gloriosa Crux nostri Saluatoris, purpu-  
 rata, madida, locisque clauorum perforata, & Crucifixi  
 titulo triumphali insignita.

Porro

Porro interiorem arcum impleverat Humanitas Domini mei Iesv Christi radiosa, clara, præluceida, tanto Glorie amictu circumdata, quantum in ea nunquam aliàs fueram conspicata, placuitque ipsius dulci Bonitati conferre mihi vires extraordinarias, ac mirè vivaces, quibus acie irretorta liberrimè & profixè intuerer Magnificentissimum Regem meum in toto decore suo: non enim vti aliàs ex obliquo aut solo capite ac pectore tenus, sed integrum ac totum cernebam à vertice ad plantas usque, & ex directo facie ad faciem. Interrupit hic Virginem Doctor sciscitando, cuius coloris fuerint illi arcus? Respondit: multiplicis ac peregrini, adeò quod nulli proprius color in Mundo isto visibili possit vel tenuissimè aptari comparatio, nisi quòd arcuum venustas omnium possibilem colorum varietatem, ac gratiam in se collegisse videbatur cum infinita quadam excellentia & dignitate. Inde pergebat Rosa. Persensi ex vicina Christi humanitate suaviter in animæ meæ fundum destuere inexplicabiles flammæ & gloriæ striduras, adeò quòd existimarem à Mundo corruptibili me penitus iam solutam, & ad perpetuæ fruitionis beata gaudia translata esse. Post hæc ille speciosus forma præ filiis hominum bilancem & nescio quæ pondera disposuit in propatulo, mox populosæ Angelorum phalanges festino ornatu, ac nitore illustres accessere, decora cum reuerentia sese inclinantes Domino Maiestatis accessere, item copioso numero folices Animæ, similiq; adorationis ritu. Saluatorem reueritæ scorsim constiterunt. Angeli correpta bilance ac pōdenibus coeperunt onerare trutinâ, afflictiones afflictionibus exag-gerantes in cumulum, velut earum molestiam ad amul-  
sim exploraturi. At conantibus intercessit Christus, officiumque velut Angelico sublimius arbitrio libimet assumens manibus propriis stateram leuavit in æquilibria, & de cumulis impositis afflictiones distribuit præsentibus  
ani-



animabus, inter quas & mihi portionem seposuit grauissimæ aduersitatis. Deinde ponderibus denuo impositis cumulabantur exaduerso gratiæ super grâtiâ; cumque accedentes Angeli pararent libram attollere, rursus intercessit Christus velut omnipotenti suo brachio dignam functionem accuratiùs peracturus, & ad proportionem distributarû afflictionum pretiosos illos gratiarum acervos inter præsentis animas attentissimè diuisit; neque me præterijt; siquidem & mihi ad pondus concessæ aduersitatis gazam inæstimabilem supereffluentiùm gratiarum admensus est. Notavi adstantes animas eodem gratiæ thesauro tam distentas & ad summum vsque refertas, vt ore & oculis exundaret arctata plenitudo. His peractis sonorâ decentissimè extulit vocem Saluator: *Noverint* (: Inquit) *uniuersi, quòd tribulationem subsequitur gratia; sciant absque pondere afflictionum ad gratia cumulos non perueniri: agnoscant iuxta ærumnarum incrementa augeri pariter charismatum mensuram. Nolint errare, unica hac & vera est scala Paradisi; nec præter Crucem alia superest qua in celum ascendatur.* His auditis (: pergebat Rosa) inuasit me validissimus impetus quem verbis effari nequeo, profiliendi in medium fori, vt publicè fortissimisq; clamoribus vociferarer ad omnem hominum ætatem, sexum, statum: audite Populi; audite Gentes vniuersæ, ex ore Christi vobis denuncio; non adquiri gratiam sine præuia afflictione, ærumnis supra ærumnas concumulatis opus est, vt ad intimum Diuinæ naturæ participium ad gloriam filiorum Dei, ad perfectam animæ pulchritudinem pertingatur.

Idem me stimulus vrgebat impetuossimè ad prædicandam Diuinæ gratiæ venustatem, angebar, sudabam, anhelabam, videbaturque anima corporeo carcere teneri iam non posse quin eo relicto sola agilior erumperet clamatura per Mundum: ô si nossent mortales quid sit

Gratia, quàm formosa, nobilis, pretiosa, quantas in se complectatur diuitias, quas opes, iubilos, delicias, utiq; ambirent omnes affligi & pati, vltro postularent cuncti molestias, persecutiones, ægritudines, tormenta pro solo Gratia opulentissimo lucro assequendo, hoc sanctæ patientiæ mercimonium est & vtile foenus; nemo quereret de cruce, si hanc tantorum thesaurorum agnoscerent legitimam stateram.

Interpellauit Doctor, cupiens explorare magis, sub quali specie aut figura Virgini apparuisset Gratia? promptè respondit Rosa, nil eam cum corporeis figuris habere commune, at longè minùs cum colore aut quauis creatura pulchritudine, naturam ei omnino Diuinam esse, attramen bene se obseruasse quòd Gratia res sit alia à Deo tamen si Dei imaginem mirabiliter contineat, animamque constituat Deiformem. Tandem interrogauit Doctor, quo genere locutionis intellectualem an vocali Christus verba superius recitata protulerit? respondit Virgo, nescire se quo illa nomine apud talium rerum peritos appelletur, modum tamen locutionis hunc fuisse, quòd ab ore Christi promanabat clarus & purissimus sapientiæ conceptus, qui animæ fundum penetrans significabat intus quæcumque vellet intelligi.

Hæc illustis visio tempestiuè Rosam preparauit ad vltimos illos extremæ suæ paralytis dolores qui præmaturam ei mortem intulerunt, proinde cum de felici

Virginis transitu ageretur infra, opportunus de his redibit sermo: neque enim vnico

Capitulo tota Rosæ patientia potuit explicari.

## CAPVT XVIII.

Rosa varijs indicijs ardentem erga Sponsum amorem prodit.

**Q**uanta in Rosæ pectore flagraret Diuini amoris Aetna, placuit Deo interdum visibilibus signis palam facere, dum ex vultu orantis iussit splendores & flammulas scintillare. Nocte quadam Rosæ dormiendum fuit in vno conclaui cum socia Virgine, hæc circa gallicinium euigilans vidit per tenebras frequentia micare lumina in cubiculo; mox pauidè circumspiciens aduertit non aliunde esse quàm à facie orantis in angulo Rosæ, hæc enim lectulo suo clam ad fundendas preces in pauimentum sese demiserat, & vbi maximè in obscuro se latere credebatur, prodebatur lucidis igniculis per os oculosque inter orandum euiubris, testante prodigio quantum incendium feruebat intus. Hoc-ipsam Rosæ inscie pluries coram diuersis accidisse compertum est.

Nec minùs eiusdem ardoris indices ac fauillæ erant ignita illa suspiria, quibus veluti flabellis cor illud: suorum & æstuans simul distabat calores suos, simul eisdem validius succendebat. Crebrum hoc ei in ore erat: *Domine equis te non amare? ego verò mi bene!* IESU, quando te dignè amare incipiam? bene mi? quàm procul disto à perfectò, insimè, robustissimè cui discretionè & iudicio scio congruè te amare. quis pudor! ad quid mihi cor istud, si nendum id pro tuo amore totum diffuxit in cineres! nimis

rum propria hæc est superno amoris hydrops, ut solum id  
sitiat quo magis abundat.

Hoc affectu talescens Rosa pro impetrando Diuino  
amore ex ipsa Diuini amoris ignita pharetra nonnullas  
iaculatorias collegit in formam precatiunculae, quam lu-  
bet huc verbatim transcribere, quia cunctis ea placuit,  
multis vsu profuit, amandique tum signis tum stimulis  
scater. Hic ei tenor est: *Domine mi IESV Christe Deus*  
*& homo, vere conditor & Redemptor noster, quod umquam*  
*te offenderim equidem mente discrucior, quia es qui es, &*  
*quia te amo super omnia. Mi vere Deus & Sponse anima*  
*mea, tota latititia cordis mei: ego ego amare te desidero beni-*  
*gnissime IESV, amore illo perfectissimo, amore efficacissi-*  
*mo, sincerissimo, ineffabili, intensissimo, incomparabili,*  
*incomprehensibili, irrefragabili, inuictissimo, quo simul*  
*unuersi ciues empyrei te diligunt. Insuper concupisco ama-*  
*re te o Deus cordis ac vite mea, Deus delictuum meum, ama-*  
*re te velim quantum te amat Sanctissima Mater tua, Domi-*  
*nia mea Virgo purissima; quinimo te o salus o gaudium ani-*  
*ma mea, te inquam opto amare quantum tu ipse mi Deus te*  
*amas. Concremer ego, deficiam ego, consumer ego igne tui*  
*Diuini amoris o mi benignissime IESV.* Rudis ista rheto-  
rica est in auribus seculi, at schola Diuini amoris hic suam  
agnoscit reperitque phrasim.

Nouerat ingeniosa Virgo ceteras in se virtutes abscon-  
dere, sola Charitas (quia flamma est) premi ac celari  
nequaquam poterat. Hinc Rosæ colloquia, salutationes,  
respona iugiter amoris diuini mentione condiebantur.  
Si cum familiaribus, Matronis, Virginibus sermocinan-  
dum, prima Rosæ vox erat: *Amemus Deum nostrum, ame-*  
*mus.* Si de quacumque persona absente proferendum en-  
comium, rem totam Rosa hoc absoluebat compendio:  
*Deum fortiter ac serio amas.* Quotiescumque sacramen-  
taliter confessura procubuerat ad Confessarij pedes,

munita crucis signaculo erumpebat in hæc verba: *Domine tecum mi Pater Deus sit amor noster. O quis donet ut eum perfecte diligamus! Heu quæ eum non diligunt, bonitatem ignorant.* In omni conuersatione vnicum Rosæ oblectamentum erat ac solatium de amore Diuino aut audire aut loqui, inculcare supremam obligationem diligendi Numen quod tantopere nos dilexit & diligit, varios distinguere titulos, modos, stimulos huius dilectionis, denique omne aliud dissertationis argumentum quantumuis diuersissimum eam dexteritate huc inflectere, ut amor & amabilitas Dei in thema reliquorum discursuum succederet, quò obtento mirabile erat audire Virginem aliàs taciturnam verbis aptissimis ac vehementer ignitis ratiocinantem de debito charitatis, de affabili bonitate Dei dignantis amari, de pulchritudine Maiestatis tam dignæ amari; tantum hic Rosæ non deerant vocabula emphatica, hic solum abundabat fluida eius facundia, hic ei inardescibat spiritus, acuebatur vox, fulgurabant oculi, succendebantur præcordia, nemoque præsentium dubitare poterat, ex abundantia cordis os loqui.

At verò cum sola erat in recessu tugurioli, aut cum putabat à nemine se obseruari, tenerius simul atque liberius prosa, versu, sermone cantu ructabat solemniissima quæque Seraphici amoris axiomata. Quæstor Gundisaluus vnâ cum vxore & liberis aliquando domi suæ clam auscultabat Rosam loco solitario Diuinos amores pijs clamoribus feruidius celebrantem; summa contentæ vociferationis hæc erat, linuitabat per ordinem singulos creaturarum ordines ad amorem dulcissimi Creatoris, elementa, Cælos, Angelos, plantas, animalia compellabat, identidem replicando: *amemus Deum, Deum amemus, amor Deus, Deus amor.* Nec perfunctoriè hæc dicebat, duabus ac interdum tribus horis vno defixa loco cælumque respiciens; his vocibus immorabatur, eo calore & impetu, ut audien-

tium corda ad amorem & compunctionem ignara commouerit. Subinde non inueniens modum quo sibi inter hos feruores aut temperaret aut satisfaceret, citharam, (: quàm pulsare nunquam didicerat :) arripiebat de proximo pariete fortè pendulam, tactuque chordarum moderabatur impetum vocis, suauiter cantillando saucij querimonias amoris, vt omni ritu gestuque sese dilecto suo ostentaret amantem. Contigit aliquando cithare omnes deesse chordas, nihilominus Rosa citharizabat, intenta magis interius sonanti *decachorda psalterio cum cantico*. Videbatur sub his innocentissimis symphonix conatibus Rosa cum puello suo Amore reperiasecere, & obliuiscens omnium dolorum indulgebat simplici teneritudini intimorum affectuum: bulliebat corde, & existimans nullos è vicino sibi imminere arbitros, tantilla euaporatione feruentem spicuum solabatur. Accidit tamen quòd abrepta dulcore intrantes & exeuntes domesticos non obseruauit. Vnde pluries de cantatis ore auditi sunt versus isti numbris Hispanicis illigati, quos vtrumq; latinè reddiderim:

En; inter flores pulchrescis, & inter *olivas*

Iesule, nec molli spernis adesse *Rosa*.

Lepores erant, quibus Virgo liberius adblandiebatur dignationi sui Dilecti, qui Rosam pauperem (: vtpote Matre *oliva* & Patre *de floribus* natam) minimè fastidièrat, ex quo ab ea se permiserat tam tenèrè amari. Multa de similibus amantis Rosæ vaporarijs, de anteroticis ad Spòsum aspirijs, & eclogis dicendâ superessent fortè non indigna relatu, sed properandum ad solidiora.

Vehementissimæ dilectionis comes & testis est zelus, nec huius in se ardores Virgo celare poterat, hinc tantopere vrebatur, sicubi priuatim aut publicè quidquam committeretur, quod Dei honorem vel in minimo viola-

ret;



ret; certè nec leuissima dissimulabat. In primis otiosas in  
 Ecclesia fabulas (: nobilitatis rusticum malum ) adeo de-  
 reſtabatur, vt quauisquam timida verborumque parcissima  
 continere se non posset, quin loquaces ob loci reueren-  
 tia debite vrbauitatis admoneret, ea tamen moderatione,  
 humilitate, prudentia, vt obsecrare potius quàm corri-  
 pere videretur. Domi quotquot de familia erant, caue-  
 bant ne quis coram Virgine proferrent ineptias, vereban-  
 tur consorium Rosæ adhuc paruulæ supercilium, nouerāt  
 puellam ad suas tam atroces & crebras iniurias patientis-  
 simam ea sola tolerare nequaquam posse quibus vel te-  
 nuiter Deum offendi existimaret. Hic illi à prima pueri-  
 tia sensus fuit, nam vbi ceteræ proles pro garrulo rudis  
 ætatis genio aut sordes loquebantur quas nondum intel-  
 ligebant, aut cantilenas amatorias aliunde forsan auditas  
 innoxie repetebant, plorabat Rosæ, fugiebat, puerile fla-  
 gitium deserebat. Matru, querebatur offendi Deum, quod-  
 que alia ratione castigare satis non poterat, in seipsa la-  
 chrymis amatissimis vindicabat. Mendacia, quæ puero-  
 rum absdus iocis & loquacitati abesse vix vnuquam so-  
 lent, tam dirè exercebatur, vt proprium suum apophteg-  
 ma esset: *nec pro celo nec pro terra mentiendum, quia Deus  
 veritas est.* Hinc si quidpiam falsum etiam bona fide nar-  
 rabatur ab alijs, pro accurato veritatis zelo placidissime  
 corripbat refutentem, interloquendo comiter, non sic  
 sed tali modo rem accidisse, non istud sed illud factum,  
 aut dictum fuisse. Accidit vnâ circiter hora ante felicem  
 Virginis ad meliora transitum, venire illuc Religiosum  
 quendam Sacerdotem, quem illa videre ante mortem  
 desiderauerat. Huic intranti vnâ ex adstantibus foeminis  
 bona fide dixit: opportunè venis & Pater, iam enim Rosæ  
 vocari te iusserat. Audiit moribunda, deque veritate  
 scrupulosius sollicita attenuatum spiritum collegit in vo-  
 cem, *non (: inquit) erremus; te quidem videre ante meum*

obitum desiderari, idque solum dixi, nil ultra. Nimirum tanta ei inerat cura veritatis, quia Deus est veritas. Lachrymas quia vnicè ad Dei ærarium pertinere didicerat, non patiebatur aliò à quòquam inutiliter profundi, cupiens has soli Diuinæ Maiestati in tributum ab omnibus reseruari; vnde quædam occasione videns plorantem Matrem, quasi Diuinæ Quæsturæ correpta zelo, hæc (inquit) o Mater quid agis? gazam prodigis soli Numinis thesauro inferendam? quin tu potius memineris pretiosum hunc liquorem deberi soli Deo in ablutionem nostrorum peccatorum. Tanta Virgini zeloti cura fuit, ne quid vel honori vel tributo cælestis Sponsi decederet.

Eiusdem amicissimi zeli genuina soboles erat immensum illud gaudium quod vernabat. Rosa quotiescumque Dei honorem & obsequium insigni aliquo successu videbat promoueri. Limense emporium fama impleuerat, quamdam mulierem Deo solemniter dicatam, fracto Religionis vinculo à Cantabria profugisse in Indias, ac sub virili habitu in ciuitate *Gnamanga* diu errabundam, denique miro Dei beneficio rediisse ad eam, iamque in dicta ciuitate resumpto sacro schemate sub religiosa clausura intel Sanctimoniales degere. Hæc ut Rosæ innotuerunt vidiffes flammigerum eius zelum tot succendi affectibus, quorum rerum species in diuersa sensum abripiebant. Voluit primum de sacrilega iniuria, qua Diuinus honor facinorose tam foedo ac publico fuerat violatus, ac simul ei culpam diabat animus in victoria Diuinæ gratiæ: compatiebatur lapsæ peccatrici, simulque effusè latabatur in eam miram Domini bonitatem ac Misericordiam publicè ab omnibus celebrari, huic triumphum, huic festum diem agebat Rosa, non sic latatura si totius Americæ sceptum tibi imperiumque sorte vel dono obtigisset. Denique metuebat simul ac sperabat conuersæ peccatricis constantiæ ac stabilitati, verum in solatij cumulum adfuit superna re-

uela-

uelatio, qua Rosam Christus ipse securam reddidit de sceleris reductæ Monialis poenitudine, adiungens, cam non modò perseueraturam, sed insignem quoque sanctimonix gradum adepturam,

Nihil erat quod satiaret Rosam amores suos Sponso testificari cupientem, vnde iugiter apud Confessarios lamentabatur, ingrata se esse tam suauis Numinis in se bonitati, nescire se modum aptè colendi tam excelsam amicitiam, dumque agebat omnia, nihil se egisse querebatur. Accidit, vnum ex suis Confessarijs grauitè infirmari, ac tempore quidem valde importuno, siquidem instabat propinquus dies, quo illi habendus erat solemnis ad populum sermo. Misit igitur qui Rosæ nunciarent, improuisa ægritudine se obrui, nec vires sibi futuras ad prædicandum, dolere se ob notabilem defectum qui festiuitatem ex parte obscuraturus erat, maximè cum ingens illustrium personarum multitudo ad concionem (de qua fructus eximij sperabantur) fuisset inuitata. Rosa tristi nuncio exterrita post breuè deliberationem respondit: de Dei honore & obsequio hic agitur. Eya itote, dicite infirmo, certissimè ipsum statuta die prædicaturum, tempestiuè aderunt vires vt possit, tametsi non sine conditione alteri onerosa. Conditio autem hæc erat, quòd Rosa interea sui Confessarij febres in se reciperet, prout olim S. Catharina Senensi contigit. Nec dubitauit Virgo pacisci cum Deo sub tali onere, malebat enim alienis febribus torreretur per omnes medullas, quàm quòd ex concionis defectu gloria Dei in mutila festiuitate detrimentum pateretur. Euénit vt Virgo prædixerat, paucis ante concionem horis Prædicator conualuit, officioque præclare functus est. Interea Rosam coquebat febris non sua. Nec tam eni sermone abesse voluit, quia febrilem æstum facile superabat exastuans Diuinæ gloriæ zelus.

Inquietissima vis amoris nihil non comminiscabatur  
T quo

quo feriret vnicū dilecto. Compererat dictante historia,  
 S. Catrinam Senensem aliquando latentē sub formā paui-  
 peris Christo dedisse vestem, excogitauit ergo & amans  
 Rosa methodum ac rationē qua Christum indumento spi-  
 ritualibus lacinijs operosē contexto deuotissime amici-  
 ret. Nusquam is sibi occurrebat pauperior quā ubi in  
 Bethlehem nascebatur paruulus, nudus, cum inopi Ma-  
 tre extorris diuersorio, algens in stabulo, panniculis ob-  
 uolutus in vili præsepio. Huc igitur artes artusque om-  
 nes intendebat Rosa, vt piorum operum singulari ac pre-  
 tiosa confutura dignos Amoti Infantulo vestes præpara-  
 ret. Lubet hic simpliciter ex ipsis Rose pugillaribus reci-  
 tare formulari, qua sibimet Virgo hoc opus præfiniebat,  
 ac ne labente memoria quidquam præteriret, hoc ordine  
 singula notarat in pagella. *IESVS. Anno 1616. fauente  
 & auxiliante IESV Christo suaque benedicta Matre. incipio  
 parare vestimentum dulcissimo meo IESV nascituro tremulo;  
 nudo, egeno in Bethlehem. Indusolum sunt 30. Lectoria,  
 9000. Rosaria, 5. dies inedia in reuerentiam SS. Incarna-  
 tionis. Panniculi constanto 9. stationibus ad SS. Eucharis-  
 tiam, nonem tridentibus psalterij Rosariani, & 9. diebus ie-  
 iunij, pro numero mensum quos in vtero purissima Matris  
 exegit. Stragulis, 5. dies esuriales, 5. stationes, totidemque  
 integra Rosaria impenduntur pro honore sui Natalis. Fasciam  
 prabento quinque Corona Domini, 5. dies inedia, totidem  
 stationes in reuerentiam sua Circumcisionis. Fimbrias ac  
 limbos tam straguli quā fasciolarum ambiunt 33. SS. Com-  
 muniones, 33. interuentus Missarum, 33. hora mentalis ora-  
 tionis, 33. orationes Dominica, Angelicaque salutationes,  
 totidem vicibus recitatio symboli Apostolorum, cum Gloria  
 Patri, & antiph. Salve Regina, item 33. tridentes Rosarij Ma-  
 riani, 33. dies ieiuniorum, & tria millia verberum in ve-  
 nerationem sua ætatis quam vixit in terris. Denique pro  
 crepundijs puerulo offeram meas lachrymas, suspiria, ælius  
 amoris*

amoris, cumque his animam meam & cor meum, ut nihil mihi remaneat, quia convenit nihil me possidere.

Constat ex deo Rose mystica officina pluries hoc vestimentorum genus produxisse, nam subinde amicissimis personis eadem liberali dono cedebat offerenda, applicanda, circumponenda Iesui nudo Amori suo. Et quid non egit ut eis ab omnibus diligeretur? Placuit hic Rose ardor Salvatori, tantamque propagandi sui amoris solitudinem ingenti miraculo obligavit Deus, quod Capiti sequenti secundum narrandum sepono.

## C A P V T XIX.

Rosa, ut Christum omnibus amandum persuadeat, manifestum sudantis Imaginis miraculum impetrat.

**I**N domestico Gundisalvi Quistoris oratorio inter alias sacras imagines tum venustate tum reverentia, celebris eminebat illa que virilem Christi vultum scitissimis coloribus ac lineamentis exprimebat in tela. Huic Rosa peculiari devotione erat addictissima, hanc effigiem quotiescumque diducto velo prostabat in altari, fixis obtutibus, avidissimis oculis hauriebat ac fere sorbebat intensissima contemplatione, nimirum sentiens cor suum concalescere dum illius aspectui inharebat.

Anno igitur MDCXVII. die xv. Aprilis (qui Sabbatum erat) ad vesperam circa pulsus Angelicæ Saluta-

tionis Rosa cum vxore Gundisalui & filiabus in prædicto Oratorio de more insisterent orationi: detecta erat venerabilis illa Saluatoris effigies, cui ad vtrumque datus binæ ardebant candelæ in altari, ac tertia procul inde lucebat seorsim in mensula. Hic Virgo ultra solitum cœpit vehementius succuti amoris stimulis, vt nec voci temperare iam posset quin erecta in pedes feruidissimè ac sonorè affaretur sacram Imaginem, quasi sola in oratorio fuisset. Summa vaporantis alloquij hæc erat: Domine, ô quando te omnes diligant prout diligi mereris? quousque patieris hominum peccatis te irritari atque irreuerenter haberi? ô quis det, vt cuncti agnoscant, quali quantoque amore dignus sis? vt capiant, non pœnarum feruili formidine, non mera spe mercenaria præmiorum, sed propter te amandum te esse? eya, fac Domine, fac te amari vt decet, excute pharetram, vibra quaquauersum ignita purissimi tui amoris iacula, erumpant ubique luculenta cordium incendia, tibi tibi famulentur vniuersi, tibi sese enervet omne pectus præ violentia charitatis, tibi omnium affectuum sudent ballama, tibi inquam, tibi amabilissime Iesu, qui tanto humani generis amore bullis & æstuas. Inter has simileisque voces Quæstoris vxor clam ex oratorio in vicinum atrium se proripuit cum filiabus, ne fortè loquenti Virgini interstreperent, aut libertiores hos impetus respectu importunæ præsentia impedirent. Vna tamen filiarum non abnuente Matre irrepsit quasi candelas emunctorio in Altari purgaturâ: statimque velut subitaneo pauore Rosam interpellans, quid video? inquit, en vultum Saluatoris totum sudor operuit. Audiuit hæc foris Mater, & confestim ingressa vidit copiosas sudoris guttulas instar minutissimorum vnionum tota sacratissimæ Imaginis facie conspicuas lucere ac prominere: subnascebantur aliæ alijs, & mutuo attritu resoluebantur influxum, diuersisque lineis per pictos capillos & barbam

stij-



stillatim decurrebant. Attonita spectaculo, nec ausa propius accedere, misit qui maritum domo fortè absentem citissimè aduocaret, is enim Secretarium Ioannem de Tinco tunc è portu Callaoensi Limam reuersum negotiorum causa conuenerat. Venerunt ambo, ignari quid rerum ageretur: vixque oratorium ingressi, vbi vxor cum Ioanne de Benauides & Petro Chiandro familiaribus taciti expectabant, viderunt non sine ictu pietatis effigiem vndequaue velut roris antelucani guttulis confertim madidam & obductam, iamque stillæ ad ipsum vsq. marginem ligneum qui picturam includebat defluerant, ac nouæ identidem guttæ à fronte, maxillis, oculis succrescebant.

Obest miraculorum fidei præceps credulitas, prodest circumspecta dubitatio, vt seueritate examinis ceu polituræ defricu simul exploretur soliditas & clarescat veritas. Ita hic euénit: nam Gundifaluus in primis Angelinum Medorium Romanum qui imaginem pinxerat, in ædes suas aduocauit, vt sudoris originem, si fortè à natura colorum esset inuestigaret. Aduit pictor, limpidissimi humóris claritatem miratus, digito guttas aliquot delibauit, fricuit, naribus admouit, cumque nihil aut olidum aut oleaceum posset deprehendere, lustratis diligenter omnibus edixit, supernaturale sibi omnino videri quod in imagine gerebatur; coloris, odoris, tactus aliarumq; circumstantiarum experimenta neutiquam fallere, naturæ artisque industrias tali prodigio longè abesse. His minimè contentus Quæstor fidum hominem Andreæ Lopez ablegat, iubetque è vicino Societatis Iesu Collegio accersiri nominatim Patres Didacum Martinez & Didacum de Peñalosa, sic tamen vt neutri ad quid ea hora vocarentur indicaret. Venit P. Peñalosa cum socio Francisco Lopez coadiutore, nam impeditus erat P. Martinez, & tertia noctis hora imminebat. Intrauit vterq; ac breui

oratione præmissa ad altare propior accessit, sudantem, adhuc vultum diu attentèque contemplatus demum perito gossipio leniter humorem absterfit. Verùm quò plus detergebatur plus noui sudoris erumpebat, rursus ergo Peñalosa gossipium quà siccum erat applicuit, rursus guttulis guttæ, riuus riuuli succedere. Dehinc chartam adhibuit, visurus an fortè ex coloribus oleo temperatis vnctuosâ aliqua pinguedo humori inesset; commaduit charta, sed paulò post siccabatur, vnde purè aqueum esse collegit. Quatuor continuis horis & vltra durauit pium ostentum, cunctis per gyrum admirantibus, quòd nullo colorum aut venustatis detrimento vultus ille facerimus post sudores pulchrior viuidorque solito apparet. Nec adeo euauit hic sudor quin sub barba vsque ad oram marginis vestigia reliquerit multis post annis & lustris palam conspicua.

Supererat publicæ autoritatis legale examen & disquisitio, vt euidentiùs innotesceret miraculi certitudo. Itaq; Limanus Archiepiscopus D. Bartolomæus *Lobo guerrero* capiendis legitimis informationibus Iudicem constituit Doctorem Ioannem *de la Rosca* Parochum & Archidiaconum Metropolitanum, qui coram Notario Iacobo Blasca Presbytero auditis omnium qui spectaculo interfuerant vnisonis testimonijs rei gestæ seriem ex ordine totam excepit, ac tabellioni ritè in protocollum referendam commisit. Interea Gundisaluum, vxorem, familiam grauissimus inuasit timor, ne fortè ab aliquod suum aut domesticorum occultum scelus hoc in suis ædibus portentum accidisset, aut impendentem aliquam Diuinæ ultionis cladem miseris comminaretur. Verùm his facilè Rosa totius arcani probè conscia occurrit, voce tranquilla, & placida iubens ne timerent, nihil terrificum, nil sinisterum horridumue portendi, totum hoc quidquid fuerat miraculi eò dumtaxat spectare ac tendere, vt Saluator quàm

quàm enixè cupiat amari ab omnibus, ipsomet sudorifero vultu æstuque præter ordinem luculentò manifestaret; proscænium istud solius fuisse Diuini amoris reciprocos hominum amores inuitantis: non vnico ore sed poris omnibus clamasse in imagine Redemptorem: *redamase amantem vos*. Quis enim perciperet laxari in hunc clamorem poros nisi cum sudant? Nondum Rosa loqui desierat cum Gundisalui vxori in memoriam recurrerunt ignita alloquia quibus Virgo Imaginem affata fuerat ante sudorem, conferebat anteriora postremis, & mirè inuicem confortare deprehendit. Nec minùs apertè quotquot sudoris spectaculo coram frui erant, fatebantur, se sub illius intuitu novos, acutos, insolitos sensisse Diuini amoris stimulos, idque erat quod Virgo tam ardentè & anxie flagitârat. Non satiantur sic amantes orare iugiter: *flammas igne charitas, accendat ardor proximos*.

Neq; hic stetit miraculum quin partu noui miraculi & suâ certitudinem assereret, & Rosæ brachium fidemq; liberaret. Paucis ante diebus (:nempe feriâ 2. Paschatis) Rosa lapsu fortuito terræ allisa brachium grauitèr offenderat; Chirurgi tumidis ac liuentibus indicijs terribi iudicarunt aut Virginem deinceps mancam ea parte remansuram, aut saltim curationis laborem admodum prolixum incertumque fore, periculum longè minus fuisse intercessurum, si ossa in partes diffracta crepuissent; Rosa patiendi assuetudine ac desiderio fortis hæc quasi de alieno brachio dicta tranquillè excipiebat: nihilominus die quadam familiariter cum Gundisalui vxore de prodigio sudâtis Imaginis conferens, repente se sensit excitari ad fiduciam recuperandæ sanitatis, modò gossipium quod prodigioso Imaginis sudore maduerat, contusis brachij sui neruis ac musculis applicaretur. Quæstoris vxor quasi de virginis ore verbum rapiens confestim gossipium attulit, fascias solui, floecos imponi iubet. Cunctabatur Virgo, metuens præ-

propere sibi dolores eripi, quos pro Sponsi amore diutius tolerare optabat, causabatur se citra Confessarii permissionem nil presumpturam. Ne tamen oblatam remedij gratiam videretur aspernari, continuo ipsamet Confessarium adiit in Aede S. Dominici, candore quo solebat rem exposuit, nutum expectauit. Confessarius nil differendum esse edixit, iret, properaret, gossipium apponeret, seseque Diuino fauori submitteret. Factum ut ille imperauerat. Meridiei punctus erat, quando D. Maria Vlatigui proprijs manibus Rosæ domum reduci brachium nudauit, gossipium circumduxit, alligaturam reposuit. Mox Virgo in Oratorium se proripuit, ac inde post duas circiter horas egressa brachium vndequaque sanum & flexile ostentauit. Gausa Domina de modo ac mora curationis inquisiuit; cui Rosa: vix (inquit) in Oratorio ad preces coram S. Imagine me composueram, quando attractu præualido sensi redire ad sua loca distortos nervos, detumescere pulpos, distringi musculos, nec tamen prodire statim volui, donec cœlesti Medico grates ex debito persoluissim; in his nonihil me distinui; tolle iam gossipium, tolle fascias, quia in tuto sunt omnia. Beneficium tam repentinum totas ades exciuit in securæ gratulationis lætitiā, mirabantur omnes, & præcipue Chirurghi qui pridie metuerant oleum & operam perdi, siquidem intractabile viderant brachium & in omnem medelam contumax, ut non vererentur tamquam de incurabili ambigere musticare.

Exinde grauior tempestas formidinis Gundisalu incubuit sed nouo Rosæ solatio mox dissipanda. Serpebat incertus per urbem rumuscus, sacram Imaginem de priuato Oratorio auferendam iri, velut publico ac celebriori loco dignissimam. Torquebat hæc fama Quæstorem, consortem, filias, quod ægerrimè paterentur domesticum hunc thesaurum quotidiano suo ac suorum conspectui, deuo-

deuotioni, gaudio subiacui, præsertim quia pluries à Rosa didicerant, gratiosam hanc Saluatoris effigiem toti domui salutarem esse, in eâ Diuinam misericordiam secretius operari sua magnalia, frequenter ab illa benedictionem supernæ dulcedinis emanare. Sed animosa Virgo, ut comperit anxium Gundisaluum hac formidine cruciari, ne quidquam dubites, ait, mi Pater (: nam ipsum & uxorem parentum nomine honorare consueuerat) ne inquam timueris, non enim huiuscemodi ostenta nobis indulsit benignus iste Saluator tamquam propediem his ædibus abiturus; nobiscum ille habitare dignabitur, certus esto. Quodsi ob gratiam nuperrimi miraculi pictura illa hinc auferenda est, totum simul oratorium cum reliquis eiusdem sanctis iconibus auferant necesse est, quia pleræque miris in nos beneficijs certant, scatentque arcanis prodigijs. *hi* Ita esse pridem coniecerant ex affectu, deuotione, reuerentia, quam peculiariter modo huic modò illi ibidem Imagini Rosa impendebat, velut inde fauoris Diuini copiosior eam aura afflasset. Prostabat in Altari Oratorij imago IESU parvuli verustis coloribus adumbrata; in hac Virgo sæpissimè iaciebat ardentes oculos, huc mittebat crebra ex imo pectore suspiria, hanc deperibat, nec toto cautissimæ suæ modestiæ velo sufficiebat intimos erga illam feruores abscondere. Obseruauit hac tacite Maria de Vitate, prudentique solertia demum à Virgine per ambages elicit quid rerum illic lateret. Fatebatur ingenuè Rosa ad omnem illius picturæ intuitum nouo se perfundi calore & gaudio; subsultare præcordia, inflammari spiritum, eò quod Diuinus ille puerulus videbatur sibi nunc blando arrisu salutem dicere, nunc suavi radiorum effluxu animam transfigere, aliquandò etiam curta brachiola foras protendere velut in amplexum Rose iam iam ultro procursurus. Hæc narrans inardescibat, nec

cohibere se poterat quin fortius vocē attolleret in par-  
nesim, eyz, inquebat, & Mater, estimato hunc cole-  
stem paruulum, famulare huic Domino, cole, venera-  
re, ama hunc Regem gloriæ, qui sine intermissione ex-  
pusilla iconē tam grandia in nos donz congerit, paratus  
maiora & plura effundere, modò velimus capere. Re-  
dibat inde protinus ad eam de qua supra virilem Serua-  
toris nostri effigiem, asseribat hac se medullitus instaurari ac refici, nonnullosque in anima & corpore effectus  
experiri simillimos ijs quos in sumptione Sanctissimæ Eu-  
charistiæ percipiebat. Denique ingemiscebat querula, tam  
raros & paucos esse qui Dominam tam suauem toto ac  
puro affectu redamarent, hunc sibi dolorem videri pro-  
fus intolerabilem, optabat sibi obrigisse sexum, facun-  
diam, vires, quibus vniuerso terrarum orbi solum Iesv  
Christi amorem persuaderet; nempè id ipsum olim Sera-  
phica sua Mater ac Magistra optauerat, & tandem inter  
hos ardores increpabat seipsam quòd non arderet fatis.

## C A P V T X X.

Rosam imago Deiparæ in SS. Ro-  
sarij Sacello creberrimè sola-  
tur, mulcet, instruit.

**S**Vpra-dictis penè gemella sunt quæ hic narrabimus;  
at prælibanda sunt ex multis paucula de singulari  
prærogatiua celeberrimæ huius Imaginis, quæ inde ab  
introducæ Christianæ Fidei primis initijs prima toti Per-



uano Regno per publica beneficia innotuit, & priuatim Rose nostræ tam eximie chara fuit atque propitia.

Statua est ex ignoto ligno ad humanæ staturæ proceritatem affabrè sculpta in formosam effigiem Magnæ Deiparæ paruulum Iesum gestantis in vlna, manuque altera, Mundo Rosarium suum porrigentis. Hanc Christiani conquirendarum Indiarum auspiciem ex Hispanijs secum aduectâ inter prima Limanæ vrbis molimina primo ibidem veræ Religionis Templo (cui à Sanctissimo Rosario coæuum nomen est) solemni ritu collocarunt, adstructo Eram Predicatorum insigni cœnobio. Prosperrimum id propagandæ illic Fidei nomen & exordium fuit, nam simul in hoc Templo quod vnicum tunc extabat, sub tutelari præsidio Diuæ Virginis ad titulum S. Rosarij constituta, fuit Parochia, hic primus instructis catechumenis patuit fons lustralis quo infideles ad veri Numinis cultû adducti capere per S. Baptismi ianuam intromitti ad caulam ouium Christi, hinc demum ad alias quæ paulatim fundabantur sacras Aedes tota Sacramentorum administratio promanauit, ac velut ex vno Augustissimæ Coelorum Reginæ parthenico Roseto Ver nascentis Fidei in omnem circuitum floridè se diffudit.

Anno 1535. iuxta *Caxaguanam* in Cusco ac finitimis provincijs gentiliû Indorum plusquam 300000. sub signis erant ut Catholicum exercitum sexcentis nō amplius capitibus numerosum proculcatent potius quam profligarent. Aderant Christianæ phalangi aliquot Religiosi ex Predicatorum Ordine, ac implorata in opem Regina Sanctissimi Rosarij, dum vtrîque concurrunt acies, visa est vtrîque in aère conspicua Diua Virgo sub suæ Limen-  
fis imaginis notissimo agalmate, virgam distringens in-  
hostes, ac nō cederent internecionem comminuitans. Per-  
cussî superno spectaculo idololatæ pacem armorum ex-  
perimento prætulert, & oblatione iurâ cum ferro ex-

cussa certatim iugo Fidei cum gaudio succollarunt. Exinde creuit S. Imagini popularis veneratio, cumque famâ tanti miraculi Regnum ac vniuersam regionem perualit mirifica salutifera deuotionis propago.

Demum anno 1643. vj. Idus Maij Rex Catholicus Regnum suum Peruanum coelesti Virginis Matris præsidio firmitus contra impendentia pericula communiti exoptans mandauit hæc ab vniuersis incolis publico ritu eligi Protectricem, simulque ad aliquam huius sacram Imaginem (: quæcumque illa esset toti regioni celebrior ac de fama beneficiorum illustrior) publici refugij perennem tesseram communi voto collectam firmissimè stabiliri. Factum est cum Archiepiscopo Prorex & uterque tum Ecclesiasticus tum secularis Regni Senatus in toto consilio collatisque suffragijs Limanam D. Virginis Sanctissimo Rosario præstantis imaginem elegerunt, & quotannis feria secunda post Dominicam *Quasi modò geniti* instituta publica supplicatione (: cui tum ipsi, tum singulorum Ordinum Regulares & vniuersa tribunalium dicasteria interueniunt) eandem in suo apud FF. Predicadores Sacello inuisunt. Eadem ubi festiua Processione effertur in publicum, (quod annuè fit in die octaua Sanctissimi Rosarij mense Octobri) à dispositis per forum chiliadibus crepera scloporum disphensione salutarur, fulgente in singularum cohortium explicitis vexillis nomine, tessera, figura imaginis Rosarianæ. Nec reliquum anni tempus vacuum est à perpetuo concursu, præsertim quoties aut terræmotus, aut epidimix contagium, aliaue seu publica seu priuata necessitas admonet ciues præsentanei sui asyli. Hæc obiter de Rosea imagine, nunc ad Rosam.

A teneris hic Rose quamquam nil minùs, quàm ferrea magnes fuit ac siderites, adeo hac sacra Imago trahebatur adeo firmabat virgunculam. Nonnulla attigimus supra: succedant alia. Quando in isto Rosarij sacello Rosa co-

ram Virgineo hoc simulachro Dominicanæ Ordinis habitum suscepit, adfuit publicæ functioni plorans Mater, viditque fillam blando favore Deiparæ eleuari in coelum, unde perfusa gaudio facile compescuit lachrymas, coepitque tacito applausu felicem puellæ gratulari. Sublime augurium & obseruatum dignum, nam quæ tanto suffragio dignabatur nouitiam suam, *extolfa supra sidera* hic operabatur *ut felix caliporta*. Quoties Rosa sibi aut alijs grande aliquod ac peculiare de cælo subsidium postulare cōstitisset, supplex ad Aram Sanctissimi Rosarij procuinbebat in preces, illic vultum charæ Imaginis speculabatur attentissima, & non sine ingenti fiducia post teneros affatus ab illius faciei pendeat oraculo. Sæpe Quæstoris vxor notabat Rosam à Sacello reducem aliquid noui solatii ipso premendi cōnatu proderet, plerumque enim bullebat lætitiæ seruior ut familiarem & pie curiosam obseruari cōm latere indicia aut fallere ex toto non possent, quare domestica necessitudinis iure audebat verecundam ultro compellere dicendo: *hodie Rosa ut video rursus pluerunt fauores*; cui modesta Virgo, leui subrisu aiebat: *continuo affabilis illa cæli Regina fauoribus cumulat miseriam hanc peccatricem*. Memor deinde, eandem Gundisalui vxorem assedissee examini de quo supra Cap. XIV. atque ex ea plura & potiora rescivisse de arcanis suis cum hac Imagine commercijs, visionibus, alloquijs, paulò fidenti deinceps huic Matrônæ fassa est magnam eorum partem quæ Examinatori suo pridem aperuerat eo candore quo debebat.

Inter alia de modo, quo Deiparam in hac Imagine sibi loquentem percipiebat, interrogata simplicissime respondit, mirabile hoc genus allocutionis sine idiomate, sonitu, motuque labiorum purè sympatheticum esse, ac solum iconis vultum varia serenissimæ frontis eradiatione velut quibusdam notis ac nutibus tam appositè, dextrè, &

per-

perspicuè exprimere sensa & affectus pro re nata, vt nulla exquisitissimorum verborum sabundia melius prestare id possit; eandem vultui Diuini Filioli vim inesse, vtrunque velut in viuo ac animato libro se responsa distinctè legere multò significantius, quàm si muris characteribus descripta vel picta decerneret; his velut fiduciaris intimorum conceptuum indicibus excitari in anima sua quamdam attentionem luminosam, qua sine discursu penetret limpidèque percipiat singula, denique in vtriusque figuræ labijs, genis, oculis quoddam velut arcane affabilitatis horologium inesse, huiusmodi congruam diuersitatem nulla linguarum peritia explicabilem, humana tamen locutione longè certioribus. Fama erat, Rosam impetrare omnia, quaecumque apud sacram Imaginem ab Augustissima Rosarij Regina serio flagitaret. Hinc sæpè rogata vt hoc illudue peteret, si videretur è re publicè aut cuiusquam priuatæ salutis esse, curam in se haud grauaturè recipiebat, deinde à sacra Imagine rediens bonos successus tanta securitate pollicebatur, quasi concessæ gratiæ diploma recepisset.

Accidit permisso Dei, quòd inuidus sathan cuidam regulari Communicati Linæ inieuerat discordiarum zizania, Excresebat infelix lolium, quodque initio non nisi opinionum proelium fuerat, ipsa repugnandi daleedine paulatim degenerabar in amarulentiam voluntatum, non sine scissura pacis & offensa Numinis, cui extra fines pacis habitare non lubet. Innotuit Virginis Confessario gliscens malum, isque Rosæ iniunxit, Sanctissimè Rosarij Sacrum adiret, ibique coram Deiparæ Imagine periclitanteis illius Congregationis necessitatem Mater misericordie suis precibus commendaret, nec curam dimitteret quoadvsq; gratiam & succursum impetrasset. Paruit Virgo ad obsequia charitatis mirè procliuis, sacellum, adiit, preces fudit, sed moesta præter consuetudinem ani-

moq; faucibus domum rediit. Postmodum auctus ad pedes  
 S. Imaginis diuini procubuit, feruens & grauiter lachry-  
 mas addidit, prolixamque mortis quantum patientia fauor-  
 em expectauit à solo Deipara vultu pendula, nec tute-  
 aura de loco, donec ex auditam se intelligeret. Tandem  
 repentina hilaritate perfusa in pedes se crexit, & gratias  
 Virgini Matri deuotissime persoluit. Ista domum prope-  
 raui. Quasiaris vxor utraque vixit frontem Virginis do-  
 mum redeuntis tacite obseruabat, ac diuersitatem mirata,  
 quid noua rei gereretur interrogauit. Huic Virgo succin-  
 ctè quantum oportuit eam scire respondit. Verum paulo  
 post à Confessario sollicitius examinata, neg. ausa quid-  
 quam reticere, totam ingenuè seipsum exposuit, ut pridè  
 inter supplices preces utrumque tum Deipara, tum Filio-  
 li vultum inuenerat non modò ghalybis instar prò durum,  
 asperum, inexorabilem, sed & seuerè minacem, austerum  
 ac manifesta indignatione caperat: ut frustra conata,  
 fuerat Filium emollire per Matrem, ut tristissima domum  
 redierat post insolitam hanc repulsam. Deinde ut postri-  
 diè multis demum lachrymis Dei Matrem flexerat ad in-  
 tercessionem negante Filio placari se posse illi coetui tam  
 obstinàtè discordi, ut tremuerat afflictum cor suum, perci-  
 piendo alternos Matris, Filijque assatus, quibus illa gra-  
 tiam, hic iusticiam ac poenas urgebat, ut denique Matris  
 suauissima praua lachrymarum gemitibus cesserat exarmata ira Fi-  
 lij, ut iste iam placatior benigno artisu Matrem, deinde  
 & Rosam indulgētissime respexerit: exinde gratiam in tu-  
 to iam esse, ne dubitaret Confessarius, breui effectum  
 manibus contrahendum. Ità euēnit: nam paulò post mi-  
 rabiliter coaluerunt diuini animi, euauit p̄mum discor-  
 dia, dissilijt sathanæ cuneus qui fissuras diduxerat. Norēt,  
 quicumq; Religiosis, communitatibus diuisionis machinas  
 inuergunt, quàm abominabile Deo, quàm gratam cacoda-  
 moni, quàm perniciosam proximis operam præstet. Sed ad  
 alia.

Non



Non abs re fuerit paucis subnectere / quæ Rosa cum  
 alia Deiparentis imagine non sculpta sed picta in Gundi-  
 salui oratorio contigerunt. Representabatur coloribus in  
 tela Genitrix Virgo dormientem parvulum Iesum comple-  
 xa sinu. Rosa videbantur in hac imagine omnia spirare,  
 ac vivere, sapiusque ferebatur. Nam apud se peculiariter  
 magno in pretio esse quod inde suavissimis interdum so-  
 lacijs fuerat delibuta, Iesus somnunt, & Maria vigilas  
 ignem suis medullis injicere, ut nec parvuli mansuetissi-  
 mum soporem audeat interrumpere, nec tamen vigilem  
 Matrem possit sine canoro successu cordis alloquio præ-  
 terire; at sub hoc affectum duello animam suam lique-  
 fieri ex arcano Dilecti alloquio, quasi dicat: *Ego dormio,  
 & cor meum vigilat.* Accidit, quod in oratorio Maria de  
 Vfatogui coram Rosa, & duabus familiaribus instituta  
 de beneficijs Beatissimæ Virginis spirituali collatione in-  
 cideret in magnalia, quæ ad Imaginem Deiparæ in *Arocha*  
 vico Matritensibus vicino manus superna dignatur ope-  
 rari, Rosa in præsentem Imaginem defixis oculis avidè  
 quæ dicebantur auscultabat. Sed cum Matrona sensim ad  
 alia diuerneret, insolita verborum emphasi Interpellavit  
 Rosa, perge (inquit) o Mater, perge de hoc argumen-  
 to plura quæ nosti differere. Matrona facillè animaduer-  
 tit inter Imaginem & Rosam singulare quidpiam geri, un-  
 de digressis alijs secreto extorsit à Virgine, cur interpel-  
 lasset, utique mysterium subesse, quod rescire suâ inter-  
 erat omnino se scire id velle. Rosa, ut prodigium quod vi-  
 derat non suo, sed Matronæ merito tribueret, in id (ait)  
 mysterium suberat, nam interea dum tu miracula narra-  
 bas absentis Imaginis de *Arocha*, hæc præsens edebat signa  
 inusitata lætitiæ, movebat in nos colubinos suos ocellos,  
 attollebatur nouo corpulentia typo extra tela superfi-  
 ciem velut inde ad nos exitura cum sopito Filiolo, sparge-  
 bat arcanas dulcedines, renidebat, radiabat augustior,  
 nunc



nunc paruulo suo nunc nobis maternè adblandiens . Et nonne sub tanta gratiâ dignum erat Regina nostræ laudibus diutiùs immorari ?

Sed redeundum tantisper ad Sacellum Rosarij, cui Rosa toto anno per omne sabbathum flores quos ipsa colue- rat, fascicularim aut mittebat aut deferebat . Mirati sunt, quicumque Rosæ hortulum norant, eius areolis numquam deesse flores quos Altari dedicaret; siue enim hoc germen alibi sustulisset consueta variantis anni temperies, siue ar- dentior Sirius vbique torrida siccitate hoc terræ solatium corruperat, semper in modico Rosæ viridario intacti ver- nabant pulluli quos in proximum sabbathum cœlesti An- tophoræ consecraret . Maluisset auro gemmisque rigen- tem cycladem subinde offerre sacræ Imagini florûm locô, sed obstabat inopia . Verùm tamen & hanc suppleuit in- geniosæ deuotionis industria, nam vt quotannis Regina in Sanctissimi Rosarij bis spiritali veste amiciret, materiam, artem, formam excogitauit lōgè pretiosiores, ad modum quem supra Cap. XVIII. descripsimus . Vnius idea reper- ta fuit in Virginis pugillaribus, hoc tenore : *Memoria . Pro vestimento quod ego Rosa de S. Maria indignum manci- pium Regina Angelorum ordior contexere Virgini Dei Ma- tri auxiliante Domino . Primò Tunicam interlâ consciunt 600. Salutationes Angelica, totidemque vicibus recitanda Antiphona Salue Regina ; cum 15. diebus ieiuniorum, in re- uerentiam purissimi gaudiÿ ex nuncio Angelico, quod in suis castissimis visceribus humana carne induendum erat æter- num Patris Verbum . 2. Pannum huius amictus contexunt 600. Salut. Angel. totidem vicibus Salue Regina, 15 Rosa- ria, & 15. dies ieiunij, in reuerentiam latissimi gaudiÿ, dum visitabat Cognatam suam Elizabeth . 3. Oras ac fimbrias huic vestitui circumdant 600. Salut. Angel. toties Salue & 6. (vti supra) in reuerentiam altissimi gaudiÿ, dum pariebat Filium suum Dominum meum IESVM Christum . 4. Fibulas*

apponunt 600. Salut. vt supra, in reuerentiam intimi gaudij dum benedictum Filiolum suum offerebat in Templo, 5. Collari impenduntur 600. Salut. Salue, ieiunia, vt supra, in reuerentiam felicissimi gaudij, dum amissum triduo Filium inuenit in Templo inter Doctores disputantem. 6. Ramusculum Virgineis suis manibus gestandum componunt. 33. orationes Dominica, totidem Salutationes Angelica, cum versu. Gloria Patri, Salue Regina, totidemque Rosarijs laudum Diuinarum, & rursus totidem Rosarijs de laudibus Virginis, in reuerentiam. 33. annorum, quos Dominus meus IESVS vixit in terris. Et paulò infra: iam hoc vestimentum confectum est; benedictus sis Deus, eiusque Mater Sanctissima praegrandi sua pietate suppleat defectus meos, & ausui det veniam. Laus tibi Christe. Simile at multò operosiùs vestimentum Diuæ Virgini consuere cœpit prima die anni MDCXVI. in huius textura sumptuosa Dominicarum orationum, & Angelicarum Salutationum numerum Virgo non iam centurijs (: vt supra ) sed chiliadibus diffiniebat. Verùm singula quæque suæ devotionis exercitia minutim prosequi non vacat, præsertim cum ex innumeris innotuerint pauciora.

## C A P V T XXI.

Rosæ in salutiferum Crucis signum religio. Imaginem S. Catherinæ exornans ab ea vicissim honoratur.

**S**olitarie in horto cellulæ (: de qua supra ) prima & ferè tota supellex Crux erat Virgine procerior altiorque plenius tum Caluarie supplicium meditati ingereret, tum pijs novæ Magdalene complexibus comodiùs stringi posset. Illam quor osculis Rosa diffusauarit, quot lachrymis humectarit, quot ignitis suspirijs adusserit, quam tenacibus vlnis ad liuorem vsque sibi interdiu noctuque adstrinxerit, quam crebra & supplici adoratione coluerit, non omnino domesticos latuit, qui interdum per rimulas insciam obseruabant. Sicubi in Templis, sacellis, ædibus frequens viuificæ Crucis simulachrum incurrisset in oculos, singula mœsto obtutu & calente gemitu salutabat, in omni familiari confesso, conuersatione, societate Crux (: si qua prostabat ) Rosæ sol, ipsa Cruci heliotropium erat, ad huius aspectum cor Virginis pulsu validiori, & concitato videbatur in horologium transmutari. Præcipuè in maiori Dominicæ Passionis hebdomada, à Cruce fidelium adorationi palam exposita diuelli non poterat, huic assidebat immobilis, hanc dilapso frequentiori populo cominus tenerrimis basijs obterebat, in hanc eminus acclauabat oculos, nec alio vel ad momentum respicere

poterat. Quin usque adeo menti Virginis infederat Sanctæ Crucis Religio, ut ubicumque à fortuita trabium commissura, in fenestrarum elathris, in decussatis seplum bacillis, in ostiorum cardinibus, in vestibus, in ipsis demum festucis ac paleis, aut alio quouis reiectancō figura Crucis occurrisset, hanc sine attendita ac tacita veneratione nusquam præteriret.

Subinde Rosam ad sacras ædes processuram comitabatur honestatis causa germanus frater, doluitque toties sibi cum ea subsistendum esse quoties Soror ibidem ad stipulas de terra subleuandas sese inclinabat. Animaduertit fortuitas Crucis figuræ esse quas in proiectis stipulis aura vel casus effinxerat, has autem Rosa iacere humi, & comitantium pedibus neglectim proculeari nō ferebat. Hinc Ferdinandus ( : id fratri nomen erat ) tot morarum impatiens, ac velut superfluxæ pietati sororis admurmurans, putasne ( : inquit ) decere Virginem, toties in publico ad leuandas paleas explicare faciei operimentum? quid cogitabunt, quid dicent obuij, hære te in plateis, ut transuersas ubique stipulas fatuo labore diuarices? Quod si hac ratione Crucis figuræ prospectum cupis, utique ingentem tibi sumpsisti operam, imò ridiculam, cui à prætereuntium sannis, ac sarcasmis totum sit præmium.

At grauitèr modestèque replicuit Virgo: ah frater nimio dolore crucior, dum video, contemptim iacere solo & calcaneis proteri qualemcumque rudissimum typum illius adorandæ Crucis in qua innocens Agnus Dei suæ met vitæ inæstimabili pretio nos redemit. Scio hæc retributa sine scrupulo aut culpa promiscuè calcari ab alijs, horum incuriam nec damnare ausim, nec arguere præsumo, sed neque illis displicere meritò queat meæ deuotionis simplicitas. Denique subsannent, rideant, cogitent de me, ut lubuerit, ego quoad potuero, non cessabo à cura, ne Crux Domini mei, vel in abiecta, vilissimaque stipula  
usquam

vsquàm conculcetur. Addebat (: mirum dictu ) ad istud quod puerile, nimisque fœmineum alijs videbatur Crucis honorandæ studium se stimulis tam excelsis ac serijs excitari, vt repugnandi modus aut ratio numquam sibi ad manum sit; proinde & hoc inter alia complura condonandum esse ardori suorum affectuum, maximè si verum foret quod aliunde obscura persuasione acceperat, ex sacris Indulgentiarum thesauris aliquod repositum esse lucrum fidelibus, quicumq; hoc simplicitatis religioso obsequio S. Cruci reuerentiam exhiberent.

Rosa in suo hortulo plantauerat libanotim, Rosmarinus vulgò dicitur, eiusque tres arbusculas distinctis cespitibus ità in Crucis formam coegerat, vt singulæ glebæ scorsim accuratam montis Caluariæ figuram vndequaque exprimerent. Gaudebat inter flores & odorifera plantaria pariter & Crucem oculis suis continuo obuersari. Placuit multis nouum amœnitatis artificium, quod irrigante gratia sub hortulanæ deuotione feliciter adoleuerat. Verùm operante Magistro P. F. Alphonso Velasquez Rosæ Confessario ex tribus vnica dumtaxat Rosæ hortulo mansit residua, siquidem is alteram poposcit sibi, alteram Proregina dono eiusdem obtinuit, summaque cura penes se nutrire studuit, sed incassum, vix enim dies perpauca effluxerant, cum Crucifer cespes apud Proreginam funditus exaruit, manifesto indicio, propriam sibi defuisse Crucis & Caluariæ hortulanam. Narrauit Virgini Confessarius dolorem Proreginæ, at subrisit Virgo monuitq; huiuscemodi Cruces inter seculares Aulæ pompas & assidue Mundi commercia virere non posse: vetuit tamen emarcidum arbusculæ cadauer proijci, iussitque ad se remitti propediem resuscitandum. Vix in quartum diem exsucca plantula penes Rosam fuit, cum speciosior quàm ante fuerat vndique reuixit, nouis ramusculorum comata pullulis, nouo radicularum ac medullarum succo re-

diui-

dluiva, plexilique virgularum obedientia in pristinam Crucis figuram reformata; cui Rosa in ornamentum extractabili ficulneæ medulla complusculos cœlestes genios ordinè aptissimo circumposuit, & Crucis basi accubuant Sanctæ Mariæ Magdaleneæ icunculam peritè adiecit, sicq; renatam, ornatam, pampinatam remisit Confessarius Proreginæ, miranti libanotum suam sub Rosæ manibus tam celeriter, tam amœnè, tam plenè reuixisse. At Virgo id totum gloriæ Crucis tribuebat, quod & S. Catarinam Senensem iugiter fecisse meminerat.

Digrediendum nunc ad huius Seraphicæ Magistræ imaginem Crucis ac Stigmatum characteribus insignitam, quacum Rosæ plurimum fuit commercij, nec sine prodigijs. Limæ ab annis centum & amplius floret sub invocatione B. Catarinæ Senensis deuota secularium Confraternitas: huic solemnè est quotannis ter in publici circuitus festiuam processionem sublimi gestatorio efferre conspicuam Sanctæ suæ Tutelaris statuam coronis, floribus, multoque gemmarum fulgore ac pretiò decenter adornatam. Porro quæ statuæ ornamenta conquireret, tractaret, circumponeret, vna hæc Rosa (: dum vixit) nulla reperiatur aptior, dignior, peritior, quia prototypo nulla aut deuotior aut similior. Ita cunctorum suffragio vni Rosæ delatum hoc religiosæ pietatis officium. Ipsa diligenter collectis vndeque monilibus, velis, torquibus, floccis, lemniscis, omnique pretiosa supellectile (: cuius nulla vmquam pars amissa fuit quin tota rediret ad Dominos) operi strenuè incumbibat, assumptis fidissimis adiutricibus in laboris ac meriti participium. Sed dum circuibat charam Iconem, dum vestiebat, dum plicas distinguebat, temperare sibi à lachrymis, ab osculis, ab alloquijs præ ardore non poterat, affabatur, venerabatur, dissuaniabat sacram Imaginem, ac si præsentem è cælis haberet Magistræ suam. Quadam vice inter suspiria, exciderunt Virgini



gini (: at perfunctoriè, & submissè) hæc verba: nosti utique Mater mea dulcissima, quòd si 15. aut 16. *pataconum* mihi facultas esset, vestirem te pro genij mei dictamine, nouo candidiorique amictu. Et ecce post paululum sociabus nil minus cogitatibus adfuit illustris foemina *Hieronyma de Gama* ancilla Aethiopiissa, cumque pecunia litterulas attulit, quarum hic tenor: *Salve Rosa Soror. Coniugio te nunc in exornando gloriosa Matris Senensis simulachro occuparis in 16. patacones quos penes me reperi, his utere ad Seraphica Imaginis ornatum, si opus est. Vale.* Suspexit in Caelum Rosa, & ô (inquit) suauissime IESU, quàm fidelis amicus es! Mox niuei candoris Attalicam emit, nouamque Iconi vestem aptauit.

Dum Rosa oblongam trabeã (:scapulare dicimus) Iconi amiciendæ consuit, mittit in Conclaue vbi hæc stabat, *Philippam de Montoya* conciuem suam, vt inde serici filii glomerem sibi apportaret. Iuit illa, viditque Imaginis vultum insolito splendore fulgidiùs radiare. Expauit insperato gaudio, remque trepida ad Rosam in proximo cubiculo nentem retulit. Verùm hæc minimè admirans respondit paucis: numquid vidisti Soror, quàm sereno indicio dignatur approbare Seraphica nostra Mater quod agimus? placet ei, quòd ambæ in elaborando ipsius scapulari iucundè occupamur. Alio tempore optabat Rosa, caryophylli copiam ad manū esse, qua sacram Imaginem condecoraret. Abnuebat præsens anni temperies, quæ in illis Regionibus mense Maio id genus flosculorum ignorat. Quæsitum diu in Rosæ hortulo, sicubi fortè in caryophyllorum arcola, vel noduli apparerent propediem erupturi in florem, at inuentum nihil. Iteratur bis ter frustrata perquisitio, sed eo vespere nec spes residua fuit. Nihilominus Rosa quod futurum erat spe bona præcipiens aiebat: potens est Dominus concedere quod optamus, quinimò hac ipsa nocte in honorem Sanctissimæ Trinitatis, vna hæc

hæc virgula (: digito monstrabat furculum nulla fœcunditatis nota tunc vsquam turgidum) tria nobis caryophylla protrudet. His dictis fœminas (: *Catarina & Francisca de Montoya* vocabantur) dimisit domum ridentes, quod illo anni tempore ex languido, sterilique frutice caryophylla expectaret, imò promitteret. Postridie summo mane (: siquidem is Processioni decretus erat dies) properarunt ad Rosam, vt quod in ornanda Imagine reliquum erat, cum ea perficerent. Rosa tunc in oratione defixa venientibus innuit; hortum adirent, atque in nomine Sanctissimæ Trinitatis tria inde caryophylla confestim sibi adferrent sacre Iconi coaptaanda. Replicuit Catarina: tu verò charissima non meministi, nos heri tecum inutili questione floris totum aliquoties hortum permeasse, nec vsquam vel nodulum in stylis aut denticulum reperisse in scapis qui huic integro Mense pubem vllius flosculi polliceatur? Verum institit Rosa efficaciori imperio: itote Sorores, trinum quem dixi florem maturimum, decussatum, repandum ocyus adferte; quid hæsitatis? quid cunctamini? qui virgam Aaronis florere iussit, prouidit & nobis. Iuerunt, & vt Virgo dixerat inuenerunt, tria caryophylla de illomet quem pridie Rosa indicarat cauliculo trepidæ carpservnt, apportarunt, suæque dissidentiae veniam præcatæ cum Rosa in gratiarum actionem Deo se prostrauerunt, insimul admirabundæ ac lætæ, quod illa die sacra Imago cum ornatu tam peregrino in publicum erat proditura. Quodque mirabilius est, ab eo tempore quoad Rosa superuixit, eius hortulo nulla anni parte recentia caryophylla defuerunt.

Alia vice Rosa ad vestiendam Sanctæ Catarinæ Iconem cum alijs adiutricibus vocatæ Mariam Euphemiam de Parejas viduam. Huic periculosè infirmabatur ancilla domestica Francisca nomine, quæ simul nutricisungebatur officio, & tunc quidem Viduæ filiolum Iosephum

lactabat, sed medicus vi crescentis morbi perterritus mandarat pridè, ne infans ab ægra lac sugeret. Attamen Euphemia ægram suam domesticis anxie commendans ad Rosam perrexit communi pietatis officio suam operam adiunctura. Finitis demum omnibus, ac Imagine decenter exornata Rosa fatigatis sociabus compatiens, ire (: inquit) respirate, lentaque deambulatione pariter vos reficite, nam lassæ estis. Respondit Euphemia: deambulare me iubes, cum non ignores quæ me domi inæ expectet afflictio? quin tu potiùs apud hanc Seraphicam Matrem qua polles & gratia, & fiducia, vitam ac valetudinem ancillæ meæ exora. Annuuit Rosa, statimque ad præsentem Imaginem amica, qua solebat familiaritate conuersa dixit: heus tu gloriosa Mater, num acerbam huius foeminæ afflictionem non vides? succurre huic necessitati, nec dissuleris solatium, nunc experiar quàm chara sint tibi Stigmata nostri Redemptoris; per illa te obtestor, periclitanti Franciscæ salutem impetra. Dixit, viduamque consolata bene sperare iussit, Sanctam Catarinam Senensem cui modò ipsa famulata erat, famulæ suæ discrimini minimè defuturam. Rectà domum festinauit Euphemia, illic Franciscam suam depulso periculo conualescentem inuenit, adeo ut postridiè iubente Medico rursus infanti nutritias ut antè præbuerit mammillas.

Aliquando eadem quæ supra *Francisca de Montoya* Rosam in exornanda S. Catarinæ Senensis Icone per totam noctem adiuuerat, completoque opere dum non nihil quietura discedebat, ut post aliquot horas festinæ Processioni interueniret, Rosa digressam Beatæ Catarinæ impensius commendauit, rogans ut ipsam tueretur ab imminente periculo. Nec sine fructu abiit sollicita intercessio: nam dum gyrantem processionem hinc-inde pro magnifico applausu vario fragore excipiunt sulphurata missilium ignium crepitacula, vnum istorum rectà Franciscæ oculum petijt

Y inque

inque supercilium impegit, nullo tamen Franciscæ damno, non quòd deessent nocendi vires, nam idem à Francisca imperu obliquo resiliens aliam corripuit fœminam, eique cum togæ lacinijs intimam subuculam raptim succendit. Francisca sat certa se incolumitatem suam Rosæ orationibus debere, Virgini euentum retulit, ac pro beneuola cura gratias egit. Cui Rosæ: quidni curam tui peculiarem haberet Se raphica nostra Mater per totum hunc diem, posteaquam tu integram hanc noctem in eius obsequio mecum laboriosam exegisti?

B. Catarina in reliquis Imaginis suæ vestiarias & excultrices tam munifica utique in suam Rosam illiberalis non fuit. Vnicum paradigma dabo, & finiam. Anno M.DC. XVI. mense Augusto Rosæ Beatæ Catarinæ Iconem in præcipua S.P. Dominici solemnitate circumferendam de more vestierat, eandem transacto festo deuestiendam in domo Gundisalui Quæstoris expectabat. Allata est, ac oratorio domestico illata, ut ibi pretioso ornatu quem commodatò à diuersis Rosæ acceperat exueretur. Verùm bi duo vel triduo ante horrenda arthritidis dexteram Virginis manum per omnes articulos importunissimo cruciatu inuaserat, ut non modò operi vel tenuiter attingendo prorsus inutilem reddiderit, verùm etià pro immunitate monstruose inflationis Medicum terruerit grauioris mali atheromatæ fuscipantem. Intumuerat manus ad æqualitatem doliorum quibus mella selectissima ex Hispanijs Limam deferuntur, ut iam neque digitorum ullus moueri, multò minus forficem aut quiduis aliud tenere posset vel apprehendere. Dies erat Sancti Laurentij Martyris, quando sub vesperam Medicus inspecta manu purulentam meliceridem aut aliud quodcumque genus apostematis subesse ratus lenta cataplasmata decreuit applicanda, iussitque in diem posterum distrahendo sanguini venam in læuo brachio aperiri scalpello. Gundisaluus, qui fortè cum

Medi-

Medico aderat, tristi manûs spectaculo eger oratorio abscessit velut nimis compassioni impar. Sed magis dolebat Rosa, quod illo die, qui sibi anniuersarius erat assumpti Dominicani habitus, prohiberetur Seraphicæ Matris suæ festiuium habitum solito Religionis ministerio contrectare. Itaq; corâ S. Imagine (: quæ adstabat mēsulæ imposita) procubuit, breuiterq; orauit. Mox consurgens hiliori voce poposcit forfices ab vxore Gundisalui, quæ illic cū alijs ad opus subliterat. Hæc lusum aut iocū arbitrata subrisit, inter rogans qua manu hos arripere velit, sat sciēs in dextra sic tumere digitos vt nullis forficum anfulis immitti queat; sicque velut per iudum angustiores quos reperire potuit forfices potrexit. Nec mora: hos Rosa digitis induit, opus arripuit, cœpitque sedulitate liberrima gemmas, torques, monilia suo quo adhærebant ordine disnectere, fila ligaminum aptè dissuere, nodos incidere, ornatum per partes concinnè deponere, Imaginem nudare. Exclamauit dequò Matrona: quid agis Rosa? parce manui ad ista iam inutili; noster hic labor & cura esto. Pergebat alacris Virgo, nec aliud replicuit, nisi quod idem ille, qui sibi manus dederat, quas vestiendæ S. Imagini impenderet, nunc dextram sanarat, qua eidem deuestiendæ famularetur. Post horulam superuēnit Quæstor, videntque Rosam vtrâque manu expeditissimè operantem adstupuit, ac leniter interpellans, itaq; ( inquit ) dextra tua valet vt ad ista sufficiat? cessa, videamus manum. Vidit, illamque sinistra nihil ab similem reperit, sanam, valentem, agilem. Marcebat stupore lætissimo Quæstor, ac tacitè in vxorem respiciens pēdebat attonitus ab ore narrantis, vt Virgo se in preces ipso abeūte prostrauerat, vt breuissimo intervallo sana in pedes se erexerat; vt strenuè laborem forficibus postulatis fuerat auspicata. Maluit deinde ab ipso Virginis ore modum repentinæ curationis ediscere; respondit illa: se breui illo quo coram Imagine orarat spatio sensisse re-

ducem in articulos vigorem, illosque detumuisse statim violento spiraculo, ut solet aëre plena vesica dum premittitur, sicque vnâ cum tumore omnem pariter euanuisse dolorem.

Accersitus postridie Medicus examinavit manum deinde Virginem, quæ quod pridie dixerat simplicissimè confirmavit totam rei gestæ seriem grato animo in suæ Seraphicæ Magistræ fauorem, & gratiam refundens. Accessit beneficio, quòd exinde nunquam in posterum arthritidis manum illam inuasit quoad Rosa superuixit. Verùm præstantius fuit alterum, quod intus Rosæ animam dulcorabat eodem illo momento quo foris conualescebat manus; facta est, modico illo tempore quo cum sancta Catarina Senensi de curanda sua dextera supplicabat, simul in intimos cordis sui recessus largum insolitæ suauitatis rorem depluisse, qui etiam inde exundauit in corpus. Nec mirum si medicinæ cælestes

à centro ad superficiem soleant operari, ac prius animam quàm corpus attingere. Sed mirum est hæc Rosæ nequaquam fuisse mira, utpote.

cui à B. Catarina Senensi ceu Matre penè quotidiana erant ex mutuis commercijs solatia.





## C A P V T XXII.

Rosæ feruidus in SS. Eucharistiam affectus, cultus, deuotio. Pro ea ad agonem Martyrij se accingit:

**S**I talia acciderunt Rosæ Virginem Senensem vestienti ex aliena substantia, longè mirabiliora accepit ab illo mirabili Sacramento; in quo Christum vestiunt aliena accidentia. Hunc cibum *parauit in dulcedine sua pauperi Deus*, attamen recolendum, cui dixerit: *Cibus sum grandium, cresce & manducabis me*. Rosa nondum ultra pueriles annos creuerat, iamque hunc manducabat, sed ipsam Confessarij iam spiritu grandem repererant, quando tam tenellæ suæ ætati permiserunt accubitus in sacro Conuiuio quod *præbet delicias Regibus*. Quinimò de illorum consensu bis quot hebdomadis puella reficiebatur Diuino hoc pabulo; maluisset frequentius, at tunc nondum ei licebat sine Matre adire Ecclesiam. Quàm benè mellissimus Bernardus in suo exclamat iúbilo: *Qui te gustās esuriunt! nam* Rosæ à frequenti Communione adeo increuit pascens Sacramenti esuries, vt paulum adultiori sacra synaxis ter in singulas hebdomadas fuerit permittenda. Neque id satis erat, nam si qua interueniebat aut festæ dici celebritas aut sollemnis statio, etiam quater, imò quinquies intra septimanā diuino hoc edulio auidissimè fruebatur. Confessarij quò penitiùs animæ statum nosse

nolle cœperant, facilius hanc ei frequentiam indulgebant, vnanimiter attestantes in Processu, tam limpidam se inuenisse in eius spiritu munditiem, tamque nitidam, innocentiae puritatem, tantam insuper Eucharistiae famem, tam robustum deuotionis calorem, ut exinde nunquam ausi fuerint a participatione tanti Mysterij Virginem distingere. Unde facile obtinuit, ut tum in Paschate, tum in solemnitate Corporis Christi quotidie per totas Octauas sibi liceret vesci hoc delicato Pang Angelorum. Qua in re ut humanum effugeret plausum nec de singularitate notari posset, singulis his diebus studiosissime variabat horam, nunc maturius nunc serius ad S. Communionem accedendo, coelestis enim thesaurus (: monente Gregorio) absconditur ut seruetur: & qui facit quod nemo, mirantur omnes.

Hic verò notari dignum est, quod Virgo in tanta Communicandi frequentia, simulq; tanta immaculatae suae conscientiae serenitate nihilominus quotiescumque ad Diuinum epulum accedendum erat, toties sacramentalem Confessionem prae mittebat; nec perfunctione, sed ea sollicitudine examinis, eo contritionis stimulo; eo gemituum ac lachrymarum apparatu, ac si per hebdomadas & menses utroque Sacramento penitus caruisset. Pridie sacrae Communionis asperius omacebat corpusculum flagellis & rigido ieiunio, ut famem animae comitaretur esuries corporis; venturo Sponso adornabat secretum mentis thalamum affectibus reuerentiae, humilitatis, ac desiderij, accendebat piarum meditationum lumina praecipue ex Ludouici Granatensis libello qui de Oratione inscribitur, vaporabat habitaculi cordis sui pretiosum odoribus ignitarum aspirationum, totamque omnium suarum potentiarum ac virium familiam colligebat in obsequium chari hospitis postridie ad ipsam diuersuri. His verò, exercitationibus tantum insimebat studium & curam, ac si per totam

totam vitam suam pro illa dumtaxat vnica vice communicandum sibi fuisset.

Porro in ipso ad tremenda illa mysteria accessu quis fuerit Virgini attentissimæ deuotionis ardor, quæ vultus gestuumque religiosa compositio, quod bullientis spiritus incendium, aliter describi non potest, quàm si ipsammet quis Catarinam Senensem Eucharistico bolo excipiendo procubam huc transcribendo delineet. Verùm Angelico ad hoc opus foret tum calamo tum penicillo. Nec tamen omnino id latere permisit Altissimus, dum pluries in vultu Rosæ visibiliter scintillare fecit interioris flammæ indices euibrationes atque striduras, tunc cum anima sumptione Diuinæ hostiæ succendebatur.

Quadam feria secunda Pentecostes in sacello Rosarij sacris operante P.Fr. Antonio Rodriguez Prædicatore generali, Rosa cum alijs fidelibus adgeniculabat cancello Altaris Eucharistiam receptura. Ad hanc vbi Sacerdos cum sacratissima Hostia peruénit, faciem Virginis totam flammeam vidit & medullitus expauit, nondum gnarus quid indicaret mira hæc & improuisa coruscatio. At postea ex crebriori eiusdem prodigij successu didicit Rosam esse, cui ad sacratissimæ hostiæ cōtactum interior subito micabat amoris rogos, tam viuidus ac potens vt vel exteriorem faciem mutaret in faciem. Magister Fr. Ludouicus de Bilbao post Missam in eodem Sacello dum Virgini S. Synaxim porrigit, notauit sæpius, vultum ipsius cœlesti splendore perfusum, ita quòd præ fulgoris vehementia sibi tremuerint oculi velut impares illi sideræ claritati, quam gratiæ venustas conspicuè accenderat, & panis Angelorum in Angelicam (: vt aiebat) pulchritudinem mirificè transformarat. Magister Fr. Ioannes de Lorenzana simillimo ostento feliciter perculsus occasionem inde obtinuit penitiùs Rosam cognoscendi, quam illactenus numquam de facie nonerat. Lirarat & ipse in Rosarij Sacello, & post

sacrificium promiscuo populo ibidem communicaturo Sacramentum distribuebat. Ad Rosam ut venit, ( quæ ut S. Hostiam sumeret, illo momento vultum orâ pallij reducta detegebat ) vidit speciem humana formosiorē, claram, niueam, fulgentem, ac cælesti quadam pulchritudine obradiatam; Transiit, certus eiusemodi coruscum decorem à mortalitatis nostræ regione non esse. Mox cogitabundus ait intra se: quæcumque est hæc Virgo, sublimi apud Deum gratia polleat necesse est, utinam animæ suæ tam lucidæ ac flagrantis intimum statum nosse liceat. Factus est deinde voti compos, dum minime cogitabat, nam superna providentia hunc postea Rosæ non modò Confessarium dedit sed & Præceptorem, cui Virgo obedientiam usque ad mortem velut regulari suo Superiori exhibuit. P. Fr. Bernardus Marques dum adhuc Novitius sacrificantibus in Sacello Rosarij subinde ministrabat, ac de more post Sacerdotem ablutionis scyphum communicantibus circumferebat, quotiescumque coram Rosâ cum scypho substitit, sensit à Virgine tamquam è clibano aut fornace vaporare ardores, ut interdum putârit sibi manum comburi qua pateram seu porrigebat seu resumebat. Verum tunc mysterij obætatē ignarus, tacitèque mirari contentus præteribat, sed post annos 15. ab obitu Virginis iam Sacerdos iudicioque maturior prodigium uti acciderat sub fide iuramenti enarrauit, adjiciens ex eiusemodi sacris ardoribus sibi iuenculo rude cor nihilominus concaluisse arcana veneratione præsentis Sacramenti, quod suscipi tanta religione & æstu viderat.

Voluit Deus per extima hæc & sensibilia utcumq; manifestari foris, quanta deuotionis pyra flagrabat intus. At huic cum accedebat corporaliter is qui *ignem venit mittere in terram*, non aliter atque inter Seraphim videbatur sibi Rosâ ceu tota empyrea ambulare in medio lapidum ignitorum. Hinc in ipsius anima mirabiles illi effectus

tamque isti Sacramento connaturales ac proprii, quos nemo nouit, nisi qui accipit. Iubentibus Confessarijs obtemperans Virgo conabatur ex his nonnullos indicare, sed penè in singulis hærebat verbis, causata vocabulorum inopiam, nec aliter de ijs fari nouerat, quàm quòd ineffabiles dictitaret. Aiebat tamen, ex Virginea Dei carne in animam suam diffundi quamdam admirabilem mansuetudinem celestis Agni, simulque vegetari se inusitato robore ex nobilitate huius nutrimenti, instaurari ac refici vires per quamdam velut nouam transubstantiationem, sui spiritus in hoc Diuinum alimentum, suaue, succosum, potentissimum, interea clarescere in corde suo placidam altioris sphæræ serenitatem, pacem, temperiem nulla comparatione explicabilem.

Porro de immensitate gaudij ex arcta vnione cum Sponso amicissimo, de fruitionis altitudine, de spirituali sapore verè dulcedinis vbi gustatur in suo proprio fonte, de fructuum præstantia, copia, sagina, deque similibus pigebat tentare quemcumque sterilis elocutionis modum, fat erat in his, aut planè elinguem fieri, aut compendio protestari, nil esse iucunditatis, lætitiæ, iubili in isthoc mundo inferiori, quod vel umbra-tenus assimiletur gaudio istius pretiosi conuiuij, vbi infinita animæ fames incidit in pastum Deo dignum, in cibum filiorum, in mammillam Verbi Incarnati, quod solum *esurientes replet bonis*. Ex ore Virginis hæc audierat Confessarius P. M. de Lorenzana, qui adstans eidem iam moribundæ, dum pro extremo viatico sacram hostiam in extasi sensim deglutiebat, hæc pauca subiecit: Filia, nunc fruire Sponso tuo, ac sola cum solo deliciare, quia verè dulcissimus est, pete vt more suo ijsdem nunc bonis te repleat quibus solebat. Alius itidem Rosæ Confessarius meminerat dicere solitam, quòd in Sanctissima Communione sibi videbatur ipsummet è cælo Solem in pectus recipere, nam quid-

quid Sol visibilis operatur in mundo, dum luce & calore omnia recreat, dum terram floribus & fructibus obornat, dum maria vnionibus, montium viscera gemmis ac pretiosis metallis ditat, dum auiculas cæli lætificat, plantas & animalia vegetat, omnesque vasti hemisphærij angulos diffusa amœnitate collustrat, succendit, deaurat, id totum in nudis animæ suæ spatijs efficere, Dominicæ carnis realem præsentiam. Et forsitan ob id Virgini datum fuit diuinitus, quòd plerumque species sacramentales in eius stomacho ad septem vel octo horas perdurarèt, antequam ventriculi calore dissoluerentur, nempe vt interea sub hoc diuino Sole fortius incalesceret deuotum pectus, & viuifica Sacramenti conjunctione vegetius foueretur.

Ne isti Solares effectus omnino laterent abditi, prouidit Christus, dum ex ipsismet foras redundare fecit vsque in Rosæ corpusculum duo prodigia, robur & saturitatem. Robur ex S. Communione, deprehendit in filia Mater, nam quotiescumque Rosâ S. Synaxim receptura Templum adibat cum parente, ex pridianis ieiunijs, flagris, & vigilijs tam fessa, attenuata ac debilis erat, vt sæpe per viam in angiportis hinc inde fuerit vtrique subsistendum quoad lassâ Virgo recuperaret anhelitum. Sed Diuinæ buccellæ refecta pabulo, cum à Templo redibat domum, præibat Matrem, & hortabatur sequi, velut si in fortitudine cibi illius vsque ad montem Horeb fuisset ambulandum. Corporalem verò ex Eucharistico pastu saturitatem ipsamet Rosâ tum Confessarijs tum domesticis fassâ est. Nam reuersâ domum & vixdum euoluta palliolo rectâ properabat ad secretum cubiculi, ibi in seram vsque noctem se recludens meditabatur suscepti beneficij magnitudinem, neque in vllius prodibat conspectum aut conuersationem. Rogata cibum sumere, maxime quòd pridiano exhausta ieiunio videretur refectione indigere, meminissetq; diem dominicum à lege ieiunij exsortem esse,

respon-



respondebat, præ ingenti satietate à mensa Domini alium se cibum admittere nondum posse, adeo, ut citra extremam vim & cruciatum nec panis bolum glutire, nec aqua guttulam sorbillare se posse aduerteret. Ut ergo ita esse, reipla comprobatur, desiere cibi mentionem importunè ingerere, sicque Virgo cum sua saturrime inedia usque in vesperam, subinde in sequentem usque diem perseverabat. Accidit, quòd Rosa per integram quamdam Octavam permissu Confessarii dietam Altaris Sacramento pascere, & tunc quidem integro illo octiduo ab omni abstinuit corporali alimonia, eò quòd superna illa saturitas non tantum reliqui edulij omnem abegerat appetitum, sed plane cuiuscumque alterius alimenti reddiderat pro illo tempore incapacem. Simillima hæc sunt ijs quæ de S. Catarina Senensi prodit vitæ suæ historia, ut patèret evidentiùs, vno utramque spiritum excelluisse.

Ceterum quanta religione solita fuerit Rosa venerari hoc Sacramentum, sicubi aut immolabatur in Missæ sacrificio, aut prostabat adorandum in Altari, utcumque supra attigimus, Missas quidem auscultabat omnes quotquot in Aede FF. Prædicatorum celebrabantur, his intererat usque ad meridiem tanta quiete ac silentio, quanto nec lapis in suo defigitur centro. Et reuera proprium Rosæ centrum S. Hostia erat ubicumque eam poterat visu assequi, huc toto ferebatur amoris pondere, adeo ut horis integris vix (: aut fortè ne vix quidem) nidu ynico edididemis, multò minus faciem vel ad momentum ab ara deflexisse notata sit. Noti ignotique ponè transibant coram geniculata Virgine, ac ferè incurrebant in oculos, nec tamen ipsa quemquam tunc nôrat, nec vel leuiter mouebat palpebras, intensissima ijs quæ gerebantur in Altari, quorum intuitum forsitan alieni obiecti intercusus nec obiter eclypfabat. Idem Virgini erat immota attentionis tenor, quando in hierotheca expositum venerabile

abile Sacramentum adorabatur à populo, vt fit in publicis 40. horarum supplicationibus : illic à manè vsque ad vesperam continua & prorsus immota geniculatione hærebat Rosa oblita prandij, neque vel aquæ guttulam acceptabat in refrigerium contenta iubilo atq; delicijs quas percipiebat ex corporali Sponsi præsentia. Sic per totam quæ festo SS. Corporis Christi appendet solemnem octauam integros illos dies transigebat coram patulo extantis Sacramenti tabernaculo, mirantibus præcipuè Confessarijs, vnde tam extenuato corpusculo vires suppeterent ad genuflexiones tam prolixas, continuas, arduas cum dierum inedia sustinendas. Videbatur fortitudo lapidum fortitudo eius, & caro eius ænea, id quod inuisissimus Iob sibi deesse querebatur. Porro quatuor postremis vitæ suæ annis in maiori (quam vocamus) hebdomada, quam diu sacrum Christi corpus adorabatur clausum de more in monumento, nec noctu inde recedebat affixa tumulo Rosa, nec loco vbi feria v. genua fixerat surgebat, donec postera die Parasceues Diuinus ille thesaurus (cum quo semper erat cor suum) transferretur ritu solito ad tabernaculum.

Interim esurie, sitis, lassitudinis immemor, tota occupabatur cum dilecto, eam quidem veneratione ac reuerentia, vt toto 24. horarum decursu nec sedere coram illo, nec muro contiguo tantisper acclinari præsumeret.

Neque segnior erat ad cultum huius adorandi mysterij, etiam quando extra conspectum erat. Quotiescunque in colloquio seu proprio, seu alieno ore nominabatur sanctissimum Altaris Sacramentum, Rosa capitis totiusque corporis profunda inclinatione reuerentiam testabatur. Sicubi audisset eminus campanis signum dari ad eius adorationem, vel sacris eiusdem Solemnis tintinnabula præsonare, subitanea intimæ lætitiæ signa cohibere non poterat, quin cor & caro sua exultarent in Deum vivum.

suc-

succendebatur viuidior in facie color, & exultabat spiritus eius in Deo salutari suo. Auscultandis verò de inefabili hoc Mysterio solemnibus paenegyricis nusquam satiari poterat, illosque semel auditos penè verbatim post annorum interstitia recitabat mira felicitate memoriæ. Nullus ei manuum labor iucundior erat, quàm quo Altare, tabernaculum, aut in Maiori hebdomada S. Sepulchrum veniebat exornandum. Hinc tanto deuotionis studio suebat linthea quæ *corporalia* dicimus; mappas & palas altarium, operimenta calicum, vela bombycina, & quidquid textile ad sacram hanc suppellectilem spectare poterat, omni pietatis ingenio, arte, elegantia conficiebat. Insuper viuus floribus neutiquam contenta pretiosiores è filisericis fingeat versicolori artificio; addebat eiusdem sumptus & operis ramusculos prafinos, porraceos, herbidos, omnique viroris amœnitate variegatos. Non probabatur Matri sumptuosa Filix deuotio, ægrèque ferebat tantum temporis subduci alijs Rosæ laboribus qui parentes & inopem familiam sustentabant. Itaque Virgo vt Matri satisfaceret, post diurni laboris pensum aliquam noctis partem conficiendis Altarium ornamentis seponebat. Verùm & hoc Patri spirituali (: forsitán suggerente & exaggerante Matre) visum filix vires excedere, sed huic grauius respondit Rosa: nolim haberi tam delicata, vt pro Sponsi mei ornatu vnica noctis labor aut nimius mihi sit aut molestus: quæ enim tam socors aut otiosa fuerit nupta, cui durum sit noctem impendere ornamento & cultui quo maritus eget vt postridie decenter in publicum prodeat!

Denique erga Sanctissimæ Eucharistiæ mysterium is Rosæ affectus erat, quo maluit pro illo sanguinem vitamque expendere quàm flores. Nec longè absuit presentanea occasio. Anno MDCXV. mense Augusto circa litora Pernana in Oceano *Pacifico* hostilis comparuit Baraorum

uorum classis, oramque totam improuisa exterruit. Vbiq;  
conclamatum ad arma, & interim Clerus vterque (: vt sit  
in publicis periculis ) Diuina imploraturus præsidia Li-  
mæ per omnes Ecclesias SS. Corporis Dominici Sacramen-  
tum exposuerat palam ab imbelli multitudine adorand-  
um. Tandem ipso Beatæ Mariæ Magdalenzæ sacro per-  
uigilio visa est formidabilis illa hæreticorum classis acie  
disposita in ipsum Limensis emporij portum (: *Callao* in-  
digenis dicitur) rectâ proturrere, velut in Urbis excidium  
militares suas copias effusura in terram. Mox tota vrbe  
trepidatum est, iussique cum Ciuibus Ecclesiastici arma  
corripere, siquidem certum erat, Calvinianum hunc ho-  
stem non solis incolarum fortunis & iugulis, sed & sacro-  
rum profanationi, Templorum spolijs, Religionis exter-  
minio sæuissimè inhiare. Inter hæc Rosa, quæ cum hone-  
stis Matronis in Ecclesia sancti Dominici exitum horum  
tumultuum expectabat, soli metuebat prostanti in ara  
Diuinissimo Sacramento, cui vtiq; sacrilegæ manus per-  
fidæ gentis parcituræ non erant, fortasse nec pedes, quin  
illud ausu horrendo protererent, humique proiectum ra-  
bie blasphemæ proculearent. Tristius interea nuncium  
superuēnit vsque ad Rosam; nempe inimicos Fidei ex al-  
to nauium in lembos, inde in arenam profultare manipu-  
latim, & ad portas Ciuitatis globatim procedere. Ina-  
nem hunc rumorem ipsa publici timoris caligo pēperē-  
rat, sed tamen sexum inermem qui cum Rosa in Templo  
substiterat, sic perculit vt propemodum exanimaret. Sola  
Rosa tantum absfuit quod sibi metueret fugamue aut la-  
tibulum circumspiceret, vt potius triumphanti similis in-  
gentis lætitiæ signa cohibere nequiuērit, rata nimirum  
adesse felicissimam totque suspirijs optatam horam, quæ  
posset pro honore prostantis ibidem Sanctissimi Sacramen-  
ti vitam animamque profundere. Itaque socias obiter se-  
cum in D. Hieronymi sacellum traxit, illic exporrecto in  
hila-

hilaritatem vultu pauidas hortari cœpit ad subeundum secum martyrium, occasionem hanc nimis pretiosam esse ac fortunatam, videlicet non quomodocumque sed sub ipso S. Hostiæ conspectu hostiam cadere, coram & pro Divina illa victima victimam cædi, pro exposito Christi corpore animam exponere. His facie rutilante prolatis exemit vaginâ forfices, sibi que vestem quâ longior in terram desluebat, alacriter præcidit, manicisque in cubitum vsq; replicatis quod reliquum erat tunicæ intra cingulum vsq; ad talos attraxit, cothurnos subere subleuatos exuit. Interrogata quid ageret, quid sibi vellet hac nouitate, ad agnendam (inquit) me succingo, nolo mihi impedimento sint panni luctaturæ ac morituræ pro Sacramento: in breui hac veste expeditior cõscendam superiorem Aræ crepidinam, illic pro Christi corpore corpus meum vulneribus obijciam, nec cedam donec impiorum bipennibus vndique perfoffa cadam; quinimò precabor hostes ne vno ictu repente me conficiant, sed lenta crudelitate articulatim corpusculum hoc totum deartuent, inque modicissimâ frustula partes singulas comminuant, vt dum in me excarnificanda occupabuntur, differant saltem iniurias quas eheu! postea irrogabunt præsentî Sponso meo.

Hæc ita pronuntiabat, vt ex oculorum scintillis, ex impauidi vultûs constantia, ex viuaci tono heroicæ vocis ceteroque gestu animosæ Viraginis facile conijceretur Rosam pro Eucharistico Altaris Agno leamam induisse: nec circumstantes fœminæ suismet credebant oculis, videntes Amazonem, quæ hætenus nonnisi viua mansuetudinis idæa fuerat. Mirabantur Virginem modestissimam in publico reuoluto circa humeros pallio, veste curta, proiectis crepidis, liberrimis brachijs, alto præcinctu, solisque Rosarij globulis precarijs ferociter obarmatam spe martyrij vltra laceßere fatalem horam, ac morti pugnacissimè minitari. Interim ipsa velut moræ iam impatiens

nunc

nunc experiri incessum, nunc ad Aram sacramque Hostiam, mox ad Ecclesiæ fores prospicere, si quæ venirent hostes quibus velocior ad Altare conuolaret, certa ibidem occumbere; iam venis arterijsque omnibus bulliebat Virgini sanguis effundi avidus, verum dum exspectat, dum agoni se præparat, dum socias exemplo, gestu, hortatu inuitat, nunciatur hostem longius abire à litore; & ita erat: nam Archithalassus morbo correptus receptui cecinerat, ac paulò post à suis in rupe portui opposita sepultus est. Rosa displosa aliorum metu cœpit verecundari ipsa de breuitate tuncatarum vestium, & vt decenter rediret domum, necesse fuit in prædicto sacello noctem expectare, cum dolore crepti martyrij, quamquam gratularetur patriæ liberatæ, ac præcipuè inuiolata Templorum religioni.

Defuit ergo non martyrio animus, sed animo martyrium toties & ante & postea votis ardentissimis exoptatum; nam crebrò desiebat sortem suam, quòd pro conditione sexus infidelium regiones adire non poterat pro Christo millies mortem quæsitura: dolebat se non illis temporibus, locisque natam vbi tyrannica persecutio Christianorum sanguine orchestras, fora, amphitheatra purpurabat; inestimabilis sibi videbatur illorum felicitas, quibus datū fuerat vltima gutta sanguinis obsignare fidei characterem, sæpe cum gemitu dicebat familiari *D. Franciscæ Vrtado de Bustamante*: vtinam idonea ratio modusue occurreret adornandi fugam ad barbarorum, prouincias, vt illic ab idololatriis pro Iesu Christo immanissimè trucidemur. Deniq; cum aliud nō poterat, oblectabat se imagine, ac meditatione suppliciorū, quæ sigillatim omnia pro Sponsi amore desiderabat in se experiri. Ità cupiebat cum sancto Martyre Ignatio mundus Christi panis inueniri pro illa charitate qua Christus *Panis Angelicus fit panis hominum*.



## CAPUT XXIII.

Rosa eximius pro periclitantium  
animarum salute zelus.

**Q**ua tam masculè ardebat circa Mysterium quo verum Christi corpus velatur, non poterat mystica eiusdem membra negligere, sicubi videbat hæc ancipiti perdendæ salutis discrimini patere. Nouerat aestimare, animas ex infinito pretio quo redemptæ sunt: hinc quoties ad interiora meridionalis America montana sequebatur oculos, cruciabatur medullitus, illachrymans perditioni tot barbarorum qui post illa niuosa altissimarum costarum iuga fornicationum innumeras sed inaccessas conualles populabant, ania adhuc idolomania obcecata. Deplo- rabat inconsolabiliter vicinum Chili regnum, ubi dieterim per myriades peribant animæ, ex quo feroçes incolæ excusso Regis & religionis iugo redierant ad pristinae gentilitatis vomitum. Nec solis suis occiduis Indis condolebat, sed quidquid nationum vastissimi Chinæ tractus, aut Orientis Imperia continent, Rosa quotidiana plangendi materies erant. Optabat visceratim discerpi ac retis instar obpandi latissimæ viæ qua tot miserabiles animæ ruebant ad infernum. Hic nimirum spiritus erat Seraphicæ suæ Magistræ, quæ & ipsa oprauerat (si fieri posset) suo pto corpasculo obturari gehennæ fauces, ne tam populosæ animarum catervæ illuc deinceps immigrarent, suæq; frustrarent lytrum redemptionis.

Accidit, vnum ex Rosa Confessariis tractare de sua missione ad annuncian- dum vicinis Barbaris Evangelium.

Hunc itaque ambire Virgo, hortari, stimulare verbis ardentissimis, obsecrare serio, nil metueret, maturaret iter, subueniret pereuntibus, Deo acceptius obsequium præstari non posse, Apostolici pectoris & dignitatis id esse munus cui Diuina adssistentia deesse nequeat, denique in tanti fudoris mercedem ac solatium sat fore, si vel vnicum apud infideles infantem per Baptismi ianuam ad superos transmitteret. E contra ille experimentum querens eius qui in Virgine loquebatur Christus, velut ambigenti similis extenuabat vires suas ceu tanto ministerio parum idoneas, exaggerabat difficultatem operis, famem, sitim, ferarum pericula, æstum, lassitudines, exilia, demum & ventras, quibus gens illa truculentissima minimèque hospitalis in exteros Fidei præcones sauire solebat. Verum tamen subdebat, plurimū se præsidij ac spæ in Rosa orationibus, ieiunijs, ceterorumque bonorum operum fido suffragio collocasse. Hic Virgo, tametsi de suis pijs operibus humillimè sentiret, nihilominus vt iturienti quantacumque poterat calcaria figeret, obnocepta ingenti fiducia promissit vniuerso exercitiorum suorum merito scillicet in sancta expeditione succursuram, dummodo is vicissim pro rata ipsam participem velleret totius spiritualis lucri quod ex infidelium conuersione erat reportaturus. Annuit Confessarius, vtpote sat conscius quanta coram Domino spirituum ponderatore esset Virgo, cum qua de mutuo fœnore pacifcebatur. Sic tandem ytrimque ex pacto conuentum est, quod Rosa huic Confessario medietatem cederet omnium fructuum quos interea ex toto bonorum operum exercitio se cõcumulaturam sperabat: ac vicissim ille dimidium lucri transcriberet Virgini ex conuersione animarum, quas sua prædicatione in viam salutis erat attracturus.

Eodem feruore spiritus nitebatur pia Virgo Religiosos viros (quotquot aptos nouerat) ad gentiliū conuer-

sionem

sionem succendere: præsertim sui Ordinis Fratres roga-  
bat, monebat, obtestabatur, huc huc suos in literis pro-  
fectus intentione tempestiva destinarent, hunc generosum,  
præclarum, sublimem studiis suis finem scopumque præ-  
tulerent, ut residuis Americæ plagis quidquid idolola-  
triæ usquam supererat profligenti, ut in horreum Domini  
copiosos Indorum manipulos comportent, ut millenas  
animarum chiliades ab æternæ damnationis voragine eri-  
pian; non nimis hærendum esse in subtilitatum apicibus,  
non languendum circa inutiles vocularum controversias,  
malè locari tot scholarum labores, tot noctes insomnes,  
tot disputationum clamorosas ravedines, si tantis parta-  
sindoribus eruditio proximorum saluti Fideique propaga-  
tioni non impendatur, si ad metam inertis orij, ad vani-  
tatem plausumque inanis pompæ, vel in temporario lau-  
reatæ frontis honore prætumidè conquiescat, oscitet, de-  
sineat. Assueverat graui sensu & impetu, se nisi foemi-  
nam natura finxisset, hoc primum in votis fuisse habitu-  
ram, ut decursa studiorum literariorum encyclopædia se  
totam missioni Euangelicæ deuoueret, cupida adire gen-  
tes ferocissimas, belluinitas, anthropophagas, dummodo  
suis Indis adhuc gentilismo implicitis opè ac remedium  
sua catechesi, sudore, sanguine impertiret. Nec sinebat  
Virginem tante commiserationis affectus quiescere, unde  
rationem excogitauit, qua (si nisi morte præuenta fuisset)  
sperabat in Apostolicæ missionis negotio supplere per aliū  
quod per semetipsam præstare non poterat. Nimirum cō-  
ceperat animo adoptare sibi alicunde pupillum inopem,  
& vndiq; desolatum, quem à primis vnguiculis ipsa ma-  
terno studio ad virtutem & literas educaret ex pijs fami-  
liarium sibi Marronarum elemosynis: huic puero mox  
à teneris proposuerat firmiter ac sensim implantare auida  
Euangelicæ missionis desideria cum paruulo gradatim  
adultura, ac interim prouidere ut in pietate sacrisque disci-

plinis accuratissimè formaretur, donec grandior factus ac Sacerdotio rirè initiatus iam cēseri posset idoneus operarius ad laborandum in conuersione gentilium. Tunc verò statuerat Virgo hoc vnicum ab alumno exigere diuturnæ alimonix maternæque solitudinis præmium, iret, properaret ad Gentes Christianæ legis ignaras, trophæum salutis in medio barbararum nationum erigeret, & quotquot posset animas à restibus diaboli strenuè explicaret. Hoc supplemento credebatur Rosa vtcumque satisfactum iri generoso ardori suo, quo ultra foemineam mensuram æ modum auida striebat salutem proximorum.

Nec tepidior ei zelus & cura fuit erga periclitantes Christianos, si quos noherat aut per culpam mortalem à statu Diuinæ amicitix infeliceiter excidisse, aut capitali aliquo vitio ad certum interitum illaqueari. Pro his verè miseris quotidie cruenta sibi infligebat verbera, gemebat, suspirabat coram offenso Numine, nullique parcebat lachrymarum sumptui, vt talibus sinceram seclerum poenitentiam vitæque seriam emendationem à Deo exoraret. Aiebat, si quoquo modo sibi licuisset Prædicatoris fungi officio, vtrique se opertam horrido cilicio, nudipendens, squalidam interdum noctuque per omnes Limesum vias, & compita circumlaturam crucifixi Redemptoris imaginem, & vbique per fora, per triuias, per angipontes idem idem clamore lugubri vociferaturam: resipiscite, & resipiscite peccatores, recedite à viis pessimis quibus periculum instat ducimini ad macellum stygi, latronibus fugite, declinate lubrica infelicissime æternitatis præcipitia qui unico eoque incertissimo fugacis vitæ momento distatis à gehenna, agnoscite poticulum cui vos implicuistis, miseramini vestrarummet animarum duces perditas, quas bonus Pastor per spinas & tribulos, per sudorem sanguineos, per vulnere & crucem requirit vt saluet, & festinate reuertit ad hunc propitium Redemptorem quem

nunc spernitis, nulla supererit in inferno redemptio. Hæc plerumque misericors Virgo tam luculento efferebat peccatoris incendio, tantoque inflammati cordis affectu, ut non raro audientes compunxerit; neque iam Rosa priuatim inter familiares, sed Ionas inter Niniuitas videretur re ipsa ordiri poenitentiae concionem. Aderat fortè P. Fr. Antonius Rodriguez titulo, gradu, officio Prædicator generalis: ad hunc conuersa Virgo pari tum feruore tum fiducia (quam regebant modestia & charitas) sic illum affata est: Aduerte ô Pater, quòd Diuina clementia te esse concionatorem voluit ut perditos ac obstipos peccatores ad frugem reducas. Igitur caueto, ne tuæ facundiae diues talentum in plausibilibus acutorum conceptuum flosculis inutiliter consumas; apage hos inanium argutiarum calamistros; facessant theatricæ ostentationis cothurni & phalæx, memineris à Domino te constitutum piscatorem hominum, robustius tibi laxandum est rete in capturam peccatorum; hoc age obsecro, hoc vnicum stude & conare, ut quàm plurimas flagitiosas animas vorticibus eximias, ut ab ima vitiorum charybdi perituros euoces, & ad salutaris poenitentiae securum litus eduças.

Euēnit, dum adhuc Matri cohabitabat Rosa, iuuenem genere quàm moribus nobiliorem *Vincetium Montefum Ventgas* in eadem platea haud procul à Rosæ ædibus sortiti domicilium. Is miratus Virginis eximiam pulchritudinem, at vna certus nuptias sperari non posse, quærebat occasionem qua saltim oculos liberius pasceret in Rosæ pudicissima venustate. Igitur Matrem adiit, prætexens aliquot sibi ex tenui carbaso pretiosis collaribus opus esse, hæc se velle à Rosâ conficere, quam constabat eo opificio victum parentibus lucrari. Sedebat labori manuum cum puellis intentâ Rosâ, cui Mater innuit, audiret Vincetium, deque pretio ex more & æquo coram se conuenirent. Iuuenis coram Virgine sedere iussus comiter exivit.

bano ritu sciscitari cœpit qui valeret, venisse se pro demandando opere conficiendorum aliquot collarum: petijt in singula quot vlnæ melioris telæ forent necessariz, quibus impendijs quo loco aptius emenda materies, intra quod tempus absolui possit opus. At Virgo diuinitus edocta secretum quod corde premebat Vincentius, effudit misereri cœpit foetentis animæ, in qua stagnabant lubricæ iuuentutis impura desideria; oculisque cum gemitu in cœlum eleuatis, ô (: inquit) bone Iesv! quàm longanimis est patientia tua! tu verò nobilis Vincenti ignosce, & locum da veritati quam tibi dictura sum: longè alias quàm de collaribus cogitationes versat cor tuum; vis ingenuè tibi dicam ad quid veneris? ar parco iuliori tuo; iuueniliter agis, & doleo vices tuas. Dole etiam tu, ac resipisce. Mendacium est quidquid ad Deum non ducit, animi interim it quidquid carni petulanti lenocinatur. Agnosce Vinc enti periculum tuum, corrige animum vanæ oblectationis nimio venatu districtum, stude cautiùs ambulare in semitis mandatorum Dei ne pereas: en quidquid coneris tegere, non latuit Sponsum meum intentio tua. Hac improvisa Virginis concione ictus Vincētius deiecit oculos, seseq; introspiciens aliquantisper obmutuit. Denique iam mutatus ab illo qui paulò ante fuerat, sic Virginem affatus est: sentio in te loqui Christum, qui solus me tibi sic detegere potuit vt intima prauis cordis mei penetrares; cedo igitur pio & ignito hortatui tuo, sequar inuitantem ad meliora Deum, tu illum mihi propitiū fac reddas, vt quod hodie in me cœpit perficiat. Addixit Virgo suarū precū fida subsidia, comiterq; dimisit hominem, qui exinde iuuenilibus desiderijs valesaciens grauem ac sobriam viuendi rationem instituit, adeo vt singulis otidijs minimum semel animam suam pœnitentiæ Sacramento expiare, ac Diuino epulo reficere adsueuerit, letus incidisse in Rosam, quæ & cœlitus infelicis animæ suæ sta-



rum didicerat, & salubres aculeos serice compunctionis nouerat opportune suffigere minùs expectanti.

Prodigium erat si qua persona cuiusque vitio obnoxia Rosam accessisset nec ab ea melior discessisset. *Maria de Meffa* pictoris *Medori Angelini* coniux impatientie ac precipitis iracundie pugnaci morbo iam penè sibi met ipsa facta erat intolerabilis: quauis re minima turbabatur ac turbabat, manu prompta, minax clamoribus, & sonora rixandi intemperie rotarum ædium implacabilis tempestas. Detumesciente animi procella dolebat interdum, ac damna bat ipsamet suæ ferocitatis effrenem impotentiam, at biliosa complexio & longa assuetudo callum vitio induxerant. Aliorum suasu an casu incertum, semel Rosam in hortensi cellula degentem inuisit. Confestim Virgo arrepta occasione grauem ac nervosum de tranquillitate animi sermonem instituit, breues ac salubres adquirendæ mansuetudinis aphorismos præscripsit, æquanimittatis ac patientiæ apta consilia ingessit, sicque instructam à se dimisit. Mira res: fœmina ab illo die sedatior ac mitior visa est induisse tractabile pacis ingenium, tolerabat corde quietissimo domesticos tribulos ac molestias, & si repentinò aliquo flamine succendebatur bilis, hanc sola recordatione mansuetissimæ Virginis mira facilitate sopiebat, breuique eò peruénit in patientiæ studio, ut iam ultro à Deo plùs ac plùs aduersitatum postularer. Sanè Rosam verècundæ taciturnitatis amantissimam solus animarum zelus discretam fecerat, nec vñquam ei facundia defuit qua sequelam virtutis fugamque vitiorum efficaciter persuaderet.

Vitum quemdam professione Religiosum illa non minùs sordida quàm fatua ac monstruosa fumantis *Tabaci* ingluuiæ vsque ad præsentissimam corporis animæque perniciem deduxerat, ita ut de vtriusque remedio conclamatum ferè putaretur. Os homini intus omnino fuliginem

gineum, camini speciem referebat, olidæ nares mucebant  
 cremore fauillaceo, atra nebula vexatum cerebrum stil-  
 labat in pectus, & obstructis pulmonibus raucum asth-  
 ma vocalem obsidebat arteriam, nec tamen cessabat mi-  
 ser à noxio suctu accensæ fistulæ. Protestabatur Medicus,  
 dissuadebant, rogabant amici, demum Prælati regulares  
 seuerissimis inhibitionibus addidere multas, præcepta,  
 dirarum ac censurarum fulmina, sed in casum, quia con-  
 tumax vitium triginta & trium annorum possessione ac  
 mora nimium inualuerat, nec videbatur aliud pereunti  
 superesse remedium, nisi quod Rosa post tot aliorum hor-  
 tamenta, consilia, inuectiuas, post tot Superiorum cor-  
 reptiones, minas, clamores, suam exsereret ardentioris  
 facundia mirabilem suadam, hominique loqueretur ad  
 cor, & eius saltim animæ salutem omnipotenti Numinis  
 dexterae commendaret. Facile annuit Virgo miserta periculi-  
 tantis, maximè quod sciret, ipsum non iam obstinatione  
 voluntaria, aut obedientiae contemptu, sed sola infirmi-  
 tate resistendi violento ac annoso vitio sic obbrutuisse in  
 absurditate intemperantiæ omniū recordissimæ. Et ecce,  
 à Virginis alloquio vix quinque dies effluxerant, quando  
 Virum inuasit omnimoda *Tabacci* nausea, mox & horror,  
 ac vehemens abominatio, ita ut deinceps non modò fa-  
 cillimè sese abstineret sorbitione rubi cretacei, sed neq;  
 ampliùs sufferre potuerit odorem huius insulsæ forna-  
 culæ, quam delicijs & cupedijs humanæ fatuitatis accen-  
 sere is solus potuit, qui Job. 41. sic depingitur: *de naribus  
 eius procedit fumus sicut olla succensa*; & denique hic etiam  
 per Europam inuenit qui secum fumos helluentur. Rosa  
 in vnico sanauit hanc insaniam, curatura plurimos vbi ri-  
 tè fuerit implorata. Neque hic stetit Virginis beneficium,  
 simul cum vitiq; inueteratum asthma pectoris, hæmorrha-  
 giam, flatuumque tormina depulit, quibuscum miser il-  
 la per annos plus-minus xiv. fuerat colluctatus. Quin &  
 vsque

vsque ad animam transijt energia saluberrimæ correctionis : nam mens illa ad sobrietatem mirabiliter reuocata, coepit tractare attentius æternæ salutis negotium, emundare conscientiam, reformare ignauos mores, veternum excutere, gratulantibus cunctis qui vñquam antea in tabe illius vitij putrescentem desceuerant. Nempe sic Rosam exaudierat qui nouit totum hominem sanum facere in Sabbatho.

Vnum addidero & finiam P. F. *Petrus de Loaysa* Dominicanus probè conscius zeli & charitatis qua flagrabat misericors Rosa in opem periclitantium proximorum, indicarat Virgini, decumbere in Cœnobio cumque mortis angoribus trepidè luctari N. eiusdem instituti Religiosum à Medicis pridie derelictum, addebat torqueri ægrū vrentibus scrupulis, affligi non certitudine vicinæ mortis, sed incertitudine vitæ melioris, eò quòd meritis se vacuum agnosceret, contremiscere pavidum, ac sudare ad continuam seueri Iudicis, quem aditurus erat memoriam, denique subuerendum esse, ne nimia formido grauiori periculo implicet desolatum. Intimè hæc sauciabant cor Virginis prompto compassionis affectui tam flexile ac morigerum : vnde actutum inuinxit Petro, infirmum adiret, suoque ex nomine iuberet fidentiùs sperare de immensa optimi, & benignissimi Numinis misericordia: se quidem precaturam pro felici ipsius transitu, at simul ex nunc offerre se de suorum piorum exercitiorum qualicumque censu quidquid moribundo ad suppleendam meritorum vacuitatem opus sit, imò totum is sibi vendiceret, & si quod bonum opus à Rosa vñquā per totam illius vitā hætenus prodierat, integrè à se in agrum dono liberrimo translatum velle, hoc ipse velut suum Iudici exhibeat, desinatque interim abicere & humiliter sentire de magnifica liberalitate Altissimi. His ad plenitudinem solatii adiecit, velle se (: modò Deus permiserit

serit) ab obitu conueniri à defuncti anima, vt si fortè  
 ylterioribus suffragiis egerit, statim adiuuetur. Fide-  
 liter vnuerſa ad infirmum retulit Petrus, & confestim  
 immodicus ille pauor gaudio lxtioris ſpei locum ceſſit,  
 acceptauit æger munificam Roſæ largitatẽ, haud igna-  
 rus quantum opulentia in dono tot meritorum latẽret;  
 ſicque munitus demum ſalutaribus Sacramentis con-  
 ceptaque ingenti ſalutis fiducia tranquillum, placidum,  
 ſerenum ſpiritum reddidit Creatori, paſtus ante cum  
 Petro, quòd tam ipſum, quàm Roſam à morte inuiſe-  
 ret, ſi eam ſibi facultatem Dominus indulgeret. Ve-  
 rum poſt fratris deceſſum non leuis cura momordit Pe-  
 trum, quid eſſet, quòd iuxta conditum defuncti ani-  
 ma non comparebat. Sed exemit ſolicitudinem Petro  
 ſecura Roſa, dixitque cum defuncti anima feliciter ac  
 bene agi, iam illam regioni lucis adſcriptam frui peren-  
 ni refrigerio, vt ei nequaquam opus fuerit redire ad al-  
 terutrum, pro ſtiſe ſuffragiorum emendicanda. Nimi-  
 rum tanto viatico illam hinc abeuntẽ ditãrat pro-  
 fuſa miſericordis Roſæ liberalitas, cui nil  
 tam pretioſum aut charum eſſe po-  
 tuit, quod animarum ſa-  
 luti non impen-  
 deret.



## CAPVT XXIV.

Rosa pro modulo facultatum  
coporalibus misericordiæ ope-  
ribus proximos iuuare  
fatagit.

**M**irabitur, quisquis legerit, Rosæ pauperrimæ fu-  
nus publicis mendicorum Limensium eiulatibus,  
thrænis, lachrymis fuisse celebratum, vociferante ege-  
norum turba, veram pauperum Nutricem ac Matrem fato  
acerbissimo & præmaturo sibi ereptam fuisse. Quid enim  
tenuium parentum inops filia partiri alijs indigentibus  
potuit vix sibi alendisque genitoribus sufficiens? & tamen  
sibimet necessaria subtrahens dispersit, dedit pauperibus,  
ac memor cœlestis Lapidæ qui (: vt relatum supra Cap.  
XI. inter dotalia pãcta sollicitudinem alendorum paren-  
tum à Rosa in se transfulerat, ipsa de consensu Matris  
manum suam aperuit inopi, & palmas suas extendit ad  
pauperem, cum his diuidendo eleemosynas, quas inspe-  
ratò receperat.

Semel cuiusdam occulta seu arcta necessitas ad Vir-  
ginem relata fuit, sed cum aliud vnde subueniret ad  
manum non esset, octo dierum alimoniam (: contenta  
interim solo pane & aqua ) sibi detraxit pro egentis  
subsidio. Alia vice Gaspar flores Virginis Pater sat gran-  
de volumen candidioris telæ (: donatum an- emptum ne-  
scio ) domum attulit, vt inde coniux Maria de Oliua sibi

gregique tot filiorum de omnibus quæ ad munditiem spectant copiosius prouideret. Illa sciens filiam Rosam pro ægritudinum frequentia ac munditiei studio pluribus ex eodem lino indigere, seorsim huic notabilem illius telæ partem ( xxxvi. vlnæ erant ) attribuit, vt ipsamet sibi pro arbitrato ad vsus proprios sudaria, pepla, fascias, geminalia, vela, mantilia; tegmina, vittas, ceruicalia, mapas, omnemque necessariam candidi nitoris suppellectilem formaret ac suerit. Rosa, vel admirata munus tam copiosum & affluens, vel vt humilius parenti gratias ageret; mihine (: inquit) omnem hanc lini portionem donas Mater? respondit illa: Tibi filia, vt ere prout lubet, fac inde quæ vis. Arripuit Virgo postrema hæc verba, statimque nec palmo illius telæ retento sibi, totam donauit secretò duabus Virginibus tam genere quam virtute nobilibus, at pauperrimis, quasque nouerat clam domi ingentem rerum omnium penuriam pati. Mater vt vidit filiam nil minùs quàm de conficiendis sibi linteis cogitare, suspicata quod erat, causam quaesuit, cur traditam sibi telam candidam, subtilem, bonam tardaret suis aptare vsibus; respondit filia: iam aptata est vt aptari melius non possit, quinimò nunc primùm illa decorè canduit, ex quo in elemosynam conuersa est. Repliquit Mater, at ego tuis impendi vsibus præceperam, sollicita ne quid desit quando infirmaberis. Subrisit Virgo, & nonne ( ait ) potestatem mihi disertè fecisti vrendi vt vellem? vsa sum, nec mihi deinceps vbi decubuero ex morbo, quidquam defuturum puta, Dominus abundè prouidebit. Ita planè accidit, nam paulò post à maternis ædibus translata in Dominae Mariæ Vsetagui contubernium pietate Matronæ linea supellectile adeo non eguit, vt etiam abundarit. De hac Virginis in diuinam prouidentiam admiranda fiducia seorsim Cap. seq.

Possidebat Rosa Mater in suo mundo muliebri duas  
pallas



pallas, seu oblonga & à vertice in terram vsque demissa pallia, foemineum ac decens tegumentum quotiescumq; proceditur in publicum. Horum alterum domi fortè in sedili à Matre depositum conspicata Rosa liberè corripuit & inopi cuidam Virgini donum fecit. Mater vbi frustra totis ædibus suum requisivit pallium, suspicionibus indulgit, pene vsque ad temerarium iudicium, quòd vicinorum aliquis clam irrepsisset domui, pallamque neglectam à se de pendulam sublegisset. Filia ne quos innocentes oneraret furti imputatio, lepidè affata Matrem, quid (inquit) iacturam tuam incertumque autorem dubitabunda incusas? ecce me pallij tui furem domesticam sed innocentiam, quia plus tibi proderit amissa palla, quàm si intactam possideres. Hanc interim ego donaui Montoyæ pauperrimæ, quæ quòd huiuscemodi veste careat, Ecclesiam decenter adire, missisque & concionibus adistere non potest. Tibi ô Mater alterum superest pallium nouum adhuc ferè intactum, quod priusquàm vel modicum veterascat, Diuina bonitas non vno sed pluribus te pallijs ditabit. Euénit quod Virgo prædixerat, nam exigui temporis interlapsu vir illis in ædibus numquam antea visus nec aliunde cuiquam illic domesticorum notus intrauit, Rosæ Matrem poposcit, eidem xl. libras argenteas pro nouo pallio coemendo porrexit, abiit. Similiter iisdem ferè diebus *D. Maria de Salá* vltro per famulum misit ferici subtegmis aptam materiam quanta conficiendæ nouæ pallæ sat erat. Denique eiusdem materiæ totidem vlnas quæ pallio muliebri sufficerent, deuota personæ obtulerat Limano Fratrum Prædicatorum Conuentui, hic Rosæ Matrem ea donauit: sic intra pauculos dies Maria de Oliua pro vnico suo pallio quod Rosa egenæ Montoyæ dederat, tria recepit noua ac meliora, didicirque animosius fidere tum vaticinio filiæ tum prouidi Numinis largitati.

Extra mœnia in extremis Limanæ vrbis pomærijs habitabat *Ioanna de Bobadilla & Azenedo*, Virgo illustris parentelæ, sed orphana, ac virtute quàm censu ditior, nam amissis parentibus in arcto res erant, miseramque sat premebat occulta frugalis œconomix angustia. Accesserat in afflictionis cumulum vorax & purulentus sub mammilla cancer, qui liuidis ac tabificis incrementis vergebat in carcinoma, & tardante remedio exitium minabatur. Ioanna tam inops consilij, quàm periculo & calamitati impar non inueniebat rationem qua discrimini occurreret citra peius discrimen: nam vt eò vbi habitabat ultra amnem, quotidie accerferet ex vrbe Medicum, obstabat viæ longinquitas, nec enim tunc (: vti hodie ) Limæ amplitudo vsque ad illa vltiora trans fluuium spatia, procreuerat; siue ad lentam curam migraret tantisper in Ciuitatem, deerant peregrinæ & inopi sumptus quibus semestre hospitium conduceret. Fuit qui gratis offerret ædes suas, at honesta & timida virgo se ignotam ignotis credere noluit. Demum oranti in templo sancti Domini ci Rosæ innouere omnia, sibi que hanc desolatam & perplexam referuari mox intelligenens, modum quo subueniret promptè inuenit. Ioannam secretò adiit, metum anxietatemque ponere iussit, vacare in maternis ædibus locandum pretio conclaue idoneū & vsui peropportunum, eò concederet, ac de menstruo locationis sumptu pacisceretur cum Matre, sibi deinde curam procurandæ solutionis totam relinqueret. Paruit Ioanna, & insperatum beneficium verecunda hilaritate acceptauit. Hilarior tamen fuit Rosa, quòd talem nata esset cui tam occultè & piè viscera suæ misericordiæ impertiret; sicque fidens Diuinæ prouidentix reperit quod in singulos menses clam Ioannæ adferret in exactam solutionem hospitij, pacta dumtaxat silentij fidem. Post menses quatuor aut quinque Ioanna integrè conualuit, suumque foris habitaculum

sana

sana repetijt, hoc vnum dolens, quòd hospita palam re-  
ferre grates minimè liceret. Verùm post Rosæ obituũ  
soluta promissæ taciturnitatis vinculo beneficium liberri-  
mè omnibus prædicauit.

Rosæ quoad Matri conuixit, nil iucundius accidere  
poterat, quàm si permitteretur cuiuscumque sortis aut  
conditionis pauperes personas morbis afflictas paternis  
inferre ædibus, vt illic suismet manibus assiduè ministra-  
ret languentibus, nec solius cœti, cubilis, strati, sed &  
medicamentorum, ciborumque solatio egentes affatim  
reficere conabatur. Sicubi in vicinia aut nota domo rescui-  
uisset quodcumq; vile mancipium ex ægritudine decum-  
bere ac negligentius haberi, sibi confestim illius deposce-  
bat curam, multisque precibus exorabat Matrem, annue-  
ret languentem in suas ædes deportari ad curam sollicitio-  
rem. Recusabat interdum austerâ parens, quòd existima-  
ret filiam rarò sanam ac iugiter valetudinariâ priusquàm  
in aliorum curam se intramitteret, debere charitatis or-  
dinem à semetipsa auspicari, suæque magis quàm alienæ  
valetudini prospicere. Subinde tamen ne misericordem  
immisericorditer contristaret, ei indulsit pro domesticâ  
sua tenuitate operari quæ posset, non quanta veller. Mox  
illa primò obuium mendicabulum inuitabat ad lares pro-  
prios, huic abstergebat, vngebat, alligabat purulenta vl-  
cera, huius mundabat vestes, reficiebat laceros pludero-  
nes, repurgabat subnatas plicatim sordes, lauabat pedes  
& impetiginosum verticem, nulliq; ministerio deerat quo  
illiys fami, siti, pressuræ leuamen adferret. Nec (: quod  
ferè illi regioni præter morem est :) vllum Virgini discrimen  
erat originis aut nationis, quin, ex æquo & indiffe-  
renter egentibus Hispanis & Indis, Aethiopibus, candidis,  
mixtisque (: quas *Mulas* vocant) prompta charitate suc-  
curreret. Pari commiseratione vernaculas, peregrinas,  
seruiles, ingenuas, notas, ignotas, agrestes, & indigenas

prosequebatur, solo euidentioris indigentiae respectu habito. Inter has verò mendicas ac miserabiles nulla tam pannosa aut sordida, nulla tam deformis aut ulcerosa, nulla tam aspectu horribilis aut intolerabilis foetore, quàm Rosa vel dedignari posset, vel prae nausea auersari. Nulla ægritudo tam putrida ac foeda, nullum vlcus tam tetrum aut saniosum, nulla scabies tam crustosa aut fluida, cui Rosa medelam, famulatum, curam offerre, cui virgineas admouere manus, dimouere spurcitiam, applicare, mundare, mutare emplastra defugeret. Hac ambitione pia Virgo obibat mulierum valetudinaria quotiescumq; honestæ comitiæ aderat occasio, quærebat per ambulacra infirmas prae ceteris horridas magisque porriginosas, his mira alacritate componebat lectulum, eluebat vasa, parabat edulia, neque tam vile, retticum, abiectum obsequium commodari infirmis poterat quod non ipsa ultro prensaret.

Accidit die quadam; ab infirmæ mulieris cura Virginem tantisper ad maternas ædes diuertere: sensit curiosa Mater in veste filiae insolitam mucidi putoris graueolentiam; inde coniecto in illius togam attentiori oculo notauit hinc inde, respersim aliquid purulentarum sordium fortuitò adhæsisse pannis ex aliena sanie, quam Virgo in deterfione ulcerosæ mulieris inscia contraxerat. Indignata parens sub stomachabatur filiae; quorsum (inquit) hæc tuæmet incuria? non quidem ad hoc tibi religiosus iste candicat amictus ut eum alienis spurcitijs deuenustes, neque Te Rosam appellauimus ut sic oleres, quādo te murinis ac suaueolentibus chirothecis uti iubebam. repugnasti paruula, at nunc adulta si musco fragrare non vis, musco saltem ne foeteas alieno. Subrisit Virgo, blandèque subintulit: Christi bonus odor sumus dum ministramus infirmis; charitas delicata non est, nec proximum fastidit, memor nos omnes ex eodem esse luto ac coeno; mor-

talitate hereditaria cuncti putrescimus, nec est qui suæ corruptionis non circumferat sentinam: itaque Mater parum putato, quod tunicam obiter maculaui improuida, longè foediùs ipsum Redemptoris vultum rheumata, sputa, salitæ turpium carnificum pro nostris sceleribus deformarunt.

Aliud in hoc genere vix imitabile præstitit Rosa quod silendum non est. Decumbebat in adibus viduæ *D. Isabella de Mexia* quædam ex domesticis famulabus putri humore febriumque æstu prætumida; huius ministerium & curam utpote in familiari domo permisso Matris sibi Rosa assumpserat. Contigit ex medicinæ consilio ægrotañti phlebotomiam adhiberi, extractumque venâ sanguinem in angulo seponi dum Medicus ad eum inspiciendū rediret. Tardauit is ultra biduum, atque interea sanguis ab ipsa featurigine iam notatus de putredine horridiùs obputruit; seroso virore, flauis nigrisque maculis ac ramosa sanie vndequaque pinguis & decolor. Tandem adfuit Medicus, obiterque examinato sanguine & notatis in eo periculosi morbi criticijs foetentem massam de more proijci imperauit. Rosa pro compassionis affectu diligentius pelum qua coagulus sanguis asportabatur intuita, sensit ab imo fundo sibi euerri stomachum, alterati in faucibus saluam, rotisque se visceribus in vomitum propendere. Dissimulauit ut potuit, famulumque properè cum pelui abeuntem rogauit hanc sibi ferendam tradi, se non tantum vacuaturam quod inerat, sed insuper vas ipsum mitidè mundaturam. Facile consensus homo tali se putore exonerari: at Virgo sibimet indignata quod horruisset, cū pelui clam secessit in angulum foras, ibique semetipsam durè obiurgans: itane (inquit) strenuè ac seriò studulsi dilectioni proximi, ut nausea tibi sit miserabilium infirmitas? hoc cine te docuit Seraphica tuæ Magistra! sic nondum didicisti omni hac putredine te viliorem esse ac pu-

tridiorum? veni delicata, veni tenellula, experire melius, discere plenius, num te deceat, sic fastidire miseram & coequalem tuam, in qua non minus quam in te ipsa splendet imago tui Creatoris. His cum fremitu in se prolatis (: obstrue nares lector:) peluim ori apposuit, totumque illum saniosum cruorem (: dicam, an cruentam sanicem) ausu heroico sensim epotavit; mox panno, ne quid in labijs residuum notari posset, os absterxit, ac peluim elutam, defricatam, nitidam reportavit. Laquit eius Matrem generosum facinus, at Isabellæ (: Deo mirabiliter disponente) innotuit, quæ & pannum quo Virgo labia deteterat, fortuito demum inuentum studiosius in facti memoriam asseruavit. Deinceps nemo (: opinor) dubitabit, Rosam B. Catarinæ Senensis fuisse germanam Discipulam.

Hinc sanè credibilia sunt, quæ sequuntur. Quæstori Gundisaluo tum communione officij tum pari virtutis & amicitia studio necessarius intimæque familiaris erat, *annes de Tinea Almanza*, Regis (: quam vocant) Cameræ Chartophylax & Quirensis Tribunalis supremus Circitor, vir pietate ac religione spectabilis. Hic ut erat in Quæstoris ædibus frequens ac penè domesticus, ibidem ex negotiorum occasione Rosam per sæpe viderat, sæpius de illius sanctimonix vitæque singularitate mira audierat, ita de Virgine sublimiter, ut dignum erat, sentiebat, præsertim quod sciret, Gundisaluum Rosæ precibus meritisque pluries gravissimis infirmitatibus fuisse liberarum. Contigit Ioannem ex cruciatibus stomachi periculosè ægrotare, ita ut accito Confessario tamquam vitæ incertus animam per exomologesim duxerit expiandam. Interea memor viscerum charitatis quibus erga ægrotos nōrat Virginem abundare, summis precibus egit per Quæstoris coniugem, ut Rosam adduceret in tanto sibi periculo bene precataram. Euicit tandem illa accedente Confessarii nutu, ut Virgo Quæstoris vxori se comitem fore promitteret ituræ ad ægrum



agrum inuisendum. Obstabat, quod Rosa pro pudore virgineo durum & insolitum erat vlti quamquam familiarissimi & infirmi subite conspectum; ac superabat cum pia commiseratio quæ negare iusta solatia agris nesciebat, tum humilis obedientia, quam Rosa *Maria de Usategui* velut secundæ matri deberi agnoscebat. Itaque his tota, præsidijs cum honestissima Matrōna & pedisequis inviam se coniecit, prius tamen ad Aedem Sancti Domini- ci Missæ sacrificio interesse voluit, ac interim præquisit qui nunciaret agro, se, ut petierat, à templo mox eum Matrōna adfuturam. Sensit infirmus illomet puncto temporis quo nuncium acceperat, dolores suos mitigari. Intrauit deniq; Rosa iacentis cubiculum, salutavit agrum sed ea cōpassionis ac misericordiæ dulci affluentiā, ut nec circumstantibus sanis ambiguum fuerit loqui in modestissima Virgine Deum totius cōsolationis. Verū Ioannes vultu Rosæ observato notavit in eodem maiestatem Angelicam, tesseram pacis, & vivam spem incolumitatis. Nec mora, confestim omnis dolor evanuit, infirmum, somnus qui omnino diffugerat, blandè corripuit, mox altum obdormiscens (: Virgine interim cum comitibus domum reversa ) integrè sanus euigilavit. Compendium id fuit, quo Rosa celeri adiuta miraculo nec deesset operi misericordiæ, nec in aliis adibus præter Virginum mortem diutius hæreret. Nec minor ipsi cura fuit citissime abeundi, ut plausum effugeret quem merito timebat.

Plura huiusmodi curationum miracula in alium tantisper locum tempusque differo, hic ubi de sola Rosæ misericordia agitur, vnum adijcere fas esto, sed lepidum, nam usque ad bruta animalia clemens Rosæ suavitas & tenera extendebatur commiseratio, siquidem teste Salomone Prou. 12. *Novit iustus inmentorum suorum animas, viscera autem impiorum crudelia.* Erat *Maria de Oliva* in suo domestico gallinatio miræ pulchritudinis pullus gal-

linaceus, ludebat in eius tergo, & alis versicolor & amoena striatarum plumarum varietas, collum quædam velut purpura decorè incinxerat, postrema corporis pro pennarum arcuata venustate in iridem videbantur desinere, denique toti domui vna hæc speciosa bestiola in delicijs erat, gaudebantque omnes hanc à Matrefamilias nutrirî, & asseruari in spem sobolis quando creuisset, nam sperabatur illi simillimos fore pullos, quos procrearet. Creuit pullus, sed ea inerat ventricoso pigrizia, vt iugiter cubarit humi, & vix vniquam visus sit vltro in pedes attolli, numquam auditus cucurire. Pertæsa Mater, quòd crederet frustra ab ignauo progeniem expectari, in mensa coram marito, & filijs constituit illo vespere pullum, ceterà inutilem iugulare, ac postridie comedendum apponere. Hic adstans Iuencula Rosa miserta est bestię, & innocenti simplicitate conuersa pueriliter ad auem, *Canta* (: inquit) *mi pulle, canta ne moriaris*. Vix puella, verbum protulerat, cum sub oculis omnium pullus repente assurrexit in pedes, alisque fortiter excussis canorè & hilariter cucurriuit. Mox altis ac prætumidis passibus totum conclaue perambulans ad Rosę nutum pluries toto distento pectusculo alacriter cantauit. Risere quotquot aderant, reuocata subitò mortis sententia plaudebat cantu repetito pullus cum plaudentibus, spatiabatur velut altè præcinctus, colloque arrecto stridulus idemtidem renouabat domesticorum acclamantium cachinnos. Exinde sæpius per diem sonoris cantibus impleuit viciniam, numerabat vices familia & nonnumquàm quindecies cantasse breui horarij quadrantis spatio deprehendit. Neque spem Matrifamilias fefellit, cui nimirum paulò post à pulcherrimo hoc gallo pulcherrimi fuere pulli. Tantùm vel in bruti animalis salutem valuit vnica vox miserentis Rosę. Profectò & hic queri posset, *quis dedit gallo intelligentiam, qua obediret sanctę puel-*

te iubenti iugulum dare cantui, ne daret cultro sed  
ad grauiora.

## C A P V T XXV.

Rosæ magna in Deum fiducia,  
crebro in suis suorumque ne-  
cessitatibus explorata.

**A** prima pueritia Rosam suam præuenerat Christus in  
benedictionibus dulcedinis, edocens credere,  
in adiutorio Altissimi, vnde per totam deinceps vitam se-  
curissima erat, se iugiter in protectione Dei Coeli commo-  
rari: Hinc tantopere afficiebatur initio Psalm. 69. *Deus*  
*in adiutorium meum intende. Domine ad adiuuandum me*  
*festina.* Hunc versum iugiter ferebat in ore, hunc inter  
labores manuum submissa vocula suauiter cantillabat,  
hunc sedens, stans, ambulans deuotissimè iterabat, nec  
satiabatur frequenti illius repetitione, præsertim cum  
aliunde rescivit postea, eundem versum Beatæ Catarinæ  
Senensi perpetim in usu, ac delicijs fuisse. Rogabat in-  
terdum Latinam horum verborum emphasim doctius ac  
profundiùs sibi enucleari, sed numquam in talem incidit  
interpretem qui melius ipsâ intimam savi huius dulcedi-  
nem aut experimento nosset, aut aptis indicijs explicaret.  
Interrogata, cur ex tot millibus vnicè hunc versiculum  
amasset præ ceteris, respondebat, Seraphicæ Matris suæ  
totum illo solatium contineri, singulas huius syllabas tan-  
gere quodam arcano succo familiaris in Deum confiden-  
tiæ, nec suo palato aliud his tam proprijs verbis sapidiùs  
posse occurrere.

Tria potissima erant, de quorum affecutione Virginem dubitare non sinebat coelitus concessa fiducia certitudo. Primum æterna sua Beatitudo, alterum perpetua & nunquam interpolanda Dei amicitia, postremum infallibilis ex alto succursus in quibusvis tum necessitatibus tum repentinis periculis. Transeundum per singula.

Quærebat Sponsi pietas occasionem, qua charam Virginem privilegio singulari securam redderet æternæ felicitatis, quapropter semel eam permisit nonnihil concuti pauida formidine circa prædestinationis suæ arcanum omni animæ tremendum. Angebatur innocens Rosa considerans perire se posse, caligabat trepida recogitans iudiciorum Dei abyssum multam, sed non tardavit festinus ad adiutandum Dominus, quin cor illud contritum & humiliatum opportunè recrearet, blando affatu sic eam alloquens: *Filia, ego neminem condemno, nisi volentem condemnari, igitur ex nunc tranquillo animo esto.* Dici non potest quàm sublimem, inuictam, solidam fiduciam hæc paucula cordi Virginis impresserint, plus enim ipso proferendi modo quàm verbis sibi significari intellexit, nec deinceps eam permisit Sponsus in æternæ salutis anchora fixam ullo incertitudinis fluctu turbari.

Doctor Ioannes Castillus aliquando inter alia seiscitabatur ex Virgine, an Prædestinationis suæ certam noticiam coelitus reuelatam accepisset? rudis iuencula hæsit ad prædestinationis scholasticum vocabulum, cuius propriam vim, ac etymon haud satis assequabatur, nec de illo aliud audierat, quàm significari mysterium impenetrabile, nec temerè ulli mortaliū perscrutandum. Itaq, simplex ac timida negavit tandem, quidpiam sibi innotuisse de Prædestinationis subtilissima notione. Verùm ubi prudens examinātor per idoneas periphrases dilucidius quid seiscitaretur explicuit, Rosa disiteri ampliùs nec debuit nec potuit, superna illustratione admodum tem-

pestiue se didicisse, quod ab æterno electa erat ad celestem gloriam, idque nūro Dei beneficio se tanta certitudine tenere, vt limpidiorem huius reuelationem nequeat desiderare. Manifestius hæc patuere in ultimo Rosæ moribundæ decubitu, siquidem felicissimi sui transitus ad beatam requiem adeo certa erat, vt etiam præscierit ab omni purgatorij mora immunem se fore. Cumque non nemo præsentium dixisset, prægrandem & omnino rarissimam esse hanc gratiam, sat prosperè agi cum animabus hinc migrantibus dum pro residua mortalis vitæ scoria, detergenda ad purgatrices flammās mittuntur, se sibi id optare animitus: statim Virgo præingentis fiduciæ alacritate se ipsa robustior animosè respondit: ego verò Spōsum habeo qui prægrandia & rara dare potest, neque pusilla aut mediocria dumtaxat per diffidentiam ab illo speranda sunt. Hinc vicinam mortem non aliter ac certam Paradisi iantricem læta aspexit, nam vt primūm Rosæ denūnciarunt medici naturam succubuisse morbo, nec aliud restare præter decretorium diem, impauida nihilūque turbata respondit, oppidò se lætari tam grato nuncio, solum mirati se, cur metuerint citius expectanti indicare.

Memorabilius est quod Rosam dum hortensem suam cellulam incolebat, salutis æternæ secutam reddidit. Orabat Virgo, & in mentis excessu vidit circa se vndique solum conspersum rosis. Admiranti vnde ver tam repentinum adfloruisse, en conspicuus adfuit paruulus Iesus purissimæ Genitricis innixus vlnis, ac Rosam blandè compellans iussit exemplò sparsas rosas in repandam sinuose vestis laciniam colligere. Collegit illa quas potuit, sinuque pleno se stitit. Diuinò puerpulo, Is ex omnibus unicam sibi in donum poposcit, quæ gratanter accepta subintulit: *hæc Rosa tu es, huius prouidam curam mihi assumo, tu de reliquis vt magis volueris disponito.* Intellexit

Virgo sapiens quorsum delicati Sponsuli verba tam seria ac pretiosa tenderent, gaudebat se teneri in dextera Saluatoris velut Rosam electam, meminerat de quibus ille promiserat, Ioan. 10. *Non rapiet eas quisquam de manu mea: ego vitam æternam do eis.* Porro præ magnitudine gaudij, quod se videbat Rosam acceptabilem tutò vernare in puggillo Paruuli, nesciebat nec anxie querebat, quid de reliquis ipsa Rosæ ageret, nisi quod breui consilio subitaneum inde sertum confecit, ac cœlesti Infanti reuerenter imposuit, qui Virgini suauissimè arridens data benedictione disparuit. Suspicata est postmodum, rosæ ceteris quas per terram sparsas viderat, significari pientissimas Virgines per Limam sparsas, quas tandem aliquando colligebat oportebat in nouellum sanctæ Catarinæ Senensis Monasterium, vt illic religiosæ professionis nexu votiuo colligatæ Sponsum Virginum casto famulatu coronent, vicissim ab illo gloria, & honore coronandæ. Ità accidit, vt rûm non nisi post Rosæ obitum. Qua de re infra loco proprio Cap. XXVI.

Pari imperturbabilis certitudinis fruebatur solatio felix Rosa in securitate gratiæ, Diuinæque amicitie: nam præterquàm quod post quindecennales illas horredarum obtenebrationum eclipses (: de quibus supra Cap. XII.) quotidie in suo ad diuinam vnionem reditu noua illustratione comperiebat sese in Sponsi fauore confirmatam, alijs quoque vicibus Rosæ promissum fuit à Domino nūquam se permissurum quod vel ad momentum dulci amicitie suæ fœdere excideret. Quidam ex Virginis Confessarijs dono tam inæstimabili tacitus adstupuit. Is erat P. Fr. Petrus de Loaysa Ordinis Prædicatorum, qui cupiens euidentius experiri, quàm firmiter in tantæ promissionis fide sibi met constaret, Virgo, in quadam eius Confessione rêm puerilem ac minimam cœpit attollere tamquam dubiam, ac sollicitiori dignam examine, visurus quid im-

pro-



prouisus nec fortè inutilis hic terror operaretur in Virgine, quam tanta (: vt nouerat ) Diuinæ gratiæ securitas possidebat. Mirabatur cordata Rosa inusitatum rigidi censoris amphibolon, permisitque illum ad satietatem loqui. At demum certa se Dei amicitiam non violasse, animaduertit quo tenderet illa ambiguae explorationis occulta industria: vndè præfata veniam modestè replicuit: iustè moneor cum metu & tremore salutem meā operari; atq; vtinam sic operer vti debeo; peccatrix sum, equidè fateor, & vt fatear hic prouoluor. Verùm si quæ Sponsi mei summa est benignitas intra me. sentio tam infallibiles suæ erga me non interruptæ hætenus dignationis syngraphas, vt facilius mihi persuaserit quiuis me saxum esse aut paleā, quàm quòd dulce Numen à me auersum sit. Mi Pater, neque si vastos cælorum orbes quis huic telluri compli-  
 • cauerit, in eam me sententiam flectet qua credere possim, Dei permisso me noxam mortalem commississe; scio quid ille mihi tamen indignæ pollicitus sit. Ego in Domino confido, non quòd ita præseruari merear, sed quia ille  
*fidelis est in omnibus verbis suis*: Adquieuit conscius veritatis Confessarius, breuiter excusans, quòd sola probandi spiritus gratia censoriam hanc discepcionem excitat.

Eadem vis confidentiæ in Deum à primâ ætate Rosam aduersus quaslibet mortalis vitæ difficultates, pauores, incommoda præualidè obarmarat. Maria de Oliua Rosæ Mater singulari complexionis indole tenebras & spectra metuebat, nec facile aut noctu prodibat ad secretiora domus, aut ad vesperam sine comite sese vel proprio fidebat horto. Idem pauoris genius Rosam filiam ex materna crasi velut hæreditarij infederat, nec tamen ideo puella orationi dedita solitudinem ac loca obscuriora deuibat. Accidit quodam vespere in noctem procliui & magis vmbroso, quòd Rosa adhuc tenera diutius moraretur in

horto, quò se ad meditandum receperat. Mater filiam quæslura venit, sed comite marito, quia vt dictum est ad nocturnos terrores timidissima erat. Rosa vt vidit eminus vtrumque parentem ad se venire, processit obuia, sed euntem occupauit cælitus immissa cogitatio quæ deinceps omnem exarmauit formidinem, docuit fiduciam, infudit securitatem: en (: aiebat intra se ) venit per hortum Mater nec more suo trepidat, hoc solo iam impauida quòd maritum suum ad latus præsentem habeat, & ego quæ iugiter & vbique Sponsi mei præsentia munior, ego quæ tam fidelem, sollicitum, fortem comitem non ad latus sed in corde circumfero, timebo in posterum à timore nocturno? confidit illa in homine mortali, didicitque ad illius fragilem adfistentiam tantisper solitos metus ponere, & non confirmabit me pariter confidentia in Deo salutaris, vt nil umbròsum deinceps expauescam? tam profundè animo iuuenulæ insedit robusta hæc cogitatio, tam fudit euacuauit congenitam formidandi procliuatatem, vt ex eo momento seipsam mirata sit Rosa, quòd noctu, interdiu, domi, foris, ad nullius periculi, monstri, belluæ pauebat occursum, vnico præsentis Sponsi præsidio animosa.

Nec defuit occasio quæ manifestaretur illa heroica virginei pectoris soliditas inter discrimina ardua ac repentina. Degebat in quòdam Indorum pago cum parentibus duodennis filiola, vbi die quadam cum Matre ac fratribus domum rediens in patenti area obuium vidit Taurum ferocissimum, qui elapsus stabulo vinculisque partim ruptis partim raptatis cursu præcipiti illuc ruebat vnde veniebat cum comitibus Rosa. Exanimis subito pauore Mater cum filiis circumspiciebat fugam. Sola Rosa impauido gradu fixa perstitit, Matremque ne fuga periculum iam nimis propinquum irritaret hortata est, vnà promittens, immanem belluam innoxie transituram. Nondum Rosa

(: fixis

(: fixis interim in cœlum oculis. ) verba finierat, cum ferox ac torosum animal terrifico mugitu instar turbinis præteruētum procul in alias personas impetum fecit, velut si Rosam eiusue imbellem comitatum ne vidisset quidem. Palpitabant ceteris anhela præcordia etiā post periculum, at Rosa nec mutato leuiter colore monuit sperandum firmiūs in adiutorio Altissimi, & maximè tunc, quando periculi vicinitas omne effugium interclusit. Alia vice Limæ cum Matre ac honestissimis Matronis in quadriga reuertebatur à festiua celebris Ecclesiæ statione. Transcundum erat per amplissimum vrbis forum, vbi tunc metu dilap̃sa clamosi populi multitudo ferocienti Tauro spatium fecerat, consulaque vociferatione & lapidum iactu furiosam bestiam pro voluptate spectaculi sæuius irritabat. Prosultu cursuque flexuoso dextrorsum laeuorsum properabat minax animal, cauda rigidè arrecta, spumante ore, boatu horrifono, naribus ira fumantibus, arenas calcibus iactabat in aëra, & sicubi in truncum, pannum, aut studiosè obiectum pileolum offenderat, atroci & crebra impactorum cornium vi infodiebat solo. Denique iam satis omnia terroribus impleuerat Taurus, quando venientem eminus rhedam conspicatus rectā in illam librauit cursum. Expalluerunt quotquot cum Rosa erant foeminae, prosiliere foras quæ citiūs poterant, spemque salutis in fuga collocabant, ipse auriga circumspectabat trepidus qua parte tutiūs in terram descenderet seseque in pedes conijceret. Sola iterum Rosa oculis in cælum iactis & illicò reductis exemit trepidis metum, stitit fugam, velut minimè necessariam, affirmans Taurum vsque ad rhedam neutiquam procursurum, sed via qua veniebat retrocessurum. Dixerat & respondit euentus, stupentibus vniuersis non magis Tauri velocem absque nocumento reditum, quàm Virginis animum quouis metu superiorem. At ipsa in summis periculis summè secunda oc-

cinebat cœlesti Sponso : *non timebo mala quoniam tu mecum es.*

Cui tanta inerat Diuinę protectionis fiducia in vitę periculis, utiq; in necessarijs vitę sperandis subsidijs minor esse non potuit. Die quadam in paternis ædibus defecit numerosę familię panis, neq; vel tēpus coquēdi supererat vel nummi ad manū erant ut aliunde procuraretur. Nunciatum fuit Rosę vacua esse penuaria, neq; vel crustam reliquam esse ab vltima pistura. Mirabatur Virgo tam celeriter absumi potuisse annonam quam pridie reposuerāt, utique in biduum suffecturam. At iam certior facta penurię, nihilque territa breui labiorum motu visa est rem Deo commendare. Mox ingenti fiducia panariam arcam aperuit, plenamque reperit panibus ultra domūs illius morem candidis, azymis, ac saporosis, testante eorumdem figura illic inusitata ac pēregrina, hos nequaquam à domestico panificio prodijisse. Alio tempore in eadem domo pernecessarium illis regionibus condimentum mel defuit, eiusque cupa fundo-tenus exhausta are-scebat. Maria de Oliua seu ignara seu immemor penurię bis ter in caueam misit qui de vase omnibus noto mel adferrent; renunciarunt singuli, nonnisi vacuum sese ollam reperisse. Compatiebatur Rosa communi tot capitum necessitati, & secretissimo instinctu iussa sperare optimè de Dei prouidentia dixit matri: si mandas, descendam ego in nomine Domini, visura num quid residui mellis inueniam. Descendit, ipsamque cupam inuenit vsque ad supremum labrum recenti melle plenam. Hæsit in spectaculo verè mellisuo tota domus attonita, cōque magis, quod nouo prodigio mel cœlitus datum integris octo mensibus toti familię sat fuit in vsum quotidianum. Equis vidit vmquam, à Rosis suppleri apum officia?

*Gasparem Flores* patrem Virginis premebat molesta ægritudo corporis, simul marcebat afflictus mœrore ani-

mis ob 50. librarum debitum cui præ inopia soluendo non erat. Tristabatur perplexa mater, hinc importunitate creditoris inde necessitatibus domûs, & cumprimis ægri mariti sensim impar. Vtriusque angorem vt rescuiuit filia, clauē qua solebat cordialis in Deum confidentiæ tentauit opulentum æterni Prouisoris gazophylacium: vixq; in Templo preces fuderat, cū inde domum redeunti adstiecit vir planè ignotus at vultu modestè decorus ac voce comis; hic Virginem obiter salutans, simul inuolutum strophiole argentum porrexit, iubens illo præsentem necessitatem parentum subleuari; nec aliud moratus illicò absecessit. Videbatur ex pondere & permodico inuolucrum tumore parum metalli inesse sudariolo, at vbi Rosa id domi explicuit, ipsam argentearum librarum, quinquagenam quam Pater debebat reperit, ægrique lectulum cum nummis adiens idemtidem repetebat, plurimum Diuinæ bonitati fidendum esse, hanc modò succurrisse medio peropportuno, quantum sufficiat ad amolendam duri creditoris molestiam. Videbantur Gaspari narrari infomnia, donec filia explicato linteolo 50. libras vti acceperat promptè adnumerauit.

Eiuscemodi peregrinis ac inexpectatis subsidijs pluries egena domus recreata fuit, ne sanctæ filiæ constans ac robusta in Deum confidentia fraudaretur. Hoc nimirum suæ quondam nouellæ Sponsæ inter paraphernalia & antidora pollicitus erat cœlestis Lapidæ, de quo supra Cap. XI., adeo quòd Gundisalui Quæstoris vxor, quæ Virginis arcana præ alijs nouerat, rem in familiare adagiū conuerterit, dicere solita: *numquid iterū empyreus Lapidæ tuo monitu excessit loculos?* Quinimò erga locupletissimum hunc Sponsū ea erat Rosæ fiducia, vt ausu liberali Virgo pauperrima frequenter & palam in se receperit providere de toto sumptu ad excitandum à fundamentis, nouum sanctæ Catarinæ Senensis Monasterium, dum-

dummodo in diebus suis appelleret quod solū tunc deerat Regiæ permissionis diploma. Verū ex quo in huius mentionem incidimus, scorsim Cap. seq. narranda sunt, quæ circa fundandum illud Monasterium Virgini coelitus & promissa & ostensa fuerunt: hic breuiter quod præsentī capiti sufficit superestque in coronidem, subnecto & finio. Domi Rosa cum deuotis virginibus mira ac seria fiducia sermocinabatur de fundatione præacti Monasterij; at Mater fastidio impar filiam quasi manifestè insomnijs rerum impossibilium delirantem obiurgauit coram omnibus, desine (inquit:) ineptire fatua, memento non esse plebeix fortis, aut patrimonij vulgaris negotium Cœnobii fundare; tu verò eā præfidentia loqueris, ac si in tantæ fabricæ sumptuosa impendia tibi in promptu iam essent bis centies mille libræ argenti. Humiliter replicuit modesta filia: utique si ad mortalem opem, si ad hominum manus respecerem, faterer vltro impossibilia esse quæ tracto, at scito

Mater, me altius collocasse fiduciam meam; illum-  
 ipsum *in quo omnes thesauri*, fideiussorem habeo,  
 huius liberalitati diffidere mihi iam non  
 licet. Successum videbunt hi oculi  
 tui, lætaberis, imò tu opte ex-  
 perimento probabis  
 quod dico.

†





## CAPVT XXVI.

Rosæ diuinitus reuelatur efflori-  
 turum in vrbe Limana S. Cata-  
 rinæ Senensis Cœnobium,  
 tempus occulitur.

**I** Lustrioribus Limensis emporij ornamenti demum ac-  
 cessit nobile, spatiosum, elegans Beatæ Catarinæ Se-  
 nensis Monasterium, numeroſo ſacrarum Virginum col-  
 legio dicatum ſub regulari S.P. Dominici inſtituto. Anno  
 ſalutis MDCXXII. (hoc eſt quinquennio poſt Rosæ bea-  
 tum ad ſuperos abitum:) fundatrice illuſtri & opulenta vi-  
 dua *D. Lucia Guerra de la Daga* loco ſituq; commodiſſimo  
 ſtetit in Lima celebre hoc Cœnobium, & introducſto can-  
 didi velaminis nouitio Gynæceo cœpere Diuina celebra-  
 ri. Creuit ſubitis ac prodigioſis augmentis recens Par-  
 thenon, ita quòd hodie vltra ducentas numeret Sancti-  
 moniales Sponſo Deo ſub inniolabilis clauſuræ religioſa  
 cuſtodia militantes. Viget in hoc caſto pietatis Sacratio  
 diurnus & nocturnus Dei cultus, deuota feſtorum pompa,  
 canonicus officiorum ordo, iugis virginæ chori pſalmo-  
 dia, ſacræ ſupelleſtilis & Eccleſiæ accuratus nitor, appa-  
 ratuum magnificentiâ copioſa. Nec ab extimo decore  
 quidquam diſſidet interior exactæ obſeruantix pulchritu-  
 do, orationum, mortificationum, exercitiorum aſſiduitas,  
 perfectionis ſtudium, vniformis morum puritas & ſancti-  
 monia, diſciplinæ rigidus tenor, perque omnes angulos

viua & prorsus angelica virtutum omnium exemplaria. Porro celeberrimo tot illustrium heroinarum contubernio dignè aprèque respondet augusta nobilissimæ fabricæ amplitudo, fontes, horti, vireta, porticus, dormitoria, peristylia, officinæ, item possessiones, latifundia, seruitia, prouentus annui & instructissima totius abundantia œconomia, sic quòd inclytum hoc Monasterium intra primam annorum quadragenam tot cœli benedictionibus perpetim irrigatum exemplo, fama, splendore in eum profecerit gradum, quo possit grandioribus præcipuisque totius Europæ Monasterijs æquiparari.

Denique istud est, quod integro ferè ante fundationem decennio toties Rosæ nunc per symbola & figuras, nunc manifestè in propria formæ ac typo fuit diuinitus præmonstratum. Istud est, quod Virgo tam securè, ac fidenter, tam crebrò & palam, tam libenter ac liberè dulci suæ patriæ vaticinando promittebat, ea quidem asseuerationis firmitate atque constantia, quasi illud iam constructum ante oculos habuisset. Sola temporis & anni quo construendum erat circumstantia ob altiores Diuinæ Sapientiæ fines Virginem diu latuit, seròque didicit se illud corporeis oculis non visuram: ceterà complures qui visuri essent digito monstrauit, personas quæ illic Deo famulaturæ essent (ac inter has Matrem propriam) designauit, numerum diffiniuit, locum prædixit, futuræ ibidem fabricæ plantam ac systema in tabella delineauit, primum incruenti sacrificij mystam nominatim expressit, quid multa? primam futurarum Monialium Præfectam (*Præfissam* dicimus) ex vultu agnouit, spiritû suo imbuuit, osculo pacis quodammodo initiauit. At pressius & seriatim currendum per singula.

Dudum expertus propheta monuit, *intelligentia opus esse in visionibus*. Dan. 10. Hanc verò in negotio de quo agimus Rosæ non defuisse ad assequendum in symbolicis præ-

prævisionibus genuinū ostenti sensum , patebit ex sequē-  
 tibus. Confederat solitaria in horro domestico colligendis  
 floribus intenta Virgo, iamque effrondibus rosis gremium  
 impleuerat, cum arrectis in cœlum oculis, & arcano in-  
 tus dictante spiritu cœpit non sine deuotis suspirijs iactare  
 in altum singulas rosas, velut superno eas hortulano com-  
 mendans. Superuēnit germanus virginis frater, ac foro-  
 rem innocenti ludo se oblectare nec serium quidquam  
 subesse autumans accessit familiariter, quidque ageret in-  
 terrogauit. Illa mysterium celans, hoc (: inquit ) quod  
 vides me agere; perrexistque vt ante iactare in sublime ro-  
 sas. Germanus nil vltra simplicem iocum & animi oble-  
 tamentum suspicans replicuit: spargam & ego rosas in  
 aëra, & fortè quàm tu iaciam altius.. Atticuit Virgo, sed  
 loqui cœpere prodigia, nam ecce quas frater sursum  
 proiecerat leuissimo delapsu mox reuoluebantur in ter-  
 ram, ex altera parte quas Rosa in sublime sparserat, hæ-  
 rebant in aëre, ibidem in conspicuam sanctæ Crucis fi-  
 guram aptissimè coibant, eidemque cruci à succedenti-  
 bus rosis decorus per circuitum formabatur limbus.  
 Mysterij *intelligentia* hic fratri defuit, non item Rosæ,  
 quæ postea à conscijs prodigij interrogata, quidnam pu-  
 tarit hoc aerio rosarum suppendiculo portendi, respon-  
 dit candore impauido, his præsignificari futurum apud Li-  
 menses suos insigne Sanctæ Catarinæ Senensis Monaste-  
 rium, in hoc quàmplurimas præstantis sanctimonix rosas  
 certatim commigraturas, vt in cruciformem arctioris vi-  
 tæ regulam coaptatæ è sublimi perfectionis gradu terram  
 despiciant, ipsisque hic mundus crucifixus sit, & ipsæ  
 mundo.

Alia vice oranti Rosæ diuinitus ostensum fuit miræ  
 amœnitatis pratum, vndique liliorum candore ac rosa-  
 rum purpura (: tametsi sparsum, & sine ordine ) variega-  
 tum. Placebat Virgini bicolor tot vernantium plantula-

rum venustas & gratia, maximè vbi deinceps responsum accepit, omnes & singulas vni *Dilecto candido ac rubicundo* seruari in coronam. At displicuit patère spatiosum ac nobile pratum cuilibet Viatori, imò communem, & publicum illic tam iumentorum quàm hominum quaqua- uersus comitantium frequentari transitum: proinde ser- riò metuebat flosculos tam decoros, tam eximias terræ gemmulas prætereuntium vestigijs improuidè conculca- ri. Sed simul timorem exemit superæ irradiatio, Rosam erudiens, tempus fore, quo selectum illud germen flori- dæ propaginis colligatur in vnum Sanctæ Catarinæ Se- nensis *hortum conclusum*, septoque proprio segregetur à profani seculi commercio, rosæ porro lilijque significati puras ac Deo dilectas Limensium Virginum animas, quæ quidem hinc inde per Urbem sine ordine sparsim habi- tabant, & suo tempore in cœtum claustralem fore con- gregandas, vbi tutissimæ sint ab omni secularis calcanei prostritu, solique æterno Numini fragrent odorem suavi- tatis, donec inde translata in Sponsi paradysum eidem, nectantur in immarcescibilem gloriæ coronam. Dum his cœlestium decretorum arcanis avidissimè inhiat auscultatque Rosa, videbatur interim suis manibus floridum hoc sertum paulatim connectere, Sponsoque imponere, qui vicissim ostendit illud sibi gratissimum, & intimè cha- rum esse. Rosam ingenti solatio perfudit hæc visio, quòd obliquè per eam intelligeret, suo præcipuè labori ac me- rito hoc donari à Deo, quòd Lina tali aliquândo sacrarum Virginum asceterio velut monili pretioso erat condecoranda. Et quotiescumque hoc suaue ostentum suis refere- bat, vnà testabatur florituras in illo Monasterio præclaras Dei famulas, quæ virtutum odore ac sanctitatis fama glo- riosè excellent.

P. Magister Fr. Ludouicus de Bilbao Virginis Confes- sarius tamen reliquis eius dictis plurimum deferret, huic  
tamen

tamen eiusdem vaticinio scrupulosius addubitabat, eo quod ad humana respiciens ne quidem è longinquo videre poterat vel minimam verisimilitudinis stricturam, quæ tanti moliminis vllum aliquando successum promitteret. Quin potius omnis vndequeque tum ratio tum regiminis potestas videbatur inexorabiliter obstitura, præsertim cum pro conditione temporis abundè sat Monasteriorum esset in Ciuitate nouella, cuius tunc ætas primam annorum centuriam nondum expleuerat, plurimumque adhuc distabat ab ea qua hodie tumet amplitudinis vastitate. Animaduertit Rosa Patrem incredulum de euentu ambigere, ac grandi fiducia sic eundem affata est: quid hæsitas mi Pater! te viuo ac vidente stabit in Vrbe hac illud quod sæpe dixi B. Catarinæ Senensis Monasterium. Pone, suppose vt volueris, obstitura verantium imperia, adde his in obnixum vniuersam hanc nostram Americam, imò totum porius terrarum orbem, adiunge per hypothesim totius orci vires, artes, potentiam, denique finge animo quidquid obstaculorum potes concipere, attamen te superstite, te viuo & oculato teste Monasterium quod dixi exstruetur, habitabitur, florebit. Locum tibi designaui, illic erit. Et te quidem æterno suo decreto selegit Deus, qui primus ibidem Sacrosanctam litabis hostiam in solemnitate, qua primus illic fabricandæ Ecclesiæ lapis ritu celeberrimo collocabitur in fundamentis. Tunc memineras hæc modò fuisse tibi prædicta à vilis muliercula. Totum euēnit prout Virgo prædixerat, nam anno 1622, accedens ad eam functionem Ludouicus inter solemnia sub missa recordatus est vaticinii, peractoque sacrificio palam adstantibus enarrauit, quàm asseueranter, clarè, disertè ante complures annos Rosa superstes quod illa die locoq; gesserat, prænuñciarit.

Aliquando coram domesticis inter familiaria colloquia, dum Beatæ Catarinæ Senensis tractabantur glorio-

sa prærogatiæ, & iusta encomia, sensim ad futurum sub eius tutelari nomine Monasterium deuolutus est sermo. Hic Virgo primùm ingenue fassa ac protestata est, se quidem illud mortalibus oculis minimè conspecturam, attramen quotquot illic adstabant reliqui certissimè illius intuitu, præsentia, solatio fruituros. Res cum risu excepta ab omnibus, nec deerant quibus Rosa videretur præ nimio in Seraphicam Matrem studio insanire; maximè postquam is qui in se receperat exorare Matriti facultates Regias nouæ foundationi necessarias, Limam vacuus rediit, ne spem quidem permissionis vmquam obtinendæ secum apportans. Terruissent hæc quamcumque aliam, aut saltem eripuissent loquēdi fiduciam, sed Rosam nec terri, nec timidiusculè filere permittebat ipsa supernæ reuelationis firmissima certitudo, adeo vt quod verbis idoneis adstruere satis non poterat, expressis in assula notis architectonicis conaretur euidētius adumbrare. Vnde arrepta coram incredulis tabella & cera, futuri Monasterij extemporaneum formauit archetypon, ea tum peritia tum securitate, vt spectantes rapuerit in stuporem. Describebat breui linearum ductu murorum ambitum, qui sub prima futuri Cœnobij exordia minus spatij complexurus erat, notabat angulos, flexas, confines, quo loco templum, quo situ porta, officinæ, porticus, dormitoria forent disponenda, nec aliud dolebat quàm quòd ceteri non æquè vt ipsa totam Monasterij imaginem in viuo radio præsentem habebant.

Indignabatur præ ceteris Rosæ Mater, nec æquo ferebat animo tam crebram, & seriam domi forisquæ mentionem fieri nouelli Cœnobij, quod filia tam assertè & imperterritè notis atque ignotis præfigurabat. Nullus apparebat negotij tam ardui procurator, nemo fundator, nemo fautor aut suasor, nullibi auspex vel patronus; abhorrere omnes tanquam rem humanitus impossibilem, taxare Virgi-

nem



nem tamquàm aut chymæris delusam aut affectui pertinaciter indulgentem. Ipsemet Doctor Ioannes de Castillo (quem Rosa ob notam viri sanctimoniam tanti faciebat) conabatur Virginem ab hac persuasione diuertere, quòd opinaretur difficultates planè insuperabiles fore. Idem Quæstoris Gundisalui, idem Confessariorum erat iudicium. Hinc Mater anxiosa, sibi & familiæ probrum metuens arguebat filiam, quòd contra tot prudentum arbitria plus sola ipsa sapere velit quàm oporteat, concordia omnium peritorum sententiæ obstinatè refragandum non esse, Rosam ceu vanam prophetidem cum dedecore propediem vulgi fabulam fore, denique rationi non contumaciæ in his parendum esse, promissum Monasterium citius in Utopia aut spatiis imaginarijs quàm Limæ constitutum. At Rosa tot contradictionibus alacrior voce humili sed læta replicuit: cya Mater dulcissima, hic demum cessent verborum pugnæ, tu magno tuo emolumento experieris quàm durum sit contra stimulum calcitrare, in Sanctæ Catarina Limensi Monasterio quod prædico tu-ipsa inter primas candidum Sanctimonialium indues habitum, illic tu velaberis, ibi solemniter profiteberis, ibi Religiosa vitæ reliquum consummabis. His auditis adeo exarsit Mater irritari se putans, ut filiam à cōspectu suo abegerit, altum vociferans, egone Monialis ero! ego ad quam regularis vitæ ac statûs nulla umquam cogitatio aditum inuenit, ego necessariæ dotis inops, cātandi ac psallendi ignara, curis secularibus innutrita, spiritu vacua, clausuræ impatiens, onusta prolibus, ego in claustrum me abdam? hac ætate velabor, profitebor religionem seueram, arctam, difficilem? apage, sat nugarum est, ad Calendæ græcas hæc impleta videbimus. Initium anni MDC. XXIX: non vidit Calendæ græcas, vidit tamen Mariam de Oliua Sanctimoniale in nouello Sanctæ Catarina Senensis Monasterio, vbi post mariti obitum

sexagenaria religiosis S. P. Dominici filiabus deuotissimè aggregata, cum sacra Ordinis veste nomen Sororis *Mariæ de S. Mariæ* assumpsit, exauctoque probationis anno solemnia vota emisit, ac plena dierum sanctò sine quieuit. Carebat inops vidua dote legitima, quæ quater mille libris argenti in singulas ibidem velandas erat distincta. Verùm ne Mariæ obstarèt egestas prouiderat omnisficia, cura Numinis, inspirans Fundatrici, vt in ipso fundationis programme reseruantur loca nonnulla gratuita receptionis digniorum sed inopum personarum, eoq; priuilegio gauida est Rosæ mater.

Supereſt de ipsamet Cœnobij Fundatrice ac prima, eiusdem Præſeſta memorabile ac luculentum Rosæ vaticinium. Illuſtri Matronæ *Iſabella de Mexia* domi famula, erat *Mariana* nomine, cui grauitè egrotati Rosæ (vt pote illis in ædibus pene domestica) more suo ex charitate ministrabat. Ea occasione honestæ fœminæ tum Iſabel-lam tum ægram iauisuræ frequētes accedebant. Die quadam inter alias adfuit prænobilis nec virtute minùs quàm parentela & opibus clara D. *Lucia Guerra de la Daga*, Hæc Rosam (: de qua memoranda audierat) illic infirmæ Marianæ seruitio piè districtam conspicata, eidem coepit deuotiùs affici, & captata affandi occasione, post mutuos vltro citroque vrbanæ comitatis ritùs, impensè Virginem rogauit, sui meminisse vt velit in quotidianis ad Deum, precibus sanctisque exercitijs. Rosa iam iatus moneri se sentiens, affectu reciproco Matronam vinxit, offerendo modicum id quod posset, illaque fortiùs instante promisit, se in singulas hebdomadas peculialiter certum diem ſelecturam, quo ipsam Deo commendaret. Lucia hoc solatio diues ac domum reuerſa quieſcere non potuit, dum Rosam planè iam suam denuo coueniret. Venit cum prætextu commendandi maritum & filiolum, nam Virginiſ apud Deum ſuffragio tunc forſitan magis indigebant.

Rosa, velut si Lucie cor penitus inspexisset, eandem familiarius quàm pridie cōplexa, nil de marito nil de filio-  
la filiusque tunc respondit, Matronam verò nouo sibi beneficio implicuit, ipsamque tandem nō in lucrum vnica per  
quot-hebdomades diei, sed plenè in omnium suorum  
exercitiorum amicam communionem & participium ar-  
cano Dei impulsu stimulata admisit. Necdum sat capie-  
bat ipsamet, vnde aut cur ita ageret, donec præter morem  
oculis à terra in vultum Lucie attentissimè coniectis cœ-  
pit exultare spiritu, suffundi colore inusitata lætitiæ, pal-  
pitare calidis præcordijs, ac demum hilaritate modestis-  
sima Luciam deosculans, *Euge inquit, Mater, ingenti suo  
operis Deus reseruaui.* Idque crebrius liquenti gaudio  
replicans simul decenti osculo attonitam minimèque re-  
pugnantem dissuauiebat.

Dici non potest ex Virginis spiritu quos quantosque  
mox spiritus hauserit felix Matrona: dirigit, sensitque  
Rose tum affatu tum afflatu mutari se medullitus, serpe-  
bant dulciter per omnes animæ suæ venas ignotæ flam-  
mulæ, cor in varias deliberationes repente dilatatum eri-  
gebatur totum ad cœlestia, quasi pulsu citatiori vocife-  
rans: *Domine quid me vis facere?* Sic affecta domum re-  
dijt, per viam sic Deum alloquens: Domine, si ex tuo  
æterno placito tuique nominis gloria est, quod ego à se-  
culari isthōc ad Religiosum aliquando statum transeam,  
perge operari in me quod mirabiliter cœpisti, en toto  
cordis affectu meipsam tibi offero, vnà cum prolibus &  
vniuersa mea substantia; tuum erit dimouere obstacula,  
quibus me tam ineluctabiliter nosti implicitam. Exinde  
in mulieris animum velut connexo agmine immigrarunt  
simul Religiosi statūs efficax desiderium, simul spes viuaci-  
ssima, simul indubia certitudo pertingendi ad hanc me-  
tam, euadendi retinacula, perrumpendi innumeros obi-  
ces quos sola Diuina manus poterat dimouere. Nondum  
tunc.

tunc Lucia trigesimum ætatis annum exceſſerat, ſuperſtes erat maritus in plurimos (: vt̃ videbatur ) annos victurus, circumſtabat matrem ſoboles numeroſa, quatuor nempe filij & vna filiola, premebat magnarum opum, vaſta œconomia, nec tamen hæc religioſæ vocationis certitudinem in animo Lucię ſeu conuellere potuerunt ſeu delibare, adeo quòd de ſanctioris propoſiti executione cum ſuis tam ſecura tractare ſolebat, ac ſi diſpoſitis omnibus de proximo velum ſibi imponendum exſpectaret.

Accidit interea, R. P. *Ioannem de Villalobos*, qui tunc Societatis Ieſu Nouitiatui Limenſi Rector præerat, ad ædes D. *Iſabella de Mexia* diuertere, vbi in Roſæ colloquium incidens, poſtquàm de certitudine fururi Monafterij Beatę Catarinę Senenſis varius vtrimque alternarat ſermo, didicit à Virgine, ſe illic pridie locutam eſſe cum *Lucia de la Daga* annis quidem iuvene, at maturitate indolis graui; de ea nũc plura ſe nolle dicere. Intellexit vir religioſus ac prudens quorſum Roſa tũ loquendo tum reliqua ſubticendo alluderet, tacuit tamen, donec poſt Roſæ obitum Lucia pro more Sacramentali confeſſione, animam expiatura accederet. Hic Matrona Confeſſario detexit; ſe magni ac perardui moliminis opus animo verſare, foundationem noui Monafterij ſub Sanctę Catarinę Senenſis tutela ac nomine, huc ſe impelli diuinis ſtimulis, quibus omnino parendum ſit; huc ſe vires, opes, cogitationes omnes conuerſuram. Viciffim Confeſſarius illo temporis puncto memor verborum quę pridem à Roſa audierat, Luciam edocuit, illud-ipſum eſſe, quod Virgo Matronę promiſerat, quando eidem prædicebat, magno cuidam operi ipſam à Deo reſeruari. Proinde non diſſideret vaticinio tantę Virginis: rem tam arduam validiſſimis obſtaculis, remoris, ac difficultatibus haud caſſitutam, verum-tamen in ipſo tempeſtatum ſummo furore

rore ac motu tranquillissimè sperandum fore in superno auxilio quòd Rosæ iam Sponso inmortali coregnans facillimè sit exoratura .

Ita fuit : nam Lucie maritum , paulò post & proles omnes ex ordine Deus ab hac luce euocauit , obstacula nonæ foundationis vndequaque innumera , & potentissima sustulit , duos repugnantium animos ad fauorem pij operis flexit : supererat Lucie nobilissima parentela , quæ viduam generis , ætatis , opumque intuitu ad secundas nuptias ita vrgebat , vt penè adigeret . Verùm ipsa Rosæ prædictionis memor , & consilij tenax restitit , vicit , triumphauit , rebusque ex voto imò supra votum feliciter compositis nouo Sanctæ Catarinæ Senensis Monasterio auspiciando , struendo , dotando amplissimas suas facultates , denique & se ipsam dedit , & cum sacro velo nomen *Sororis Lucie de Sanctissima Trinitate* assumens , prima nouelli sui Asceterij Præfecturam gessit , ac Religionis spiritum , quem ab osculo Rosæ pridem conceperat , hortatu curæ , exemplo inirritè in subditas Moniales propagauit , ac demum sanctimonie fama celebris ibidem extremum clausit diem . Hunc successum habuit Rosæ prædictio , vnde factum est , quòd Sanctæ Catarinæ Senensis Monasterium Linæ ex euentu apud consciam plebem sæpissimè Rosæ Monasterium ( : hoc est diu antea vaticinio Rosæ prænunciatum ) promiscuè amec

appellari



## CAP V T XXVII.

Rosa alia complura Deo reuelante arcana pateſcunt.

**I**n Dem (de quo paulò ante) R. D. *Villalobos* Societatis Ieſu in iurata ſide reſtaſtus eſt, ſuo ſe experimento ſpirituum prophetieum deprehendiſſe in Virgine. Perierat à Roſa precum ſuffragium pro ſelici exitu occulti negotij, ſed andui, quodque vt ſileretur à ceteris primus ſilebat ipſe. At Roſa (: quod numquam ſolita erat) in loquentis vultum oculis pauliſper defixis, velut ſi illic tamquam in aperto codice legiſſet arcanum, verecundè ſubriſit, ac taliter reſpondit Patri, quòd is haud obſcurè collegerit, illo momento coelitus innotuiſſe Virgini totam ſecretiſſimi negotij ſeriem; vnde ſtupore attonitus ad P. *Anthonium de la Vega Loaiſa* eiufdem Societatis Virum integerrimum, rem detulit, qui R. P. *Philippo de Tapia Callaoenſis* Collegij Reſtori ſimiliſimum cum Virgine accidiſſe palam aſſeueravit.

Filia Quæſtoris Gundifaſai *Michaëla de la Moſſa* ſecretam quamdam cogitationem veſſabat animo, quam nullo mortalium communicat, neque communicare decreuerat. Huic Roſa familiariter ſe applicuit, totamque illam cogitationem velut ex pugillaribus accuratè recitauit, ac ſaluberrimi documenti aphoriſmos miranti præſcripſit.

*Maria de Meſſa* Pictoris *Medorì Angelini* coniux cum ſolo marito nemine conſeio tractat de vtriuſque profeſſione in Hiſpanias, deque neceſſaria pecuniarum quantitate



ritate ad vitam illic honestè & commodè sustentandam. Inde Rosam adiit collocutura de alijs, quæ sibi tunc pressius instabant. Virgo sermone obiter deflexo etiam ad id, quod latere putabatur, ita respondit, ac si de eo pariter fuisset interrogata; nempe approbavit proficiendi consiliū, commemorauit summam pecuniariam, quam foemina cum marito in reliquæ vitæ sustentaculum pari arbitratu constituerant, dixitque hanc ambobus (sed quod prole carerent) sat fore; Mirata est mulier, falsa plus à Virgine dici non potuisse, si ipsa amborum secreto consilio tertia adsedisset. Longè mirabilius videbatur F. Ioāni Miguel Ordinis Sancti Dominici Religioso, cum è longinqua peregrinatione Limam reuersus, atque in D. Hieronymi Sacello Virgini scorsim colloquens, ab ea seriatim, & exactè sibi narrari audiuit quæ fratri procul in aliena regione acciderant, nec humanitus inde potuerant in Rosæ notitiam peruenire; quin & abditissimas suæ conscientie latebras Virgini patuisse euidenter agnouit.

In templo sancti Dominici Rosæ cum Matre honestisq; foeminis subliterat, Deo precibus commendatura extremum agonem *Mariæ de Vera*, quæ in ædibus *Didaci de Requena* Argentarij decumbens ultimam vitæ horam expectabat. Superuēnit triste nuncium infirmam expirasse. Territæ mulieres dolenter respexere in Rosam, hæc in Coelum; at subito ad circumstantes reductis oculis, non plangamus (inquit) nam amica nostra mortua non est, uiuit *Mariæ de Vera*, tantum oremus Deum, ut conualescat. Vixit, conualuit, sed alio Rosæ miraculo, de quo in Mantissa.

Cuidam Religioso Societatis Iesu, viro planè Apostolico summisq; virtutibus obornato infederat (nescitur unde) firma, tenax, & immobilis persuasio, illo se anno (qui erat 1615), certissimè ex hac vita migraturum; cupiebat sanè dissolui, & esse cum Christo, vnde caprata occasio-

ne dum semel Quæstoris coniugi loquebatur adstante Rosa, vtriusque orationibus humiliter & enixè commendabat suum ab hac vita transicum, velut ante proximi anni Calendas indubiè futurum; exhorruit Gundisalvi vxor, at Rosa leniter subridens, nequaquam (s; ait) mi Pater hic annus te nobis eripiet, ita tibi secura spondeo. Ille ex aduerso contendebat rem fore certissimam, nec aliud sibi accidere posse felicius, quàm si paulò post celebratum Missæ sacrificium iuberetur spiritum suo reddere Creatori, id vnum se ardentè optare, imò & sperare. Inualuit sensim apud optimum Patrem instantis sui termini concepta opinio, ut à Collegio ad Nouitiatum, seu Tyræonum domicilium migrans non socijs tantum, sed ipsi quoque arboribus, muris, tectis valedixerit, velut domum priorem numquam remissurus. Cruciabant hæc pià Gundisalvi conjugem, quæ tantum suæ conscientiæ moderatorem dolebat præmaturè amittere, proinde in Rosam quotidie anxia respiciens quærebat millies, verane sint quæ illa prædixerat de Confessario suo diutiùs superuieturo. Vicissim millies replicuit Virgo, & Matronam iussit securam esse. Nihilominus hæc trepidabat, quoties Missæ sui Confessarij intererat, metuens ne ille sui desiderij compos illâmet hora peracto sacrificio abiret è viuis. Denique in sacratissimo Diuini Natalis peruigilio dum Matrona confessura Patrem adibat, per ipsam Rosa eidem significari iussit, deponeret iam tandem inanissimam vicini sui obitus persuasionem, sciretque se grandioribus Dei obsequijs referuari non moriturum priùs quàm foris còplures animas operosa conuersione in viam salutis adduxerit, interque illas peculiariter eminere quinque præcipuas suo Apostolatu dignas, & verò Numini adquirendas. Hoc Rosa centies timidæ Quæstoris coniugi ad solatium occantarat, hoc ipse demum euentus plenè comprobauit, nam & Pater post Rosam annis nouem super-

uixit,

nixit, & in conuersione perditorum hominum, fructus, quos illa prædixerat admirabiles reportauit, utpote qui ex viris sui instituti primus adiit montana, quibus hodie nomen *Sanctæ Crucis* de la Sierra, vbi plurimas Dæmoni animas eripuit, ac demum Limæ anno MDCXXVI. sancto fine quieuit.

P. Fr. *Bartholomæus Martinez* Ordinis Prædicatorum Limensis Cœnobij sanctæ Mariæ Magdalænæ Prior, & Rosæ Confessarius euentu ambiguo luctabatur cum morbo grauiſſimo, & extremè periculoso, iamque corporis cura ferè deposita Medicis suadentibus accelerabantur vltima migrantis animæ remedia. Inuisit ægrum P. M. Fr. *Ioannes de Lorenzana*, conceptoque repentinae fiduciæ instinctu iussit infirmum bene sperare, eò quòd illo momento in Ecclesia viderat coram S. Hostiæ tabernaculo pro salute ægri luculentum ardere cereum, Rosam intelligens, quam illic ardentissimas fundere preces eminus obseruauerat. Vix verba finierat, cum superueniens Sacrista F. *Ioannes Fernandez* ait, à Rosa in Templo coram Sanctissimo Sacramento geniculari illuc se missum, ut Bartholomæum certum faceret, ex illa ægritudine quantumcumque iam cōplorata nequitquam sibi mortem imminere, bono proinde animo esset, valetudinem citiùs quàm sperari poterat redituram, eò quòd priùs ipsum oporteat Diuinæ gloriæ in quodam singulari ministerio strenuè famulari. Bartholomæus, cui Virginis anima intimè perspecta erat, nil hæsitans fidem dictis adhibuit, eadem hora metum, & morbum abiecit.

Magister Fr. *Ludouicus de Bilbao* itidem per annos 14. Virginis Confessarius sopitis quas extinctas crediderat febribus timere sibi desierat, cum velut ex insidijs morbus redijt multò quàm ante violentior, ac recidiuum ad extrema reduxit pericula. Iam perplexi hætebant Medici, & pharmaca adhibere destiterant, iam æger (cui natura

tura vocem dederat sonoram, & liquidam) præ angustia obstruati pectoris, viriumque languore vix quæ intelligerentur proferre poterat, nihilominus quæ licuit vocis tenuitate ac nutibus mandauit indicari Rosæ discrimen suum, quidque ipsa de morbi huius successu, & exitu sentiret, sibi liberrimè renunciare iussit, vt semoriendum sit continuò præparare se possit ad momentum, à quo pendet æternitas. Ceterà Virginem obsecrabat, ne in hoc ancipiti se destitueret, aut quidquam saluti suæ congruum dissimularet, hoc si vllum aliud dicendæ veritatis tempus esse, nunc vel maximè ab ea se filialis beneuolentiæ fauorata obsequia expectare. Virgo, tametsi spiritualis sui Patris angoribus condolebat, nihil tamen periculi commemoratione exterrita paucis at vultu alacri respondit: ad ferium illud vltimæ respirationis momētum omni annisu, cura, sollicitudine se parare numquam intempestiuum, semper laudabile est ac salutare. Verum tamen infirmitas ista non est ad mortem, conualescet infirmus, & in proximo Sanctissimi Rosarij triumphali festo coram vniuerso populo disertè è suggestu perorabit. Interim mittam illi medicum meum, hunc ad lectuli caput iugiter sub oculis habeat, nec de recuperanda valetudine diffidat. Misit deinde Patri quam vnice habebat in delicijs breuem paruumque lxxv iconem decenter vestitam, suam (vti aiebat) medicum, quem deinde à conualecente repetijt, nuncians absq; hoc sibi nimium se solitariam videri. Credidit Rosæ vaticinio Ludouicus, Medicum deuotè coluit, vires omnium admiratione integerrimè recuperauit. Vnicum spererat in quo plurimum hæsitabat, nimirum haud videns quomodo sibi obuenire iam posset cōcionandi munus in propinqua Sanctissimi Rosarij solemnitate, quandoquidem pro illo anno hæ vices non suæ erant, sed sui *Provincialis M. Fr. Gabrielis de Zarate*, nam huic per sortem (vt ibi moris est) vno mense ante hoc sermocinan-

di onus obtigerat. Nihilominus & hoc in Ludouico impleri debuit, siquidem Prouincialis paulò ante festum, ægritudine correptus prædicare non potuit, ignarusque, vaticinij sermonem habendum Ludouico demandauit. Limæ in sancti Dominici Coenobio *Ioannes de Soto* Religionis habitum impetrarat, sed morbum comitalem cui obnoxius erat, silentio prefferat. In probationis anno fraus deprehensa *Alphonsum Velasquez* coenobiar-  
cham permouit, vt de Patrum cõsilio clam, statuerit inutilem Nouitium honestè ad seculum remittere. Iam decreta erat executioni dies, & Nouitiorum Magistro *Petro de Loaysa* iniuncta dimissio, neq; humanicus quidquam horum Rosæ innotuisse poterat. Adfuit tamen pia Virgo primo diluculo, & per Fr. *Blasium Martinez* Sacristam rogauit vnà cum Priore Magistrum Nouitiorum ad se in Templum descendere, priùsquam opus conceptum exsequeretur. Venère ambo, mirati quid Virgo hora tam insolita ac prematura sibi veller. Respondit illa, se occurrisse supplicaturam pro Nouitio iam iam exuendo, simulque rogauit decretum expulsionis rescindi. Substomachans ad hæc Patrum vnus replicuit: nescis Rosa quàm malè hoc intercessionis beneficium colles, at scito iuuenem pro quo rogas, emittendæ professioni prorsus in idoneum esse. Acquanimiter hanc repulsæ asperitatem tulit mitissima Rosa, at tamen subiunxit: Videbitur decretum Altissimi diuersum esse, vestroque fortius; nam Nouitijs ille ad solemnem Professionem ritè pertinget, & Ordinem Pietatis ac Religionis exemplo insigniter illustrabit. Totum euénit vti Virgo prædixerat.

Tres germanæ sorores, *Philippa*, *Catarina*, & *Francisca de Montoya* Rosæ conuersatione & exemplo erudiebantur ad pietatem. Ex his *Philippa* & *Catarina* de fide-  
rabant spreto seculo Religiosum sancti Dominici habitum ac tertij Ordinis amplecti institutum. Sola *Fran-*

Sorores Maria & Ioanna vnà cum Auia in Sanctissimæ Trinitatis Monasterio velatæ sunt, ac prior *Maria de la O*, altera *Ioanna à Iesu*, vltima *Ludonica à Cruce* nomen assumpsit. *Francisca* nupsit *Hieronymo de Villalobos*.

*Ioanni de la Raza & Maria Euphemia de Parejas* vnicus adolefcebat filius *Rodericus*, quem ipsi à teneris destinârunt sacræ militiæ Societatis Iesu tempore suo adseribendum. Creuit puer, at nullo religiôsæ inclinationis indicio. Applicatus scholis manifestiùs tam Ecclesiasticum statum quàm litteraria quæuis exercitia abhorere visus est quidquid ex aduerso vterque parens seu palam cuperet, seu operosiùs suaderet. Afflicta mater delitescentem in hortensi cellula Rosam adiit, dolorem exposuit, precum subsidia enixè flagitauit. Rosa, vt erat accelerandis mœstorum solatijs promptissima, statim quidquid suæ apud Deum orationes valerent Euphemie addixit. Mox aliquântulùm cœlos intuens, postque breuem morulam in se reflexa, nil (: inquit) ambigito, *Rodericus* tuus post menses admodum paucos Religiosam induet togam, sed non illam quam tu vnicè volebas Societatis Iesu. Sauciarunt postrema hæc verba Euphemiam, vnde replicuit: ah quàm medullitus mecum tristabitur maritus meus, vt audierit filium nostrum illi Societati non fore aggregandum. Respondit blandè commiserans Virgo: quin tu potiùs adora Diuinam prouidentiam quæ tibi hæc tempestiuè constare voluit, vt sensim maritum ad iustam æquanimitem disponas, ne frustra abstrigillet spiritui vbi vult spiraturo. Sinite in *Roderico* operari Diuinam potiùs voluntatem quàm vestram; & quàm primum filius tuus regulare institutum amplexus fuerit, vide me moneas, & vt Altissimo grates referam pro beneficio quo nos affecit. Tres circiter abiere menses quando *Rodericus* inflammari se sensit impetuoso ac subito Religiosæ vitæ desiderio, iamque vltro parentes,



quandoquidem ita ipsis collibitum erat, incunctanter  
 seriorque agerent cum Patribus de sua in inclutam eorum  
 Societatem admissione. Rescivit hoc Rosa, iterumque  
 dixit Euphemie: certo certiùs Religiosum videbis filium  
 tuum, at æquè certum est, ipsum Societati Iesu adscri-  
 ptum non iri, rudior Seraphici Francisci tunica illum ex-  
 pectat. Nil minùs tunc aut cogitabat Rodericus, aut op-  
 tabat cum marito Euphemia. Quin potiùs cum primo-  
 rimoribus Societatis iam pertractata, conclusa, parata  
 erant omnia, solæ consensuri P. Prouincialis expectabā-  
 tur litteræ, sed ( Numine sic disponente ) tardarunt illæ,  
 atque interea Rodericus clam parentibus Cœnobium  
 Sancti Francisci adiit habitum petijt, admissionem obti-  
 nuit, monitisque & demum flexis ad consensum parenti-  
 bus octiduo post solemni ritu in pauperem Fratrum Mi-  
 norum Ordinem adlectus est. Mater de Nouitij constan-  
 tia mœstè anxieque subdubitans, quod delicatum puerū  
 tantis metuebat austeritatibus vix parem fore, denuò Ro-  
 sam adiit, sollicita, pusillanimis, inquieta, præsertim ex  
 quo rescuerat filium inter Quadragesimales rigores nō  
 nihil infirmari. Sed Virgo diffidentiam mulieris leniter  
 perstringens, tam modicam ( ait ) fidem habes in  
 auxilio Reginæ Sanctissimi Rosarij, cui nouitium Roderi-  
 cum commendauit? scito illum in Ordine suo perseuera-  
 turum, & suppone te illum iam videre professum. Quid

multa? Rodericus mox vt lineam subuculam cum la-  
 nea commutauit, conualuit, exacto probationis anno  
 solemnia vota emisit, diuque in Seraphica Religione pius  
 & exemplaris Sacerdos superuixit.

Nobilis Hispani Leonardi de Roya mancipium Maria  
 Perez cum hero clam viuebat in statu damnabili. Com-  
 puncta demum, suæque animæ salubriùs prospectura,  
 cum modum non videret quo aut periculoso contuber-  
 nio se explicaret, aut seruili conditione pressa ingenui

viri

virī legitimās assequeretur nuptias, Rosæ calamitatem suam fidenter aperuit. Compassa Virgo ancillam bene de Dei misericordia sperare iussit, fore quod Leonardus ritē ipsam vxorem duceret. Credidit assista mulier in spem contra spem, felicique experimento comperit, Rosam non ex vano prompsisse solatium.

*Maria de Mesta* Medori Angelinæ Pictoris coniugi dux simul ancillæ Aethyopiæ domo aufugerant, earumque altera Antonia nomine etiam clauēs heræ tunc pernecessarias asportarat. Quæstā est Virgini iacturam suam, quodque domum reditus aut arcam vestiariam cuius clauis subducta erat vi efringere, aut in diem posterum aliunde necessariam vestem mutuo petere cogeatur. At subito respondit Rosa: neutrum facies, nam reuersa ad limen tui domicilij priusquam de sella prodeas, occurret tibi in ostio, qui Antoniam à fuga sponte in ædes rediisse nūciabit; alteram fugitiuam scito-cras ad te reducendam. Abijt *Mesta*, & in domūs suæ limine, antequam gestatoria sella exscenderet maritum in valuis obuium habuit nūnciantem rediisse cum clauibus Antoniam. Vicissim marito reposuit *Mesta*: & crastinus dies alteram nobis restituet profugam. Vtrumque contextu Rosa prædixerat, vtrumque *Mesta* postridie impletum vidit.

Decreuerat Peruanī Regni Excellentissimus Prorex Gundifaluū de la Massa Quæstorem implicare procul à Lima functioni honorificæ at perarduæ, quæque virum exigebat summæ tum experientiæ tum fidei ac integritatis. Misit igitur qui Gundifalui consensum elicerent Regiæ (: quam vocant ) *Audientiæ* Senatorem, & Fiscī procuratorem, quibus honoris & auctoritatis gratia proprium suum adiunxit Confessarium. Quæstor legationis dignitate percussus, simulque tum seriam Proregis mentem tum negotij difficultatem probè intelligens, spatium quasi deliberaturus petijt, maximè quòd tunc ob classem

propediem inde Hispanias petitturam expediēdis infinitis litteris suisq. officij ratiocinijs distringebatur ne domo, vel ad vnum diem abesse posset: reuera autem hæc prætexebat, vt per longioris moræ inducias effugeret ipsum periculosa plenum opus alex. Profecta classe tres supradicti non iunctim sed singuli ad Gundisaluū rediere, ac pluries quidem, premebat enim negotij grauitas & Regis obsequium. Tandem 15. Aprilis quasi peremptoriè monitus, postridie hora præfixa sese à Prorege ad colloquium in palatio expectari, facile agnouit iam nullum superesse exosæ professionis effugium, vnde illomet vespere post cœnam cogitabūdus ac tristis angorem sui animi solis coniugi Rosæque aperuit. Vxor metu dispalluit, sed neutiquam Rosa, quæ die postero ab Oratorio veniēs, Quæstorem iam iam domo exiturum ac Proregi sese stitutum vultu alacri affata est: vade inquit, nec formides, lætior ad nos redibis è palatio, quàm hinc exieris; & ne superfluis te morer, securus esto, arduum illud negotium quod subuereris, in alium transferetur, tu planè immunis eris. Dubitanti Quæstoris coniugi idem bis ter constantissimè inculcauit, adiiciens: nec si videris vtrumque mariti pedem immissum stapedi, aut plateæ iam adequantem, credideris profecturum. Manebit is tecum Limæ, nec emittetur foras ad molestissimæ functionis periculum. Mira res: Quæstor subito intrōmissus ad arcanum Proregis colloquium, ab eodem varijs sermonibus detentus per horam & dimidiam, illo momento temporis quo iam adamantini decreti insinuationem pauidus expectabat, comiter dimissus est, nec Prorex toto seriæ cōfabulationis spatio odiosam illam commissionem verbulo attigit, tametsi quatuor integris mensibus studuisset hanc per supramemoratos Quæstori inuito efficacissimè persuadere. Eadem longo post tempore sic alteri iniuncta fuit, ac si de illa numquam tractatum fuisset cum Gundisaluō.

*Ferdinandus Flores de Herrera* germanus Rosæ frater Patris exemplo militiam secutus vsque in *Chile* Regnum penetrarat, vbi & vexilliferi honore in sua centuria functus est. Huic leucis plus-minus quingentis *Lima* distanti Rosa soror epistolam scripsit, (: nam diuinitus didicerat, illum in *Chile* honesto matrimonij iugo succollasse ). Hac sollicitè hortabatur fratrem, quandoquidem hunc statum amplexus erat, Christiani patrisfamilias obligationi inter militares strepitus accuratè satisfacere haud negligeret; domum suam ad Dei timorem ac pietatis obseruantiam studiosè formaret, liberos quos illi superna benedictio datura erat, optimis moribus imbuere, sanctèque educare satageret, ac primum quidem matrimonij sui fructum filiolum fore, à Deo peculiariter signatam in facie quam videlicet purpureus conspicuus rosæ character esset ornaturus. Hanc itaque mox ab ortu parens dicaret offerretque Augustissimæ Deiparæ, siquidem hæc filiola puritate & innocentia vitæ multum placitura erat Altissimo. Ita euénit: nam post biennium circiter nata est *Ferdinando* prima hæc soboles, secumque ab utero matris attulit rosæ typum in vultu tam bellè & accuratè effigiatum ut nec penicillo venustius depingi potuisset. Adoleuit cum hoc signo paruula, mirantibus quotquot Rosæ littèras pridem viderāt. *Didacus Gonzales Montero*, *Christophorus de Aranda Valdinia*, alijque centuriones ac *Chilensis* militiæ Præfecti certatim adibant *Ferdinandi* ædes, deuotò hoc spectaculo coram fruituri, nam & puella (: iuxta Rosæ vaticinium ) mirè à teneris propendebat in religionis ac pietatis exercitia. Tandem præmaturè utroque parente orbatæ remansit sub tutela pupillari, donec *Franciscus Lasso de la Vega* *Chilensis* Regni Gubernator & præses ob Rosæ tunc defunctæ piam & vsque in *Chile* celebrem memoriam in se officium curamque suscepit ultro, ut orphanam suo sumptu è *Chile* *Limam* transmitteret,

teret, vbi *Auiæ Maria de Oliua* (: iam tunc Moniali ) in S. *Catarinæ Senensis* Monasterio sanctissime conuixit, ac singulari virtutum exemplo mirabiliter coruscavit.

*Isabelle de Mexia* nobili Matrona ancilla erat Aetio-  
pissa, *Speranza* nomine, quod vltro sibi (: ac si *Christia-  
na* esset) imposuerat. Hæc à promontorio *Africae Hesper-  
ium* olim, nunc *Caput viride* appellatur, ab interiori  
*Lybia* per mare Atlanticum abuecta in *Indias*, primum  
quidem in *Isthmo Panama* seruierat, exinde *Limam* dedu-  
cta iam à sexennio ancillabatur *Isabellæ*. Accidit eā gra-  
uiter infirmari, quapropter supplex *Rosa* tum *Isabellam*  
tum suam Matrem exorauit, concedi sibi *Speranzam* in  
maternis ædibus suo ministerio cōmodius procurandam.  
Vt allata fuit, repente *Virgo* perplexum quid secum mi-  
sitans, demum apertè dixit *Matri*: sentio, *Speranzam* non  
esse baptizatam. Aegra ex aduerso malum pudorem ob-  
stinatione peiori obarmans contendebat peruicaciter, in  
*Panamâ* se sacro Baptismo tinctam fuisse, & vt fidem con-  
ciliaret mendacio, fingebat nomina plurium quos inter-  
fuisse iactabat, comminiscabatur Patrimos numquam na-  
tos, locum, annum, ritum, omnia, præter veritatem. Per-  
facile ipsi fuit tum *Dominæ suæ* tum *Mariæ de Oliua* ce-  
terisq; imponere, adeo vt *Rosam* velut importunè mole-  
stā arguerent. Verùm ingemiscebat *Virgo* idemtidem sus-  
pirans ac palam deplorans infirmam non baptizatam. Su-  
peruēnit providente Nūmine post dies vndecim *Gundi-  
salui* Quæstoris mancipium *Franciscus* qui *Speranzæ* ex  
*Africa Panama*, inde *Limam* iugiter comes fuerat: is  
interrogatus respondit simpliciter, se semper credidisse,  
quodd utique intra hoc sexennium *Speranza* *Limæ* bapti-  
zata sit, nam quodd in *Panamâ* Baptismus ei non obtige-  
rit, habere se compertissimum. Hic tandem conuicta  
mendacij, sed admirans vnde id *Rosa* potuerit diuinare  
sic coram omnibus orsa est loqui: dum ex *Panamâ* huc

in aedes Isabellæ veni, reliquæ ibidem Aetropissæ me per ludibrium *equam* appellabant quod baptizata nondum essem; at ego conuicij impatiens replicui audacter, æquæ ut illas Christianam me esse. Abinde ne pudefierem, mendacium meum pertinacia tueri conata sum vsque in hodiernum diem. At nunc à Rosa (nescio quo modo) deprehensam me fateor, & Baptismum flagito. Confestim Virgo acciuit vicinam Sancti Sebastiani Parochum Licentiatum *Quixanum*, huic rei seriem infirmâ annuente exposuit; baptizatur Speranza, moriturque postridie.

Nemo audebat interrogare lætam hoc successu Rosam, vnde arcanum Speranzæ statum didicisset, nam hunc ei non potuisse humanitus Limæ innotescere, apud omnes in confesso erat, ex altera parte Virginis coelitus infundi abstrusas notitias pridem constabat Matri, quæ inter alia legendi scribendique scientiam non acquisitione sed Diuina infusione irrorasse minorenni filię grato experimento competerat. Res demum ita paruit. Docuerat Mater filiulam Rosam utcumque singulas nosse alphabeti literas, iamque in eo erat, ut de iisdem insyllabas combinandis puellam instrueret, simulque in pagella rude exemplar dederat, ut inde calamo characteres formare disceret. Malebat Rosa totum hoc tempus orationi dare, sed Mater suspicans filiulam puerili more discendi rædiâ ac laborem defugere, induxit Confessarium ut coram se iuuenulam de neglectu redargueret. Fecit ille bona fide quod iussus fuerat, sed Rosa postridie oratione præmissa Matrem adiit, librum oblatum expeditissimè legit, insuper programma exhibuit sua manu eleganter conscriptum; nempe melius docuerat Vnctio quàm *Oliua*, & idem qui Sanctæ Catinæ Senensi artem legendi scribendique supernè infuderat, dignatus est & Rosam pari infusionis compendio diuinitus erudire. Porro ne his minuioribus immoremur, tandem hoc

Ma-



Magistro suæ mortis diem, locum, horam edocta nemini dulcius quàm sibi suoq; funeri felix vates præcinuit. Verùm id commodius proximo Capitulo seruatum esto.

## CAPVT XXVIII.

Rosa mortis suæ præscia grauem  
vltimæ ægritudinis luctam  
fortiter excipit, inuictè  
sustinet.

**D**Vriusne premat certitudo mortis, an horæ ac diei incertitudo, problema sit, illic decretum hic secretum affligit mortales, nisi quod solis Dei amicis mori sit lucrum, & insuper nonnullis horum eximio fauore Numinis secretum diei & horæ reueletur. Hinc & Rosa, quotannis festum Diui Bartolomæi (quo se morituram præsciebat) tam pretiosum & charum fuit, hoc studio singulari colebat deuotius, nec suo contenta ieiunio, aliquot innocentes puerulos induxit, vt secum in huius festi per-  
uigilio ieiunarent, hi verò etiam post Rosæ obitum perrexerunt eiusdem Apostoli recurrentes Vigilias spontaneo celebrare ieiunio, nec aliam norant piæ consuetudinis rationem dare, quàm quòd sic à Rosa fuerant instituti. Mirabatur curiosa Mater, quid filiæ tam peculiare cum Sancto Bartolomæo verteretur, donec tandem audiuit à Virgine, hunc sibi diem aliquando fore nuptialem, quo ad Sponsi thalamum esset euocanda.

Adhuc

Adhuc mortalitati Virginis supererat circiter triennium, quando ex graui morbo decubua videbatur omnibus iam vitæ marginem extremum attigisse; nemo dubitabat intra pauculos dies è viuis abituram: domestici velut iam mortuam plangebant, cum subinde num adhuc spiraret ambigerent. Adstitit inter alios Confessarius P. Magister Fr. *Ludovicus de Bilbao*, cœpitque voce lachrymosa affari Virginem ijs formulis quibus ad postremum agonem sollicitius animari solent moribundi. Audiebat quietè & auidè Patris spiritualis vltima solatia gemens Rosa, illiusque hortatui promptè se accomodans nunc contritionis actûs feruentissimos, nunc humillimæ resignationis tranquilla suspiria, nunc anghela supernæ Patriæ desideria facili conatu frequentabat. Verùm vt vidit circumstantes velut re perditâ liberius singultire, ipsumque Confessarium lachrymas tenere non posse, cohibere nec ipsa potuit roseum commiserationis affectum, vtque cōsolaretur ceteros, ita allocuta est Patrem: deponere metum, abige intempestiuum mœrorem, ac certus esto, me nequaquam ex hac licet tuo omniumque iudicio complo-rata ægritudine morituram. Heu! longiùs abest meta ad quam propero; attingam demum, sed non modò. Quòd si nunc morerer, bis mihi moriendum foret, nam qui vltimò lethum mihi allaturus est dies, procul distat, nec opinandum; hanc Sponsi voluntatem esse, vt bis moriar. Mirabatur Confessarius hæc tanta cum securitate ac fiducia proferri à Virgine, quam sciebat nec temerè loqui solitam, nec in re tanq̃ abdita quidquam asseueraturam, nisi diem sui transitûs diuina reuelatione compertum habuisset.

Annũ denique suæ ætatis trigessimum-primum Rosa attigit, quem minimè se finituram dudum prænouerat. Vnde quatuor ante obitum mensibus valens ac sana Gū-dalupi uxorem sic allocuta est: scito Mater, me quarto

ab hinc mense viam vniuersæ carnis certò ingressuram. Vltimæ infirmitatis meæ dolores qui me conficient atrocissimi erunt, sed omnium erit inmanissimum tormentum sitis, cui vt tunc subuenias, ex nunc obnixè & anxie te precor. Memento ne mihi torridis faucibus aridisque visceribus tua materna viscera imploraturæ lympham deneges qua indigebo. Pollicere hodie Mater, quòd in illo mortifero extremæ sitis incēdio me non desitues, quia poscenti aquam præbeas. Attonita his dictis Matrōna, & Virginem attentè intuīta, vt vidit tam seriò cernuēq; supplicem, promissit fide bona, se poscenti daturam quoties & quantum aquæ foret petitura. Interim dolebat tam prope imminere decretorium Rosæ diem.

Porro & locum (: sed integro anno ante ) eidem Matrōnæ prædixerat: nam quodam vespere inter spiritualia colloquia subitò præter morem, interpellans Rosā vultu amœnissimo, modestisque latitiæ signis diducto in hæc verba erupit: scito Mater, me non alibi quæra hic in domo tua & hoc loco naturæ debitum soluturam, & si videris me in parentum meorum ædibus vltima ægritudine corripī, non ambigas, hic non illic soluar mortalitatis nodo. Nunc ergo per omnia nostræ amicitiae iura te obtestor, ne quando hic expirauero corpusculum meum alijs fœminis committas vestiendum, feretroque aptandum, soli tibi ac genitrici meæ hanc curam pro amore Dei assumito, vobis solis vltimum hoc pietatis in me officium supplex commendo.

In celebri arcuum visione (de qua supra Cap. XVII.) pius Saluator tempestiuè corā fulgido innumerabilium Angelorum exercitu reuelauit Virgini totam seriem immanium dolorum quibus vltimò lancinanda ac præparanda erat ad beatam immortalitatem; hos tam acutos, sauos, multiplices fore, vt ceteri quos illa tenus pertulerat istis collati vix nomen doloris mereantur, singula

exhausti sui corpusculi membra proprium habitura equuleum, ut nullum alteri aut succurrere possit aut cruciatum naturali consensu partiri; sitim eandem quæ in Cruce exanguem forsit Redemptorem arida Rosæ viscera faccesque occupaturam, intimas ossium medullas ardore intolerabili depascendas; nec ullum ex tot simul atrocibus morbis solitum naturæ ordinem, periodum, leges, aut interualla admissurum; eò quod præternaturalis futura sit tot mortalium tormentorum rex congeries. Rosa ne tantæ amaritudinis calicem expauesceret in Sacello Rosarii velut in horto Gethsemani sese tum voluntati Patris æterni, tum adiutorio Virginis-Matris ardentè commendauit, quando annuente Deipara ibidem apertius didicisse prope adesse diem, quo totum hoc mortiferi promulsuarii absinthium sibi strenuè sit epotandum. Superuenit fortuito *Ioannes de Tinea Almanza* familiaris, qui Virginem obiter salutans eius se precibus commendabat. Vicissim Rosa flammante vultu (quem feruor illud Deiparæ colloquium vehementer accenderat) precum subiecta ab illo flagitauit perplexè aliqua interserens; quæ Ioanni sat erant, ut intelligeret, tunc Rosæ præcisum vicini obitus sui diem fuisse reuelatum.

Denique triduo ante fatalem postremæ ægitudinis syncopem Rosa ultimò adijce parentum ædes; fortè clam valedictura suæ ibidem hortensi cellulæ tot secum celestium deliciarum conscia. Illic se Virgo solitariam ac sine arbitris putans cygnos exorsa est modolos, suæque morti iam propinquæ dulciter præcantillauit. Observabat insciam è vicino angulo Mater, audistque filiam arguto fluidorum rhythmorum iubilo blandientem Sancto Patri suo *Dominico*, cui impensè cōmendabat Mariam de Oliua Matrem suam, crebrò inculcans ac repetens; hanc breuè (se moriente) mansuram solam; proinde huic orbi ac derelictæ suam è Coelo impenderet tutelam, quam

tandem adoptaturus esset in filiam . Percelluit Matrem ,  
 arcanus horror , & tunc quidem dissimulauit , fortè sub-  
 dubitans non admodum seria esse , quæ metricè ac per  
 cantilenam efferuntur non quia vera , sed quia obuia : do-  
 nec tertius dies ( qui mensis Augusti primus erat ) ape-  
 ruit non poëticè sed propheticè cantatos fuisse migraturi  
 oloris thrænos , nî mauelis dicere iubilos .

Calendis Augusti Rosa sub vesperam sana ac vegeta ,  
 suo sese cubiculo incluserat , exspectatura illic promissos  
 vltimi sui accubitûs dolores , quorum anteambulones ac  
 strategos sentire iam cœperat . Et ecce sub noctis medium  
 auditur miserrimè eiulare . Accurrit Quæstoris vxor cum  
 filiabus & ancillis , inueniuntque ægram toto corpusculo  
 extensam per solum ; rigeant membra sine motu , sola  
 pectoris anhela palpitatio & languidæ vocis querula rau-  
 cedo Virgini scintillam vitæ inesse arguebant . Instabat  
 anxia Matrona , interrogabat , vbi quid potissimùm dole-  
 ret , quid demum haberet mali , sed Rosa præ tenuitate  
 spiritus tunc respondere aliud non potuit , nisi quod ver-  
 bis intercisis diceret : malum quidem se nullum habere ,  
 at ipsissimam mortem in intimis viscerum suorum pene-  
 tralibus liberrimè dominari . Interrogata , velitne aduo-  
 cari Medicum ? *Celestem* respondit , & obtulit . E terra  
 interim sublata in lectulum nec mouere se poterat nec  
 quiescere , frigidus sudor stagnabat in pallida fronte , lu-  
 ctabatur velut ingenti mole pressa spirandi facultas , dis-  
 cordes artericarû temporumq; pulsûs certabant de palma  
 vehementia , & incertis interuallis nûc tumor nunc tre-  
 mor exangue corpusculû oberrabant . Tantû in hoc Vir-  
 gini bene erat , cum subinde libero suspirio IESV nomen  
 tenerimè Pronunciabat . Manè factò acciti Confessarij  
 infirmæ adstiterunt , mirantes viuum illud ac taciturnum  
 omnium dolorum simulachrum . Adfuere & Medici , sta-  
 timque explorata vi pugnantium morborum hærebant in

mutua

mutuo intuitu marcidis, fatentes acervum tot cruciatuum  
omni humana patientia superiorem videri, neque dolores  
illos omnino naturales esse, altiores hic sentire paroxys-  
mos quos artis suae experientia nondum agnouerat. Mi-  
mirum hic ille calix erat quem Sponsus biberat, quem  
Sponsa miscuerat, ac tam diu ante praemonstrant.

Confessariorum vnus rogauit Virginem, saltim Me-  
dico exponeret quid sentiret, cunctantem adigit impetio,  
credens ab humili modestia non à tormentorum excessu  
prouenire silentium. Audito præcepto mox obedientia,  
doloribus robustior fuit, & quamquam Rosa creberrimis  
experimentis omnium penè morborum nomina didice-  
rat, hunc tamen (si yποτε peregrinum) nonnisi per simi-  
litudinum periphrases, explicare valens ita respondit:  
scio me commēuisse quæ patior, at nesciebam tantum  
poenarum in corpus humanum cadere ac per singulos ar-  
tus distribui posse; videtur candentis ferri globus mihi per  
tempora adigi, & à summo vertice vsq; ad infimam plan-  
tam dextri pedis ignitum veru transmitti, cuius me vehе-  
mentia quodammodo in altum attollit: simili ardore  
transuerlim à sinistro latere per meditullium cordis igni-  
tus pugio me peruadit, (obseruet lector in hoc duplici  
ac decussato ardoris tormento Crucis formam exprimi)  
caput meum candenti galeæ videtur inclusum, illic sine  
intermissione validis puncturis ceu malleorum ictibus vn-  
dique contunditur; ossa mihi sensim resoluuntur in pul-  
uerem, medullæ instar cinerum aruerunt, singulas iun-  
cturas singuli obsident cruciatus quibus nec nomen, neq;  
tormentum cui eos comparem inuenio. His quidem ad  
extrema paulatim me deduci comperio, sed quia dolo-  
rum meorum intensiori accessura est certa in plusculos  
dies extensio, simul efflictim compatio labori ac mole-  
stia qua domum istam diutius quam vellem oneraturus  
sum. Cetera consummet in me Dominus torum quod



collibitum est sacrosanctæ voluntati suæ, ego neq; mortem nec morte diriora supplicia hæc recusabo.

Auxere hi sermones vertiginem Medicorum, fluctuabant in mutuo aspectu confusi, perplexi, attoniti, nam hinc notissima Rosæ virtus & sanctitas non sinebat quæquam de dictorum suorum veritate ambigere, inde aberant indicia quæ lethalis morbi suspicionem confirmarent, cum nec febrile quidquam pulsaret in venis, nec insolita tot simul alterationum vicissitudo ullum foras emitteret critirion alicuius morbi quem schola Aesculapij nosset. Ceterum Virgo clam suo Confessario P. Magistro de Lorenzana aperuit, frustra Medicos in exploranda huius morbi specie laborare, cum totus præternaturam esset, ac a foris immixtus via multiplici vndequaq; à peripheria ad centrum tederet, multisq; occurribus alij alios paroxysmi summa affectionum varietate interfecerent, proinde non alia hic quam immedicabilis Iobi patientia sibi opus fore, ut quoquo modo singulos Crucifixi Sponsi sui dolores membratim experiretur. Ergo rogauit obnixè Gundisalui coniugem, sibi permitterent saltem per aliquot dies sic iacere absque humano alloquio, fortè ut sub solitario hoc silentio quietius intimos & inexplicabiles suos dolores intingeret ultimis doloribus crucifixi Amoris, cui se membratim confixam in Cruce sentiebat. Verùm interrupte qualemcumque istam crucis quietem superueniens Rosæ Mater, quæ iatromissa ingenti suo terrore infirmiorē reperit filiam quàm sibi fuerat nunciatum; itaque moleste & anxie urgebat ægram, diceret qua parte grauius doleret. Breuiter respondit filia, omni ex parte sibi male esse, hoc solo dempto quod verè hi crucis dolores sunt. Sed neutiquam hoc responso contenta Mater, ac fortè persuasa ex taciturnitate patientis filie retardari opem medicinæ, voluit exponi sibi minutim singula, videntque luctati infirmam, ed quod nesciret vnde

vnde incipiendum aut quæ nomina danda morbo tam anonymo ac præternaturali, imperiosius per virtutem sanctæ Obedientiæ adstrinxit filiam eloqui secreta quæ non nouerat. Rosa memor nullibi quàm in Cruce ampliore obedientiæ patere locum, ab ipsa mutuauit loquendi vires & spiritum, perque eadem similitudinum compendia (: siquidem aptius non poterat) explicuit Matri, se velut oblongo ignito iaculo à vertice vsque ad calcaneum transuerberari miris ardoribus, quibus totum sinistrum latus videbatur eleuari, simillimo torrese, transversim penetrari à latere ad latus, hac vstulatione sibi ossa incinerari, (: nimirum Crucis holocaustum erat) medullas ac tendines frustillatim candenti forcipe euelli, passim per fibras oberrare acutissimum gelu, ipsâque tot flammularum antiperistasi sauius irritari, mandibularum cardines tamquam filo chalybæo arctissimè strictos ad opipem otis motum luxari à iunctura, aures & tempora velut ingestio candenti orbiculo dispendium torrori, os & fauces interioribus hiantibus plagis cruentè vlcerari, guttur cum tonsillis instar pumicis emarcuisse præ ariditate ac siti, (: & quidni in cruce audiatur *Sisier*?) craniū velut in eodem ictibus creberrimis ac lacertosis affatim contūdi, nec vllum ex omnibus his supplicijs vel ad momentum interquiescere. Hæc sunt (: inquit) Mater mea dulcissima, quæ tibi utcumque adumbrare potui, vno obedientem, cetera ne ruditer quidem possum, nec si possem, caperes. Fleuit turbata Mater, hoc maximè plorans quòd præter lachrymas non habebat quo filix dolores inungeret. Sed Virgo pietate faucibus conabatur hæc inuiles afflicte Matris lachrymas sistere, rogans cohiberi fletum, quasi Sponsi verbis diceret *Nolite flere super me.*

Illuxit interea sextus Augusti dies, Christi Transfigurationi sacer, at Rosam is non in Thabor sed in Caluarie

riæ monte inuēnit, fortiùsque defixit. Videbantur intus  
 Virginis dolores aduocasse in suum adiutorium reliquam  
 naturalium morborum cohortem, ne aut vllum poena-  
 rum genus tantæ patientiæ deesset, aut vlteriùs ambigete-  
 tur infirmitatem Rosæ lethalem esse. Præea ad hoc festum  
 accita comparuit lateris sinistri paralytis, qua totius cor-  
 poris læua pars à summo deorsum eneruata in lethalem  
 stuporē distabuit, vt inde inciperet Rosa per partes emori.  
 Sola lingua singulari Dei beneficio intacta ad pietatis  
 vsum viguit vsque ad extremum halitum, reliqua ex eo la-  
 tere membra sic obtorpuere vt nunquam ad officium re-  
 dierint, quidquid demum vnguementorum, defricationum,  
 fomentum magis ad cumulandam molestiam quàm ad  
 conciliandum leuamen impenderetur. Ex solo pondere  
 sentiebat ægra, adhuc se brachium pedemque alterum  
 habere, ceterà, siue erigenda tantisper in lectulo, siue  
 in alterum latus vertenda manibus egebat alienis, plus  
 condolens aliorum incommodo quàm dolens ex proprio.  
 Succedere aut potiùs accedere paralyti varia minoris no-  
 tæ symptomata; verùm 17. Augusti inflammata vtrinque  
 costarum membrana notabilem adiunxit pleuritidem,  
 huic se paulatim adsociavit raucum angustæ pectoris asti-  
 lina, vt ardores qui intus velut in clibano assabant visce-  
 rum reliquias, non sine nouo cruciatiu leuamen admit-  
 terent rari suspitij. Pleuritidem auxit ischiadum acerbis-  
 dolor, cholica, hypochondriarum dira conuulsio, accen-  
 sa in pede dextro nodosa arthritidis; denique continuæ fe-  
 bris caustica intemperies reliquorum morborum confu-  
 dit distinctionem, tamque potenti, variâ, & concumula-  
 ta vredine opus fuit, vt vnica hæc Rosa fatali demum  
 materiori succumberet; mirum, non succubuisse citiùs,  
 at gloriosissimum martyrij genus est lentè, imò articu-  
 latim mori.

Alternatos tot dolorum ac morborum cumulos esti-  
 mabat,

habat, acceptabat resignato animo serena, & constans Rosa, velut manu Christi admenso sibi ex illa mirabili statera, quam in visione Arcuum attentissimè obseruarat, secuta tantis afflictionibus successuros totidem cumulos gratiarum, nempe *eternum illud gloria pondus*, de quo Apostolus 2. Corin. 4. cui nomen *Gratia consummata*. Hinc illa inter acerbissimos cruciatus placida ac suavis animæ quies, hinc illud fiduciæ ac spei infractum robur, quod multos, ac præcipuè spirituales suos Patres abripuit in stuporem, hinc illa festiua & blanda cum Dilecto soliloquia, *Domine plus, plus: imple adorandum & sanctum beneplacitum iustissima voluntatis tuae, imple votinam, superaccumula doloribus dolores, ac memento simul augere meam patientiam*. Suspirabat interdum, at sine gemitu: *Domine in adiutorium meum intende, nam sine illo nil possum*. Subinde cum laterum dolore urgebatur ad sanguinis vomitum, familiari idiomatis sui rythmo alloquebatur Sponsum, *Domine, tantum ne in ira corripias me, nec arguas in furore, dum vis quod mea crimina desergam hoc cruore*. Audita est aliquando Crucifixum quem iugiter gestabat inter amplexus, dulci teneritudine sic affari: *mi Iesu, quando à te poscebam dolores, credebam illos mihi mittendos quibus à prima inuentante me exercuisti, ac nunc aliter tibi visum est, benedicta sit abundantia tam copiosa misericordiae tuae*. Cuidam ob rigidos paralytis stupores sibi familiariter compatiens mira vultus animique serenitate respondit: aliquando se tractasse cum Deo, de adoptando mendico puerulo, quem ipsa edu caret in spem. Euangelij inter barbaros propagandi (vt supra Cap. XXIII. narratum est) verum nunc binos sibi datos esse, quorum vnum sinistro genu, alterum laevo brachio exceperat portandum ac nutriendum. Hoc penè ioco indigebat molem emortui genu & brachij, quibus grauiori pondere sua paralytis infederat.

Paulatim subuerebatur (: nec sine causa) Virgo sapiens, ne tot simul morborum continuâ & atrox violentia sibi rationis usum eriperet, totamque cerebri temperiem dissiparet; maximè ubi tot dies noctesque planè insomnes, tot motuum vicissitudines, tanta occipitis inflammatio, ac temporum inquietudo certam ferè caliginem ac iudicij eclypsim minabatur. Itaque humilis Rosa voce tremula flebilique supplex obsecrauit domesticos, secum rogarent Deum, ut ex ea dumtaxat parte mitigaret vim morborum qua menti liberoque usui rationis nocere poterant. Respexit humilitatem ancillulæ suæ Divina pietas, illique integrum expediti iudicij & linguæ vigorem peculiari prodigio inter assidua exhausti cerebri deliquia immunem servavit usque ad extremum halitum. Attamen sæpè inter hos angores Virginem ab usu exteriorum sensuum abduxit vel morbi vehemètia vel contemplationum excessus, adeo ut somno leniter sopita putaretur, unde nonnullis etiam de infirmæ salute paulò meliùs sperare collibuit, quòd eam crederent paucillum dormivisse. Præ ceteris sollicita Mater laborabat persuadere filix, hæc reditura valetudinis signa esse. Verùm subridens, morique certa Virgo replicuit, nil minùs quàm soporem fuisse quod viderant, nec tales esse cruciatus suos, qui aut vnici momenti starent inducijs, aut cum somno possint vel tantillam inire societatem; proinde non dubitarent brevi se consummandam iri, ac prius amarum hunc passionis suæ calicem amore Sponsi ad imum usque fundum sibi exhauriendum fore.

X Crucis archipincerna sitis immanissimè Rosam torquebat imò torrebat in dies vehementius; itaque in Gundi-salvi conjugem obtutu miserabili, cernuo; lachrymoso; frequenter, languidè, dolorosè respiciens orabat supplex, tantillum aquæ ad refrigerium sibi porrigi, fel (: cui pridem assueverat) cum aceto iam in delicijs reputatûra, si

impetrari potuisset. Matrona quàmuis commiseratione  
 efflicta faucibus negabat id sibi per Medicos licere. Ur-  
 gebat Rosa, meminisset datæ fidei, qua quarto ab-hinc  
 mense promiserat valenti ac sanæ, quantum aquæ in vl-  
 timæ ægritudine flagitaret, se promptè daturam. At ex-  
 cusabat illa, se iam promissum implere non posse. Vnde  
 Virgini cruciabiliter arescenti vnum id superfuit, cum  
 moriente Sponso clamare: *Sitis*.

## CAPVT XXIX.

Rosæ marcor extremus, suauè  
 deliquium, & mors pre-  
 tiosa.

**A**Dfuit demum acceptabile tempus, quo Rosa non  
 tam Sirij, quàm sitis ardoribus exsucca, dolorum  
 spinas cum vita exueret in Sponsi Paradiso amoenius re-  
 nascitura. Lethalia decumbentis signa dissimulari iam  
 non poterant, erantque Virgini acceptissima, quòd his  
 quasi fideiussoribus liberior sibi concedebatur campus  
 submota corporis curâ tractandi de sola anima. Igitur  
 crebrius accitis Confessarijs tenerimam conscientiam  
 exomologesi pluries iterata quàm-diligentissimè expia-  
 uit, semel quidem generaliter de tota vita sua, deinde  
 frequentius at breuius, semper tamen cum sonoro pœni-  
 tudinis intimæ singultu & lachrymis se accusans, ita quòd  
 procul auditi gemitus non paucos compunxerint, miran-  
 tes Virginem in summis corpusculi tormentis adeo ge-



mendi paream nunc in leuissimis animi morbis enarrandis  
tam amarè altùmque ingemiscere.

Posthæc triduo ante felicem transitum complicatis in  
supplicandi ritum manibus, voce flebili Diuinum Viati-  
cum, extremamque Vnctionem petijt. Vt audiuit, epu-  
lum Eucharisticum sibi adferri, viuido colore suffusa co-  
ruscantis aurore instar gratiosè rubuit, mox gaudio suo  
impar in altissimam extasim dirigit, attonitis quotquot  
aderant, quòd nihilominus aptè expediteque responde-  
ret Sacerdoti qui de more Sacratissimam Hostiam manu  
tenens interrogabat quæ sub illò articulo solent interro-  
gari. Suscepto Diuino Sacramento pallida & exanguis  
nullo vel minimo labiorum motu sic fixa hæsit, vt diu in-  
ter adstantes dubitatum fuerit, num Sacram Hostiam  
in stomachum transmisisset: denique P. Magister de Lo-  
renzana, metuens ne fortè Virgo tam aridis morboque  
adstrictis faucibus glutire non posset, quæsiuit sollicitè  
quo statu res esset. Rosa ad Confessarij vocem repente  
sibi reddita respondit, iam Hostiam sacrosanctam per gut-  
tur ad intima descendisse. At ipse memor admirabilium  
effectuum quos instar solis operari solebat in Virgine  
hoc viuificum Sacramentum, (vt fatentem ipsam retu-  
limus supra Cap. XXII.) breuissimè illam hortatus est,  
frueretur nunc Sole suo. Appositè; nam vno eodemque  
die in Zodiaco Sol mensis Augusti ex Leone transibat in  
Virginem, & Sol Eucharisticus verè Augustus vltimò Vir-  
ginem Rosam virgineo suo corpore adimplebat. Certè &  
hæc Virgo inter morbum & mortem velat inter Leonem  
& Libram media erat, nam ille quasi Leo sic contriuerat  
omnia ossa eius, hæc æternum gloria pondus appendebat  
Virgini in statera, de qua Cap. XVII: sed ad alia.

Quàm immobilis riguit dum sacrum Viaticum sume-  
bat in extasi, tam alacri omnium sensuum officio Extre-  
mam Vnctionem moribunda excepit, verè oleum lætitiæ,

quo

quo sese potius ad triumphum quam ad agonis conflictum sensit animari, utpote salutis adeo iam certa quod insuper nosset absque Purgatorii ignis contactu se recto itinere ad Sponsi nuptias profecturam. Sæpius coram adstantibus voce quantum potuit elata & clara orthodoxæ Fidei professionem replicuit, non sine iubilo ac pene addito cygnæo cantu protestans, se vti hætenus vixerat ita iam mori filiam Sanctæ Romanæ & vniuersalis Ecclesiæ, se credidisse semper & credere quidquid credendum proponit ac docet Magistra fidelium Apostolica Sedes, numquam se (: dum sui compos sit) ab huius fidei solidissima firmitate recessuram. Proxima huic cura fuit, se palam ac deuotè S. P. sui Dominici sobolem profiteri, vnde candidum sui Ordinis interfigne quod *Scapulare* dicimus, foris super stragulas coram se continuò & patulè extensum videre ac videri voluit, tamquam proprium, religiøsæ militiæ vexillum, sub quo meruerat vsque ad extremum spiritum, estque hæc vestis illa, qua Virgo-Mater nascentem Fratrum Predicatorum Ordinem cœrpa nris infantiæ suismet manibus inuoluerat. Porro gauisa est Rosa, cum à P. Lorenzana suo Confessario quod nunquam sciuerat tunc primùm didicit hunc perpetuum in Ordine morem esse, quòd moribundis Religiosis illo modo sacrum Scapulare insternatur. Hinc Rosa morituræ teneriùs suum osculabatur scapulare, quo quasi *viā salutis* sibi signari ad sedes empyreas sentiebat.

Inuiserat Rosam morti vicinam P. F. Bartolomæus Matinez Prior Limensis Cœnobij ad Sanctæ Mariæ Magdalensæ, vir admodum religiosus & Dominicanæ ibidem Obseruantię vigil zelotes, cui per quinquennium Virgo conscientię suæ latebras solita fuerat aperire. Ab hoc ægra humillimis precibus flagitauit sibi verbatim prælegi formulam exquisitissimam summęque efficacem, quā moribunda veniam à Deo exoraret pro omnibus, qui Rosam

sam in totius vite suæ decursu molestijs, damnis, vlloue genere iniuriarum affecerant. Annuit pius Pater, illiusq; præeuntis verba sequebatur Virgo Crucifixi iconem manu stringens, nec satiari poterat his verbis tenerrimis: *Pater ignosce illis*. His illanguibat tota affectuum dulcedine, horum repetitione inardescibat medullitus, nec fatigabatur orationis prolixitate, modò in eadem verba sæpius recurreret. Expleto hoc pietatis officio blandè ac suauiter Patri gratias egit, quòd in opere tam pretioso ac serio aptam sibi methodum viamque recitando præiebat, qua vtcumque imitaretur Diuinum in Cruce Agnù pro suis aduersarijs extremè deprecantem. Hinc iam se reflexa domesticos Gundisalui Quæstoris acciri demissè petijt, & quamquam ex his neminem verbulo aut minimo vmquam nutu offendisset, à singulis & omnibus voce lachrymosa ac supplici orauit sibi condonari, si qua in re vlli nocuerat siue incòposito morum exemplo, siue tarditate obsequiorum, aut tetrica singularitatis molestia; dolebat se ipsis adhuc ferè per biduum oneri fore, rogabatque ne prope terminum amittere velint longanimitatis suæ fructum, ac patientiæ meritum, haud procul abesse horam quæ domũ Gundisalui à foetidæ Rosæ longo fastidio inutilique pondere liberaret. Nemo aderat, cui tantæ humilitatis verba lachrymas non excuterent, nam vt tenerrimè Rosam suam diligerent, sat fuerat singulis ipsam nouisse, eiusque sanctitatem, innocentiam, animi demissionem, candorem, & obsequendi affectum tantis experimentis comprobasse.

Sciebat Quæstor, Virgini (sicut prout sub Dominicani Ordinis habitu atque Obedientia vixerat) in votis esse, non alibi quàm ad Fratrum suorum pedes sepeliri, at metuebat vir prudens, ne fortè post Rosæ obitum de condendo tantæ funeris thesauro lites inter Parochiam & sancti Dominici Conuentum exurgerent, nec tamen audebat

humillimæ Virgini honorificum illud periculum aperire. Tandem ingenioso consilio suggessit Virgini, quòd legitimum obtinendæ apud FF. Prædicatores sepulturæ desiderium potiùs mendicando quàm testando notificaret per scripturam in hunc vsum à Gundisaluo iam præparatam. Facile consensit ac subscripsit Rosa, existimans agi de solo humilitatis exercitio, eumque Ordinis sui morem esse. Aliàs de corporis sui aut cura aut loculo ne quidem cogitabat, intenta soli spiritui, adeo vt familiares Matronarum visitationes difficiliùs quàm noua dolorum auctaria admitteret, siquidem vt illas tanquam onerosas ac superfluas honesta sæpius excusatione rogabat impediri, ita hæc magis magisque gaudebat cumulari. Hinc inter acutissimos ischiadum cruciatus vox illa frequens: *vire, preme, stringe Domine, ne parcas, quantumcumque pungas aut vellices, pro meo demerito parum est*: Notarunt plerique in Virgine, iisdem gradibus quibus debile corpusculum fatiscebat in mortem, attolli spiritum in vigorem & securam hilaritatem, adeo vt penè horaria lætitiæ incrementa nec voce nec vultu satis potuerit dissimulare, velut protestans cum Apostolo, *cum infirmor tunc fortior sum*. Quidam vir Religiosus diris eius torminibus compatiens hortabatur pati fortiter, terminum iam in prospectu esse, hoc æstu animam feliciter purgari à cruditate vt Sponsi palatum æternum obletaret. Respondit Virgo: at hoc ipsum est quod Sponsum rogo, ne cesset me exquisitis ardoribus excoquere, donec ei maturescam in fructum qui rectà hinc mensæ ipsius inferri mereatur.

Sub vitæ finem crebriora Virgini fuere dulcissimorum raptuum interualla quibus paratæ cælestis gloriæ saporibus summis labijs prælibabat. Paucis anteobitum horis ab eiusmodi pinguisti in se rediens ac suis gaudijs impar P. Fr. *Francisco Niceto* cum alijs iuxta ibidem vigilanti ingenuè ac secretò dixit: proh! Pater, si residuæ  
vitæ

vitz meæ breuitas id permetteret, quàm excelsa, quàm pretiosa, iucunda, eximia tibi de Dei suauitate, de læta ipsius Curia, de regione æternitatis narranda haberem. ¶ Vado nunc cum tripudio ad perenniter contuendam pulcherrimam illam faciem, quam toto peregrinationis meæ exilio quæsiui, toto desideriorum æstu concupiui. Aderat morienti filiz afflicta mater, aberat Pater, quem lecto decubuum propria infirmitas continebat domi attamen rogatu Virginis, quæ vltimam vtriusque parentis benedictionem expectabat ad Gundisalui ædes portari se fecit. Hic ad primum conspectum attenuatæ & exanguis filiz itum in singultus & lachrymas, nec ulli circumstantium ea fuit pectoris durities quam ista lugubris spectaculi teneritudo non emolliret in plorandi societatem. Interea, fletuum nimbo vtrumque discusso Rosa placidè summaque reuerentia Parentis manum deosculata est, simul blandè ac imperturbatè exposuit, sibi nunc modicissimam vitæ quam parens dederat partem superesse, in huius extrema linea sese amborum benedictionem supplici demissione præstolari. Hanc ubi obtinuit, pari obseruantia, in Gundisalum eiusque uxorem respiciens, quandoquidem & hos vti secundos parentes coluerat, pariter ipsorum benedictione voluit ad arduum illud iter communi-ri. Deinde propiùs accitis qui aderant duobus suis germanis fratribus seriam, grauem, ac sententiosam parænesim dixit, ac inter alia sollicitam parentum curam, honorem, obsequium efficacissimè commendauit; quasi ad Crucifixi Sponsi exemplum dixisset: *Ecce mater tua*. His expeditis aduocauit ambas Quæstoris filiolas quas ob innocentiam rectamque indolem impensè amauerat, his energia mirabili inculcabat timorem Dei, virtutis studium, amorem parentum, quibus satagerent tranquillam & lætam conciliare senectutem. Nec minori emphasi reliquos per ordinem domesticos affata est, quemque decenter admo-

admonens officij & christianæ pietatis; videbatur non  
fœmina sed Apostolus prædicare.

Tantus in Rosa concionandi spiritus ac vigor P. Magistro de Lorenzana Confessario persuaserat, ipsam ~~ca~~  
saltem nocte haud morituram. Nox erat, & sancti Barto-  
lomæi peruigilium, vnde Confessarius solemnibus Matuti-  
narum officio domi interfuturus parabat discedere ad  
cœnobium, postridie rediturus. At Virgo sciens non in-  
tegras quatuor horas sibi tunc superesse, postremam ab  
eo benedictionem enixè flagitauit quasi paulò post ad  
Dominum migratura. Sed respondente illo commodius  
hanc differri posse in crastinum, tempus non defore, sat  
tempestiuè se postero manè adfuturum, Rosa grauiter  
modestèque arridens subiecit: scito mi Pater, hac nocte  
cum incunte sancti Bartolomæi festo me abituram ad fe-  
sta sempiterna, iam cœlitus inuitata sum ad splendidum  
illud ac solemne conuiuium, iam præfixa est hora, & non  
vis quòd vadam dum patent fores? Hæc vultu tam sere-  
no ac gratioso; tranquillitate tam secunda & hilari profe-  
rebat, quasi iam in Paradisi vestibulo expectaret cum  
lampade, dum *media nocte clamor fieret: ecce Sponsus  
venit.*

Et reuera ubi medium noctis adfuit, Rosa hoc sese cla-  
more sensit accersiri, candelam benedictam placidissimo  
nutu petijt, crucis signaculo velut rem magnam aggressa,  
frontem, os, pectus communiit, germano fratri  
quid ageretur adhuc dubitanti innuit se migrare, iussitq;  
cervical subtrahi, vt capite ad nudum lecticæ lignum ac-  
clinato sentiret in cruce se mori: denique sensibus planè  
integris, pleno iudicio, fixis in cœlum oculis, nullo vel  
minimo pauoris aut horroris signo in facie, dum postre-  
ma hæc verba pronunciabat: *Iesus, Iesus, Iesus mecum sit,*  
quietissimè expirauit. N: mirum vt Rosa infans ab his  
verbis auspicata fuerat primam orandi formulam, ita his-



ipsis immortalia quasi tessera suæ innocentiae ac infantilis simplicitatis ad Limen supernae patriæ inuariatam reportauit, anni sui trigesimi secundi quinto mense vix inchoato.

Eodem festiuae noctis diluculo *Aloysia de Serrano* procul in adibus parentum matutino somno implicita rescivit deposuisse tunc Rosam cum S. Bartolomæo mortalitatis exuias. Inter vtramque pactum fuerat, quod quæ prima ex hac luce migraret, Deo permittente alteram sui transitus admoneret. Stetit promissis Rosa, & illamet nocte in forma corusci luminis Aloysiâ suauiter excitans sese ad lucis regionem tunc perrexisse indicauit. Verum de luminosis Rosæ post obitum apparitionibus sermo copiosior Mantissæ reseruetur. Redeundum hic ad virgineum Rosæ cadauer, quod respirare credebatur quando spirare desierat. Viuidus faciei color, labella rubentia modicèque velut in suauem risum diducta, oculi integri lucidaque amoenitate subfulgidi diu ambiguam reddidere præsentibus Rosæ mortem, donec adhibito speculo nullum in ea superesse halitum innotuit. Apud Rosam ut vltimus sic primus hic speculi vsus fuit.

Dum vestitur tractabile cadauer, dum aptatur in feretro, dum floribus inspersum effertur in anterieus conclauem spectante Matre, ingerebatur vniuersis luctuosa plangendi licentia, nec tamen vlli præsentium libuit plangibus indulgere, siquidem repentino prodigio sic omnes peruasit arcanus quidam lætitiæ sensus, ut tota domus insperatâ metamorphosî deuotis turgere solatijs, ac nuptiali propemodum gaudio innatare videretur. Matri quid acciderit, iam superius in fine Cap. III. relatam est. Idem reliquæ Gundisalui familiæ, idem extraneis quotquot aderant intimæ ac secretæ iucunditatis inhæsit stimulus. Vniuersim decem & nouem personæ ingenuæ præter domesticæ promiscui sexus mancipia Rosæ morientis lectulum

lum mœsto silentio ambierant, & ubi Virgo spiritum reddidit, singulae occulta quadam spiritûs suauitate à plâctu in plausum ultro se adigi compererunt. Vna præsentium vt viderat exspirantis Rosæ grabatum numerosa Angelorum corona circumdari, ita notauit iam circa defunctæ feretrum eosdem alternante concentu festiuissimè tripudiare. Eadem Quæstoris coniugi clam facta est, aulam peramplam in qua prostabat expositum Rosæ cadauer, vndiq; totam micuisse luminoso illapsu cælestis gloriæ, item iuratò asseruit, religiosæ cuidam personæ triduo ante, felicem Rosæ transitum à Christo fuisse reuelatum, Virginis mortem fore admirabilem & sepulturam gloriosam, insuper vetuisse ne Virginis funeri circumponantur panni atro colore lugubriter pullati, sed candidi, niuei, solemnes, quiq; non exequias indicent sed triumphum. Denique inualuit eòusque prodigiosa lætandi sympathia, quòd dum exspectabatur diei adradiantis diluculum, nonnullæ ibidem deuotæ foeminæ sacrorum hymnorum sonoro cantu per vices liberrimè se oblectarint, protestantes non lessò illic sed iubilo esse locum.

Illuxit demū clarior dies, & ecce Quæstoris palatium subito hominū concursu plenū fuit nemine vocante. Mirabantur domestici, vnde aut quo modo nūcium defunctæ & calentis adhuc Rosæ tota Vrbe diffūdi potuerit horā tam intēpestiua. Nec publici præcones, si viciatim emissi fora & compita stentoreis implessent clamoribus, primo mane tam densum collegissent populū, quantus ultro ex omni platea ad Gundisalui aedēs confluit, nulla humana diligentia excitus. Aduit inter primos vir grauissimus *P. de Lorenzana*, & in feretro similem dormiēti Rosam conspicatus vocem tenere non potuit, quin palā exclamaret: benedicti genitores qui te procrearūt, benedicta hora quæ te nascentem excepit, benedicta tu à Domino felicissimæ *Dominicæ* filia, quæ nunc frueris vultu beatifico tui Crea-

toris ; obijisti prout vixisti , baptismalem gratiam nulla  
 vmquam lethali noxa interpunctam , immaculatam totius  
 vitæ innocentiam , virginei candoris infantilem puritatem  
 intulisti cœlo , sequere sequere nunc Agnum quocumque  
 ierit . Interea circumfusi promiscuè nobiles , ignobiles ,  
 aduenæ , ciues , Indi , Hispani certatim Rosaria sancto cor-  
 pusculo applicuerunt , flosculos religiosæ iacentis vesti in-  
 stratos carptim vndique diripere , hic manum ille pedes  
 raptim deosculari studebat , nec deerant qui pio furto  
 hinc limbum tunicæ , inde veli extremitates paratis for-  
 ficibus modò clam mox palam inuaderent , vt breui stipa-  
 toribus opus fuerit contra rapacem deuotionem . Qui re-  
 motiùs substiterant , defixi hærebant in niueo & gratioso  
 Rosæ vultu , quem florida corona velique candor venu-  
 stissimè commendabat . Tentarant pluries familiares Ma-  
 tronæ adductis palpebris oculos defunctæ Virginis obte-  
 gere , sed frustra , nam sensim eò redibant vnde attractæ  
 fuerunt , solamque oculorum medietatem operiebant ,  
 quasi Limenes suos etiam post mortem Virgo pupillis  
 columbinis amaret dulciter intueri .

Creuit accurrentium multitudo & cum multitudine  
 importunitas , vt nec ostia domûs sat laxa paterent con-  
 fertim irruentibus , nec abituri exitum in tanta pressura  
 inuenirent . Omne atrium , ambulacra , angulos confusa  
 turba impleuerat , vt Gundisaluo necesse fuerit , posticum  
 suarum ædium aperire , quo per aliâ viam sese euoluerent  
 qui venturis locum cedebant . Aliquândiu remedium  
 istud profuit , donec etiam illa ex parte ingressum tentare  
 cœpit confusus spectaculi avidissimus , qui neque infi-  
 gnioribus personis intromittendis aut emittendis spatium  
 dabat . Igitur Peruani Regni Excellentissimus Prorex ar-  
 mata suæ custodiæ prætoriam cohortem eò celeriter de-  
 stinavit , portisque ædium adstare iussit , ne indigesta tot  
 agminum collisio exardesceret in tumultum . Mirata est

vnuerſa ciuitas, tantopere ſe totam ſponte commoueri ad cohonestandum funus pauperrimæ Virginis, obſcuro-  
rum parentum humilis filix, quæque dum vixit adeo ſeſe ab omnium oculis, notitia, plauſu occultarat; ſed imple-  
ri debuit, quod cælitus prædictum erat, fore ſepulturam  
illius glorioſam.

## C A P V T   X X X .

### Rosæ funebris conductus, exſe- quiæ, tumulus.

**T**Oti iam Limæ buccinante fama innotuerat, Rosæ ca-  
daver ſub veſperam Quæſtoris domo efferendum  
eſſe ad ſepulchrum, & ecce plateas, fora, vicos quâ tran-  
ſeundum, aliquot horis ante impleuerat eſuſa populi  
multitudo. Viæ pro dignitate Urbis ſpatioſæ & amplæ;  
à Quæſtoris domicilio uſque ad ſacram Aedem Prædica-  
torum mille circiter paſſuum iter erat, nec tamen ſat ca-  
piebant numeroſam plebem tempeſtiuè per omnia com-  
pita agglomeratam, quam nec præco, nec templorum  
excella tintinnabula, ſed ſola cuiuſque ſingularis deuotio  
inuitârat. Illuſtriſſimus Limæ Archiepiſcopus pro-  
dierat funebri pompæ honorem ſuæ præſentix imperti-  
turus, ſed uſque ad Gundisalui ædes per denſiſſimas ſpe-  
ctatorum myriades eluſtari diffidens, permeatu fruſtra,  
tentato maluit ad D. Dominici Templum deſceſcere, ibi-  
que virgineum funus ſub valuis exſpectare. Interim non  
ſecus atque ad publicam ſupplicationem longis agmini-  
bus diuerſiſq; vijs ad ædes Quæſtoris confluxere pia va-  
riorum titulorum Sodalitia, nemine aut iubente aut ro-  
gante

gante, vel stipendium offerente; Proceſſerunt & Religioſorum Mendicantium Ordines ſub diſtinctis Labaris; mox & Metropolitanum collegium ultro adfuit præter exſpectationem & morem, cum aliàs numquam (niſi dum eſſertur proprius Archiepiſcopus,) ſoleat humanis corporibus interuenire. Acceſſit demum ampliffima Senatorum Curia ad obſequium, quod vix alteri præterquam ſuis Proregibus vita functis præſtare conſuevit. Cæterorum qui eadem ſpontanea deuotione confluerant illuſtrium ex omni equeſtri ordine virorum ratio aut numerus in conſerta multitudine iniri non potuit; cunctiſque vnum fuit ſtuporis argumentum, illic ſe videre congregatos quò nullus conuocarat. Eadem Matronarum, cæterique ſcæminei ſexûs ambitioſa pietas, ac viſendi ardor: quæcumq; funebris proceſſio ducenda erat, vtrimque palatiorum ac domuum feneftras, pergulas, arcûs occuparant numeroſæ proſpectantium facies, vndequaque ex porticibus, muris, tranſiennis eminus venturo ſpectaculo inhiabant centeni milleni oculi, ipſa ædium tectæ leniter accubua ſub imbelli ac populosa omnis ætatis turba procul nigricabant. Tanti nimirum erat, obſcuri & vix noti militis pauperem filiam efferri ad ſepulturam. Certè nunquam aliàs ſic viſa eſt vniuerſa Lima commoueri.

Prodiit denique ſub veſperum è Gundifaſui laxatis foribus mortuale pretioſi pignoris feretrum, cui ſpontaneos humeros primum ſuppoſuit Capitulum Metropolitanum, eo honoris obſequio quod ſolis Archiepiſcopis vitæ functis præſtare ſolet. Inde poſt emenſam graui tardoque inceſſu primam plateam ventum ad quadriuium, vbi feretro depoſito ſucceſſit in piæ ſarcinæ baiulatum Senatus Curia Secularis. Poſt hunc deuotiſſimè ſuccollarunt primores Ordinum religioſorum, partientibus vices per vicos & terminos compitorum. Muniebant  
vtrin-

utrimque portantium latera Excellentissimi Proregis armati stipatores, tum ut per densam multitudinem vi & clamore laxarent vias, tum verò ut à deuota rapacitate populi reliquias poscentis protegerent virgineum cadauer, nam ut singuli velut in tumultu Rosam acclamabant *Sanctam*, ita violentiores ac valentiores passim inhiabant sandapilæ, auidi paratique inde decerpere quidquid possent, nî hastatorum bipennes quasi sepe obiecissent. Certè si cupidissimæ huic turbæ quod libuit licuisset, periculum erat ne sacri corpusculi pars modica aut nulla ad Templum perueniret. Nec tamen sub tam vigili ferreaque custodia caueri potuit, ne vbi ad Valuas Ecclesiæ ventum est, cadaueri partes vestium, corona, & palma deesse notarentur, ibidemque pro ablatis alia fuerint reponenda.

Dum in Templi limine ( quod Rosa adhuc mortalis tam sedulò triuerat ) mortua sistebatur, ad aspersiorem lustralis aquæ quibusdam videbatur noua hilarescere iucunditate virginea facies in niueo veli candore rosea, inque purissimi amictus nitida serenitate formosior, collo totoque corpore flexilis, ut penè exclamaretur: *non est mortua puella, sed dormis*. Illatam Sacello maiori excepit tumulus gradatim à pavimento eleuatus, at illustriori ostento ibidem Virgo Deipara videbatur excepisse Rosam suam, nam sub iis ferè motibus in alio Sacello prodigiosæ Imaginis cui à Rosario nomen est, repente splendidus vultus micuit spectantibus qui propius adstiterant vniuersis. Mox eò confluit torrens ingentis populi, & pauidi gaudioq; medius palam soluitur in lachrymas; inualefcit supplicum clamor, ut non defuerint qui suspicarentur Imaginem portentoso insuper sudore commaduiffe; sed re diligentius explorata compertum fuit non nisi meros splendores esse, at insolitos, festiuos, benignos, quibus Virgini ea ipsa Regina Virginum publice applau-



applaudebat. Sed redeundum ad Rosam in suo iam tumultu spectabiliorem, & reciproca accensi vultus suauitate renidentem, huc enim totus populi refluxus incumberebat, sed opportunè tumultum circumfoderant cœnobij Patres dignitate ac senio grauiore, tum ne thesaurus illius diriperetur, tum vt eidem decenti ordine admoherent debiles & mancos, qui spe (: haud inani) obrinendæ curationis accedebant. Verùm de his in Mantissa Paulò remotius constitit: hastatum Proregis satellitiū, vt confusam molem irruētis populi distineret si posset. Vix tamen potuit, nam prementium tanta vis fuit, vt Lessi mortualis cantoribus in altaris crepidinem eluctandum fuerit ad lugubre officium vt cumque solito cantu explendum.

Assistebant ritui funebrium Limanus Archiepiscopus, Regius Senatus quem *Audientiam* vocant, Collegia Metropolitanum & Curiale, Regularium Prælati, & equestris ordinis nobilitas conspicuè numerosa. Itaque dispositis omnibus, dum inchoandum erat officium sepulturæ quo Rosæ corpus è Templo efferretur ad fossam in Aula Capitulari præparatam, subito per omnes latissimæ Ecclesiæ angulos tanta insonuit promiscuæ multitudinis vociferatio, tam inconditus ac flebilis deprecantium ululatus, vt metu confusionis ac tumultus supersedendū, funebrique processione abstinendum fuerit, admonito populo, vsque in posterum diem charissimi illius pignoris sepulturam differri. Sub huius promissionis ac certæ spei solatio persuasum multis vt domum secederent postridie ad tumbæ spectaculum commodiùs redituri. Sic agminatim & sensim dilapsa plebeia frequentia proceribus aperiri cœpit liber aditus spatiumq; accedendi propitius ad venerandum corpus famulæ Dei, manūsque innocentissimas deosculandas. Rursus interea succreuit curiosa multitudo, rursus etiam circa tumulum conglomeratione impetuosa turmæ, quas vt vidit Archiepiscopus-

piscopus, gestu, signis (: vox enim audiri præ sonoro strepitu non poterat) Patribus innuit, ut corpus Virginis in Sacristiam deportarent. Verum nec ibi sat tutum fuit sequente ac premente turba. Igitur ad securiores pluribusque valuis disclusos recessus intra Nouitiorum adyta comitante cum paucis Archipræsule transportandum fuit; instabant sequacium agmina, vim portis illatura, nisi Religiosorum cuneus locique reuerentia intercessissent. Demum etiam inde ultimo simplicium Nouitiorum Oratorio illatum est, ibique sub excubitoribus à Priore constitutis pernoctauit. Hic tandem Archiepiscopus solitudine pium feruorem acuente in genua procubuit, manui Virginis reuerenter apprehensa pluries deuota oscula fixit, eamque non solum in iunctura, sed in singulis digitorum articulis ac si viueret, tractabilem sensit. Aderant nonnulli è Senatorio ordine, magnæque felicitatis loco habebant, posse illic de genu simbriam virginei habitus osculari, nec ulli horum ea fuit pectoris constantia quæ lachrymas temperaret.

Postridie adliuente matutino crepusculo iussi custodes venerabile pignus è Nouitiorum domicilio in maius Ecclesiæ Sacellum ubi pridie constiterat retulerunt, inque eiusdem tumuli reclinatorium sublimarunt. Deinde laxatis templi foribus admissus populus vndatim irruit, cancellos omnes, subsellia, pegmata; scamna confertim impleuit, felicem se quilibet arbitrabatur, sicubi loco editiori potuisset stationem occupare. Verum ubi æs campanum solito maturius funebri Missæ & solemnique exsequiarum officio signum dedit, subito reliqua templi capacissimi amplitudo superuenientibus angusta fuit, neque enim (: uti pridie ) soli incolæ, sed & remotiores ac colæ à sex & amplius leucis accurrerant, nemine inuitante. Circumstetere denuo Proregis stipatores, at ij si pridie impetum plebis sustinere vix potuerant, hac die

ne vix quidem potuero. Certatim omnis ætas & sexus  
vrgebat aditum, hic calculos precarios; ille ceræ Agno-  
rum Dei amuleta; alius sudarium; namisina; coronulas  
& quidquid charum ad manus erat, contingendo sacro  
corpori eminus cominus suppliciter prætendebat. Hinc  
turba languentium aut mutili corporis vitio miserabi-  
lium penè cum iurgio flagitabat accessum, vt feretrum  
contrectando speratam apprehenderet sanitatem; inde  
infantes per obstantium capita sublimes mittebantur ad  
salutiferum contactum sacri cadaueris. Nec tanta mis-  
rum ac religiosorum cautela, vigilia, custodia sat fuit, ne  
pluries Rosæ defunctæ vela, capilli, vestes frustillati-  
a solertioribus diriperentur captandarum reliquiarum  
prætextu, adeo vt ante sepulturam de integro sexies fue-  
rit reuestienda. Tota deinceps cura erat saluandi ex ani-  
me illud corpusculum ne ante sepulturam importunis vel-  
licationibus discerperetur, iam enim notatum erat,  
vnum ei deesse digitum, ferro an morsu occultè detrun-  
catum, non liquet.

Intèr hos motus collectis in chorum coenobitis pro-  
ceditur ad solemne Missæ sacrificium, adistente in Pon-  
tificialibus ornamentis Illustrissimo D. Petro de Valencia  
Guatimalæ Episcopo; qui aduenerat (intrinsece per  
Sacristiæ posticum, nam aditus per opplerum multitudi-  
ne templi haud patebat) officium sepulturæ post Mis-  
sam proprijs manibus peracturus. Resonabat vndequa-  
que Ecclesia perpetuis vocibus Rosam *Sancam* procla-  
mantium, ita vt nequè canentem Religiosorum Chorum  
foris audiret populus, nequè ad chorum pertingere vox  
Sacerdotis aut Ministrorum Altaris; pulsa ac tintinna-  
bulis signum dabatur choro cum respondendum erat Sa-  
cerdoti, sed frustra fuere omnia prævalente secularium  
clamore: tandem necesse fuit cantores choro egressos  
ipsummet altare vbi litabatur circumdare, vt è propin-  
quo

quo vicissim audirent & audirentur. Sic agrè demum inter sonoros templi strepitus quasi canoro quodam silē-  
rio ac ritu nutu consummata fuere Divina mysteria. Deinde Antistes è throno progressus ad feretrum, thuris & lustralium asperionū ceremonias inter consuetos psal-  
morum & Responsoriorum modulos obibat. decenti pō-  
pa, velut mox ad ultimam efferendi humanique sacri  
corpulculi processionem accingendus. At rursus novis  
ac validioribus ingemuit clamoribus stipata turba, rursus  
densato cuneo undique iruebatur in suggestum tumuli,  
Rosam suam alij ultimò cōrrectare, alij extrema eius ma-  
nibus (si possent) aut vestibus dare oscula, alij saltim  
postremo cam intuitu eminus salutare importunissimè  
contendebant, iterum laborabatur sub auido tot Rosariorum,  
crucum, numismatum affricu, denuo Virginis  
habitus tentabatur forficibus. Ergo prudens Antistes vi-  
terioris violentiæ proclivi metu conuersus ad Priorem  
& grauiores Patres monuit diuertēdum esse præsens pe-  
riculum hac altera dilatione sepulturæ, sibi nequaquam  
id tempus videri idoneum, quo possit sacrum illud cada-  
uer per tot hominum globos ac manus integrum deduci  
in fossam. Assensere consilio Patres, statimque nutu,  
signis, vocibus persuasum vulgo, Rosæ sepulturam ex  
placito Illustrissimi Præfulis in horam commodiorem  
consultò reseruari. Gratissimis auribus hoc nuncium ad-  
misit turba, maximè vt vidit Episcopum depositis omni-  
no Pontifici alibus ornamentis rhedam conscendere, ac  
domum properare.

¶ Fauebat confirmandæ populari credulitati pub-  
licum argumentū ex constanti virginæ cadaueris tum pulchri-  
tudine, tum suauolentia miraculosa, quæ duo veluti  
fide iubebāt nullum fore seu deformitatis seu corrupte-  
læ aut graueolentiæ periculum si vel in plusculos dies  
sepultura differretur. Omnium hæcenus patebat oculis

uariata defunctæ Rosæ species qualis à primo exhalati spiritus momento fuerat, per triginta & sex horas idem perstiterat placidissimi oris decor, labiorum venustas, oculorum semipatentium viuax fulgor, & manuum candor; intentot suffitus halitus & lumina, sub aëre tam humido, calido & ex concurrentium refluxibus puluerulento nulla Rosæ vultui infederat fuligo, nulla genas tinxerat flauedo vel horridus pallor, in maxillis, in naribus, in palpebris nil flaccidum, decolor, triste, aut emaciatum, .persecratur eadem flexilium membrorum tractabilitas, eadem niuei vultus gratia & amœnitas, denique videbatur adhuc non mortua sed sopita. Porro mirifica celestis odoris, qui à sacro corpusculo spirabat, fragrantia ne quidem cessauit in sepulchro, nam post decem & nouem menses (ut cap. seq. narrabitur) exhumata Rosa eundem seruabat ac præsentibus adhalabat odorem, quem quidem in die sepulturæ alij rosaceo simillimum, alij velut ex liliorum, rosarum, balsamorum totiusq; floridegij nixtura compositum perceperunt; verum cordatiores his altiolem, suauiolem, nobisque Paradisi exulibus peregrinum & incognitum iudicarunt.

Hinc populus dilationis iam securus imminente meridie à templo disfluxit ad ades proprias. Euacuata utcumque Ecclesia de more adductæ pessulisque firmatæ sunt fores, nec alia sperari poterat tumultuæ Rosæ opportunior hora, quàm qua totus Religiosorum Conuentus regulariter pransurus existimabatur. Itaque vbi tantilla ab incurfibus libertas fuit, repente adornatur funebris processio, silent campanæ, at cantu submisso psallunt Fratres, deportantur in ædem capitularem pretiosa Virginis Rosæ lipsana, illic in præparatam à cedro arcam reclinata ferreis vndique clauis ocluduntur, denique fossa obturatur, & costi lateres tenaci calce reuincti insternuntur. Sic tandem in tuto locatis Rosæ exuijs, omnique

nique precum & hymnorum ritu ex rubrica Ordinis peractum ad refectiorem. Verum non diu stetit vnde populi, quin post meridiem velut ex inducijs ad templum copiosior afflueret. Ast ubi illic quæsitum oculis charum pignus abesse conspexit, turmatim in claustrum peristylum irruit, ædem capitularem impleuit, & Rosam liberrimæ vociferatione *Sanctam* inclamans, dum plus non poterat, puluerem sepulchri terramque reliquiarum loco certatim asportauit. Inde continuo rhedarum ordine & comitatu per mensem & amplius personæ illustriores proficiscebantur ad paternam Rosæ domum, visuræ ac veneraturæ hortensem cellulam quam Virgo solitudinis studio inhabitarat; conquistum vndique apud Rosæ parentes, apud Quæstorem Gundisaluum, si quid suorum utensilium, pannorum, aut pauperrimæ suppellectilis obtineri posset, grata memoria asseruandum.

Augebatur quotidianis incrementis deuota populi frequentia circa sepulchrum, ob eximia quæ palam inde crebrescebant beneficia curationum, nec videbatur tantæ Virgini debitæ honoribus satisfactum, quoadusque solemniore exequiæ (: quibus ipse Prorex interesse poposcerat ) nondum fuerant celebratæ. His igitur constituta dies 27. Augusti, velut quæ Proregi minùs videbatur negotijs suis impedita. Sed quia hæc Dominica erat, quæ (: nisi pro præfenti defuncto ) lugubribus officijs interpolari facile non debet, hortatu Archiepiscopi eligitur dies vicinior minùs impedita. Verum hæc deinde non vacauit Proregi, sicque pluries inter hunc & Archipræsulem variata die tandem ambo in quartam proximi Septembris ex abrupto conueniunt, quod vtrique postea tanto fuit iucundius, ubi intellexerunt hanc diem ex Romani Calendarij censu alterius S. Rosæ Viterbiensis anniuersario honori esse dedicatam, neque in illam se humano consilio sed diuino impulsu concorditer incidisse.

Ad-



Adfuere igitur ambo die præfixa, cum vniuerso tum Ecclesiastico tum seculari Magistratu. Rursum tota sedibus emota ciuitas Sancti Dominici ecclesiam impleuit. Dictum illic pro concione de felicis Rosæ mirabili vita & encomijs, peractum pompa funebri Altaris ministerium, temperauit sonoras confusi populi inquietudines dolorifica sacri cadaueris absentia, sed nihilo segnius itum in vota, & dum ad Aram Sacerdos pio Nummi commendabat defunctam Rosam, voce non impari sese populus commendabat Rosæ.

Quando hæc agebantur Limæ, celeberrima Rosæ fama rapido cursu totius penè Regni oppida, vicos, municipia permeauit, vbique festiuis applausibus ac publicæ latitiæ signis nouæ calorū ciui acclamatū. *Potest* trecentis leucis à Limā distitum illacenus. Rosam neque de nomine nouerat, verū vbi beatū Virginis transitū percepit, totū repente impulsu altiori in communem gratulationis impetū efferbuit, sonuere in turribus æra campana, micuere luminaria, increbuerē voces & latūdum acroamata. Sic passim regio Peruana (et etiam ubi Rosā dum vixit penitus ignorabatur) mortuam celebra-

uit vniuersali iubilo, acclamatione, votis, quod sibi cuncti populariter ab ea solacium, tunc lumē, suffragium pollicerentur. Nec sefellit pia fiducia, vt in appendice Mantissa summatim recensetur.

## C A P. X X X I.

## Rosæ sepulchrum Ordinarij auctoritate mutatum solemni corporis translatione.

**V**ltimis Exequijs tam magnificè splendidèque practis credebatur; populum sentim à confluxu & importunitate destitutum, ut pleraque solent tractu temporis elanguescere: sed contra euenit; nam ipsa miraculorum celebritas & multitudo in dies ad inuisendum Rosæ sepulchrum plures pluresque accersebat. Quin vulgaris tota Vrbe fremebat querimonia, sacrum Virginis corpusculum loco nimis abdito situm esse, vbi ob clausuræ leges nec omnibus horis nec ab omni sexu visitari poterat. Idem paulatim cum querula plebe censuere nobiles ac primores, demum & Ecclesiarum Prælati, Præfati Regularium, Senatores, alijque celsioris notæ priuatis suffragijs in eam conuenire sententiam, constantibus tam accolarum quàm incolarum votis condescendendum aliquando fore, de pretiosi illius pignoris in locum celebriorem Translatione iam seriò tandem esse cogitandum, Rosam communem Limensium thesaurum, piorum solatium, afflictorum remedium publico deberi. Sed expectandum erat Limensis Archiepiscopi officiosum arbitrium. Is verò de statu rei ardentissimoque omnium studio admonitus confestim eadem die 27. Februarij 1619. Decretum expediri iussit huius tenoris: *Coram Illust. Viri. D. Bartolomæo Lobo Guerrero Archiepiscopo Limano*  
*Regia*

*Regia Maiestatis Consiliario &c. lecta & inspecta fuit petitio &c. Dixit, quòd attentis rationibus in ea re latis, universalique & publica acclamatione, qua in tota hac ciuitate & Regno Rosa de S. Maria monialis tertij Ordinis S. Dominici proclamatur Sancta, dabat facultatem, illius corpus è sepulchro quod nunc occupabat, transferendi in alium decentem locum intra S. Dominici Ecclesiam, ubi magis videbitur Patri Magistro Fr. Augustino de Vega dicti Ordinis Prouinciali. Signatum ab eodem D. Archiepiscopo coram me Doctore Ferdinando Vecerril. Gratis.*

Ergo Translationis actui designatur ipsum S. Patriarchæ Ioseph peruigilium, dies nimirum xviij. Martij; citius enim noui conditorij fabrica cum suo ornatu absolui non poterat. Vt obitus Virginis mortem Christi exspirantis in Cruce per complura symbola exprefferat, ita & sepulchrum eius fore gloriosum diu ante fuerat reuelatum. Nunc verò etiam quædam Resurrectionis dominicæ reuiuifcebat imago, nam vt Christus parte feriæ vj. toto Sabbatho, & initio Dominicæ iacuerat in tumulo, sic Rosa parte anni MDCXVII. toto anno MDCVIII. & initio anni MDCXIX. quieuerat in sepulchro, in quo & datum ei fuerat nō videre corruptionem, & corpus æquè odoriferum inde prodire sicut intrarat. Solæ Virginæ manus tot osculis fidelium millies obritæ, (:forfan & auditorum ferro dentibusue vndique pertentatæ) non nihil de primo candore remiserant. Hæc notata fuere ab ijs qui ipso Translationis die summo mane effossum Rose cadauer è veteri tumba lignea transposuere in nouam itidem cedrinam at intus forisque deauratam & duplici ferra præmunitam. Igitur omnibus ritè ordinatis die quæ supra domesticus Religiosorum cætus frequentissima vndique ceterorum Regularium caterua stipatus à Choro restâ processit ad Aedem capieularem, præeunte Crucis vexillo cum acolythorum quaternione, binisque thuribus,

bulis, subsequente Provinciali in sacra diploide cum sacerdotibus Ministri itidem pretiosè tunicatis. Adfuit paulò post Archiepiscopus cum suis, comitante S. Officii Iudice ordinario D. Feliciano de Vega Canonico Metropolitano, & Archiepiscopi Vicario Generali. Recitatis de more Orationibus, dataque aspersione & suffitu sex Sacerdotes lineati stolisque ac manipulis decori Arcam cedernam subleuarunt in humeros, itum ad Ecclesiam conchiliatis peristromatis, holosericis aulæis, velis byssinis à summo deorsum obpalliatam. Premebat baiulantium vestigia Archiepiscopus, inde reliqui ex ordine processerunt Virique illustres, ubi sub templi foribus turba deaurata promiscuæ multitudini in conspectum venit, festinus undique clamor ad astra increpuit, confusæque vociferationes plaudentium, lachrymantium, implostantium omnem reliqui cantus ecclesiastici auditum susripuerunt. Dum sarcophagus coram principe Ara in sublimem tumulum huc vsus sumptuosè adornatum attollitur, Archiepiscopus ad latus Euangelij consedit in throno; Provincialis assumpta *casulo* cum Ministris ad altare factoris accessit, Phorasci & cantores ex dispositis odgæ symphoniae modulos inchoarunt, verum populus vni Virginis tumbæ iconibus ac Rosarijs contingendæ intentus: cetera tumultum laborabat. Huius circuitum facies cerce xxx. occupant, tumbæ verò gradatim circumstabant inæque argenteis candelabris totidem bilibres candelæ: totum deniq; contabulationis systema cõtegebant phrygiæ operis peripetasmata, & stragula auro turgido latè fimbriata. Denique vniuersa hæc scena non tam funeris quàm triumphi videbatur.

Post decantatum Euangelium in editiori suggestu conparuit facundus prædicator dicturus ad populum; is erat P. M. Fr. Ludouicus de Bilbao primarius Linariæ Vniuersitatis Cathedraticus, & in S. Officio Censor, qui vt plur-

tribus annis Rosæ confessiones exceperat, ita plūs ceteris illius spiritum, exercitia, arcana lumina, Sponsiq; fauores habebat exploratos. Vidisses mox omnes arrectis auribus diriguisse immobiles, & in multitudinis tam verbo-  
sæ frequentia repentinum silentium: desertæ solitudinis quietem figurabat, solo ardentissimo studio auscultandi. Dictum ibi de Virginis baptismali innocentia, nullo umquam mortali piaculo violata, de illibato mundissimæ pudicitia flore, de poenaliū exercitiōrū austerā duritiæ, de miris illustrationibus, de seraphicis ardoribus, & quidquid intra horarij sermonis compendiū substringi potuit, Rari erant, quos sub concione tum sacri cadaueris præsentia tum recens ac viua gestōrum memoria non mendullitus compungeret, multis etiam lachrymæ fluebant, ab omnibus reuerentiæ repetitum in suggestu Rosæ nomen patulo sed taciturno gestu excipiebatur.

Finita panegyri, & solemni sacrificio ad Aram consummato Archiepiscopus Pontificalem assumens habitum, cum pedo & infula processit ad tumulū, sacris Ministris & quatuor ex Metropolitano Collegio dignioribus mediis. Peracto ibidem reliquo precum, antiphonarum, psalmodiarumque ritu: Prouincialis cum ceteris religiosorum Ordinum Prælati (: Sacerdotali singulos amiciente stola:) tumbam è tumulo demissam suscepit in humeros, sicque adstante Archiepiscopo, & circumstante diuersorum Tribunalium & ciuili Curia Magistratu illata fuit propriæ cryptæ ad dextram summi altaris affabrè in hūc usum elaboratæ, quæ tota intus oblita auro reddebat fulgores quos arcuato sinu recipiebat à luminibus. Eamdem foris muniebat ferrea crates itidem inaurata, & inclusi pignoris tam patula prospectui quàm raptui arcta & aduersa. Sanè deuoto populo nil hac translatione gratius potuisse accidere testatus est confluxus, qui exinde vt liberior sic quotidie numerosior fuit, adeo vt tandem

de alia translatione fuerit cogitandum, ne vicini summi Altaris ministeria inturbarentur quotidie immodesto concursu populorum, quos partim veneratio partim miraculorum & gratiarum frequentia attrahebat.

*De Altari ad Altare* tantisper se transire protestabatur S. Hieron. quando à suo Tractatu de altari thymiamatis transibat ad scribendam epist. 8. Virgini Demetriadi. Idem videbatur circa Virginem Rosam accurrentium sensus: nam ab ara maxima subito conuertebantur ad propinquum Virginis sepulchrum velut ad secundam aram, hic perpetuus tumultus erat offerentium vota, suspendentium anathemata, deponentium grallas & scipiones, denique aliter consulendum fuit reuerentiæ sacri Tabernaculi prostantis in ara maiori, ne huic assidue obuerterentur dorsa hærentium ad Virginis sepulchrum quod & locum presbyterij incommodabat, siquidem hoc in Ordine Prædicatorum *ad cornu epistola* (vt vocant) construi solet. Ergo collocandis Rosæ exuijs alius demum commodior electus est locus, ipsum videlicet B. Catharinæ Senensis Sacellum ab ara maxima ad læuam sat distitum. Videbatur tam simili filiæ deberi iste sinus Seraphicæ suæ Matris ad quietem, si tamen quies dicenda erat, cui tanti quotidie strepitus & clamores deuotæ plebis circumsonabant, licet minori impedimento rituum Ecclesiasticorum, quibus solis aræ maximæ spatium esse liberrimum oportebat.

Interea Limam peruenere litteræ Apostolicæ, quibus auctorati Iudices commissarij nouum ibidem erexere tribunal ex formula à S. Rituum Congregatione præscripta, ad effectum examinandi Testes de Vita & gestis ancillæ Dei Sororis Rosæ à S. Maria. Itaque examini datum initium anno MDCCCX die xvj. Maij, sed ob multitudine Testium (CLXXXIII. fuere) variosque morarum obiectiones usque in Maium anni MDCXXXII. durauit



perquisitio: cui de mote ad complementum supererat vi-  
satio tumbæ & reliquiarum famule. Dei. Igitur depu-  
tati inspectores Ioannes de Texeda & Ioannes de Vega  
Doctores Medici, Ioannes de Valenzuela & Bartolo-  
mæus de Tjuico Secretarij cum Aloylio de Molina chi-  
urgo. Hi coram P. Magistro F. Gabriele de Zarate tunc  
Prouinciali aperta arca lignea repererunt Virgineum  
corpusculum expleto serè post obitum anno quintodeci-  
mo consumptis vnde quaque indumentis, & ossibus in-  
tegris, & adhuc sicca hinc inde carne obductis. Porro  
odorem exhalabant nō qui cadauerum esse solet, sed quo  
fragrant siccatæ ad Solem rosæ; Iuravit tamen primus  
Medicorum, peculiarem simul interhalasse suauolen-  
tiam, quæ præsentium non olfactum dumtaxat mirificè  
recrearit, sed & animos improviso solatio perfuderit,  
atque arcano deuotionis sensu omnes demulserit. Hinc  
ijdem inspectores aulam Capituli adiere lustraturi pri-  
mum Virginis sepulchrum, è quo fideles certatim haurie-  
bant puluerem ad varia morborum genera depellenda.  
Illic singuli successiue manu immissa explorarunt cauam  
modicæ serobis profunditatem, ex qua nonnisi quatuor  
aut quinque pondo terræ videbantur eruta aut asporta-  
ta. Cæterum aliundè plurimis constabat testimonijs,  
complures pulueris modios ex illo met foramine (: quod  
vnicum patebat, vbi Virginis defunctæ caput iacuerat )  
fuisse illactenus effossos varièque, per Regnum distribu-  
tos. Vnde non leuis coniectura fuit, vi S. Raymundi ita  
& Rosæ veteri sepulchro hoc datum esse diuinitus, quod  
in locum sublatis pulueris alius continua scaturigine per-  
petim subitascatur.

Accidit demum anno MDCXL. quod Ord. Præd. in  
Romana Curia Procurator generalis litteris, priuatis Li-  
nam scriptis admonuerit Patres, habendam esse ratio-  
nem exactissimam Apostolicæ Cōstitutionis Urbani VIII.

anno MDCXXXIV. die v. Iulij emanatæ, quæ incipit : *Calestis Hierusalem ciues &c.* Doluerunt Patres, integro fere sexennij spatio nullum penitus exemplar imò nec tenuissimam famam huiuscemodi Constitutionis in illum vsque diem Limensibus innotuisse : sed quid mirum in tanta regionum distantia, perque tot hostium classes, piratarum insidias, & naufragiorum crebra discrimina ? Verùm tamen Patres ad primum saltem priuatè illius epistolæ conspectum subito parendum rati, ex norma dictæ Constitutionis, quidquid intempestium Venerabilis Rosæ cultum sapere forsan videbatur, eadem nocte aboleuerunt. Repentina isthæc mutatio postridie deuoto populo visa est intolerabilis, quærebat loco solito Rosam, asylum ac solatium suum, reposcebat à Sancta Catarina Senensi alteram hanc Limensem Catarinam, impletur Sacellum questibus, & quæ vulgi sub pietatis obtentu esse solet suspicandi, iudicandique temeritas, spargitur, Rosæ veneranda liplana aut furto inscijs Patribus sublecta, aut his conscijs clam in Hispaniam destinata esse. Inde credula & ignara multitudo densatur concursu, inualefcit fremitus, nec leue imminuit periculum innoxijs Religiosis, dum rudis & impetuosa plebs iam ad conuicia & minas ferociter progressa primo affatu aut non capiebat aut abnuebat capere facti rationem. Tardè demum, nec sine labore persuasum est importunis, sic consulendum fuisse illustrioribus qui ab Apostolico throno sperantur Rosæ honoribus, nullum in Romanorum decretorum obedientia detrimentum esse, inobedientiam sanctæ Virgini placere non posse, huius pretiosas exuias loco tutissimo sub primi sepulchri custodia Limensibus adseruari, verùm circa illas ( Summi Pastoris mente in similibus iam percepta ) nihil extra lineam SS. Rituum audendum fore vel permittendum. Aegerrimè adqueiuit vis populi, hoc vno contenta, quòd acceperat, Rosæ suæ reliquias in tuto esse.

## CAPVT XXXII.

Et vltimum.

Rosa elogio ex pluribus  
notiora.

**A**Nno quo Rosa mortalitatem exiit, Prouincia Per-  
uana Ord. Prædic. Lima in Comitijs suis congre-  
gata libello Actorum ibidem impresso apud Francum à  
Canto 1617. S. Denunciationes. hæc primo loco inseruit:  
*Denunciamus, admirabilem quandam Sororem nostram*  
*obÿsse, &c. post pauca: habitu serij Ordinis nostri (anno*  
*vigesimo ætatis suæ decurrente) recepto; ita vitæ monialis*  
*institutum in domo paterna manens, & Regula & S. P. N.*  
*Dominici constitutionibus inharens obseruauit, ut omnibus*  
*alia Catarina Senensis (quam ab ineunte ætate totis viri-*  
*bus imitari conabatur) in hoc terrarum orbe degens vide-*  
*retur. Orta fuit celebris hæc Virgo pÿs parentibus Lima*  
*anno Domini 1586. à quibus religiosè educata, & maxi-*  
*mè à Diuino Sponso ita illuminata, ut quintum annum*  
*agens ad perfectionis culmen assidujs ieiunijs ac penitentia*  
*asperitate perungere conaretur. Pertigit ergo mirabili ab-*  
*stinencia, penitentiæque insigni. Pro lectulo equuleo va-*  
*rijs testulis intertexto utebatur; argenteam coronam ad mo-*  
*dum spineæ corona capiti circumpositam habebat; ferrea ca-*  
*tena usque ad sanguinis effusionem corpus singulis noctibus*  
*crudeliter affligebat. Patientia fuit incredibili, humilita-*  
*te rara; puritate tam animæ quàm corporis insignis. Diui-*  
*nis reuelationibus admirabilis, Orationi ac contemplationi*  
*ita*

ita semetipsam dedit, ut ad vitam eternam summa cum animi tranquillitate & omnium admiratione perueniret, ad cuius orationis exercitium eam per multum temporis sacra Deipara Virgo singulis noctibus excitauit. Prædita fuit spiritu prophetico, quo multa futura prædixit. Ac tandem cæteris virtutum generibus insignita, præclara sanctitatis sua relinquens exempla, feliciter in eadem ciuitate obdormiuit in Domino, die 24. Augusti. Humata est in hoc nostro Conuentu eiusdem Limensis ciuitatis in Capitulo Fratrum. Adfuit Illustrissimus Archiepiscopus Limensis & Illustrissimus Episcopus de Guatimala; cæterisque Cathedralis & Secularis proprijs humeris feretrum Sanctissima ipsius Virginis magnæ animi deuotione portantes: cuius purissimæ corpus præ multitudinem gentis, languentiumque omnium incredibili & inaudito affectu illud tangere ac deosculari desiderantium biduo insepultum remansit & clarissimis miraculis illustratum.

Anno dein proximo, nempe MDCXVIII. Generalia eiusdem Ordinis Comitia Vlyssipone celebrata in suis Actis Hispali apud Franciscum de Lyra 1619. impressis. S. Fratres & Sorores qui gloriosè obierunt. succinctè idem denunciant his verbis: In prouincia S. Ioannis Baptista de Piru obiit Soror Rosa de S. Maria tertij Ordinis, quæ in omnibus S. Catherinam Senensem ad vitium expressit. Eadem ad verbum habet appendix Dominicanæ Martyrologiæ Indiculus Beatorum &c. pag. 103. S. Soror Rosa de S. Maria &c. Iisdem vititur Illustrissimus F. Ioannes Lopez Episcopus Monopolitanus in sua Historia Ord. Præd. par. 3. lib. 3. cap. 31. Rosam appellans vitum ellypon seu effigiem vite ac Sanctitatis B. Catherinæ Senensis.

Venerabilis Conuentus Limensis religiosorum PP. S. Mariæ de Mercede captiuorum, litteris ad Urbanum VIII. Pont. Max. prolixè at eleganter se diffundit in laudes huius Virginis: merebantur illæ (cum alijs aliorum hæud

haud imparibus.) totæ huc transferibi, sed ne in panegy-  
 rim videatur desinere Synopsis historica, sufficere hic pau-  
 ca excerptisse. *Rosam* (: inquit) *auream* Sanctitatis Vestrae  
 manibus immittit quarta *Dominica* Quadragesimæ, iisdem  
 hodie *D. Dominicus Rosam* pariter immittit *auream*, quæ  
 ut auro cælesti abundavit, *post aurum terrestre non abys-*  
*fecitque mirabilia in vita sua.* Hanc suo *Rosario* implan-  
 tauit Deipara, promouendo eam ad gloriosum habitum  
 Prædicatorum, in quo admiranda suorum heroicorum  
 operum *mysteria* ipsammet in *Rosetum* aptè transforma-  
 runt, & (: ut de Eugenio dixit Cassiodorus) *gerebat no-*  
*mine quam possidebat meritis dignitatem*, sicq; (: ut in B.  
 Agnete quondam mirabatur Ambrosius :) *eius ne nomen*  
*quidem vacuum est lucis laudis.* Sic totus hic nouus orbis  
 sentit de benedicta Virgine Rosa, cui (quod terra non  
 potuit) cæli dedere nomen *Rosa de S. Maria*, Crucem  
 ipsius filo appenderunt rigores verberum, cilicia, clauis,  
 aculei, zona ferrea, obsonia fellea. Totæ illius vitæ pro-  
 testabatur cum Paulo: *absit mihi gloriari, nisi in Cruce Do-*  
*mini nostri IESV Christi*, siquidem nil ei iucundum erat  
 extra crucem, in hac vnica cum *dolorosis* versabat *mys-*  
*teria* tum *Gandiosa* tum *Gloriosa*. Mirum huic Rosæ tam  
 humili sese inclinasse procerarum arborum cacumina,  
 dum orabat in horto, sed mirabilius, quod eadem *sicut*  
*Palma exaltata* (: vel iuxta aliam lectionem *maritata*),  
 fuerit *in Gades*, quando pronuba Cœli Imperatrice *Ros-*  
*am* sibi *in Sponsam cordis sui* subarrhauit Filius. Deit.  
 Hæc filia *Oliua* numquam oleo caruit, *neque extincta fuit*  
*in nocte. Interna eius*, nam gratiam in Baptismo semel ac-  
 censam vsque ad obitum nulla ei obtenebratio interpo-  
 luit. Prophetici sui spiritus æternum monumentum est  
 Limense S. Catæniæ Senensis Monasterium, in quo de-  
 mum & Mater Virginis (: uti hæc prædixerat) velum as-  
 sumpsit. petita sacrae clausuræ *hæc se conclusit*, quem filia

optarat sibi, dum quinquennis vbtum puritatis virginalis emisit: at Sponsus maluit ipsam *speciosam in campis*, vt plurimas adolescentulas odore secum traheret ad sequelam. Lima Regū ciuitas felicissimā se arbitratur, dum Sanctitati Vestræ supplex hanc Virgine sibi dari flagitat Tutelarem, ambit habere Matrem, quam genuit filiam, Ciuitas Regum Reginam florum, ita huic Rosæ inscriptum nomen ciuitatis Regum lepidè soluet ænigma Menalcæ apud Virgilium: *Dic quibus in terris nascantur nomina Regū inscripti flores?* huiusmodi floribus quid nisi sperare liceat *fructus honoris & honestatis?* nec tuis Beatissime Pater *gentilitijs Apibus* quidquam ad mellificandum offerri potest aptius hac Rosa, quam iustis Ecclesiæ honoribus insigniendo mira dulcedine fideles implebis vniuersos. Hoc orant.

Præsentatus Fr. Didacus de Boerques Commissarius Prouincialis.

Magister Fr. Gaspar de la Torre.

Magister Fr. Ludouicus de Teca.

Anno MDCXXXI. literis prima Iunij Limæ exaratis Don Petrus de Bedoja & Gueuara suo & reliqui Limensis Magistratus nomine sic eundem Pontificem alloquitur: *Gratias immensa Dei potentia, cui in his remotis Occiduarum Indiarum partibus quondam idololatria spineto obstis complacuit plantare Rosam tanta virtutis odore celebrare, quæ sub tertio Ordine Fratrum Predicatorum, usque adeo horum irrigatione profecit, vt ad perfectionem seculo nostro rarissimam pertigeris, fidem in dies magis magisque faciente cælo, per noua prodigia quibus sepe christi terra coruscet. Debet natalem suam huic Ciuitati Regum Angelus iste incarnatus, & nos illius Urbani Gubernatores attenta tam ciuium nostrorum quàm vniuersi Regni communi acclamatione Sanctitati Vestra humiliter supplicamus &c.* Eodem tenore ac publico nomine iterum



Limenſis Senatus anno MDCXXXII. xij. Iunij ſupplices  
ad Vrbanum VIII. litteras dedit.

Hoc pariter anno MDCXXXIII. die xx. Aprilis, Or-  
do B Ioannis Dei epistolam qua Rosæ apotheosim effla-  
gitat, sic orditur: *Beatissime Pater, Venerabilis Rosa de*  
*S. Maria tertij Ordinis Sancti Dominici, nata in hac Per-*  
*uana Metropoli, Virgo fuit tam admirabilis virtutis in*  
*vita, & post mortem tam miraculis illustris, ut ad omnes*  
*Lima incolas quâ seculares quâ Regulares pertineat eius*  
*procurare honorem & exaltationem &c.*

Eodem anno, 1. Iunij ex nomine totius Societatis Iesu  
in Regno Peruano Nicolaus Mastrillus Duran Prouin-  
cialis Apostolico throno sic preces suas exposuit: *ve com-*  
*münibus Urbis & Regni huius desiderijs mea meorumque*  
*adiungam, obligatione trahor, singularem cum ceteris fa-*  
*uorem ac spirituale solatium in eo recepturus, si Virgo à*  
*Deo huic regioni data in peculiarem omnigena virtutis*  
*ideam, postque felicem suum transitum dotata calitis tot*  
*eximjs prodigijs per manus Sanctitatis Vestrae honorem Ca-*  
*nonizationis ac titulum Limanæ Tutelaræ adepta fuerit,*  
*quo vigor ac stimulus addetur eiusdem patriotis, ut ma-*  
*iori ardore imitentur fidem & virtutem Sanctæ Virgi-*  
*nis, &c.*

Eodem anno ac die Prouincialis PP. Eremitarum San-  
cti Augustini, hæc (: scribit :) *fertilis Rosa primus est par-*  
*tus, quem cum notoria sanctitatis auctario hac patria celo*  
*dedit, cen fidei sua primitias. Tametsi enim inter huius*  
*regionis vernaculos plurimum & porro insignium Seruorum*  
*Dei veneremur memoriæ, antecellit benedicta hac Virgo*  
*in iure patriæ. Nata est in hac Peruana Metropoli, in ea-*  
*dem adoleuit & vixit approbante simul natura & gratia.*  
*Sanctitas in ea annorum prætergressa est terminos, ac mo-*  
*riendo in ætatis vere, demonstrauit eximjs miraculis*  
*quantum cursus suarum virtutum temporis velocitatem*

an-

anteneretur. Ad eius sepulchrum infirmi & arumvosi ve-  
ram & salutem inveniunt &c. Quinto Iulij eiusdem anni Minister Prouincialis PP.  
Minorum S. Francisci ex nomine sui Ordinis atq; Prouin-  
ciae suis ad Urbanum VIII. litteris hęc interserit: Canoniz-  
ationi ancilla Dei Rosa de S. Maria tertij Ordinis Prædi-  
catorum causas suggerunt vitæ eius tam inculpata, mors  
tam gloriosa, miracula tam numerosa & eximia, denique  
summa & incomparabilis edificatio huius Regni tam in Fe-  
de nouelli &c.

Die xij. eiusdem mensis & anni epistola nomine Ec-  
clesiæ Metropolitanæ Limensis eidem Christi Vicario  
inscripta sic orditur: *Iustum non est, vniuersali horum  
Regnorum acclamationi vocem deesse huius Aedis Metro-  
politanae, pro apotheosi Venerabilis Virginis Rosa de S. Ma-  
ria concinis nostra, cuius vita admirabilis & post obitum  
prodigiosa miracula tantum in omnibus his Regnis accen-  
derunt deuotionis affectum, ut perspicue appareat, velle  
Christum D.N. eandem pariter glorificare in terris, perq;  
liberalissimas manus Sanctiætatis Vestræ dare nobis Tutela-  
rem & Aduocatam huius patriæ suæ, cuius ex hoc primo  
fructu præclarus honor velut à capite harum amplissima-  
rum Regionum ad singulas pertingat, &c.*

Anno MDCLIII. Antonius de Leon Pinellus in su-  
premo Indiarum Régio Senatu Relator &c. Libro suo de  
Vita Serui Dei Turibij Alphonsi Mogrouecij Limensis  
quondam Archiepiscopi impresso Matrini sic de Virgine  
nostra commentatur: *Soror Rosa de S. Maria tertium San-  
cti Dominici Ordinem professu monialis, Virgo purissima,  
Lima patriæ suæ splendor, penitentia, oratione, exlassi,  
supernis illustrationibus admirabilis, cælo in eius vita ac  
morte grandia per ipsam prodigia operante. Obijt coronata  
virtutibus, opulenta meritis &c. Illius funebribus inter-  
fui, ubi is fuit concursus & acclamatio, qualis Sanctorum*

*corpora soles comitari &c.* Refert se deinde ad Didacum de Corduba in Theatro Limesis Ecclesiae cap. 11, Bonaventuram de Salinas in memoriali Peruano cap. 5. & alios, qui huius Virginis cum laude meminerunt.

Denique huic tum Capiti tum Libro grauem ac decorum aptet epilogum honorifica Relatio facta per Eminentissimum ac Reuerendissimum D. Cardinalem Azzolinum in Congregatione Sac. Rituum habita coram S. D. N. die xv. Septembris anni MDCLXIII. hoc tenore: *Serua Dei Rosa de S. Maria die 20. Aprilis anno 1586. Lima orta catholicos, honestos, ac pios parentes habuit Gasparem Flores & Mariam de Oliva. Nomen ei ex baptismo Isabella: sed propter roseam vultus speciem à Masre. Rosa nuncupata, ex suo in Deiparam obsequio Rosa de S. Maria voluit appellari. Sexus atarisque inuentis teneros adhuc sensus firmanit virtute robusta, & parentum monita simul ac vota adulta probitate, & multiplici pietatis usu praeuenit puella, iuuenis excessit. Tantus enim eius amor in Deum, tantus in Deiparam cultus, tanta sensuum, & carnis castigatio, morum & cogitationum munditia, ut argentea corona caput redimita, ad instar spinæ quam Christus passus est, ferreaque catena Virgineum corpus singulis noctibus dilanians, sicut lilium inter spinas virginitatem custodieris, quam cum se tota & Deo vouit perpetuam & seruauit.*

Annum agens vigesimum Sancti Dominici tertio Ordini nomen dedit, cuius institutum in adibus paternis miræ pietatis & virtutum omnium exemplo coluit. Oratio, rerum Diuinarum contemplatio, ieiunia, corporis afflictio, Mundi contemptus, proximorum bonum, Deo per charitatem prorsus heroicam adhaesio eius vita fuit, pro statu vix perfectissima. Ac proinde prophetico spiritu, exflassi, raptuque multiplici, signis, aliisque supernaturalibus donis à Deo aucta, in hereditatis suæ consortium tandem euocata, post prolixi morbi constantem in Domino tolerantiam, Ecclesia

clesia Sacramentis rite pièque susceptis obiit die 24. Augusti anno 1617. insignem in ipsa morte sua sanctitatis famam relinquens, quæ & in eius vita & post obitum plurimis fuit signis à Deo calitus confirmata.

De Sanctitate, Virtutum ac Miraculorum fama, Processibus auctoritate ordinaria confectis, & referente bo. mem. Cardinale Peretto in S. Rituum Congregatione examinatis decretum fuit die 22. Martij 1625. posse si Sanctissimo videretur ad specialem inquisitionem auctoritate Apostolica deveniri. Precibus inde Regis Catholici, civitatis Limasæ & Ordinis Predicatorum prodijt Commissio feh. rec. Urbani VIII. & eius vigore data fuerunt litteræ Remissoriales & Compulsoriales ad Archiepiscopum Limanum, eoque impedito vel absente ad Episcopum Guamangæ cum duabus Dignitatibus. Confectus isidem coram Archiepiscopo, Decano, & Archidiacono Ecclesiæ Limasæ. Processus in specie anno 1632. die 12. Julij, & 23. Julij anni 1634. Sacra Rituum Congregationi Romæ exhibitus, servatis servandis recognitus, apertus, & per interpretem à Cardinale de Torres (Peretto defuncto) subrogato explicatus. Verum supervenientibus anno 1634. nonissimis eiusdem Urbani decretis destitum hætenus in causa.

Cum autem fama sanctitatis Servæ Dei de qua in eam populorum studiis, unâ cum diuina signorum confirmatione in dies angeantur, per Procuratorem ad id specialiter constitutum humillimè petitur à Sanctitate Vestra admitti & signari Commissionem, quæ proponitur pro reassumptione Causæ in statu & terminis in quibus reperitur, ad formam nonissimorum Decretorum.

Et videtur esse locus gratiæ, cum omnia afferantur ex iisdem Decretis prærequisita, nempe supplicationes

Novem diversorum Ordinum, ac illustrium Virorum  
Limensium.

Tres Regis Catholici,

Tres

*Tres Reuerendissimi Cardinalis de Aragonia,  
Bina Magistri Generalis Ord. Pradic.*

*Fides decreti Capituli Generalis eiusd. Ord. ad idem à  
Sanctitate Vestra communi nomine petendum;  
Mandatum Procura in personam F. Antonij Gonzalez  
specialiter per solemne instrumentum constitutum,  
à Generali Ordinis confirmatum.*

*Demum persenerantia & augmentum fama Sanctitatis,  
Venerationis, & Denotionis populorum, & Miracula su-  
pra CXIX. ex processu Remissoriali in specie autoritate A-  
postolica confecto, inter qua habetur sanatio à lepra, & plu-  
rima à paralysi alijsque gravissimis morbis.*

*(L. S.) D. Cardinalis Azzolinus.*

*Bernardinus Casalius Sac. Rit. Cong. Secr.*

*Claudit Virginis Rosæ mortalem vitam annus ætatis  
sue trigesimus secundus, claudat pariter vitæ historiam  
Caput trigesimum secundum. At liceat finire mellisuis  
Bernardi verbis, serm. de S. Malachia: O Rosa electa,  
magna fuit super Te Divina dispensatio pietatis, qua Te  
darnam fecit in oculis tuis, magnam in suis; qua magna  
fecit per Te saluans patriam tuam, magna fecit Tibi intro-  
ducens Te in gloriam suam.*

**FINIS;**

# MANTISSA

Signorum, Gratiarum, Miraculorum, quibus  
 Diuina Bonitas ROSAE Sponsæ suæ  
 immortalẽ Gloriam dignata est  
 mox ab illius obitu creberri-  
 mē manifestare.

**T** *Tempori tacendi tempus loquendi* ponē subiungit Ec-  
 clesiastes cap. 3. Bonum factum. Ne de *Miraculis*  
 Rosæ scriberem, huc-usque *tempus tacendi* attinuit cala-  
 mum. Nunc Maiorum adnutu *tempus loquendi* successit.  
 Ergo quod pollicebar in Prolepſi hic præſto, adiecta  
 hac paucorum capitum Mantissa, quæ ex authenticis Pro-  
 cessibus *Signorum, Gratiarum, Miraculorum* delectum,  
 exhibeat: non plenum catalogum. Dabunt alij copio-  
 fiores.

## C A P V T I.

Rosa post mortem & sæpissimē  
 & multis apparet Glo-  
 riosa.

**A** Loyſia de Serrano (cuius memini supra Cap. XIX.)  
 ut Rosæ adhuc mortali familiaris & chara fuerat,  
 ita ab immortali meruit frequenti apparitione familia-  
 rius



rius honorari. Inter eas hæc illustrior fuit, qua vidit coram Divino solio augustissimam cœli Reginam stantem, ac miri fulgoris coronam manu gestantem, velut novam hospitem expectaret ad illius solij limbum solemniter coronandam. Parte altera niveus candidarum Virginum chorus mediam complexus Rosam tunc recens defunctam hilari & canoro agmine deducebat ad Deiparam. Singulis Virginibus singulæ erant in manibus palmæ, in verticibus coronæ, Rosa palmam deferebat ut ceteræ, at nondum coronam. Aloysia gaudio ac stupori impar dum reliquo inhiat coronationis spectaculo, disparuit visio. At postidie tertia Rosæ apparitio gaudium cumtulavit. Nimirum vidit tunc Aloysia Rosam eodem quo pridie nuptiali ac festiuisimo Virginum agmine decorè circumdatam, nec solam palmam, sed & immensæ gloriæ coronam insignitam, cui seorsim applaudebant dispositæ Angelorum phalanges, & beata plurimorum Sanctorum cœterua iubilo publico suavissimè gratulabatur. Aloysia sibi reddita, at sibi non fisa spiritualium suorum Patrum arcano examini utramque visionem exposuit: hi verò ex effectibus concorditer decreverunt, fuisse immissam diuinitus, omnique fallaciæ periculo caruisse.

Quæstori Gundisalvo de la Massa (: qui coram Apostolicis Iudicibus id verbo scriptoque testatum reliquit) secretò fassus est vir illis diebus mysticæ Theologiæ peritia & contemplationis sublimitate clarus, quòd intra tres hebdomadas ab obitu Rosæ proximas minimùm viginti & duabus vicibus conspicua sibi fuerit gloria huius Virginis intuitu nunc imaginario nunc intellectualem, at inter reliquas visiones vnam excelluisse purè intellectualem, quæ puritatis suæ virgineus candor cum sua inexstimabili dote & floridissima aureola ostendebatur absque omni figura corporea, perque simplicem irradiationem tran-

tranquillæ notitiæ . Hunc revelationis modum vt planè defæcatum sensuque superiorem ; ita ineffabilem fuisse ; taliq; obiecto apprimè dignum existimauit , & vt par erat æstimauit.

Doctor Ioannes del Castillo Medicus , anno post felicem Virginis transitum quintodecimo iurauit coram Apostolico secundi examinis Tribunali , sibi per visionem imaginariam apparuisse Rosam in medio cuiusdam fulgidissimi luminis quod ipsammet Diuinæ Maiestatis claritudinem ac speciem referebat . In huius amœnissimo cœtro comparebat Rosa amicta habitû S.P. sui Dominici mirabiliter candente ac radiofo, cuius incomparabilem decorem protestabatur se verbis assequi non posse . Facies Virginis gratia ac splendore micabat infinito , corpus eiusdem vndique circumdederant rosæ candidæ atque purpureæ sine numero ; manum dexteram occupabat ramus index nitidissimæ virginitatis , nec minùs è ramo quàm de rosis continuò scintillabant densa gloriæ fulgura . Quin & pluries sub eiusmodi visione Rosa suauiter affata est spectatorem suum , multa ac sublimia illi edisserens de felicitatis suæ excelso fastigio , quæ humanæ linguæ idiomate efferri non possunt . Quidam ex Virginis Confessarijs ab ore eiusdem Doctoris accepit , plus quàm quinquagies gloriosam beatæ Rosæ apparitionem sibi cœlitus illuxisse . Ipsemet vltro in postrema anni 1631 depositione coram iisdem Iudicibus persanctè asseuerat , integro sex mensum spatio interdium noctuque se diuinitus admissum ad tantæ Beatitatis spectaculum , ac toties ; quoties mentem destinatis horis eleuabat in adyta contemplationis , ostensam sibi fuisse Rosam inter agmina Beatorum . Vt paulatim cessauit hæc apparitionum gratiosa frequentia ; non cessauit tamen ex lege vrbauitatis Rosa per aliquot exinde dies cœlesti ephæbo suas vices committere ; Angelus erat tenera duodennis pueruli

*specie quotidie inuisens Doctorem ex Rosæ nomine, deque huius ineffabili gloria semper nouum aliquid edisserens. Sicque his demum visionibus comiter impositus est finis. Porro eandem Rosam videre in Sponsi sui paradiso vernantibus rosis floridè circumseptam, aureoque diademate redimitam pluribus à Deo concessum fuit, præsertim Viduæ cuidam fama virtutum tunc celeberrimæ, cui se Rosa sæpius in cælesti lumine stitit conspicuam, non sine officioso Angelicarum myriadum comitatu. Semel hanc in imaginaria visione sic allocuta est virgo: *Laborandum est ò Mater, nam permagna res est cæleste præmium. Mihi quidem hic abundè restitutum est pro eo quod laboravi.* Dixit facie in serenum rîsum festiuè ducta, ac niueo Dominicanæ habitûs sui nitore admodum speciosa: Interdum huic visa est Rosa in hortis empyreis iucundè spatari cum Christo, qui pauculis passibus ante se Virginem præmittebat. Aliquando conspiciebatur deliciari inter garyophyllos & lilia, velut cum ijs certans de floridæ amœnitatis immarcescibili prærogatiua.*

Consideratione haud perfunctoria dignum puto, quod in his visionibus de Rosæ erga patriam affectu ac sollicitudine compertum lego. Vidua supradicta paucis à Virginis obitu diebus priuatim orabat in Ecclesia, ac Rosæ quam pluries in choro Beatorum conspexerat, Limanam ciuitatem & Regnum Peruanum supplex commendabat: mox rapta, intellectuâli visione conspicata est Rosam Diuina luce coruscam; audiitque blandè respondentem sibi: *Planè sic fiet ò Soror, & quidquid consentaneum fuerit gloria huius dulcissimi Numinis quo fruor, me petente summa illa Bonitas concedet. Probe memini eorum quæ mihi ut peterem fuere commendata.* Concordat huic visioni altera, quæ ex depositione iurata Sororis Caterinæ de S. Maria refertur in Processu: nimirum, piæ cuidam per-

personæ sæpius (: at per soporem) apparuerat felix Rosa, edocens quàm iucundo bonoque statu res sue erant. Bis tamen eidem solito clarior illustriorque apparuit, primò quando venerat illius animum confortatura inter aduersitates quas quidem tunc patiebatur grauissimas. Secundò, cum supra Virginis sepulchrum manifestè eandem vidit in aëre flexis poplitibus ritu supplicum intercedentem apud Deum pro Lima dilecta patria sua. Nec mirum, duabus his vicibus Rosam solito fulsisse gloriosiorē, nam ubi in priori de patientia agebatur, ostendenda fuit eodem quo Seraphica Mater sua *patientia speciali privilegio decorata*, in posteriori quæ patriam concernebat, debuit utique ardentissimus erga concives amor post mortem luculentius rutilare. Porro vt visionis sincera assereretur veritas, in muliere comperta fuerunt à peritis vera diuinæ reuelationis critica, profundior humilitas, agnitio sui nihili, alta mentis tranquillitas, gaudium spirituale nonis diuini amoris incendijs inflammatum.

Prodigiosus est hac plurium signorum benefico concursu foetum quod referam. Decumbebat in Limano SS. Rosarij cœnobio, iamque extremis agonibus se præparabat P. Magister F. Augustinus de Vega Ord. Præd. tunc Prouincialis Peruanus. Conclamatum erat de vita hominis, cæssatum à pharmacijs, & ab omnibus Medicis desertus infirmus, sola Rosa sui iam in paradiso secura curam ægroti totam in se transtulit. Dormiebat procul suis in ædibus Christophorus de Ortega homo secularis ac fortunæ infra mediocrē; huic Rosa nocte concubia se clarè visibilem obijcit, mandat primo diluculo cœnobium adeat, Prouincialem moribundum comeniat, ei denunciet, ex hac quantumuis complorata infirmitate nequaquam ipsum è viuis abiturum, prius illi sub Episcopali insula tantisper sudādum fore pro Dei gloria, antequam huius mortalis vitæ molestijs exuatur. His dictis glorio-

sa Virgo disparuit. At Christophorus tantæ præsentie mira dulcedine ac cœlesti gratiosæ dignationis affatu præproperè destitutus erupit in clamores: ah (inquit) Sancta Virgo Rosa nunc nunc à me recessit. Expergestus hac vociferatione filius Thomas de Mesa qui propè dormiebat, à Patre totam rei gestæ seriem percepit, sed incredulus multis obtestatus est Patrem vanitati insomniorum temerè ne crederet. Replicuit Pater, se verò non per insomnia, sed expeditis liberrimisque sensibus & vidisse & audisse Rosam hæc sibi seriò præcipientem. Instabat filius, saltim interea quieti ac sopori se redderet. Negavit se posse Christophorus, ac visione ruminanda intentissimè occupatus vigili impatentia diem expectabat. Vt illuxit, monita à filio coniux omnia dixit egitque, ne maritus visionem relaturus domo abscederet, nunc obsecratione nunc iurgio Virum interpellans, ne ludibrium sibi ac familiæ ineptissima fallacis somnij narratione accerseret; nil fore certius, quàm ipsum febrilis enthusiasti aut delirij arguendum iri. Verùm Christophorus tam propositi sui tenax quàm de nocturni spectaculi veritate indubius hilari fiducia cœnobium adiit, infirmum salutavit, imperata exposuit, ea frontis constantia, animique securitate, vt breui vel sola dicentis alacritas omnem ambigentibus excusserit credendi formidinem. Mira res, non tardarunt manifesta experimenta, conciliare dictis integram fidem, nam ab illo ipso momento quo Christophorus loqui desierat, cæpit æger Prouincialis morbi discessum lentis indicijs aduertere, deinde Virgini Rosæ se commendans totus conualuit, denique ad Episcopalem mitram assumptus in Paraguay satur vitæ in Domino obdormiuit.

Doctor Balthasar de Padilla Metropolitana Limensis Canonicus & Pœnitentiarius de mandato sui Archiepiscopi domum viduæ cuiusdam adierat cum Notario,

sub iuramenti fide excepturus quæ de Rosæ vita ac prodigijs afferrentur. Dum igitur examen peragitur, apparet viduæ fulgida Rosa, vultu hilari ac familiariter iucundando, gestu verò ac nutu hortatorio, velut mulieri animum faciens ad dicenda quæ poscebantur, & singula approbando ratificans quæ de suis encomijs in tabulas referebantur. Scorsim id postea anno 1630. Vidua Iudicibus Apostolicis aperuit, addens, Virginem tunc quidem sibi fuisse conspicuam eo vestimentorum schemate quo viuens dignosci ac tegi consueuerat, facie tamen multò lætiori & exporrecta, quasi quæ pro obsequio gratiam spiraret.

Alteri personæ spiritualibus exercitijs gnauiter additæ obtigit alibi conspicari visione imaginaria Beatam Rosam eo loco quem tunc deputati Iudices excipiendi & testium de ea responsis ac depositionibus destinarāt. Videbatur ipsamet Virgo conclaue perambulare, cum cura omnia circumspicere, suis candidis manibus ordinatè singula disponere, polire, adornare, simulque indicabat ista se agere, quòd illic iusta honoris ac veritatis tributa à mortalibus eo die erat receptura. Simillimum est, quod refert D. Maria de Vfatégui Gundisalui Quæstoris vxor, hoc addens, gloriosam Virginem in ea functione visam alacriter ipsa graphiaria instrumenta Notarijs disponere, chartamque digerere, protestando gaudium, quò ex Diuinorum in se beneficiorum iuridica in terris comprobatione mulcebatur. Verùm an hæc visio à superiori diuersa sit an eadem, haud facile discreuerim.

Hic verò subijciendum non est, quod anno 1631. Mariæ de Bustamante in Limensi Sanctissimæ Trinitatis Monasterio professæ Moniali accidit, ipsa iuratò id referente. Bona fide hæc coram Apostolicis Iudicibus in causâ Venerabilis Rosæ explicarat omnia quæ norat. Verùm ut sexus iste ad seueram publici iuramenti religionem facile





Didaco Morales in *Causa Venerabilis Rofe Notario* exē-  
plandis tranſcribendisq; *Proceſſum* ſeu *Agorum* vo-  
luminibus adhibebatur. Itaque iuſſus fuit in *Cauſa* præ-  
dicta bis mille folia intra certum temporis ſpatium ſcri-  
bendo abſolvere; eo quidem pacto ne illo cui ſemper af-  
ſuenerat charactere vteretur fluido, laxo, faciliq; ſed  
alio moroſiori, quadro, & adſtriſto, quem illic *nirbum*  
appellat amanuenſium vulgus. Paruit ſcriptor, at primo  
die quo laborem orſus eſt, præ difficultate inſueri chara-  
cteris desperavit ſe vñquam tot folijs exarandis parem  
fore, ſiquidem (: vt diſertè ipſemet coram Iudicibus A-  
poſtolicis ſub iurata fide depoſuit) adeo ſibi inter ſcribē-  
dum laſſabantur digiti, ſtupebat brachium, diuturnitanti-  
tū nerui, vt ſæpius exclamarit, vereri ſe, ne ex tanta fa-  
tigati pulſūs attractione citiùs ipſe deficeret, vñumq;  
manus perderet, quàm iniunctum opus abſolueret. Igi-  
tur die quadain, cum à primo diluculo vſque ad vefpe-  
ram ſcribendo laboraſſet, enormiter feſſus, totoque bra-  
chio dolens cubitum ſe recepit, dubius ne fortè poſtri-  
die vltiori ſcriptioni inutilis ſurgeret. Sub eo tædio  
obdormiſcens vidit felicem Roſam ad ſe intrantem gra-  
du placido ac feſtiuo, vultu propitio ac lato qui terrere  
nequaquam poſſet; & vt certiùs noſceretur quæ eſſet, il-  
la effigie, habitu, ornatu apparuit, prout ipſam in tabu-  
la ſcitè depictam aliquot diebus ante Scriba noſter con-  
ſpexerat. Tacuere ambo, ſed Roſa leniter accedens  
dextrum iacentis brachium inter cubitum ac pugnum  
comiter arripuit, validè at ſucceſſivè ſtrinxit, diuque  
ſic attinuit, nec niſi poſt moras admodum prolixas pla-  
cidiffimè dimiſit, ſimulque diſpiruit. Euigilans Pacc-  
cus, ac myſterij ignarus voluebat animo quid ſibi vo-  
luerit hæc dulcis apparitio, quid brachij apprehenſio,  
quid illa diuturna & tenax conſtriſtio? an fortè (: inquie-  
bat) conſcia meæ inſtabilitatis, & indolis, qua facile

ab vna ciuitate in aliam, de Regno in Regnum transcur-  
rere soleo, constantiæ me admonuit, firmitatem impe-  
rauit? Inter has cogitationum vicissitudines sese vestiens  
sensit dextrum lacertum solito agiliorem, at necdum  
susplicatus quid rei esset, prosequendæ scriptioni vt pri-  
die se denuo totum applicuit: Scripsit ab aurora vsque  
ad Salutationis Angelicæ pulsus vespertinum nulla di-  
gitorum lassitudine, nullo neruorum cruciatu, brachio  
leuissimo ac supra morem expedito. Agnouit ex tunc  
salutiferæ apparitionis opportunum beneficium, perre-  
xit totos reliquos dies scriptioni laboriosæ citra labo-  
rem impendere, comperit infatigabile robur manui suæ  
inditum ex imaginariæ visionis contactu virgineo, sic-  
que consummauit opus bis mille foliorum, quæ amodò  
pauca sibi videbantur præ admirabili scribendi facilita-  
te. Finito volumine obstupuere omnes quotquot

Pacecum nouerant, eiusque quadrum chara-  
cterem festinè, fluidè, indefessè tot char-  
tis illitum considerabant. Hinc  
ad grandiora miracula  
transeundum.



die in numerum Sororum Tertiariarum adlegeretur, assumpto nomine *Ludouica de S. Maria*. Porro vt primùm in candido S.P. sui Dominici habitu se circumspexit, solatijs ex alto copiosis tota permaduit, nec sufficebat explicare animi sui contentissimam voluptatem, hoc vnum dolens, quòd tantæ felicitati diu obstiterat corde pauido & obstinato.

Ludouica de Mendoza coniux Alphonsi Gonzalez de Sancto Martino paulò post Sanctæ Virginis obitum videns eandem populariter tot encomijs celebrari, incredula, seu pro foemineâ resistendi dulcedine seu pij affectûs contumaci algore fidem sanctitatis eius concipere aut nequibat ant nolebat. Quantulum enim (: cogitabat) perfectionis gradum spatio vitæ tam exiguæ assequi potuit fragilis puella annum ætatis trigesimum primum vix nuper egressa? vnde Rosæ inter plebeios natæ & educatæ, manuum suarum labore sustentatæ, in seculari domo domesticè moratæ ac mortuæ tantarum virtutum schola patuit, aut scala tam sublimium contemplationum in promptu fuit? clament miracula, at Ludouica dubitabat, acclament populi, magis ipsa obsurdescebat: ergo quæ ita cor suum ne crederet obloricarat, validiori pulsanda fuit ariete vt se dederet. Repentino angore correpta est, vt manibus pedibusque se putarit demutilatam; neque id satis, grauiorem sensit in suo spiritu procellam, caligo, pavor, tempestas mentem obsederant, cor turbatum, quodam velut terræ-motu succutiebatur. Hic demum illa euidenter agnoscens ab vnica sua pertinaci incredulitate hos esse paroxysmos, subito manus dedit, duritiem posuit, animoque trepidè in Deum eleuato supplex protestata est, se credere, se corde toto fateri, quòd Rosa verè Sancta sit. Et en repente conqueuit horrida commotio, siluit tempestas, redijt serena tranquillitas. Sic pro

*Tres Reuerendissimi Cardinalis de Aragonia,  
Bina Magistri Generalis Ord. Pradic.*

*Fides decreti Capituli Generalis eiusd. Ord. ad idem à  
Sanctitate Vestra communi nomine petendum;*

*Mandatum Procura in personam F. Antonij Gonzalez  
specialiter per solemne instrumentum constitutum,  
à Generali Ordinis confirmatum.*

*Demum persenerantia & augmentum fama Sanctitatis,  
Venerationis, & Deuotionis populorum, & Miracula su-  
pra CXIX. ex processu Remissoriali in specie auctoritate A-  
postolica confecto, inter qua habetur sanatio à lepra, & plu-  
rima à paralyti alijsque gravissimis morbis.*

(L. S.) D. Cardinalis Azzolinus.

Bernardinus Casalius Sac. Rit. Cong. Secr.

*Claudit Virginis Rosæ mortalem vitam annus ætatis  
sue trigesimus secundus, claudat pariter vitæ historiam  
Caput trigesimum secundum. At liceat finire mellisui  
Bernardi verbis, serm. de S. Malachia: O Rosa electa,  
magna fuit super Te Divina dispensatio pietatis, qua Te  
daruam fecit in oculis tuis, magnam in suis; qua magna  
fecit per Te saluans patriam tuam, magna fecit Tibi intro-  
ducens Te in gloriam suam.*

FINIS;

# MANTISSA

Signorum, Gratiarum, Miraculorum, quibus  
 Diuina Bonitas ROSAE Sponsæ suæ  
 immortalem Gloriam dignata est  
 mox ab illius obitu creberri-  
 mè manifestare.

**T** *Empori tacendi tempus loquendi* ponè subiungit Ec-  
 clesiastes cap. 3. Bonum factum. Ne de *Miraculis*  
 Rosæ scriberem, huc-usque *tempus tacendi* attinuit cala-  
 mum. Nunc Maiorum adnuto *tempus loquendi* successit.  
 Ergo quod pollicebar in Prolepfi hic præsto, adiecta  
 hac paucorum capitum Mantissa, quæ ex authenticis Pro-  
 cessibus *Signorum, Gratiarum, Miraculorum* delectum  
 exhibeat: non plenum catalogum. Dabunt alij copio-  
 siora.

## C A P V T I.

Rosa post mortem & sæpissimè  
 & multis apparet Glo-  
 riosa.

**A** Loyfia de Serrano: cuius memini supra Cap. XIX.)  
 ut Rosæ adhuc mortali familiaris & chara fuerat,  
 ita ab immortali meruit frequenti apparitione familia-  
 riùs



rius honorari. Inter eas hæc illustrior fuit, qua vidit coram Divino solio augustissimam cœli Reginam stantem, ac miri fulgoris coronam manu gestantem, velut novam hospitem expectaret ad illius solij limbum solemniter coronandam. Parte altera niveus candidarum Virginum chorus mediam complexus Rosam tunc recens defunctam hilari & canoro agmine deducebat ad Deiparam. Singulis Virginibus singulæ erant in manibus palmæ, in verticibus coronæ, Rosa palmam deferebat ut ceteræ, at nondum coronam. Aloysia gaudio ac stupori impar dum reliquo inhiat coronationis spectaculo, disparuit visio. At postridie tertia Rosæ apparitio gaudium cœnclavit. Nimirum vidit tunc Aloysia Rosam eodem quo pridie nuptiali ac festiuissimo Virginum agmine decorè circumdatam, nec solam palmam, sed & immensæ gloriæ coronam insignitam, cui seorsim applaudebant dispositæ Angelorum phalanges, & beata plurimorum Sanctorum caterua iubilo publico suavissimè gratulabatur. Aloysia sibi reddita, at sibi non fisa spiritualium suorum Patrum arcano examini utramque visionem exposuit: hi verò ex effectibus concorditer decreverunt, fuisse immixtam diuinitus, omnique fallaciæ periculo caruisse.

Quætori Gundisaluo de la Massa (: qui coram Apostolicis Iudicibus id verbo scriptoque restatum reliquit) secretò fassus est vir illis diebus mysticæ Theologiæ peritia & contemplationis sublimitate clarus, quòd intra tres hebdomadas ab obitu Rosæ proximas minimùm viginti & duabus vicibus conspicua sibi fuerit gloria huius Virginis intuitu nunc imaginario nunc intellectualem, qua puritatis suæ virgineus candor cum sua inestimabili dotè & floridissima aureola ostendebatur absque omni figura corporea, perque simplicem irradiationem tran-

tranquillæ notitiæ. Hunc revelationis modum ut planè defæctum sensuque superiore, ita ineffabilem fuisse, taliq; obiecto apprimè dignum existimauit, & ut par erat æstimauit.

Doctor Ioannes del Castillo Medicus, anno post felicem Virginis transitum quintodecimo iurauit coram Apostolico secundi examinis Tribunali, sibi per visionem imaginariam apparuisse Rosam in medio cuiusdam fulgidissimi luminis quod ipsammet Diuinæ Maiestatis claritudinem ac speciem referebat. In huius auroreissimo cetro comparebat Rosa amicta habitû S.P. sui Dominici mirabiliter candente ac radiofo, cuius incomparabilem decorem protestabatur se verbis assequi non posse. Facies Virginis gratia ac splendore micabat infinito, corpus eiusdem vndique circumdederant rosæ candidæ atque purpureæ sine numero; manum dexteram occupabat ramus index nitidissimæ virginitatis, nec minùs è ramo quàm de rosis continuò scintillabant densa gloriæ fulgura. Quin & pluries sub eiusmodi visione Rosa suauiter affata est spectatorem suum, multa ac sublimia illi edisserens de felicitatis suæ excelso fastigio, quæ humanæ linguæ idiomate efferri non possunt. Quidam ex Virginis Confessarijs ab ore eiusdem Doctoris accepit, plus quàm quinquagies gloriosam beatæ Rosæ apparitionem sibi cœlitus illuxisse. Ipsemet ultro in postrema anni 1631 depositione coram iisdem Iudicibus persanctè asseuerat, integro sex mensum spatio interdiu noctuque se diuinitus admissum ad tantæ Beatitatis spectaculum, ac toties, quoties mentem destinatis horis eleuabat in adyta contemplationis, ostensam sibi fuisse Rosam inter agmina Beatorum. Ut paulatim cessauit hæc apparitionum gratiosa frequentia, non cessauit tamen ex lege vrbauitatis Rosa per aliquot exinde dies cœlesti ephæbo suas vices committere; Angelus erat tenera duodennis pueruli

specie quotidie inuisens Doctorem ex Rosæ nomine, deque huius ineffabili gloria semper nouum aliquid edisserens. Sicque his demum visionibus comiter impositus est finis. Porro eandem Rosam videre in Sponsi sui paradiso vernantibus rosas floridè circumseptam, aureoque diademate redimitam pluribus à Deo concessum fuit, præsertim Viduæ cuidam fama virtutum tunc celeberrimæ, cui se Rosa sæpius in cælesti lumine stitit conspicuam, non sine officioso Angelicarum myriadam comitatu. Semel hanc in imaginaria visione sic allocuta est virgo: *Laborandum est à Mater, nam permagna res est cælestis præmium. Mihi quidem hic abundè retributum est pro eo quod laboravi.* Dixit facie in serenum risum festiuè deducta, ac niueo Dominican habitûs sui nitore admodum speciosa: Interdum huic visa est Rosa in hortis empyreis iucundè spatari cum Christo, qui pauculis passibus ante se Virginem præmittebat. Aliquando conspiciebatur deliciari inter garyophyllos & lilia, velut cum ijs certans de floridæ amœnitatis immarcescibili prærogatiua.

Consideratione haud perfunctoria dignum puto, quod in his visionibus de Rosæ erga patriam affectu ac sollicitudine compertum lego. Vidua supradicta paucis à Virginis obitu diebus priuatim orabat in Ecclesia, ac Rosæ quam pluries in choro Beatorum conspexerat, Limanam ciuitatem & Regnum Peruanum suppliciter commendabat: mox rapta, intellectuali visione conspicata est Rosam Diuina luce coruscantem; audiitque blandè respondentem sibi: *Planè sic fiet à Soror, & quidquid consentaneum fuerit gloria huius dulcissimi Numinis quo fruor, me petente summa illa Bonitas concedet. Probè meministi eorum, quæ mihi ut peterem fuere commendata.* Concordat huic visioni altera, quæ ex depositione iurata Sororis Caterinæ de S. Maria refertur in Processu: nimirum, piæ cuidam

per-

personæ sæpius (: at per soporem) apparuerat felix Rosa, edocens quàm iucundo bonoque statu res suæ erant. Bis tamen eidem solito clarior illustriorque apparuit, primò quando venerat illius animum confortatura inter aduersitates quas quidem tunc patiebatur grauissimas. Secundò, cum supra Virginis sepulchrum manifestè eandem vidit in aëre flexis poplitibus ritu supplicum intercedentem apud Deum pro Lima dilecta patria sua. Nec mirum, duabus his vicibus Rosam solito fulsisse gloriosiorè, nam vbi in priori de patientia agebatur, ostendenda fuit eodem quo Seraphica Mater sua *patientia speciali privilegio decorata*, in posteriori quæ patriam concernebat, debuit utique ardentissimus erga concipes amor post mortem luculentius rutilare. Porro vt visionis sincera assereretur veritas, in muliere comperta fuerunt à peritis vera diuinæ revelationis critiria, profundior humilitas, agnitio sui nihili, alta mentis tranquillitas, gaudium spirituale nouis diuini amoris incendijs inflammatum.

Prodigiosius est, ac plurium signorum benefico concursu foetum quod referam. Decumbebat in Limano SS. Rosarij coenobio, iamque extremis agonibus se præparabat P. Magister F. Augustinus de Vega Ord. Præd. tunc Prouincialis Peruanus. Conclamatum erat de vita hominis, cessatum à pharmacis, & ab omnibus Medicis desertus infirmus, sola Rosa sui iam in paradiso secura curam agroti totam in se transtulit. Dormiebat procul suis in ædibus Christophorus de Ortega homo secularis ac fortunæ infra mediocrè; huic Rosa nocte concubia se clarè visibilem obijcit, mandat primo diluculo coenobium, adeat, Prouincialem moribundum conueniat, ei denunciet, ex hac quantumuis complorata infirmitate nequam ipsum è viuis abiturum, priùs illi sub Episcopali infula tantisper sudādum fore pro Dei gloria, antequam huius mortalis vitæ molestijs exuatur. His dictis glorio-

sa Virgo disparuit. At Christophorus tantæ præsentie mira dulcedine ac cœlesti gratiosæ dignationis affatu præproperè destitutus erupit in clamores: ah (inquit) Sancta Virgo Rosa nunc nunc à me recessit. Expergestus hac vociferatione filius Thomas de Mesa qui propè dormiebat, à Patre totam rei gestæ seriem percepit, sed incredulus multis obtestatus est Patrem vanitati insomniorum temerè ne crederet. Replicuit Pater, se verò non per insomnia, sed expeditis liberrimisque sensibus & vidisse & audisse Rosam hæc sibi seriò præcipientem. Instabat filius, saltim interea quieti ac sopori se redderet. Negavit se posse Christophorus, ac visione ruminanda intentissimè occupatus vigili impatientia diem expectabat. Vt illuxit, monita à filio coniux omnia dixit egitque, ne maritus visionem relaturus domo abscederet, nunc obsecratione nunc iurgio Virum interpellans, ne ludibrium sibi ac familiæ ineptissima fallacis somnij narratione accerseret; nil fore certius, quàm ipsum febrilisi entusiasmi aut delirii arguendum iri. Verùm Christophorus tam propositi sui tenax quàm de nocturni spectaculi veritate indubius hilari fiducia cœnobium adiit, infirmum salutavit, imperata exposuit, ea frontis constantia, animique securitate, vt breui vel sola dicentis alacritas omnem ambigentibus excusserit credendi formidinem. Mira res, non tardarunt manifesta experimenta conciliare dictis integram fidem, nam ab illo ipso momento quo Christophorus loqui desierat, caput æger Prouincialis morbi discessum lentis indicijs aduertere, deinde Virgini Rosæ se commendans totus conualuit, denique ad Episcopalem mittam assumptus in Paraguay satur vitæ in Domino obdormiuit.

Doct̃or Balthasar de Padilla Metropolitanæ Limensis Canonicus & Pœnitentiarius de mandato sui Archiepiscopi domum viduæ cuiusdam adierat cum Notario,

sub iuramenti fide excepturus quæ de Rosæ vita ac prodigijs afferrentur. Dum igitur examen peragitur, apparet viduæ fulgida Rosa, vultu hilari ac familiariter iucundando, gestu verò ac nutu hortatorio, velut mulieri animum faciens ad dicenda quæ poscebantur, & singula approbando ratificans quæ de suis encomijs in tabulas referebantur. Scorsim id postea anno 1630. Vidua Iudicibus Apostolicis aperuit, addens, Virginem tunc quidem sibi fuisse conspicuam eo vestimentorum schemate quo viuens dignosci ac tegi consueuerat, facie tamen multò lætiori & exporrecta, quasi quæ pro obsequio gratiam spiraret.

Alteri personæ spiritualibus exercitijs gnauiter additæ obtigit alibi conspiciari visione imaginaria Beatam Rosam eo loco quem tunc deputati Iudices excipiendis testium de ea responsis ac depositionibus destinârât. Videbatur ipsamet Virgo conclaue perambulare, cum cura omnia circumspicere, suis candidis manibus ordinatè singula disponere, polire, adornare, simulque indicabat ista se agere, quòd illic iusta honoris ac veritatis tributa à mortalibus eo die erat receptura. Simillimum est, quod refert D. Maria de Vfatégui Gundisalui Quæstoris vxor, hoc addens, gloriosam Virginem in ea functione visam alacriter ipsa graphiaria instrumenta Notarijs disponere, chartamque digerere, protestando gaudium, quòd ex Diuinorum in se beneficiorum iuridica in terris comprobatione mulcebatur. Verùm an hæc visio à superiori diuersa sit an eadem, haud facile discreuerim.

Hic verò subijciendum non est, quod anno 1631. Mariæ de Bustamante in Limensi Sanctissimæ Trinitatis Monasterio professæ Moniali accidit, ipsa iuratò id referente. Bona fide hæc coram Apostolicis Iudicibus in causa Venerabilis Rosæ explicarat omnia quæ norat. Verùm ut sexus iste ad seueram publici iuramenti religionem facile



cile trepidat, ac velut inter fulmina censurarum suæ conscientie metuit, post examen anxiam Mariam graues inuafere scrupuli, ne fortè aut per imperitiam respondendi, aut per linguæ memorique cespitationem plus vel minus, quàm exacta veritas & rigor illius Tribunalis exegerant, dictasset. Fluctuabat misera inter saxū & sacrum; hinc urgebat animi inquietudo ad nonnulla ex dictis, seu moderanda, seu retractanda, sed vnà cum reluctante summa, verecundia obstabat, quòd determinatè quid in suis dictis corrigere teneretur nesciebat; inde dictabat animus, nulla opus esse retractione, at interim delicatæ conscientie deerat secura tranquillitas. Inter has angustias, dum nocte quadam in sua cellula solitaria, obdormierat, sensit alieno se motu & imperio (at absque terribilamento) blandissimè à somno excitari. Excitata consedit in lectulo, totoque sopore facile discusso tacita & attenta mirabatur, ad quid, vnde, aut à quo illa hora fuisset in vigiliam reuocata; dumque sic omnia versans animo auscultat & hæsitat, ecce, vox lenis ac dulcissima sedenti allabibitur ita inquiens: *nihil dubites Maria, neque angaris, etenim Rosa verè sancta est.* Mirum dictu: eodem momento sensit Maria se scrupulo suo liberatam, euannit inquietudo & timoris anxietas, rediit cordi suo tranquillissima malacia, ita vt noctis residuum potuerit sub placido lætæ securitatis silentio transigere, certa tantam tamque repletam animi quietem aliunde quàm defursum infundi sibi non potuisse; sciebat præterea, scrupuli sui morsus nemini præterquam sibi ac cœlo notos fuisse, cumque maxime nocturnis horis soleret ad omnem peregrinum strepitum expauescere, sub voce præmemorata non tantum nihil expauit, sed planè refecta est.

Plura huius generis superessent, at coronidem imponat Didacus Hyacinthus Paceus Hispalensis, qui Lina ex quotidiano hypographicæ artis lucello victitans à

Didaco

Didaco Morales in *Causa Venerabilis Rosæ* Notarii exēplandis transcribendisque Processuum seu Actorum voluminibus adhibebatur. Itaque iussus fuit in *Causa* prædicta bis mille folia intra certum temporis spatium scribendo absolueret, eo quidem pacto ne illo cui semper asfuerat charactere vteretur fluido, laxo, faciliq; sed alio morosiori, quadro, & adstricto, quem illic *urbum* appellat amanuensium vulgus. Paruit scriptor, at primo die quo laborem orsus est, præ difficultate insueti characteris desperavit se umquam tot folijs exarandis parem fore, siquidem (: vt disertè ipsemet coram Iudicibus Apostolicis sub iurata fide deposuit) adeo sibi inter scribēdum lassabantur digiti, stupebat brachium, diuturnicabantur nerui, vt sæpius exclamarit, vereri se, ne ex tanta fatigati pulsūs attractione citiùs ipse deficeret, vsumque manus perderet, quàm iniunctum opus absolueret. Igitur die quadam, cum à primo diluculo vsque ad vespēram scribendo laborasset, enormiter fessus, totoque brachio dolens cubitum se recepit, dubius ne fortè postri die vltiori scriptiōi inutilis surgeret. Sub eo tædio obdormiscens vidit felicem Rosam ad se intrantem gradu placido ac festiuo, vultu propitio ac læto qui terrere nequaquam posset; & vt certiùs nosceretur quæ esset, illa effigie, habitu, ornatu apparuit, prout ipsam in tabula scitè depictam aliquot diebus ante Scriba noster conspexerat. Tacuere ambo, sed Rosa leniter accedens dextrum iacentis brachium inter cubitum ac pugnum comiter arripuit, validè ac successiue strinxit, diuque sic attinuit, nec nisi post moras admodum prolixas placidissimè dimisit, simulque disparuit. Euigilans Paccus, ac mysterij ignarus voluebat animo quid sibi voluerit hæc dulcis apparitio, quid brachij apprehensio, quid illa diuturna & tenax constrictio? an fortè (: inquiebat) conscia meæ instabilitatis, & indolis, qua facile

die in numerum Sororum Tertiariarum adlegeretur, assumpto nomine *Ludouica de S. Maria*. Porro ut primum in candido S.P. sui Dominici habitu se circumspexit, solatijs ex alto copiosis tota permaduit, nec sufficiebat explicare animi sui contentissimam voluptatem, hoc vnum dolens, quòd tantæ felicitati diu obstiterat corde pauido & obstinato.

Ludouica de Mendoza coniux Alphonfi Gonzalez de Sancto Martino paulò post Sanctæ Virginis obitum videns eandem populariter tot encomijs celebrari, incredula, seu pro foemineâ resistendi dulcedine seu pij affectûs contumaci algore fidem sanctitatis eius concipere, aut nequibat ant nolebat. Quantulum enim (:cogitabat) perfectionis gradum spatio vitæ tam exiguæ assequi potuit fragilis puella annum ætatis trigesimum primum vix nuper egressa? unde Rosæ inter plebeios natæ & educatæ, manuum suarum labore sustentatæ, in seculari domo domesticè moratæ ac mortuæ tantarum virtutum schola patuit, aut scala tam sublimium contemplationum in promptu fuit? clament miracula, at Ludouica dubitabat, ac clament populi, magis ipsa obsurdescebat: ergo quæ ita cor suum ne crederet obloricarat, validiori pulsanda fuit ariete ut se dederet. Repentino angore correpta est, ut manibus pedibusque se putarit demutilatam; neque id satis, grauiorem sensit in suo spiritu procellam, caligo, pavor, tempestas mentem obsederant, cor turbatum, quodam velut terræ-motu succutiebatur. Hic demum illa euidenter agnoscens ab vnica sua pertinaci incredulitate hos esse paroxysmos, subitò manus dedit, duritiem posuit, animoque trepidè in Deum eleuato supplex protestata est, se credere, se corde toto fateri, quòd Rosa verè Sancta sit. Et en repente conquieuit horrida commotio, siluit tempestas, redijt serena tranquillitas. Sic pro

Sponsæ honore zelabat ille Sponsus cui ventī & mares  
obediunt. Verū à spiritualibus ad corporalia Benefi-  
cia tandem hic descendendum.

## C A P V T I I I.

Rosæ defunctæ attractu, odore,  
veneratione, mors, mor-  
bi, pericula depel-  
luntur.

**T**Amerſi P. Antonius de la Vega Loayſa Soc. Jeſu ſua  
ſuis facundiſſimis Reſponſis diſerte ac ſapienter mo-  
nuerit deputatos Iudices, totam Rosæ vitam à primis in-  
cunabulis uſque ad extremum halitum continui perpe-  
tuitque *Miraculi* loco cenſendam atque habendam eſſe,  
attamen uſum iſtis progredi ad ſpecialioſa, quæque mi-  
leuere poſt eius vitam in beneficio alieno.  
Primum in his meritis ſibi depoſcit locum reſuscita-  
tio mortuæ filiolæ ſemelſtris, Magdalenz de Torres. Huic  
pater erat Grégorius de Torres agricola, mater Ioanna  
Michaëla, lambio uſitantes opere ruſtico in ſuburbanis  
Limæ ad uiam *Melamio*. Hi dum anno 1627. menſe O-  
ctobri prope Urbem ſuſtinebantur in prædio Balthaſariſ  
de la Cona, ibidem febris cun diutius tenellam filio-  
lam inuaſit, demum & exiit inter materna brachia. Nil  
profuerant adhibita pro illius ætatis capti remedia, nil  
matris

matris sollicitudo & lachrymæ, charæ prolis animulam mors delibavit in vlnis afflictae genitricis. Iacuit ab illo vespere vsque in claram postera die lucem exanime corpusculum, sine calore, sine motu. Iam ad effodiendum tantillo cadaueri sepulchrum paratus adstabat sarculus, eomportabantur flosculi necendi in modicam corollam. Sed mater ipsa noctis illius conticinio memor aliquid penes se esse reliquiarum quæ Rosam attigerant, inopia suæ seriniola excussit, particulam vestis cum ramusculq Ginestræ (: cui Virgo olim indormierat ) inuenit: cum his properauit ad algidum cadauer, cæpirque longis & anxijis precibus Rosam inuocare in auxilium, denique fide iam robustior ac velut Rosæ viuificos è reliquijs odores percipitura, patellæ carbones, his ramusculum & alterius particulæ aliquot filamenta imposuit, mox defunctam filiolam suffumigauit. Fumo viui ocludunt oculos, mortua aperuit, nam ecce illo momento quo suffitus infantem attigit, hæc reuixit, & diductis ocellis quos dolens mater pridie occluserat, lætam respexit. Interfuere spectaculo infantis pater, soror, aliisque iuuenis, qui iunctim in genua prouoluti, suoque gaudio ac stupori impares sublatis in coelum vocibus laudarunt Dominum in sua Rosa tam odorifera. Interim paruula Magdalena pauxillo aquæ, cui marer puluerem sepulchri B Rosæ insperferat, auidè epoto sana confedit vbi supina iacuerat, nec præteritæ infirmitatis vllum in ea superfuit vestigium.

Anno 1631. Antonius Bran mancipium Domine Ioannæ Barretæ decumbebat ex febribus & angore pectoris, iamque per tres menses & amplius morbi contumacia variorum medicamentorum vim omnem eluserat, ac parum spei residuum erat. Observabatur ab vxore & consobrino, quidum noctu circa infirmum excubabant, repente notârunt ambo Antonium iacere sine motu, sine respiratione vlloque vel minimo signo vitali: inuocabant

ægrum ex nomine proprio, vellicabant, pulsabant, sed nonnisi responsa mortis extundebant à corpore iam gelido. Vxor horrore ac mœrore grauis cucurrit ad heram, & cum ciulatu breuissimè indicauit maritum suum efflas-  
se animam. Exterrita Domina lecto exsiliit (: nam iustè media nox erat) cumque D. Ludouica Baretta sorore sua germana ad Antonij cubile properauit, illic Antonij cō-  
sobrinus ad caput lectuli plangebatur mortuum, & intran-  
tibus fœminis mœsta voce occurrit: nolite (inquiēs) vos  
incommodare, iam enim Antonius noster spiritum reddi-  
dit Creatori. Accedit propius Ioanna, explorat, tangit,  
occlamat; sed vt extensum, frigidum, rigidum inuenit,  
velut suæ iacturæ sat certa sorori dixit: *tam & hunc mihi  
seruum tam utilem & necessarium Deus abstulit, sit nomen  
eius benedictum.* Inde conuersa ad caput lectuli vidit ap-  
pensam Venerabilis Rosæ chartaceam imaginem ex ijs  
quæ Romæ superiorum permissu excusæ & in Indias de-  
latæ fuerant. Hinc ingenti concepta fiducia cœpit inuo-  
care Rosam sonoris vocibus, ac liberè flagitare resuscita-  
tionem sui mancipij. Mox correptam imaginem reueren-  
ter pectori iacentis imposuit, cumque tribus reliquis ibi-  
dem tristi silentio euentum exspectauit. Sic horæ dimi-  
dium tacitis circa lectulum votis exactum est, cum ecce  
Antonius, qui integro duarum horarum spatio algidus,  
pallidus, immobilis iacuerat, alto cum suspirio (: quale  
admodum lassorum esse solet) oculos aperuit, circum-  
spexit, ac miratus heram illo noctis incommodo tempo-  
re sibi adstantem, interrogauit quid rei ageretur? mox  
percepto quid acciderat, animatus consedit in lectulo,  
nec solum incolumem, sed & sanum se vegetumque sen-  
sit, nec febris deinceps redijt: attamen vrgentibus quæ  
aderant fœminis medicinam ante præparatam tametsi  
iam superfluum sumpsit, quicuit, ac post biduum lecto  
doloris valedicens Rosæ sepulchrum adiit, totumque ibi  
diem



diem in gratiarum actione transegit.

• Elyzabeth Duran vidua Iacobi Carlos à multo tempore siccum & inutile brachium gestabat, fascijs obuolutum, cuius non solo inertis ponderè sed & iugi dolore vexabatur. Vt ergo audiuit, Rosæ virginicum corpusculum in Aede FF. Prædicatorum feretro impositum parari ad sepulturam, plena fide, ac duabus stipata filiabus eò properauit vt potuit, circumfusæ multitudini vltro se inuoluit, si quo modo ad tumulū Virginis penetraret: peruenit, filiabus alijsque viam aperientibus, iisdem auxilijs ægrè in tumuli gradus eluctata, brachium vultui Rosæ bis terue applicuit; mox eodem temporis puncto exclamauit: *euge brachium meum sanatum est; reuixit brachium meum*. Vtque miraculo fidem faceret, lacertum tum quaquauerus iactauit expeditè, viuide, & celeritè, spectante ac plaudente confertissimo populo. At præ omnibus vehementius obstupuit Melchior de Amusgo Medicus, qui in turba fortuitus aderat, multoque tempore diuerlas sed frustraneas mulieris brachio medelas applicuerat; fassus illud humanitus curari non potuisse. Porro Elyzabeth successu laeta exinde per complures annos palam visa est brachio suo vt ad quæuis officia, quasi numquam languisset. Miraculum istud inibi tot habuit testes quos Rosa tunc in suo feretro spectatores.

• Licentiati Didaci Ayala seruus Aethiops (nomen expressum nusquam reperi) dextri brachij manusque vsum ex plica & neruorum attractione dudum perdiderat; audita fama defunctæ Virginis ad Ecclesiam Sancti Dominici cum alijs contendit; Rosæ precibus se commendauit; statimque in signum obtentæ sanitatis brachium altè sublatum & exporrectum toto templo circumtulic reiectis vetustis pannorum inuolucris; spectabat vniuersus populus, & dum hinc vnà vox omnium erumpit in publicas Dei laudes, dum inde mixti consurgunt gratulan-

tulantium clamores, nonnulli qui seruum familiaris, no-  
uerant, manum eius festiuè, arreptam de osculati sunt co-  
ram turba, piaque curiositate lustrabant vetusta signa, &  
vbi attractio manum Aethiopis cum brachio in plicas te-  
nacissimè quondam curauerat.

Verùm à dextro ad brachium sinistrum. Presbyter  
Georgius de Aranda Valdiuia ante Clericatum in bellis  
Chulensibus contra Infideles complura sinistro brachio  
exceperat vulnera, quae deinde malè curata paulatim san-  
guinem, conuulsiones, tumores attraxerant, ut iam præ in-  
flatione brachium neque extendi potuerit nec plicari.  
Vtique in digitos proserpserat molestissimus tumor, ut af-  
ficiatissimus Sacerdos in Missa nec Diuinam hostiam com-  
modè satis tractare, nec sine alterius brachij suffulcimen-  
to alterum potuerit eleuare. Igitur ipso die quo Rosa se-  
pulta fuit, sub vesperam à Religioso germano fratre adiu-  
tus irrepfit in aedem Capitularem, orauit ad sepulchrum  
Virginis, implorauit opem, subitoque obtinuit: nam re-  
pente frigido sudore madidus, dum successiuè digitos,  
manum, brachium motu lenissimo pertentat, omnia san-  
na, vegeta, flexilia reperit. Mox religione ac laetitia tre-  
mulus in Ecclesiam (vbi tunc fortè P. F. Christophorus  
de Azevedo Prior Panamensis cum plurimis seculari-  
bus subsisterat) se proripuit, ibique coram Altari SS. Ro-  
sarij elatis vocibus in gratiarum actionem procubuit. Ac-  
currunt spectaculo qui propiores aderant, atque inter hos  
Bartolomæus de Toro Regius tabellio. Nec multùm ro-  
gari se passus Georgius, coram his (& plerisque notissi-  
mus pridem erat tum ipse tum brachij sui stupor) fide-  
liter totam rei seriem exposuit: simul rogati Notarius & tes-  
tes, priusquam aliquid in tabulas referretur, miraculum  
penitissimè explorarunt, iusserunt Georgium in pedes se-  
erigere, inspexere brachium omnium tumore liberum, quod  
presbyter sursum, deorsum, dextrorsum, laeuorsum & in

omne

omne latus pari qua dextrum agilitate rotabat sine dolore, manum aperiebat claudiebatque promptissime, digitos stringebat, diducebat, motiebat celerrime, nec quoad vixit, in his ullum pristini languoris vestigium notauit.

Alphonfus Diaz mendicus toti Limæ tunc notissimus humili nixus fulcro, manumque & pedem ex attractione inutiles per solum trahens non gradiebatur, sed serpebat humi, stipem per domos flebiliter querens. Hic ipsa die qua Rosam sepulturæ fossa operuerat, ad Aedem S. Dominici anhelus venit, in ea aliquādiu amarissime lachrymatus ac de loco sepulturæ sciscitans, demum vt potuit in aulam Capituli præcepit, Rosæ sepulchro pronus incubuit, per horam sic orauit, genuit, fleuit, denique sudauit, ignarus se iam curatum esse. Superuenit is cui cura erat Virginis sepulchrum latere, coctili obtegere: iubet Alphonsum loco abscedere, negat ille se posse, contenduntambo, sed prior ille integris viribus Alphonso robustior hominem circumplectitur, & repugnantem abstrahit, sensimque ac molliter in pedes erigit. Hic primum sensit Alphonfus se curatum esse, nihilominus ob longam standi desuetudinem proximo parieti a ceclinis breuiterque miratus seipsum erectum ac sine fulcro, simul in clamores simul in lachrymas erupit, iubilans atq; vociferans: *Benedictus Deus, valeo, sanus sum, quod à quatuor annis circiter numquam potui nunc possum, meis insisso talis, plantas qua terram nosse desueuerant, humi nunc figo, laudetur Dominus in Sanctis suis.* Interim toto corpore sudabat adhuc, & quia sub plantis pro callo mollior caro succreuerat, terram passibus nonnihil suspensis calcabat, idque alij infirmitatem rati euntem subiectis brachijs iuuare nitebantur. Renuit ille, protestans, se iam sibi abundè sufficere. Fit concursus, & inter plaudentium, hymnos Alphonfus in Ecclesiam reducit spectandus

ab omnibus. Processit grauitèr, qui numquam aut festi-  
uor aut spectabilior ambulat.

Dum Rosæ cadauer prostabat in tumulo, adrepit puer  
Aethiops duodēni maior, ac de attractorum pedum vicio  
quàm de nōmine per urbem notior; dumque sub feretri  
tabulato orat, ( siquidem nec palmum à terra se erigere,  
nec ad sacri corpusculi attactum in gradus potuerat elu-  
stari ) repente prodijt alacer, erectus in pedes; quos antè  
nonnisi reptans miserrimè per terram traxerat; dum ne-  
quidem grallis uti; sed dimidio corpore dumtaxat solum  
verrerè licebat. Exsiliit deinde sanus, mediisque se tur-  
bis fidenter immiscuit; Rosam identidem suam liberatri-  
cem altis vocibus inclamans. Inde per oetiduum visus  
est quotidie adire sepulchrum Virginis, ad gratias palam  
& ex debito persoluendas.

Huius exemplo alius puer itidē Aethiops simillimaq;  
pedum inualetudine calamitosus ( nisi quòd grallis ve-  
rumque se librabat à terra; non tamen à parietum subsi-  
dio ) post humatum Rosæ funus accessit; iuxta fossam in  
angulum Capitularis aulae se proiecit; orauit, & ultra  
duarum horarum spatium ibidem supplex accubuit; tan-  
dem in conspectu multitudinis quæ aderat; lentè se ere-  
xit, vociferans: *Sanus sum, videor mihi posse intedere sen-  
tibus tibiis meas carere impedimento, quinimò in cursum pro-  
ruunt.* Respondit quidam ex vicinioribus: si ita est surge  
in pedes, ambula, & obtenta gratiæ fidem facito. Nec  
mora; neglectis grallis surrexit puer, stetit, ambulauit,  
neque præ lætitiâ seipsum capiens subsiliit, tripudiauit;  
denique turbam densissimam rogauit, tantisper in par-  
tem secederet, sibi que spatium currendi daret. Obtinuit,  
ut susque deque per aulam ceu leuis caprea cucurrit. Vix  
suis credere oculis qui puerum ante nouerant, attol-  
luntur in sublime voces laudantium Deum, accurrunt  
Religiosi, abducunt puerum in Ecclesiam; totoque

perfonant templo canoræ gratiarum adiones.

Ioannæ de Caſtillo Viduæ filiulus erat bimus Franciſcus Fernandez de Sigura, catalepticis palpitationibus ab anno integro frequenter ac periculoſè diuexatus. Caſſa & irrita fuere humana remedia, donec recurſum fuit ad Roſam tunc recens tumulatam. Huc igitur afflicta mater paruulum ſuum detulit, ad ſepulchrum ſtitit, orauit. Filiulus interim vltro ſe ſepulchro inſtrauit ore prono, ibidem mox hilareſcere cepit, cumq; poſt ſeſquihoram interrogaretur à matre, num iacendo laſſus erigi vellet ac abduci, petijt adhuc pauliſper ibi relinqui. Demum ſurrexit ſponte, ſanitatis indiſijs lætus, neque ex eo tempore uſque ad ætatis ſuæ annum 17. (: quo vnà cum Matre hæc apud Iudices Apoſtolicos teſtificatus eſt ) hac aut alia quacumque infirmitate impetitus fuit.

Rufina Brauz filiolum genuerat Petrum Tamayo: vix quintum-decimum à natiuitate diem infans attigerat cum deprehenſus eſt hernia miſerabiliter laborare. Magis in dies laxabatur lacerum peritonæum, propendebant viſcera, nec niſi magno labore atque periculo retrudebantur introrſum mox iterum proditura. Vagiebat continuo paruulus tanto dolori impar, ac ſæpè toto triduo nauſebundus vbera nutricis omnino reſpuebat. Biennium ferè applicandis remedijs inſumptum eſt magno impendio, profeſſu nullo. Denique biduo poſtquàm Roſam vita functam terra exceperat, ad illius ſepulchrum delatus ferè per duas horas quietus inſedit, dum Mater cum cognatis fœminis in Templo hæſit Deo & Virgini Roſæ ſobolem commendans. Redditus Matri filiulus oculoſo reticulo viſceribusque repositis inuentus eſt ſine hernia, ſolùm ià beneficij memoriam conſpicua remanſerat cicatrix, quæ tamen etiam firmabat reparati peritonæi integritatem ne ampliùs rumpi poſſet.

Petro de Vega grauitè à quatuor menſibus filiulus

R r

quin-

quinquennis decumbebat ex febribus, neque mīcūs de-  
ueniētabat paruulā asperrimā quēdam mōtosa indolis  
cōditio cum annis in vitium periculosē adultura. Hanc  
fēbrientem parentes anxij detulere ad tabulatum vt Ro-  
sā nondum sepultā virgineū cadauer attingeret: attingit,  
statimque pulso febrili paroxysmo coram omnibus con-  
ualuit, nec relata domum nouis morbi accessibus tenta-  
ta fuit: quin & illa congenita indolis asperitas eodem  
simul correctā miraculo in summā transijt mansuetudi-  
nem & suauitatem.

Videbatur his prodigijs Rosa clamare de tumulo:  
*sinite paruulos venire ad me*. Veniebant utique, ac cer-  
tatim porrigebantur de manu in manum: vt ad salutife-  
rum Rosę contactum infirma pētingeret populorum in-  
nocentia, cum salute ad suos reportanda. Inter hos Frā-  
eiscus Cardōso nouē mēsum tenellus infans cōtinua  
febrim vicissitudine à tribus mēsis nunc rigēs nūc ex-  
stūs, subitō vt sacro caduēri admotus fuit, plāctū simul  
& febrim posuit mirāte populo. Neq; id solum, sed & pō-  
stridie Aethiopiā ancillā vlnis implicitus infans nueu  
gestuq; indicauit velle se in terram deponi: vix plantulis  
humum attigerat cum cœpit ambulare solus per atrium,  
neque ab illo die indiguit ope aut vlnis baiulæ. Nimi-  
rum tantas pridie vires adhalauerat Rosa puerulo tam  
diuturnis febribus cōcto & medullitus exhausto. Certe  
ex ore infantium & lactentium perfecit sibi laudem. Ad  
adultos reuertamur.

Anno ante Rosę obitum Petrus de Vega lapsu præ-  
cipiti ac graui luxarat iuncturam ossis in scapula, simulq;  
exinde vlnū brachij ex ea parte auiserat, nec nisi ad do-  
lorem & vlnus lacertum sibi superesse iugiter querebatur.  
Denique nocte quadam recordatus, sibi in domo esse Ro-  
sarium, quod paulò ante in feretro exanime Rosę corpus  
attigerat, illud vbi acutior doloris sensus erat deuotē ap-  
pli-



plieuit. Illico cessauit eructatus; quiete obdormiſſe Pe-  
 trus; ac mane euigilans aduenit in illi brachio rediſſe  
 vires, quæ nullo alio adhibito remedio sic creuerunt, ut in  
 tria dies pauciſſimos perfecte conualuerit, nullumque in-  
 ter ſiniſtri ac dextri brachij agilitatem ſenſerit reſiduum  
 diſcrimen. Eundem Petrum alia vice inuaſerat iſchia-  
 dum atrox tormentum, ac ſimul dolorifica inflatione tu-  
 muerat altera tibiaſum. Preſſus hiſ malis nec cibum ſu-  
 mere nec ſomnium capere infelix potuit. Tandem Roſe  
 & Roſarioli ſui memor loca dolorum officiuit, quieuit  
 poſteroque diluculo expergiſcens vnde quaque ſe ſanum  
 inuenit, tibiae verò moleſtus tumor ita deſederat, ut inſe-  
 ſes hanc numquam tumuiſſe. *Helena* Aethiopiffam Ioannis Merini mancipium  
 continua & copioſa ſubnaſcentium lumbricorum (quos  
 vocant *de Guinea*) ſcaturigo ſeptenni fluxu ita viribus  
 egeſto cruore, exeiſis viſceribus exhauserat, ut actum de  
 illius vita omnino putaretur, maximè quatruiduo ante Ro-  
 ſæ obitum, quando tot morbis ardentiffima febris &  
 (mortale ſignum) inflatione talorum ac tibiaſum acceſſe-  
 rant. Toto ſeptennio omniſaria tentata fuere medicami-  
 na, ſed hæc morbum irritando noua in dies perniciæ non  
 ægram ſed ipſam agritudinem adiuuabant. Denique  
 hera vtiliſſimi mancipij iſauram non ferens Helena ſua  
 ſit ac perſuaſit, ad Roſæ biduum ante ſepulta monimen-  
 tum *Nephele* exigeret, ita nouendialem cum certis pre-  
 ciſibus ſtationem vulgò appellant. Inſirma vitæ ac valetu-  
 dinis percupida maiori animo quàm viribus aggreſſa eſt  
 opus, ac quarto mox die ſe perficiundo imparem prote-  
 ſtata eſt: nam diuturno laſſata morbo, exanguis ciuentis  
 & crebris egeſtionibus, peruſta febris deſtituta anhelitu  
 pedibus tumidis adire ſe poſſe reliquis diebus Roſæ ſe-  
 pulchrum omnino diſſiderat. Nihilominus hinc ſpe in-  
 de hera animante reſumpſit ſpiritum, ac reſiduis diebus

accessum quamquam difficillimum continuauit modo quo potuit, nullo interim conualescentiæ signo vel eminus comparente, quin potius maiorem in dies lumbricorum vim effundebat cum sanguine. Donec tandem vltima nonæ dici statio ad Rosæ sepulchrum in momento simul vniuersam tot morborum cacochimiam fuditus absterfit. Redijt domum Helena planè altera, nempe lumbricis ad vnum vacua, pedibus sana, febrium ignara, sanguine, vigore, corpulentia mirabiliter instaurata, nulliusque deinceps ex his symptomatis conscia valetudinem possedit integram ac diuturnam.

Nauigabat cum P.F. Dominico de Leon Ord. Præd. famulus & comes itineris Ioannes annorum 14. adolescens, oppressus quartana febris, quam ipsa deinde maritima iactatio periculosius accenderat, vt die quidam paroxysmi violentia animam puero extulisse crederetur: nam subito clamore Dominicus ex superiori naui tabulato deorsum vocatus vt moribundo suo famulo adstiteret, dum in opertum nauigij sinum descendit, obuium habuit virum coniugatum Franciscum Flores, qui Ioannem iam exspirasse asseuerabat. Perrexerat tamen sollicitus Pater, at famulum sine loquela, colore, spiritu supinum & immobilem reperit, dubius num viueret, pluries vtramque iacentis auriculam validis clamoribus tentauit, at frustra se vitalia signa expectare videns ad Rosæ confugit præsidium, vitam puero supplex petijt, Nouenam promisit: & ecce illo momento respirauit Ioannes, resedit, cibum, simpliciter, attonitis qui spectaculo interuenere viris religiosi P. Agnello de Oliua Soc. Iesu, P.F. Laurentio de Texeda Ord. S. Francisci, & secularibus vtriusque sexus non paucis. Stupere quotquot in naui erant, præsertim vt viderunt paulò post comparentem in superiori tabulato sinum incolumem ac sine humana remedio integræ valetudini restitutum.

Beatrix Gaves continuo quadriennio vexabatur molestissimi humoris iugē stillicidio; idque remedijs pijs irritatum spem curationis sustulerat. Ergo inops consilij penetrauit cum reliqua turba in ædes Quæstoris Gundisalui, vbi tunc Rosa prostabat in feretro iam iam efferenda; illic se Virgini toto cordis affectu commendauit, loculum tetigit, domum sana redijt, nec vmquam deinceps eā de fluxione se sensit infestari.

Anno post Rosæ felicem transitum Fr. Ioannes Miguel Ord. Prædicatorum causa Oeconomix ac negotiorum obsequitabat vallem de *Xanxa*, sed transeuntem iuxta pascua vacæarum circa locum *Verafigui* improvisò erumpens Taurus ferociter insecutus est. Extimuit, adactisque calcibus fugam iniit Ioannes magnis vocibus periculum suum Deo & B. Rosæ commendans; at Taurus velocior iam prope aderat, nec ultra quindecim passus distabat ab homine. Perditus erat nī Rosam denuo & multò ardentius inuocasset. Mira res, ad Rosæ nomen immanis bestia cen fulmine retrōacta substitit, Ioannem lassitudine & pudore exanimem toruē intuens, nec loco se mouit, donēd is procul abiisset.

Eidem aliud sed lepidius accidit in amne qui locum *Misque* præterlabitur & piscibus (maximè autem Bocis seu candidioribus mœnis) abundat. Huc ille cum socio religioso F. Hieronymo Iambrano alioque Indo piscatum iterat. Iaciebant pariter sua retia Hieronymus & Indus, atque hic prædam aliquam traxit, ille vacuo reti adfremit. Hortabatur Ioannes vt iterum iaceret, & ad singulos iactus elata voce *eya* inquebat in nomine benedictæ Rosæ cadat feliciter. Parebat Hieronymus sed non pisces, siquidem plus quàm duodecies iacto reti nullum prædidit. Hic Ioannes id quod erat suspicans, obsecrauit ait mi Hieronyme dic liberè, nonne cor eum habet incredulam circa sanctitatem Virginis Rosæ? affirmavit ille, substito-

machans tot certos extare Coelites quorum nomini scilicet dici potuissent hi iactūs, nec ad incerta nomina, fuisse confugiendum. At Ioannes replicuit: *Tu uerò mi frater de sanctitate Rosæ fidem indubiam fac concipias, si- que in eius nomine iterū asserid rete immerges, & mira conspicies*. Fecit, iecit, ac subito Bocarum & Armadillosum tantam vim traxit, ut pondus impleti retis vix potuerit sustinere.

Liceat hinc breuissimè diuertere ad piscationem hominum. Anno 1630. intra Limense Sanctæ Claræ Monasterium ancillabatur Christina Angela, inuitum mancipium. Contigit, huic ad fugam patuisse. fortuito possicum coenobij, quo ceu elapsus nassâ pisciculus tacitè se proripuit, & foris in Vrbe se occultauit. Raphaëla, de Esquiel monialis tunc iantriciis munere fungebatur, quæ fugæ istius damnum, offendiculum, dedecus vnico simul confuso metu complexa, cum post plurium dierum quæstionem profuga nusquam reperiretur, ad Rosæ opem confugit, suamq; illi commendans angustiam, Monasterio perditum mancipium restitui flagitauit. Porro eadem nocte Raphaëla per soporem vidit Rosam candido amictu facieque præfulgida gloriosam, dicentem sibi: crastino manè Christina recuperabitur. Monialis à gaudio pulcherrimæ visionis euigilans, iterum (concepta iam ingenti spe) Virgini rem deuotè commendauit, rursusque dormiuit. Manè facto ancilla circa horam quintam ante meridiem inuenta, reprehensa, reducta est.

Non minori quamquam dissimili Rosæ beneficio rem amissam germani fratres Alexander & Franciscus de Coloma recuperarunt. Quingentorum coronatorum censum annuum Guamangensi Sanctæ Claræ Monasterio sitè persoluerant, ac de more apocham solutionis testem ab Oeconomo receperant. Post interuallum temporis illudmet debitum rursus exigitur, obtendunt solutionem

ger-

germani fratres, quæritur apocha, sed nusquam apparet. Certus erat Franciscus illâ se reposuisse in tali loculamēto sui scrinioli, extimuit ne forsan inde aliena fraude sublecta disparuerit; itum reditum centies ad idem scrinio- lum, chartæ omnes sigillatim excussæ, protractæ, reposti- tæ, aderant omnia præter apocham. Anxius itaque Fran- ciscus breui oratione recurrit ad sibi notissima Rosæ præ- sidia, dehinc spe plenus Alexandrum rogat, noua vlti- maque diligentia scriniolum oculis vndequaque perua- dat: respondet iste, operam perdi. Instat alter; flagitans suo id saltim dari solatio vt iterum quærat. Quæsiuit o- biter velut re desperata, & ecce in illo met loculamento vbi ambo toties quæsierant, supra reliquas scripturas in- propatulo, reperitur Apocha pulcherrimæ inscriptioni peregrinæ manûs decenter inuoluta, non secus ac si illo momento clam ad scrinium fuisset relata. Sed reuerten- dum ad yaletudinaria.

P. Fr. Didacus de Arrasia Ord. Prædicatorum è Pana- mensi ad Limanum Conuentum in summo æstu proficis- cens ex mutatione climatis duplicem tertianam contra- xerat, quæ ipsum per compendia breui stitit in mortis ve- stibulo, iubente Medico accelerari Sacramenta, maximè quia & venter infirmi ex nimio aquarum haustu altum extumuerat, & quidquid medelæ seu ventri seu feбри ad- hibebatur, morbum augebat. Itaque ægrum extremi pe- riculi admonuit P. Magister Fr. Gabriel de Zarate tunc Prouincialis. Verùm Didacus occultè supplices ad Ro- sam preces, ad Deum vota conceperat, iamq; altius spe salutis quàm aquis tumebat. Tentādum supererat vltimum subducendo ventri remedium sed violentum & acre, cui perferendo Didacus se parē fore idiffidens. Rosam de- nuo ac instantissimè implorat. Et ecce omisso illo reme- dio detumuit venter, abscellit duorum mensium posses- sione

longe radicata febris, & cum stupore omnium Didacus ad vota sua implenda lætus exiit.

Isidora de Montaluo ætate grauis infuper ab octo mensibus grauabatur febris continua & admodum violenta. Negabant Medici, vetulam tot annis onustam ac viribus effictam per methodica remedia morbo liberari posse. Ergo ab ijs derelicta ad Rosam pro vita ac valetudine appellauit, & illo temporis puncto integerrimè conualuit, diuque incolumis superuixit.

Iosepham de Torres torrebat toto corpore volaticus ignis ex putrido sanguine febribus inflammato: surgebant vndique lucentes bullæ, triumque hebdomadarum spatio infirmam eò adduxerant, vt coram domesticis sine loquela sine arteriarum pulsu iacens immobilis putaretur effluisse animam. Circumstantes exterriti Rosam pariter implorarunt, obtineret Iosephæ spatium quo saltem accito iam Sacerdoti possit sua peccata confiteri. Verum plus Rosa præstitit quàm rogabatur: nam subito ægrotans in se rediit, exomologesim ritè peregit, ac breui integrantem valetudinem recuperauit.

Mariam Indam puellam duodennem è Chilensi Regno oriundam, ac Limæ in Monasterio Incarnationis famulantem rigores, tormenta stomachi, demum & spasmi, gutturis angustia, conuulsiones eò redegerant, vt nec cibo potuue refici, nec minimum quid potuerit deglutire. Desperata à Medicis munebatur vltimis morientium Sacramentis. Verum sub ipsa extrema inunctione à presbytero & monialibus admonita fuit, Virgini Rosæ angelicam fidem ac affectum quo posset maximo commendaret. Paruit, ac sine alio quocumque humano remedio eò ex illo momento conalescere, intraque pauculos dies ad consueta sui famulatûs officia rediit.

Antonio de Umbela operario annosa paralytis brachium



chium manumq; attraxerat, vt nullis vñquam remedijs potuerint explicari. Auditis quæ ad Rosæ sepulchrum quotidie coruscabant prodigijs, eò demum se contulit, brachium sepulchro imposuit, breuiter orauit, statimque manum diu clausam suauiter aperuit, mox & brachium explicuit, suæque artis exercitia sanus repetiuit.

Mariam Sanchez nouennem fortuitus in terram lapsus ita aflixerat, vt exinde attractis tibijs, omniq; erepto pedū vsu nec stare nec sedere vsquam potuerit, quin continuò iacendum fuit in lectulo. Totum triennium frustra datum remedijs. Demum vterque parens Nouena ad Rosæ sepulchrum promissa filiolarum eò faciunt deportari ac virginco monumento pronam insterni. Adueniens nonus dies puellæ salutem parentibus gaudium attulit, nam vt sepulchro de more incubuit, repenti sana in pedes se erexit, ambulauit, cucurrit ad patrem, qui manu apprehensam diu circumduxit per Claustrum, inde domum. Præcurrebat ultro filia, quasi numquam pedibus languisset.

Maria Farfan triennis puella, dum anno 1617. indigestis cruditatibus periculosè oppilata curatur à Matre infusione argenti viui, (: quod alia fœmina suggererat ) inflatis mox tibijs gressum perdidit, adeo quòd ab umbilico deorsum velut emortua solis manibus reptaret trahtis per terram cruribus. Sex menses integros sic dimidiata languit, donec in templo Sancti Dominici exaltato in sandapila Rosæ corpusculo illuc deportata fuit, vbi vt defunctæ Virginis faciem bis terue attigit, repenti inflatio defumuit, & paruula suis parentibus reddita post biduum per ædes sana cucurrit, nulla interim alia medicina adhibita.

Agnes de Figueroa (: Rosæ, dum viuebat amicissima ) immani cruciatu lancinabatur in coxendicibus, & ignara quid mali esset, iam eò deuenerat, vt toto triduo vesti-

cam exonerare non potuerit. Longa dolorum acerbitas pene mentem foeminae euerterat, quando suggerente marito se se efficitim multisque cum lachrymis coepit charae suae Rosae intercessionibus commendare. Statimque, velut substratis prunis insideret tota, feruidissimè aestuauit, ac subito infra vnicæ Salutationis Angelicæ moram, enixa, est calculum magnitudine nucis auellanae, punctum vndique cuspidatum. Eodem momento cessauit dolor, composita quieuit Agnes, quæ diu neque dormire potuerat nec iacere. Chirurghi & Medici quotquot viderunt calculum, testari sunt, illum haud aliter quàm vel morte vel miraculo potuisse extrudi.

Ludouicus Rodriguez Mexicanus opificio sartor in ædibus Viduæ Ioannæ de Vargas dolorifica neruorum attractione laborabat, ita vt nec incedere, nec pedem humi figere per duos menses, vniquam potuerit. Adducti Chirurghi postquàm viliora remedia sine profectu applicuerant, protestati sunt, hominem non aliter quàm vniuersine magistrali (scilicet quæ sumptu nō mediocri paranda fuisset) curari posse. Flebat amarè Ludouici Mater, conscia tantis impendijs longè imparem fore suam filijque inopiam. Itaque vidua, suggerente, cernua sursum respexit in Rosam, promittens vnà cum filio Nouenam peragatam ad sepulchrum, quam vbi exorsa fuit postridie, domum rediens inuenit filium, pedi attracto iam solidè insistere, & aliquatū ambulare. Nondum vltimus nouenarij dies illuxerat, & Ludouicus iam perfectè sanatus exibat domo, Virginiisque sepulchrum inuisebat.

Simillimo beneficio, & ipsa prænominata Vidua ex vtriusque pedis dira inflatione & cruciatu repente conuuluit, mox vt Rosam auxiliatricem flebiliter innocauit, promissio simili dierum seu stationum nouenario, quem & postridie votiuis onusta donis est auspicata, sanisque pedibus alacriter peregit.

Isabellæ Morales parienti (: iamque partum effuderat) secundæ remanserant in utero. Expauit obstetrîx, nullumque omisit remedium ut membranam eliceret. Tribus horis laboratum frustra, rebusque iam desperatis Isabella se mori sentiens ad lectum reportari petijt decētius illic moritura. Aduit vocatus interea Confessarius, cumque omnia in peius vergerent, monetur Isabella ad Rosæ præsidium recurrere in discrimine tam complorato. Paruit, & illo temporis puncto omissis alijs remedijs vtero secundæ prodierunt, totumque subito discussum est periculum.

Christophorus Perez Aule criminalis Secretarius cum vxore & domesticis ad prædium suum in valle *Lurigancho* secesserat, hinc die quodam ad vicinōs colles virore amœnissimos iter faciens, tellure ex pluuijs madente, & lubrica cum equo in fossam xvi. palmos altam prolapsus est. Accurrit cum domesticis paulda coniux, viditque marito equum incumbere. Secuta fuerat labentes mollior terra, & pene utrumque operiebat. Dum equus (: vt erat generosus & iuuenis) terram nititur excutere, dum magnis conatibus tētat surgere, Christophorum grauius premit relapsū, & nonnumquam calcibus improuidē ferit. Per quadrantem horæ sic iacuit Perez, neque vt erat manibus pedibusque ex arthritide nodosus ac debilis, quidquam iuuare seipsum potuit.

Interim supra fossam eiulabant domestici, plangebat vxor, denique omnes Rosam in subsidium aduocarunt. Audiit Christophorus, cœpitque & ipse sub equi terræq; pondere Rosam inuocare. Et en cōfestim surrexit equus, in pedes homine intacto, descendunt in fossam verat, extrahitur Perez incolumis, quem alij iam mortuum, alij intra horam moriturum liberē clamitabant. Ipse verò solius Rosæ beneficio tam se illæsum professus est, vt nec

phlebotomiam nec quidquam fomentum sibi adhiberi permiserit.

Antonij de Terrabian grandævi mancipij vt lapsus miserabilior, ita mirabilior fuit subleuatio. Huic in extremo ferè agone laboranti Maria de Oliva Rosæ mater concubia nocte assidebat sola. Antonius dum conatur fessum mutare latus, ex lectulo perangusto in pauimentum decidit. Anxia mulier, quod nec seruo moribundo nec sibi vires essent quibus denuo in lectum subleuaretur, filix Rosæ validum è cælis implorauit auxilium, statimque fide plena vtrumq; ponderosæ sarcinæ brachium supposuit, Antonium senem, corpulentum, semianimem, ac si trium mensium esset infantulus, è solo sola sustollit in lectum, accomodat, operit, ac tum demum admirabunda suomet operi tota adtremit, experta suam sibi Rosam adfuisse.

Claudat hoc Capitulum Rosæ veneni coelica excantratrix. Limæ crudelis foemina (cuius nomen in Processu vbique subicitur) maritum suum extremè oderat, & vt ignarum è medio tolleret, clam ei toxicum in potu commiscuit, sed præualidum quod antequam possent remedia circumspecti breui mora hominem extingueret. Vix maritus pestem hauserat, cum intercepto anhelitu tympani instar extumuit, mox deliquit abreptus aluo in fluxum soluta sudauit algidus, tremuit, distortisque oculis nil nisi mortis ultimos spirabat angores. Verum sic per horæ quadrantem periclitanti opportunè incidit Rosæ memoria, & dum virus per viscera cordi adserpebat, extremo conatu se colligens erupit clamorosè in has voces: *Sancta Rosa succurre, & Nouenam pollicor*. Expauit ad Rosæ implorationem vxor venefica, iamque veneni sui effectum desperans seipsam lethali vulnere sauciavit. Maritus absque alio alexipharmaco venenum elu-

Atus.

Atque postmodum lectum deseruit, ac proatili memor ad Virginis sepulchrum properavit.

## C A P V T I V

Rosæ defunctæ cingulum, vela, particulæ vestium, ægris, parcurientibus, debilibus medicinam distillant.

**A** Sanato morbo capitis Capitulum istud ordiamur. Elconora Ruiz de Saudosa discruciabatur atrocē cephalæ, sed ne iubilæi lucrum amitteret, à Rosæ (que pridie sepulta fuerat) sarcophago rectā ad ædem Metropolitanam sibi eundum fuit. Iuit, sed prius infirmo capiti particulam ex Rosæ vestimentis imposuerat, subq; huius galeæ fiducia iter ingressa postquā in summā Aede nonnihil confederat, aduertit omni se capitis dolore penitus liberatam.

Philippa de Vargas ex intolerabili æstu febrium simul toto sincipite diris velut aculeis incessanter dispungebatur: tandem ex Rosæ reliquijs particulam vertici applicuit & obdormiuit: euigilans non solis doloribus capitij sed & tota febrium vexa se reperit penitus liberatam.

Luciam à SS. Trinitate Sanctæ Catarinæ Senensis Monasterio Præfectam à dextro tempore grauis torquebat cranij dolor, cum intemperie cerebri & guttosa defluxio-

de sed ubi modicam ex Rosa habitu lacrimam affecit pati  
ti applicuit, illo met instanti distillatione cito sitim dolorem  
fugauit. Eadem sub noctis conticinio quondam repenti-  
nis stomachi vulsionibus torta, ac penè exanimis, su-  
bito vt dictam particulam pectori affricuit, tormina se-  
dauit.

Marina de S. Ioseph Excalceata monialis improuiso in  
terram lapsu oculosum neruos vtrinquè grāuiter offe-  
derat, vt neque dextrorsum neque leuorsum oculos po-  
tuerit conuerrere, simulque in iisdem continuis laue-  
bat dolor. Tandem ex Rosæ reliquis frustulum arripuit,  
& experiat (: inquit) nuni reuera ea sit sanctiss. Rosæ quæ  
passim depredicatur. Idem temporis momentum fuit,  
quo frustulum oculos attigit mobilesq; & sanos reliquit,  
neque vel stupor illis, vel dolor vnquam redijt.

Virgo Lucia de Montoya ab ineunte pueritia foedo ac  
fluido marcōre oculorum non sine extirpationis periculo  
lippiebat. Aciei infirmitas ac palpebrarum iugis dolor  
puellam nec in apertum diem prodire nec candelarum  
lumini propius accedere permittēbant. Augebat mor-  
bum perpetua cephalæa, quibus incommodis dum solito  
molestius die quadam grauaretur, à Rosæ indumento re-  
medium ingenti fide quæsiuit, & reperit. Habebant do-  
mū inter pretiosiora cimelia particulam pallij, quod Ro-  
sam adhuc mortalem amicerat, hanc Lucia capiti reue-  
rētēter admoit, eadē in oculos defricuit, & illo temporis  
puncto simul cum lippitudine omnem capitis dolorem  
absterxit, inque miraculi fidem ipso adhuc suæ curationis  
die æcum arripuit, & ante vesperam subtilioris telæ qua-  
muis quadra xpnusendo absoluit: imò eandē oculos sem-  
per tam limpidos clarosque habuit, vt videretur num-  
quā antea lippuisse.

Apud Isabellam de Mendoza tenebrosus cæcutiebat  
sciennis paruula Margarita nomine. Hæc altero oculo



rum (: cui nubecula infederat) omnino cæca; altero ob-  
 scure & vix modicum nictitando videbat; collyrijs nil  
 proficientibus credebatur paulatim omni videndi facul-  
 tate caritura. Eius hera (: nam puella seruilis conditionis  
 erat) læpius protestabatur, Margaritæ suæ mortem  
 quàm vitam vtiliorem fore, siquidem ab anno & amplius  
 clare lucis impatiens clausis plerumque oculis per ædes  
 oberrabat. Quodam vespere cubitum ituram domesticæ  
 foeminae coeliti Rosæ commendarunt, & particulam virgi-  
 nei indumenti fasciâ inter oculos puellæ alligarunt, sicq;  
 fasciatam composuere in lectulo. Manè facta, dum redu-  
 cta fasciâ oculos Margaritæ inspiciunt, primò notant eua-  
 nuisse nubeculam, deinde in altero oculo miratæ sunt  
 claritatem; denique compererunt hinc cæcitatem inde  
 visus debilitatem prorsus ablatam, paruulæ enim acie ve-  
 trimque firma & irretorta sudum exinde aërem lucemq;  
 intriebat cum voluptate.

Ioannæ de Velasco mordax è capite falsugo gingivæ  
 impleuerat, inde acerbissimus dentium dolor miseram  
 nec somnum capere, nec villo patiebatur loco consistere.  
 Dilatabatur crescens malum, angebatur languens Ioan-  
 na; donec recordata particulam ex Virginis Rosæ lineæ  
 velo se habere, eam ori applicuit, & subito omnis ab-  
 fecit dolor, successit somnus, & euigilans manè Ioannæ  
 se sanam demirata est.

Viduæ Ludouicæ Faxardo morbus caducus binas  
 proles, masculam annorum xvij. foemellam mensium xi  
 extinxerat. Superfuit trinus fillolus nomine Franciscus  
 de Contreras, quem idem morbus simili parabat exitio;  
 nam puer interdum continuis xv. horis iacebat sine lo-  
 quela & sensu, spumans ore & brachijs ac tibijs immane  
 palpitans, interdum & occiput solo illidens. Anxia ma-  
 ter, iamque omni humano diffusa remedio ad coelicam  
 Rosæ pharmacopœiam ultimo recurrit. Particulam scapu-  
 laris

laris aliunde quæsitam obtinuit, arbitrata filio profuturum quidquid olebat *Rosam*. Et sanè profuit: nam ut particulam Francisci tunc fædè spumantis tremulo pectori imposuit, in istu oculi conquieuit puer, in se redijt, consedit in lectulo, haustum aquæ petijt, conualuit, nec deinceps vnquam hoc morbo tentatus fuit.

Septennio circiter post felicem Rosæ transitum euoluta Aloysiam de Escobar Sanctæ Claræ monialem tormento instabili discruciabatur ignis volaticus, nunc temporæ, mox genas, inde oculos aliasque partes non sine periculo oberrans. Variè diuque sudatum est in remedijs, at maiori semper damno, fructuque prorsus nullo. Denique Abbâtissa seruatam ex Rosæ tunica particulam de scrinio protulit, ac vultui decumbentis præmissa oratione molliter illigauit, sicque per eam noctem quiescere iussit. Postridie fasciam soluens, totam Aloysiæ faciem ardore ac tumore vndeque non secus ac manuum volas reperit liberam, nullo vel minimo vestigio hesterni mali residuo. Eidem Aloysiæ tertiana febris aliquando diros ac vehementissimos stomachi dolores inuexerat, adeo ut præ conuulsionum angore mortem sibi crederet imminere: sed confestim, ubi alio quocumque omisso medicamine ad Rosam confugit, dictamque particulam stomacho applicuit, simul cum dolore febris abscessit.

Eandem priùs opem aduersus erysipelam senserat Maria de Iesu Excalceata Carmelitana; huic facies tota, hoc inflammata morbo tumuerat, simul reliquum corpusculum febres exurebant. Denique ut ægrotanti modica ex Rosæ indumento laciniola fuit applicata, desedit tumor, repuere infesti calores, ut infirma mox somnum capere potuerit, è quo sana extinctis cum erysipela febribus euigilauit.

Anno quo Rosa in coelestem Sponsi paradisum transplantata

plantata fuit; Ioannem Rodríguez Samanes pictorem  
asthma inueteratum pene stringendo suffocabat. A trien-  
nio ferox mali pulmonibus & bronchis pōderosè tenaci-  
terq; infederat, nec nisi per tusses & raucos sibilos æger-  
rimam spirandi facultatem oppresso pectori indulgebat.  
Opportunè Maria de Mesta quasdam Rosæ reliquias (quibus ipsa pluries salutem hauserat) infirmo suo dome-  
stico obtulit; quando arctius laborabat. Hæc pectori de-  
uota fide adhibuit iuuenis, dormiuit quietissimè thorace  
libero ac sine ronchis; expergefactus sensit laxata vndi-  
que pulmonum vincula, nec vllam deinceps grauioris  
anhelitus in se comperit molestiam aut pressuram.

Fr. Ioannes Garzia laicus Ord. Prædicatorum quarto  
post Rosæ obitum die superiorum iussu hortensem Virgi-  
nis cellulam intrarat, asportaturus inde modicum sca-  
bellum; cui Rosa dum vixit insidere solitaria consueue-  
rat. Verùm ostioli angustia videbatur scabello negare  
exitum; vnde laicus mucrone quem attulerat, assulatim  
cœpit obstantia ligna incidere, sed dum festinus instat  
operi, ferrum incautus sinistræ manui immerisit, ea pro-  
funditate; vt vnâ cum cutē lacera caro penderet à iun-  
ctura. Exterrui circumstantes atrocitas vulneris, nam  
vbertim manabat cruor, & exitu ambiguum erat spectan-  
tibus; num quid fortè neruorum aut venarum vnâ trun-  
catum fuisset. Solus non expauit saucius Ioannes, præ-  
sentis remedi) conscius, & habeo (inquit) efficax cer-  
tumque cataplasma, quod illicò mihi sanabit manum.  
Simulque è sinu protulit recisam ex lineo Rosæ velo par-  
ticulam, qua sinistram extemplo obuolutam adstrinxit  
fasciis, ea fidei securitate & constantia, vt inde mox in  
cellulam redierit, reliquum operis perfecturus. Vix ho-  
rulam illius exegerat, cum rursus ad expectantes prodians  
vltro dissoluit fasciam, ostendit manum, vnde quaque sa-

nam,

nam, incolumem, nec iam alterius chirurgi ope indigentem.

Pictoris Angelini Medori coniugem Mariam de Mesta viginti circiter diebus exhaulerat copiosi sanguinis fluxus admodum periculosus. Memor tandem, se ex Rosæ candidis indumentis reliquias possidere, has reuerenter deosculans & Virginis intercessionem efflctim se commendans periculum euasit, pristinis viribus autum restituta. Eadem alias fluida è capite distillatio scapulam immensis cruciatibus vellicabat, nec segnius in occipite sauebat cephalæa, sed eiusdem particulæ beneficio post imploratum Rosæ auxilium morbus vterq; fugatus est. Grauius aliquando foeminam afflixit inflati cruris acutus dolor, vt per quindenam & amplius nec interdiu vsquam potuerit consistere, nec somnum etiam breuissimum noctu libare; recursum ad solitum Rosæ virtutis emplastrum, & applicitis cruri Virgineis reliquijs, cessit inquietudo & dolor, successit cum placidissimo somno perfecta & stabilis valetudo.

In conuallibus Chinchæ Magdalena Chimasso Indæ ex Regulorum Chincensium (quos *Caciquos* vocant) nobili prosapia viro Hispano Francisco Morales matrimonio copulata triennium & amplius ab umbilico deorsum adeo languebat attractione corporis, vt nonnisi lanato velleri potuerit insidere, nec aliter quàm cum eo huc-illuc raptanda fuerit, & ad necessaria corporis officia manibus domesticorum deportanda: numquam sine his mutare locus, numquam se sponte erigere visa est. Denique post ingètes sumptus frustra in remedia erogatos è Chinchæ Limam in ædes Petri de Vega se fecit transportari, quod illic speraret Medicos peritiores. Nec fefellit opinio: vix enim per mensem Limæ sic decubuerat, quando Rosæ tunc recens sepultæ odor sanctimoniz & publica mira-

miraculorum fama quotidie grandior ad ægram hanc penetrauit. Concepta exinde fiducia supplex nonnullas Rosæ ad se reliquias deferri petijt. Allatus fuit pertenuis ramusculus ex palma quam Virgo in mortuali suo pægame gestarat ex angui manu, item binæ candidi scapularis & veli particulæ. Hæc vnâ cum sepulchri modico puluere Magdalena fide ac deuotione qua decuit sibi arctissimè circumligauit. Sic repenti sopitis doloribus etiam ipsa placido sopore totam noctem quietissimè præter morem exegit. Euigilans tamen si vegetas in rediuiuis partibus sentiret vires, dimouere tamen reliquias noluit, velut salutiferi effectus plenitudini quietem reliquæ illius dici perlubenter indulgens. At postridie, quidquid repugnarent famuli, quidquid reclamarent domestici, lecto se robusta proripuit, vestes petijt, Rosæ beneficio se integerrimè sanam constanter assueuerat. Dum adstantes horror ac frigidus stupor defigit immobiles, iam Magdalena suis insisteat pedibus, mox nemine iuuante liberimis passibus incedebat per conclaue. Demum vt vestimenta (quibus pene desueuerat) impetrauit, domo cum honesto comitatu exijt, rectâque ad Sancti Dominici Aedem solidis gressibus properauit, vbi visitato Rosæ sepulchro domum, inde post mensem ad suos in patriam alia quàm exierat redijt.

Mariam de Morales viduam Marci Antonij non solum nervorum attractio, sed insuper varij aliorum membrorum cruciatûs integro quinquennio acerbissimè diuexabant; nec hilum profuere remedia quæ plurimâ tanto temporis ærisque impendio conquisserat. Tandem particulam ex Rosæ indumento sibi residuam alaeri fide manuque arripuit, hæc subito nervos attractionis vinculo exsoluit, inde per reliqua membra eandem circumferens quo successiuo ordine loca dolorum obibat contingendo, languor & cruciatûs illico fugiebant, donec ad

extremum se vndique totam mirata est sanam.  
 Alphonſi Braui legitimæ coniugi Andree de la Maſſa  
 tunſillas & guttur atrox angina; reliquum corpus arden-  
 tiſſimæ febres periculoſè inflammabant: Acceſſerat ve-  
 hemens prurigo, qua ſemper unguis in vlcere, numquam  
 ſomnus comparebat in oculis. Habebat domi villolaſſam  
 pelliculam quæ quondam Roſæ apoplecticum obuolue-  
 rat brachium. Hanc igitur fiducia reuerenti corripuit,  
 moleſto pruritui ubi fortiùs vrebatur applicuit, toto hunc  
 corpore ſucceſſiuè depulit, eodemque ſimul affricu tam  
 febrium quàm anginæ ſuæ incendia re ſtinxit.

Vxor Baſilij de Bargas Francisca del Pulgar à partu  
 repente marifcarum vlcerofis tuberculis grauiffimè tor-  
 quebatur. Nec malo inueniebatur remedium, nec à malo  
 requies. Demùm anulo oſſeo quem à Roſa acceperat,  
 ſalutem debuit, hunc enim vt digito indidit, conſeſſim  
 morbus euauit, nec in reliquis partibus (: nam ſæ-  
 pius deinde peperit ) ulli marifcarum mordacitati ſubia-  
 cuit.

Didaco de Requena domi æger decumbebat filius, æ-  
 ſtu febrium & continuo ſincipitis dolore pene exanima-  
 tus, parenti ad manum erat Roſæ cingulum quo Virgo  
 poſtremis vitæ annis tunicam adſtrinxerat. Hoc filio præ-  
 buit ſæuiente paroxyſmo temporibus circumponendum.  
 Paruit iſte, caputque ubi acutiùs diſpungebatur cinxit,  
 & vnico hoc æromate febrim ſimul cum cephalæa a-  
 begit.

Andream Lopez à multo tempore permoleſta quam-  
 quam occulta premebat infirmitas, nec morbi genus in  
 Proceſſu exprimitur, niſi quòd multum diuque ægrum  
 afflixerit. Verùm vt ad Roſæ opopanaceam confugit, eiuf-  
 que calcamenti ligulam præuia oratione ſibi applicuit,  
 è veſtigio morbus abſceſſit.

Prouinciæ de Gnailas in Regno Peruano Gubernator  
 præ-



præerat D. Antonius de Contreras, eoque titulo vicum *Lungai* cum vxore Blanca de Zuniga incolebat. Hæc in octauum mensem grauida sensit manifestis iudicijs fœtum in vtero suo immobilem desisse viuere. Dum inter ea discrimina ac pauores Blanca in quintum, vsque diem miserrimè distabescit, opportunè marito Gubernatori adferuntur è Lima nonnullæ ex Rosæ vestimentis reliquiæ, quas veteri amico Didacus de Câtoral mox ab obitu Virginis dono miserat. Has subitò Antonius periclitanti coniugi apportans vt (: præmissa Rosæ deuota imploratione ) ventri imponeret facile persuasit. Vix mulieris vterum reliquiæ attigerant, cum intra breue spatium, quod recitandæ semel Angelicæ Salutationi sufficeret, enixa est intâtem mortuum ac putrido virore totum subliuidum. Paulò post effudit etiam secūdas, comite fœtore qui adstantes penè exanimabat. His sarcinis planè mortiferis exonerata Blanca respirauit, & quæ suscepto pœnitentiæ Sacramento iam sese morti certissimæ præpararat, intra pauculos dies abacta febris lectum deseruit, integraq; valetudinis beneficio diu potita est. Eadem alia vice, cum partu infeliciori fœtum quadrimestrem abortiuisset, retentis in vtero secundis, per duos menses & quinque dies tantam vim corrupti sanguinis protrusit aluo, vt prope actum de sua vita existimarit. Memor itaq; opis quam aliàs Rosa præstiterat, rursus ad eam supplici deuotione respexit, nouenam ad eius sepulchrum Limæ peragere, & vtrumque miraculum publico euulgare testimonio pollicita. Et ecce, postridie cum ingenti fœtidi cruoris profluuiò vnà prodire secundæ iam putrefactæ, sensitque Blanca, iterum se morti ereptam, & Limam profecta votum exsoluit.

Felicius Rosæ obstetricantem sibi in partu experta est opem Bernarda de la Sierra, vxor Ioannis de Quixano Zeuallos. Hæc ad portum *Callao* marito cõhabitans, ipsa die

die exequiarum defunctæ Rosæ anno 1617. cœperat angustis puerperij doloribus, quorū vi proles in vtero transuersim acta, dum neque retineri neque emitti potest, se vnā cum matre præsentissimæ mortis laqueo implicabat. Iam foras prædierat intestinum (: euidens imminentis lethi indicium :) & adhuc detorta infantis obliquitas suæmet obstabat genesi, propiusque exitum quàm exitum reperiēbat. Frustra pauidæ obstetrices vltimum suæ artis tentarant quò prolem aptarent ad egressum; iam Bernarda inter summos cruciatus tam sibi quàm soboli illum diem ominabatur extremum, quando improuisus Ioānes de la Massa Bernardæ maritum domi conueniens dixit se Lima pauculas ex Rosæ vestibulis adferre particulas, Confestim tota domus inspem erigitur, parturientis germana soror Maria de la Sierra susceptis reliquijs periculo aduolat, Bernardæ quid ferat raptim exponit, concipitur firma in Rosæ opem fiducia, funditur brevis precatio, imponuntur ventri periclitantis allatæ particulae, & subito nullis obstetricum suppetijs dirigitur sponte in vtero proles ad enixum, nascitur facilitate prosperrima, vixit, valuit, adoleuit, pueroque in baptismo nomen fuit Petrus de Quixano. Nèc silendum, quòd in dextra nascentis palpebra conspicuè apparuit rosa ad viuum effigiata, diuque velut beneficij indelebile sigillum remansit.

Mercator Basilius de Vargas Hispalensis dum negotiorum causa ab emporio Limeusi Potosium tendit, per viā grauatur ex sincipite iugibus stillicidijs, quorum acrimonia sensim naribus cancerenam minabatur, & iam quinque mensium spatio mordax humor eò vsque inualuerat, vt os nasi perfregerit, cœperitq; cartilaginem nō sine cruciatu depascere. Nec vllum voracem malo inueniebatur remedium, donec ad Rosæ pharmacopeiam anxia pulsaret deuotio. Habebat vxoris dono Basilius modicum lanæ ex puluillo in quo Rosa nere aut flores acurpingere consue-

sueuerat. Hanc rudi papyro obuolutam vt fronti obli-  
gauit, fontem corrosiua defluxionis funditus exsiccauit,  
& plenè conualuit. Erat huic Basilio collybistes Dida-  
cus de Burguinis natione Cantaber, qui anno 1619. in  
eodem vico Potosij quadam ignoti defluxus Intemperie  
sensit sibi guttur intus adstringi & foris extumescere.  
Nullæ proderant vnctiones, nulli tenacissimum phlegma  
fidebant gargarismi, quin nocte quadam propemodum  
intercluso anhelitu suffocaretur. Ergo à Basilio pugillum  
lanæ (: de qua supra :) petijt, collo circumligauit, & in-  
uocato Rosæ auxiliō reliquū noctis quieuit. Manè à con-  
tubernali suo repertus est iugulo catharris liberrimo, tu-  
mor omnis defederat, respirandi patula redierat facultas,  
statimque Basilio sua restituta est lana, de qua illud inter  
alia dignum est notatu, quod cuius-nam aut villi aut vel-  
leris ea sit discerni haud possit, natiuo colore nec

bombycem refert nec gossipium, sed sparsis au-  
ri fulgoribus filatim interlucet; denique  
creditur ex eo puluillo esse, in quo  
nenti Virgini pusillus Iesvs  
aliquando familiariter  
solebat affide-



## C A P V T V.

Rosæ sepulchro exemptus pulvis dysenteriam, synanchen phrenesim, cancrum, herniam, febres, papulas, aliaq; id genus cacofyntheta mirabiliter curat.

**A**ltius nonnihil hic repetenda sunt aliqua. Limensis SS. Rosarij Conuentus vt Religiosorum abundat numero, ( plures trecentis plerumque numerantur ) ita sepeliendis tot Fratrum successiuè decedentium cadaueribus nimis arctum foret vnica capitularis domûs spatium, nisi de industria talis aliunde terra illuc fuisset illata, quæ citissimè funera sepulta absumat, vt subsequuturis locum concedant. In hunc usum procul ab agro Panamæ nauigijs aduecta gleba totum illius Capituli pavementum profundè insarfit, terra mollicula, tenuis, soluta, & arenosa, sed innato calore subtiliter vorax; quo fit, quòd illata corpora mox depulpet ossumque duritiem extemplò resoluat. Talis erat quæ ibidem virginum Rosæ corpusculum excepit. Sed mirum dictu, vnico totoq; illo spatio vbi sacrum istud cadauer immissum fuit, gleba mutauit indolem, ac ferè pumicea soliditate in se coacta obduruit, vt solum ibi digitis leuique manu teri aut fran-

gi nequeat, quin ferro opus sit ut excauetur. Non sic reliqua illius cemeterij suburra, tritu facillima, tractabilis, fluida.

Porro in hoc Rosæ cenotaphio ad perenne humani generis beneficium viam salutiferi pulueris latere scaturiginem, id argumento fuit, quod anno 1632. post exportatos inde totoq; Regno distributos terrarum cophinos ( & quidem ab ea dumtaxat parte foueæ, ubi caput Virginis collocatum erat ) vix tria vel quatuor pondo canonicis scrobiculo eruta videbantur: & cum P. F. Bernardus Marques pauculis ante diebus totum immisisset brachium foramini, paulò post succrescente intus puluere vix manum immergere totam potuit. Nunc ad curationum historiam.

Decennem Aethiopissam, 50. argenteis Rosa emerat pro parentum domesticis seruitijs. Mater abhorrebat inutile mancipium, utpote varijs languoribus ac præsertim crebræ dysenteriae obnoxium. At Rosa bono esse animo iussit, adfore tempus, quo puella Diuino beneficio integre conualesceret. Adfuit cerrè, verum post Rosæ obitum, quando petitus de Rosæ cenotaphio puluis ancillulæ datus est cum frigida epotandus. Bibit, & continuo à morbis omnibus sanata est.

Sexenni virgini Iosephæ de Zarate musculos gutturales atrox vndique inflammabat synanche, ut nec cibum, glutine nec os sine tormento potuerit aperire. Aduocatur chirurgus Ortega, qui vlcere inspecto cancerenam se plagæ insinuassee deprehendit, negauitq; puellam curari posse, nam erosæ carnes frustillatim vlceri exidebant, atque in dies serpebat malum. Anxia mater filiolæ salutem opido comploratam Rosæ ardentem commendauit, inde pauxillum terræ quam de Virginis sepulchro in hunc usum, auiā Iosephæ attulerat, in aqua dissoluit, agræque adhibito cochleari infudit. Puella vnico haustu facillimè tra-

iecto statim liberrimo hiatu os diduxit: Tamque bene sibi, esse affirmavit, ac cibum petijt. Mater vt cum auia parvulas fauces diligentius inspexit, cancerenam mortificatam reperit, plagæ magnitudinem demirata. Interim Iosepha esculentis (: quæ alacriter glutiebat ) refecta sine alterius medelæ adminiculo conualuit, promissamque Nouenam fideliter exsoluit.

In Limensi Sanctæ Claræ Monasterio Soror Grimanea de Valverde duplicis tertianæ ardoribus, & copioso sanguinis profluuium post insomnem xv. dierum & noctiū inquietudinem sibi met erepta miserrimè delirabat, solum expectabatur lucidum mentis intervallum vt extremis communiretur morientium sacramentis, nam Medici vitæ horas nonnisi octo ei residuas esse constanter asseuerabant. Igitur Abbatissa Isabella de la Fuente ad cœli præsidia confugiendum rata in vnius Rosæ thaumaturgis fauoribus spem fixit, corratos de Virginis sepulchro pulveres ingenti fide produxit, Confessori inuixit, vt eos in putam lympham excussos infirmæ bibendos porrigat. Factum est, & en Grimanea repente sibi reddita primò sensit æuuisse penitus eruenta profluvia, inde & febres deferuescere, sicque nullo alio tentato remedio post placidum soporem postridie mente & corpore sanæ fuit.

Ibidem Soror Raphaëla de Esquiuel æstu bilioso torrida, & insuper arcata faucium angustijs, dū nimis phlegmatis, & euacuationibus exhausta, vnâ iudicij metisque sanitatem perdiderat. Desperata à Medico iussa est & communi valeudinario in aliud conclaue deportari, vt à frequentiori alloquio libera ultimis Sacramentis pereipiendis (: si fieri posset ) quietius aptaretur. Illic puluerem à Rosæ sepulchro dilutū qua bibendum porrexit sollicita custos, & subito discussa phrenesi respuit Raphaëla, cibum petijt, liberisque faucibus alacriter manducauit, ac sine alio remedio integerrimè conualuit.



P. F. Ferdinandus de Esquidel O. S. Prædicatorum Limentis coehobij ad S. Mariæ Magdalenzæ Subprior ab ytroque peritonæi latere diuinam passus rupturam, hernia, (quam enterocelam vocant :) acerbissimè vexabatur, vt nec prædicare, nec iter agere potuerit, quantiscumque subligaculis ac fasciis conaretur dependula in scrotum viscera coarctare. Hoc arumoso tormento similacer at non minùs fide alacer vespere quoddam Rosæ tumbam adiit, deuotè orauit, terramque inde arreptam inguinibus applicuit, nec ab illo temporis momento pristini doloris vllum notare potuit vestigiũ, quin resumpto prædicationis officio ad laborem vegetior induruit, æquitaturus à terra in sellam agilissimè se librauit, quatuor millia leucarum terra matique sine impedimento aut herniæ sensu robustè confecit, liber à ligaculis, vbi quotidianæ precis votiuo penso se illigarat.

Virginem Annam Cortes ex continua duarum mensium febris simul in costarum membrana pleuritis, totoque sparsæ corpore liuentes papulæ (quas dicunt enpinyddas) lethali ter dispungebant: omnem tibi potiusque proximæ grauis nausea peremerat; soporis & quietis spes aberat, laxis passibus ibatur ad mortem. Mater cum filiarum altera Laurentia Cortes humanis remedijs frustra tentatis respexere deum ad cælestia pulutrem (in quem olim dum è sepulchro Rosæ collegerat, suauissimè fragrare notatate) protraxit è serinio, eandemque tunc stauereolentiam denuo percipiens in spem obtinendi auxilij fortior assurrexit. Ante infirmæ lectulum procubuerunt ambe in genua, & in honorem Rosæ orationem Dominicam cum Angelica Saluatione recitarunt. Inde mater infusos aque pulueres languenti præbuit exhauriendos. Haulit, il plus solito incaluit, quieuit, ac postridie discussa pleuritide, abacta febris, deteris papulis Anna incolumis surrexit.

-i. Costam Stephano de Cabrera fortuitus lapsus p̄ffregerat: tumebat infirmo quāssatum latus, feruebat p̄r incrementa somnumque adimebat horribilis dolor. Sed statim vt Rosci sepulchri terram offensa parti imposuit, placidē consopitus totam noctem quieti indulxit. Manē vt se doloribus liberum sensit, inspecto ac palpato latere omnem pariter fugisse tumorem latus deprehendit.

-o. Catarinā de Sancta Maria Ordinis S. Dominici monialē Tertiariam diuersa grauium morborum genera penē membratim à quadriennio occupant: Costarum tormento accreuerant dolores ischiadum, cor quotidie sepius vel oēties suis cruciatibus laborabat, stomachus bis p̄r diem staccescebat in deliquium, vt subito ad auroram festinato ientaculo fuerit instaurandus, reliqua viscera torrebat lentus calor, ac p̄cipuē caput crebris accendebatur ardoribus, denique ex profundā melaneholia cōtumax & adusta grauedo sensim vergebat in tabem. His malis pressa Catarina tertio post Rosæ depositionem die accessit ad tumulum, preces fudit cum lachrymis, pulueres scypho intritos ebibit, primòque sensit depulso melancholiæ tabifico pondere cor suum hilarescere & confirmari, mox & capitis restingui ardores quos tunc pariebatur intensissimos, demum eadem hora totum illud multiplicium morborum collegium cessit Roscō pulueri, foeminamque reliquit valentē & p̄fectē sanā.

-no. Simillimam ab his pulueribus expecta est opem Isabella de Peraka in Limensi SS. Incarnationis Monasterio professā monialis, quam ab annis xx. p̄ter assiduos p̄cordiorum dolores apoplexia (maximē brumali tēpore) quotidie exagrabatur, sed illico vt cordi palpitabundo modicam illius terræ applicuit, utiq; morbo se explicatam deprehendit.

-ia. Ibidem Beatrix de Montoya Sanctimonialis stomachi dyspepsiam annis xx. passā demum conuulsionum atro-

citare ad extrema properabat, iamque vltimis sese munierat Sacramentis, certa mori, nisi traiecto in stomachum terræ illius hauſtu ſimul omnem inueterati doloris equuleum miraculo perfregiſſet.

Presbyter Mauritius Rodriquez dicti Monasterij Confeſſarius importuna vexabatur capitis vertigine ac cephalæ, nullumque è pharmacopeia omiſit remediorum genus: at tandem didicit morbo ſuo vnicum Roſæ ſepulchrum pharmacopeiam eſſe. Inde igitur allatum puluerem non modò hauſit, ſed & vertici inſtruxit, vnàque & vertiginem & dolores fugauit.

Virgini Lucie de Montoya hiabat profunda in umbilico plaga magnitudine argentei philippi: at huic ubi Lucia modicum terræ è ſepulchro Roſæ inſperſit, tridui ſpatio plaga coaluit, relicta ſola in beneficij memoriam cicatrice.

In Cuſco P. Fr. Blaſio Acoſta Luſitano Prædicatori generali commiſſus fuerat ſermo funebris ob felicem Roſæ tranſitum (: qui ibi tunc innotuerat ) prædicandus. Huic, dum incautus thema concionis habendæ ruminat, inter prandendum tranſuerſus in epiglottide bolus ſpiritum intercluſerat. Accurrerunt periculo P. Fr. Ioannes de Agüero Præſentatus, & P. Fr. Thomas Marcos; cumque nec liquidorum infuſione, nec valida ſuccuſſione doſi quidquam dimoueretur bolus, ſemianimem Reſectorio extractum hortati ſunt ad edenda poenitentia ſigna vt ſacramentalem abſolutionem reciperet. Procubuit ille in genua conatus conſiteri, interim Agüerus pauxillum huius ſalutiferæ terræ anhelò in aquæ vaſculo obtulit, quo ſumpto ſtatim fatalem bolum exſpuit, ac mortem cuius frigido ſudore iam permaduſerat, excreando euasit.

Catarinæ de Artiaga anno 1618. die 21. Martij in plurimum matronarum præſentia riuus ſanguinis fluxu prodigio-

fo scaturiebant de naribus, videbatur non nisi cum vita finiendum profluvium, adeo late pavimentum incessabilis cruor purpurarat. Denique una foeminarum terrae illius pugillum fronti Catarinae illigavit, & illo momento ad primum sacri pulveris contactum stetit sanguis, exaruit scatebra, nec deinceps hoc malum rediit. Admittere miraculo Notarius, unusque ex Iudicibus ad examinanda Rosa prodigia ab Archiepiscopo deputatis.

Anno 1631. in SS. Incarnationis Monasterio ancillabatur puella Aethiopissa annorum plus minus xxiv. Huius fauces angina accenderat, carnem totam operuerant liuentes papulae, in super toto corpore vultuque inflata, tympano quam foeminae similibus extumuerat, ore, naso, oculis ubertim foeda sanies profluebat, & si qua parte leviusculè attingebatur, decoriabatur, lacera pelle manum sequente. Sic putrescenti nulla spes vitae supererat, unde confessione explata, sacroque munita viatico & vincta oleo solam expectabat horam qua per tot vlcera emitteret animam.

At Confessarius in se beneficiorum Rosa conscius hortabatur infirmam tantæ coelitus ut se commendaret, missum se eius sepulchri pulveres, ab his opè Virginis salutem speraret: missos agra liquore superfuso deuotissime hausit, & in ipsi mbris vestibulo conualuit.

Limæ puella innupta carnis voluptatem pudori male prætulera: instante partu vix vni Matri suæ delictum facta, dum caret obstetricibus ut celaret crimen, discrimen vitæ subiit, nec parere valens nec retinere. Pauida Mater binos Religiosos villae fortè transeuntes rogavit, num quid pulveris ex Rosa sepulchro secum ferrent. Allatum pulvorem filia dolorum ac moræ impatiens siccum abliguriuit lambendo, eodem temporis puncto sobolem effudit, crediditque discussum omnino vitæ periculum. Sed Mater secundas in parturientis utero remansisse aduerterat.

Ergo

Ergo recursum ad eosdem pulveres, & statim puella etiam secundas enixa est, sibi & infanti gratulata incolomitanti.

Ibidem (: at longo post tempore :) Aethiopissa olitrix multis horis euentu ancipiti ac pene complorato laborabat in partu: casu id rescivit Mauritius Rodriquez. Presbyter per forum olitorium transiens, suasitque Eleonore de Villa forti, vt periclitanti socie terram è Rosæ tumulo petitam celeriter apportaret. Factum est, statimque vt patientis ventrem terra imposita attigit, foetus breui ac facillimo nixu erupit, matremque periculo simul & onere liberauit.

Anno 1631. FF. Antonius Montoya & Ioannes de Estrada sacris Ordinibus initiandi mittebatur *Guamangam*; per viam hospitij causa ad Præfectum loci *Quando* diuicerant. Et ecce quarta circiter post meridiem hora quidam ex incolis præcipiti cursu adfuit, ac sonoro ciulatu rogabat Fratres, (: quos credebat iam esse Sacerdotes :) citò accurrerent *Gacique* Indæ vicinis in ædibus animam agentis, vt moribundam saltem poenitentia Sacramento expiarent, neq; enim alius tunc in oppido Sacerdos aderat. Doluerunt Religiosi, nondum se illo ordine insignitos esse cui absoluedi potestas annectitur, nihilominus cum aliquot secularibus Hispanis Indum secuti sunt, vt saltem (: quando plus non poterant :) agonizanti mulieri adsisterent; Letanias, preces, commendationem animæ super migrantem recitarent, demonumq; insultus aqua lustrali abigerent. Ingressi domum repererunt Indam sine loquela aut motu supinam, obrigidam, sanguinea labiorum spumâ horribilem, ac mortuæ quàm viuæ similiorem. Frustra videbatur omne consilium, plangebant circumstantes Indæ, singultiebat maritus cum afflicta familia, sed Fr. Antonius memor penes se esse nonnihil pulveris ex Rosæ cenotaphio, præfatus ad astantes paucula



de Virginis apud Deum valore & gratia, de crebris eiusdem prodigijs, de concipienda præsentaneæ opis fiducia, demum arrepto cochleari dilutam terram decumbentis ori: (quod ferro violentè aperiendum fuit:) operoso conatu infudit & abiit, suadens domesticis, Rosæ interea succursum ardentius implorarēt. Post duas horas ad infirmæ habitaculum reuersus cum socijs, maritum cum tota familia reperit in iubilo: ingressus cubiculum vidit Caci-  
quam hilariter insidentem lectulo, & auidè manducantem; fatebatur ipsa disertissimè, sibi inficiæ Rosam salutis fuisse, huic se vitam debere, nec alius tam extraneorum qui cum Antonio accesserant, quàm inquilinorum sensus fuit.

Aliam in Panamensi emporio inflammata exulceratorum viscerum putredo cum sanguinis excretionè propè ad extrema deduxerat: remedium aliunde nullum supererat; hausit eisdem pulueres, & in ictu oculi sese integerimè sanatam vidit.

Didacus de Moreno Costilla Quitensis olim in bellis Chilensibus ab impacta ferrea claua immane vulnus capite exceperat, cui paulatim ex cura imperita spasmus, suppuratio, stupor innascebantur. Limam itaque veniens ut melioribus chirurgis se subderet, in S. Andreæ Nosocomio per sex menses frustra sub varijs vnctionibus & emplastris laborauit. Demum excitus fama prodigiorum, quæ ad Rosæ sepulchrum quotidie coruscabant, eò accessit, fusisque de genu deuotis precibus tegmen cum fascijs à capite resoluit, detracto malagmate terram ibidem excauatam vulneri inspersit, meliusque ab eo momento se habere sentiens domum alacer properauit, ac post bidduum solidè vulnus coaluisse; sanamque induisse cutemprehendit.

Abbatissa Monasterij Sanctæ Claræ in ciuitate Truxillo ab annis circiter xx. miserrimè torquebatur ex institutione



tionē tibie, in qua sparsim plus quàm xl. vlcera hiebāt  
 ora ciccris magnitudine, nec malo tam veteri idoneus  
 reperiebatur Chiron, præsertim vbi cruris affectum reli-  
 qui sanguinis secuta est intemperies cum molestissima fe-  
 brilis rigoris atque ardoris vicissitudine. Itaque ægra de-  
 creberrimis Rosæ edocta miraculis puluerem Lima sibi  
 allatum in lymphâ cum fide bibit & repente febrim tunc  
 frigore per medullas sæuientem funditus extinxit. Læta  
 hoc successu tibiam pariter eodem puluere defricuit, sta-  
 timque detumescere cœpit inflatio, coire chasmata, reli-  
 ctis dumtaxat in beneficij memoriam nigricantibus signis,  
 quæ vt ab extrema cute diluerentur, aquam huic vsui di-  
 stillatam chirurgus Ioannes de Lezana suggestit. Verum  
 hac adhibita mox redijt cum doloribus inflatio, rursus  
 patuerunt hiulcæ fistulæ, expauit infirma, satisque intelli-  
 gens miraculi complementum non à chirurgo sed à Rosâ  
 fuisse expectandum, denuo eosdem pulueres recidiuæ in-  
 sperfit tibie, denuo hæc detumuit & vndeque vlcera  
 siccando cōclussit. Prodigium hoc triplex Abbatissæ sa-  
 lutem, toti Monasterio stuporem & gaudium, Truxilli-  
 ciuibus cum gratulandi affectu nouam deuotionem in-  
 stillauit.

Miles quidam officio ac dignitate vexillifer suo Con-  
 fessori P. Fr. Francisco Nieto fassus est, aliquando sibi in-  
 stat dossoli tumuisse tibiam, sed auditis quæ ad Rosæ mo-  
 numentum in dies crebrescebant signis ac virtutibus, eo  
 se perrexisse cum alijs, breuiterque precatum correpta  
 sepulchri terra perfricuisse obiter suram pedis immanē  
 turgidam, eodemque puncto temporis molestissimum  
 tumorem planè desedisse.

Triennis puerulus Alphonfus Cortes adeo linguebat  
 pedibus, vt eos manibus reptans per solum traheret ceu  
 pondus inutile. Hunc mater Francisca de Leon plena fi-  
 de ad Rosæ tumulum stitit, scrobi vnde eruebantur salu-

tiferi pulueres, alternos immittere fecit pedes; deinde etiam domi singulas eius corpusculi iuncturas eodem puluere defricuit, sicque Virginis intercessioni commendatum in lectulo composuit. Manè paruulus exiliuit sanus, ambulauit, expeditèq; percurrit domum, ac si nunquam pedibus languisset.

Isabellam de Peralta pluribus annis ex acri capitis stillicidio cruciabat immanis gingiuarum dolor, præcipuè è molaribus vnus cum crepuisset medius, nec chirurgis ad eum euellendum ars animusque sufficerent, interdium noctuque vexabat miseram vt nec dormire nec cibum masticare potuerit. Monitu sui Confessarij dictos pulueres denti, cum maximè furebat dolor, admouit, & illico dimouit omne tormentum, liberisq; gingiuis solida quæq; esculenta manducauit.

In Monasterio SS. Incarnationis Nouitia Ioanna de Villoa probationis anno prope expleto dolebat anxia, sed ad solemnem professionem pertingere nō posse, eò quòd durus Pater (:qui procul degebat in *Potosi*;) cunctabatur circa filix dotem sese resolvere. Sæpè Ioanna per litteras monebat Genitorem, vrgebat, instabat lachrymans, sed ille Marpesia caute durior aut responsa denegabat, aut punctum cui respondendum fuerat obscuris inanum verborum ambagibus solertissimè declinabat. Inops consilij Ioāna postremò confugit ad Rosam, inde arrepto calamo cum vltimam Patri scripsisset epistolam, Rosei monumenti pulueres magna fide insperlit paginæ, vt si paternum cor exarata illic argumenta non emollirent, præstaret officium iniectus puluis. Mira res, subito ex *Potosi* responsum quo suauius desiderari non poterat, adfuit, dotem & quidquid filia postulauerat, concessit emollitus Pater, longaq; dilatione feliciter abrupta monialis quòd ad solemnia vota emittenda pertigerat, modico pulueri se debere agnouit.

Porro

Porro febricitantes, quos eorundem puluerum haustus à vitæ periculo interdum extremo reuocauit, hic sigillatim distinctis paragraphis recensere prolixum foret, sat est summarij & obiter nomina perstringere. Ioseph de Castro confestim vt bibit, noxias cruditates omnes euomuit & valuit. Petri de Vargas cognata Ioanna de Mendoza cum filiola hoc remedio febres abegerunt eiusdem ancilla dentiũ acutissimos dolores fugauit. P.F. Didacus de Palomino Ordinis Prædicatorum duplicem tertianam depulit; Maria Velasquez vxor centurionis Didaci Ruiz de Campos febrim continuam vnàque sanguinis fluxum mortiferum euasit; Vrsula de terra *Felappa* ancilla Marianæ de Sea febrim cum diarrhæa, Francisca ancilla Angelæ de Aguirre tertianam cum inueterato asthma in termino peremptorio incunctanter proscripserunt. Ioannem de Palomares tertiana cum asthma morti destinabat, paulò post eiusdem coniugem à septem mensibus grauidam ideoque pharmacorum iuxta medicinæ canones incapacem idem corripuerat malum cum frequenti vomitu; denique vnico post partum mense filiolum Hieronymum idem morbus stitit in vitæ limine, at successiue his singulis eorundem puluerum haustus repentinam salutem reddidit. Ea mdem opem puer Ioannes Ascensius, Virgo Beatrix de Zuniga, adultus Antonius de Vmbela effectum vniformi at locis diuersis comprobauerunt. Quindeccenni puellæ Catarina Indæ febrilis æstus omnem ademerat sensum, loquelam, & spem vitæ, insuper constrictis mandibulis aditum cibo intercluserat, ferro ad hiatum os diducendum fuit vt vltimum remedium puluis è Rosæ tumulto sumptus infunderetur nescienti quid fieret. Postridie summo manè respirans Catarina tot simul malis se ereptam experta & fassa est.

Denique vt multos globatim consarcinando compendium & finem faciam, sacramento coram Iudicibus fir-

inſiuit Ioānes Lobo Presbyter ſe diuerſiſſimis locis Chu-  
quiſtaquæ, Potoſij, Oruræ, ſalibi flagitantibus promiſcuè  
omnis ætatis, ſexûs, conditionis infirmis præbuiſſe huius  
viviſicæ terræ potum, vnicòque iſthoc catapotio palam  
in omnium conſpectu tot fuiſſe curata languorum gene-  
ræ, tot quotidie febrientes integram valetudinem repor-  
taſſe donum, vt nimia hõrum multitudo omnem ſupera-  
rit antiſotandorum nominum diligentiam, caſſumq; red-  
diderit catalogi laborem. Exclamet hic præſtupore Rex  
citharæodus: *numquid conſitebitur tibi pulvis, aut annun-  
ciabis veritatem tuam?* aio, & pergo.

## C A P V T V I.

& vltimum.

Rosæ imagines contactu lepram,  
apoſtemata, impetigines ab-  
ſtergunt, arthritidem, hydro-  
celam, anginam ſanant, den-  
tium, ſtomachi, cranij dolo-  
ribus medentur.

**P**erfidis noſtri ſæculi iconoclaſtis hoc Caput capiti-  
ladium eſto. Fidelibus Peruanis commune ſtudium  
fuit, in prodigioſæ virtutis memoriam paſſim per ædes  
Rosæ

Rosæ effigiem habere, nec *Limæ duntaxat* sed toto Regno inualuit vsus non inutiliter; nam in primis Vidua Aloysij Nugnez Maria de Vera profluuiio, febris, dolore stomachi, & lethali vomitu ad ipsum mortis deducta vestibulum vltimis Sacramentis ad emigrandum se paraue- rat, iudicante Medico in diem postertum minime super- uicturam. Interea à vicina factoris coniuge Mariana In- da (quæ cum Rosæ à teneris educata fuerat) Virginis pictam in tela effigiem petijt, allatam vultui applicuit, osculis deuotè libauit, demum in eius amplexu dulciter consopita dum manè expergiscitur; se vndequaque sa- nam mirata refectionem petijt, lectoque exiit, ac ima- ginem festiuè deueneratura arula strata decentem im- posuit accensis luminaribus; nempe credebat hoc debe- ri tum priuato beneficio, tum communi lætitiæ illius diei, siquidem illo manè solemni totius Urbis iubilo in æde Metropolitana publicabantur litteræ Apostolicæ, quibus vndique Fideles ad testificandum de notis Rosæ prodigijs *compellebantur*. Et ecce imago quæ pallentem Rosæ vultum semper retulerat, illo momento venustè in genis ru- buit velut publico ciuitatis tripudio serenè congaudens. Accessit vna cum Apollonia coniuge Didacus de Re- quena, tamque conspicuo miraculo diu adstupuit.

Simillimum in portu *Callao* eadem die circa aliam Ro- sæ imaginem accidit: hanc Virgo Petronilla de Quilano in ædibus centurionis Aluari de Lugares circumpositis lemniscis ac floribus exornarat, utpote illa die compa- rituram in principis Ecclesiæ pulpito dum supradictæ lit- teræ *Compulsorales* collectæ multitudini prælegerentur, Vsq; in illam horam vultus imaginis is erat, qui Rosæ in suo mortuali feretro pallentis fuerat, sed repente exa- guis pallor in viuidum colorem sub oculis spectantium, transit, omniumq; animos hilaritatis suæ blando fulgore accendit. Pulchrius tamen eadem totæ agrorum beneficio vbiq; immicuit.

Ahno

Anno 1631 mense Decembri nouenni puella Mariae de los Reyes anno prope integro saniosa ac sceda porrigo totum vadequaque verticem decrussarat; remedijs diu in cassum tentatis demum in Aedem Sancti Domini-ci adducitur, illic coram lignea Rosa iconē procumbens lineam calanticam suā detractam capiti admouit sup-  
pliciter Virgineo simulacento, ac rursū capiti imposuit. Post bidaū domi Melchiora de los Reyes caput filiola-  
re detegens nullum in eo reperit impetiginis obduratū vē-  
stigiū, nitebat sana vndique cuticula, densum fulge-  
bat capillitium, videbatur puella non tam carere porrigi-  
ne quam semper caruisse.

Eiusdem anni mense Nouembri aliam Mariam decem  
mensem infantem orphanam Hieronymus de Soto Alua-  
rado in suis alebat adibus deformi lepra toto corpuscu-  
lo horridē maculosam, in ea curanda omnis ars medica  
desperarat; sed ancilla domestica Bernarda in thauma-  
turgo Rosa myrotheio efficax infanti malagma inuenit;  
in xde S. Domini-ci siccarum rosarum foliola per ligneam  
Rosa iconem sparsa collegerat, his domum allatis clam  
singula leprose paruula operuit vlcera, sicque diligenter  
fasciatam in lectulo composuit ad soporem. Mane Hie-  
ronymum Bernarda admonuit puellam ab omni lepra  
mundatam esse. Adulauit attonitus, nec suis credens  
oculis teneram Mariam Apostolicis Iudicibus coram ex-  
hibuit intuendam, ipsamque in perenne beneficii monu-  
mentum deinceps *Mariam de Rosa* appellari iussit.

Michaēl de la-Massa cum dirum sub brachio succre-  
uisset apostema, chirurgi cantharides intrinuerunt; mulier  
quāquam mordētissimo dolori impar horis non minus  
xxiv. tormento subiācuit; verū ubi postridie ad eōdem  
cruciatus redeundum fuit, arrepta chartacea Rosa ima-  
gine (ex ijs quæ Roma in Peruuia allatæ fuerāt) dolen-  
ti plagæ apposuit, & exinde quidquid acrimoniæ insper-



batur, omni doloris sensu carnis, tametsi pluribus adhuc diebus cura illius acerbicis fuerit continuanda.

Marianam de Requena opprimebat intolerabilis precordiorum dolor, cui perpetuus erat fomes ab inordinata quadam moestitia, sanguinisque melancholici ponderosa grauedine, quam sequebatur & suspiriorum violenta frequentia, & respirandi poenosa difficultas. Irritum cadebat quidquid subleuandae molestiae ingesserat medicina. Donec correptam Rosae imaginem deuotis oculis dissuauiatam, eadem arcto complexu adstrinxit cordi. Exinde sensit alijs sibi remedijs opus non esse, nam vnica Rosae effigies & detergebat inueteratam moestitiam, & dimouebat cardiagiae cruciatum.

In Limano S. Catarinae Senensis Monasterio Soror Angela de Haro continuis tribus mensibus lancinabatur cardogmo seu conuulsione stomachi, sed cum desperato omni alio medicamine appressit, pectori eandem imaginem, abscessit dolor.

Seruilis conditionis foemina Francisca eodem correpta morbo, & insuper febrium onusta auctario rugiebat noctibus, impar tormento: dumque ipso conticinio noctis grauius torquebatur, surgens hera detractam parieti imaginem languenti attulit stomacho superponi iussit, ac Rosae opem implorauit. Francisca post imaginis amplexum somno obruta cum horis duabus quietissime dormiuisset, sana euigilauit, nec deinceps hoc malo infestata est.

Sebastiana de Vega aliquando cum marito Doctore Cypriano de Medina Regij tribunalis Aduocato peregre Succasaram profectura dum stapedi insistens sellam nititur conscendere, inuisa recedente varicauit, ac osse circa inguinem luxato intolerabiles dolores passa est, ut neque in lecto mutare latus, neque robustiori cuiquam operi manum adhibere potuerit. Nocte quadam, acrius saeuente, ossis cruciatu papyracea Rosae

ima-

imaginem Romæ Superiorum permissu excusam ac inde multiplicatis exemplaribus Peruvia importatam sibi ocyus adferri petijt: hanc dum affectu religioso circumplectitur, obdormiscit inter preces; & manè expectata miraculum subito clamore testata est, marito indicans per se se doloribus liberatam esse.

Ancilla Elyzabeth Biafara, prægrava ac vicina parturidis, ongebatur immani costarum pleuritide, ardebat febribus, cruorem & saniem vomebat ore, & demum à Medicis derelicta ac munita Sacramētis properabat ad mortem cum extremo foetus maturi periculo. Tandem ut S. Catarinæ Senensis Monasterio chartaceam Rosæ obtinuit imaginem, tota nocte dolenti lateri obpanfam tenuit. Manè redeuntes Medici, ut desperata Matre saltem nascituræ proli quoquo modo si possent consulerent, ancillam reperiunt sanam, valentem, cibosque sibi afferri postulantem. Inde ubi vegeta lecto se proripuit, tertio post die feliciter infantem enixa est incolumem.

Anno 1632. Angela de Albildo coniux Francisci de las Cuentas grauida portabat utero gemellas; at ubi ventum est ad partum die Dominica 16. Maij duabus horis ante meridiem, altera prolium erupit sola; remanentibus intra puerperam secundis vnâ cum foetu residuo. Hoc parturienti mortale esse iussitabant circumstantes femina; iamque maritus vltimum vale dicturus charissimæ coniugi precebat aditum, sed impeditus planxit foris. Sub hac perplexitate calamitosa infertur Romanum Rosæ eætypon sed in tela, sistiturque ex aduerso periclitantis infirmæ, ut commodè ab ea videretur. Vix Angela conceptis mentis supplicibus precatiunculis imaginem deuotè respexerat, cum subito nouis pressa doloribus partu celerrimo residuam sobolem cum secundis effudit in lectum quo iacebat, deficientē spatio temporis quo obstetricem nutu ac cerserer. Gemellæ erant filiolæ, sanæ, formosæ, corpul-

lentula, ac in Baptismo Mariæ & Franciscæ de Rosa nomen sortitæ sunt in beneficij memoriam.

Anna Maria filia Viduæ Mariæ Morales onustum foetus mortuo gestabat vterum, ac prius sepultum quàm natum anxia circumferebat. Irruerunt dolores partus, at proles sine motu exanimis, frigida, ponderosa obstabat naturæ conatibus, matremque ultimo vitæ discrimini pariter implicabat. Sic misera per biduum suis colluctabatur angoribus, lentèque se mori sentiens animam poenitentiae sacramento expiarat. Iam vultu pallida distabescebat lethali bus deliquijs, omnis arteriarum pulsus interquieuerat, spes vitæ exciderat, quando afflicta Mater promptam è scriniolo chartam Rosæ effigie ruditer lineatam attulit moribundæ filię. Itum deinde in preces & lachrymas, & ecce in momento Anna mortuum puerulum, denique & secundas effudit, illicoque discusso periculo respirauit. Foetus corpore grandiusculus, cranio molli, pectusculo flaccido, nigris pedibus iam coeperat membris extremis putrescere, ac foetorem exhalabat intolerabilem, extincturus indubiè matrem nî Rosæ imago subuenisset.

Puellam Aethiopissam Mariam nomine in ædibus Didaci de Requena impetuosissimus apoplexiæ defluxus totam à summo deorsum peruaserat, nervis stupentibus brachia & crura immaniter palpitabant, iam à quatrinduo loquela exciderat, sensus aberat, ac opinione medicorum vitæ vltima imminebat hora. Sed materfamilias paginam itidem chartaceam cui Rosæ imago inerat produxit, hac faciem infirmæ operuit, simulque Rosæ implo-  
rauit auxilium. Et en subito conquieuit pedum manuumque distorta agitatio, surrexit reddita sibi puella, comedit, totamque morbi vim euanuisse indicauit. Hanc sacræ Imaginis virtutem admirans Didacus eiusdem in se experimentum fecit. Sub dextro poplite dolorificus ipsi obduruerat humor, quo multum impediabatur gradiendi.

facultas: Agitur illammet Rosam in aginem dolori lenire  
imposuit: & ad primum attractum ē vestigio se liberum  
sensit. Didaci coniux Apollonia non alio quām isthoc  
simplicissimæ Imaginis cataplasmate stitit mordacissimum  
capitis stillicidium, quod sibi dentium ferē radices vtrius-  
que eroserat. Eadem moniali Annæ Mariæ à Jesu adper-  
sus diuturnos & acutissimos dentium dolores medicina  
fuit.

In Autumno anni 1630. Franciscus Gutierrez Magan-  
Hispalensis presbyter graui coxendicum dolore pressus,  
dum calidis emplastris nimum fidit, irritatum humorem  
descendere in dextrum pedem coëgit, vbi arthriticū  
quo laborabat cruciatum vehementissimè succendit: vir-  
gebant venæ, rubebat, ardebat tumida & dirè inflamma-  
ta tibia, vt nec stragulum, nec lodicis tenue operimen-  
tum valuerit sustinere: & quia insimul oruenta dysente-  
ria exhauriebat miserum, extrēma Sacramenta petijt Me-  
dico annuente, nam actum esse de vita vterque persuasum  
habebat. Flagitauit æger vltimo suo solatio apportari ex  
S. Catarinæ Senensis Monasterio (cui erat à sacris confes-  
sionibus:) pictam in tela Rosam imaginem, allatam iussit  
appendi intra lectuli sui conopeum, & attractis cortinis  
ita in præsentī effigie absentem Rosam affatus est: Virgo  
sancta & gloriosa, quæ tantum vales apud Altissimum quo  
beate frueris, respice in me, qui si aliud de te nunquam  
merui, saltem Genitricis tuæ sum Confessarius, illi vtrū  
Monasterio ad sacrum habitum susceperetur opportūnis  
adiutor fui, illius solemnem Professionem nigri vesti bo-  
nedictione auroaui. Tu ergo Sponsum tuum exorā, vt  
mearum inmemor culpā in te valetudini quā ipse quæ-  
sulari restituat. His dictis magna vi ac robustiori fide  
vtramque supposuit manum tumens tibiæ, & veniat præ-  
fatus vsque ad picturæ marginem subleuante ægeritū  
pondus, postque breuissimè contactu monialē dignit

lente in culcitram, & si quod dudum non potuerat placido sopore per dimidiam horam quiescere. Euigilans hilariter vociferatione accitis domesticis pedem fasciis euolutum ostendit polagra, tumore, rubore vacuum sinistro, quæ pedi nihil dissimilem. Valetudo redierat integra, neque in posterum leuauit Arthritis. Francisco ut antea seipsonisulum imperauit.

Idem Franciscus patrinus erat Ludouici Cortes filio Mariæ de Sea. Hunc mense Augusto anni 1631, quinqueannem puerum excoquebant febres, exanimabat pleuritis. Adhibita vnctiones, phlebotomiae, cucurbitulae, clysteres, poriones magis puero obfuerunt, nam inde spuebat ore sanguinẽ, dolbat costis, auribus, stomacho, iecinore. Intrauit Medicus Franciscus Ximenes, primoque aspectu indilimulater paruulũ habuit pro deplorato. Superuenit Franciscus Gutierrez, allataque Rosæ imagine præiuit agro. Ludouico verba quibus se Virgini efficitim commédaret. His quanto potuit conatu pronuntiatis infirmum dulcis corripuit somnus hora circiter dimidia, quo discusso petijt admoueri sibi propius sacram Imaginem, quod osculocam cuperet reuèreri. Admotam innocenti basio deuorẽ salutans illico recepit vires, cessauit pleuritis, euamietẽ febres, ac breui temporis spatio nulla alterius medipinæ opẽ perfectam recuperauit sanitatem.

Catarina de Vera continuis viginti diebus atrocissimos cerebri temporumque sustinebat aculeos ut nec cibum nec somnum valens admittere breui putaretur mortis faucibus immigratura. Hoc Proregis Archiatres, aliisque Medicus Rocca sentiebant. Itaque peracta sacra exomologesi Franciscum de Coloma presbyterum obnixè rogauit Catarina, tantisper sibi affertet quam domi suæ habebat Rosæ effigiem. Attulit, intraque lecti cortinas prope infirmam collocauit. Mox illa ut potuit reuerenter picturam deosculans, dum ei successiuè cernicem,

tempora, vitam admovent, somnum quoque inter ferè die-  
 rum hebdomadibus paruerunt. Cumque somno dolorum  
 inducias, denique perfectam valetudinem attraxit à sacra  
 imagine. <sup>sup. aliuscolde zinnu mutcoqnos omi. mudi.</sup>  
 Anna Maria de Torres non secus ac si torrem aut su-  
 dom ignitam cranio operiret, affligebatur acutis in capi-  
 te doloribus: obtenebrabatur oculorum acies, pulsabant  
 accensa tempora, videbatur ardere coelum, neque mulier  
 sat supercompos remanebat. Nihilominus prementente ne-  
 cessitate cœu conscia periculi hoc sapuit, ut omni alio me-  
 dicamine omisso in sola Rosæ imagine medelanti quate-  
 neret. Inuenit, ac presentaneam quidem, nam ibi cœtypon  
 amplexa est capitiq̃ applicuit, repente liberata est om-  
 nia. Anna de Herrera quantum olim incredulitate obstina-  
 ta pugnarat aduersus Rosæ miracula, tantumdem postea  
 explorato in semetipsa beneficio eorundem tabæ & buc-  
 cinatrix fuit. Diu assueverat gratias ac quotidiana pro-  
 digia quæ ad Virginis monumentum crebrescebant, aut  
 contradicendo eludere, aut spernendo exfusitare. Sed  
 correxit pestinacem nocturna in somnis visio: putabat  
 horrifono terramotu totam ab imis fundamentis euer-  
 timam, interque hos pavores vel invita se Rosæ comen-  
 dabat presidio, ac tanta quidem contentione vocis, ut de  
 solo vociferandi conatu fuerit expergescenda. Tum verò  
 patentibus oculis vidit Rosam (: quam ex visis hinc inde  
 imaginibus nouerat) in genua procubuant orare pro Vr-  
 bis suæ incolumitate. Dehinc Anna in Virginem animæ-  
 quior, pristinumque errorem deprecata illius se protectio-  
 ni religiosius commisit. Nec diu capillata occasio defuit.  
 A sinistro tempore diuexabat Annam vehemens ac dolo-  
 rosa defluxio quæ sensim adeo caput obtudit, ut per tri-  
 duum ferè expers de statu mentis se prolapsuram ad-  
 nertere, in Rosâ succurrere festinaret. Igitur huius ar-  
 ceptam imaginem sinistro tempore bis teruc induxit, mox



in cervical recidens obdormiuit, ac media nocte euigilans omnem fugisse dolorem comperit.

De febribus id compertum est, ad Sacrae Imaginis tantum, imò conspectum citius abscēssisse, quàm suat cerā à facie ignis. Doctori medico N. de Rocca duodennis erat filiola Maria nomine: huic febres & papulæ denuntiabant præmaturam mortis sententiam, at eandem reſcidit apportata Rosæ effigies, mox ut sub agræ conspectum venerat. In *Panamā* P. Fr. Ioannes de Figueroa Ord. Prædicatorum ex indigestis stomachi putredinibus lethali correptus febris, totius vrbiſ Medicis desperantibus extrema migrantium Sacramenta piè suscepit, iamque morituri lectulo circumfusi Religiosi signum vltimi agonis vigiles expectabant, ut secundum Ordinis ritum Deo & Coelitibus abeūtem animam commendarent. Vno horum suggerente affertur Imago Rosæ ex Prioris cubiculo, quàm ut aeger aspexit, ut impacto osculo deuotè salutauit verticique reuerenter imposuit, actutum sensit corroborari neruos, redire vires. Mox & sepulchri mirificos pulueres ut cum iusculo ebibit, totius indigesti marcoris corruptam massam simul excreuit, inde febris destituta, fomite vltro extincta est quando ægrum extinctura credebatur.

Alphonso de Yta Monasterij S. Catarinæ Senensis Limæ administratori vxor erat Maria de Aspiria, quam duplici tertiana bullientem Medici extracto quinquies sanguine aliisque præualidis euacuationibus penè exanimarant. Iam infirma cibi somnique incapax ad vltimum vitæ marginem festinabat, sed stitit præcipitem allata ex Monasterio Rosæ effigies, quæ ut iuxta *Aspiciam* aspicienda in lectulo collocata fuit, eodem adnutu prostrauit febres, erexit infirmā. Idem Philippo Aegidio tertiana duplici molestissimè aggrauato præstitit chartacea Rosæ imago, super ipso rigoris paroxylmo capiti tremētis imposita. In po-

721 *Quarta* Interficiatur Ioannesi de Quisado conuallis xli  
 diebus torrebant aestuosa febres, neque ab humanis re-  
 medijs spes ulla reparanda salutis affulgebat. In sortur  
 decumbentis conclavi picta Rosa effigies, quam Ioannes  
 ut praeiij dextoris basijs capiti imposuit, peti orique forti-  
 ter adstinxit; febri extraxit, locumq; reduci valetudini  
 statim cedere compulit. *722* *Claudat* historiam ipsa quae Rosam genuit Maria de  
 Oliua. Haec pauculis diebus postquam S. Catarina Senes-  
 sis Monasterium velanda intrarat, tota penè facie in erysi-  
 pelatom deformiter exarsit; à nasa usque ad dextram au-  
 riculam ebullit; inflammatus tumor, inde per caput &  
 maxillas oberrabat inquieti vlceris velox incendium, cui  
 febris, dyspepsia, stomachi, aliaq; cognata symptomata sa-  
 epe accesserant. Sic afflicta per octiduum lecto decubans,  
 quotidianis tot morborum incrementis haud leuiter ad-  
 tremiscentes. Monasterij Praefecta ut Rosae matrem amabat  
 tenerrimè, sic febrientis moesta periculo, dum nocte qua-  
 dam stipata monialibus infirmam visitat, post dulces af-  
 factus sensim de apportanda Virginis benefica imagine,  
 questionem interiecit. Nec ægrè assensit egra, quin addu-  
 ctam lecto exciperet. Digressæ Moniales post horæ dimi-  
 dium redierunt, videruntq; Mariam dulci sopore vindam  
 at simul copiosissimo sudore madidam. Postridie lecto  
 exiliens dum Missæ sacrificio interuétura ad Odæum pro-  
 perat, Praefecta occurrit miranti ac sciscitanti cur & quò-  
 ireret, præcipue autem quid valeret. Hic fassa est Maria sibi  
 disfluatam pluries filia sacra Imagine obropississe som-  
 num, at sub noctis gallicinio vigilem innataisse sudoribus;  
 hinc tentato pulsu deprehendisse febriui absentiam, de-  
 nique per faciem ducta manu nullum adusti tumoris pal-  
 pisse vestigium, iamque se & integerrimè valere. & vi-  
 uaciter elurire. *723* *Alaud.* Eidem Mariæ de Oliua iam velata angusta in-  
 ter

ter reliquas Nonitas obrigerat cellula, & hanc in per-  
 fat incommodè occupabat, ingens de ligno catasta  
 ad modum armarij, quam optabat à pavimento alijs su-  
 bleuari & quatuor hypostylijs imponi, ut subeus caperet  
 tres grandiores arcusque cellulam alijs reddebant mul-  
 to angustio rem. Verùm & machinæ pondus obstabat ne  
 foemineis viribus attolleretur in hypostylia, & lata subie-  
 ctæ crepidinis sponda, ne saltem loco què semel infederat  
 moueretur. Promiserat Isabella de Cataño Nouitiarum Ma-  
 gistras se proxima quaq; die curaturam ut incommisis quæ-  
 tuor robustis mancipijs super dispositos lateres attollere-  
 unt moles, & laxaretur tam Maria, quam cellulae impo-  
 rta angustia. Verùm præuenit decennis ancillulæ pia  
 diligentia, nã vidēs nouitiam Mariam ingiter affligi, eã ad  
 Chorum cum ceteris digressã motum audacter admo-  
 uerit, & Rosæ opitulante effigie perfecit. Rediit à Choro  
 Maria, vidensque machinam appositè eleuatam, & ar-  
 eas sub ea commodissimè dispositas, obstupuit, capere  
 non valens cui in toto Monasterio ad talia breuissimo tẽ-  
 pore peragenda sufficere vires & animus potnerint. Agnes  
 (id ancillulæ nomen erat) liberè se solam peregisse ro-  
 tum professi est. Accurrunt moniales curiosolo spectaculo,  
 iubetur edicere puella, rem tantam quibus tandem vi-  
 ribus effecerit. Respondit: ibidem se prius ante pendu-  
 lam Rosæ imaginem procubuisse in genna, postulasse  
 auxilium & robur, demum se lecto qui cum catasta mo-  
 uendus erat reuerenter impostuisse imaginem, mox faci-  
 li oneratu in partem tetracta machinã se quatuor illis lo-  
 cis ordinasse lateres, & denique in Rosæ nomine dorso  
 fidenter subiecto ligneam ijs molem imposuisse, quam  
 dum attollebat, putasse, nō gravem machinam sed leuem  
 palmam se portare. Mirabantur attonitæ moniales sub sa-  
 cræ Imaginis valido præsidio id vnicam potuisse decen-  
 nem puellam, quod vix quatuor robusti baiuli creden-  
 tur

tur sine sudore præstituri; sed creuit admiratio; quando  
 Nouitiarum Magistra (: quæ iuxta in suo cubiculo; reli-  
 quis ad chorum euntibus remanserat :) affirmavit, se vigi-  
 lem sub tanti operis vicino molimine strepitum ne mini-  
 mum quidem percepisse in tam alto dormitorij silentio.  
 Rogauerunt Agnetem adstantes; denuo/ipsis præsentibus  
 tentaret vires suas; num eleuandæ machinæ sufficerent.  
 Tentauit; sed ac si montem tergore excepisset, conatu ir-  
 rito ridiculoque mox lassata destitit. Fas sit & mihi, hie  
 desistere, dum tamen apud mellificæ (Bernardi) verbis;  
 mellisuius Rolam alloquar Oliuæ filiam, fauorum matrem;  
 Olfirps Oliuæ fructifera in domo Dei vngens & lucens  
 fons beneficij; cornucopia Miraculis; fac nos eius qua fru-  
 ris lucis suauitatisque participes. O odorifera ROSA; in  
 æternum ante Dominum germinans & florens, spargens ubi-  
 que vinificum suauitatis odorem, cuius apud nos memoria  
 in benedictione est; apud Superos præsentia in honore; da  
 canentibus te tanta plenitudinis participatione non  
 frandari. Denique lætemur & exulemus, quia  
 celestis illa Curia ex nobis habet cui sit cura  
 nostris, qua suis nos protegas meritis;  
 quos informauit Exemplis;  
 Miraculis confir-  
 mant.

BRILLIATA NAZ.  
 ROMA  
 VITOIO S. ANTONIO

F I N I S.

INDEX

# INDEX CAPITVM

- Cap. 1. Rosa patria, Natales, Cunabula. Pag. 2.
- Cap. 2. Rosa Crepundia, indoles, educatio votumque Virginitatis. 5.
- Cap. 3. Rosa erga Parentes mira obedientia, pictas, sollicitudo. 9.
- Cap. 4. Rosa B. Catarina Senensis vestigijs ad sequelam provocata tertium S. P. Dominici Ordinem amplectitur. 19.
- Cap. 5. Rosa præiacto solidæ humilitatis fundamento securè inædificat reliquarum virtutum molem. 27.
- Cap. 6. Rosa mira abstinencia, prodigiosi ieiuniorum excessus. 35.
- Cap. 7. Rosa tenerum corpus cilicij, flagris, catenis domat. 43.
- Cap. 8. Rosa capiti aculeatam coronam circumdat, impri-  
mit, infigit. 51.
- Cap. 9. Rosa lectulus, ceruical, nocturnæ vigiliæ. 58.
- Cap. 10. Rosa domestica solitudo, fuga publici, cellula per-  
angusta. 68.
- Cap. 11. Rosa mira cum Christo desponsatio pronuba Au-  
gustissima Imperatrice Angelorum. 79.
- Cap. 12. Rosa perpeti orationis studio miram assequitur cum  
Deo vnionem. 88.
- Cap. 13. Rosa desolatorijs visionibus exercetur, ac horrendas  
alterius vitæ poenas degustat. 97.
- Cap. 14. Rosa Doctorum examen subit, vt probetur spiritus  
an ex Deo sit. 103.
- Cap. 15. Rosa cum Christo, Deipara, B. Catarina Senensi fa-  
miliariter, iucundè, assiduè deliciatur. 115.
- Cap. 16. Rosa familiariter tutelaris Angeli consuetudine fruitur,  
variè luctatur cum Dæmone, semper victrix. 122.



- Cap. 17. Rosa persecutionibus, morbis, ærumnis pressa strenue sese ad patientiam exercet. 131.
- Cap. 18. Rosa varijs indicijs ardentem erga Sponsum amorem prodit. 139.
- Cap. 19. Rosa, vt Christum omnibus amandum persuadat, manifestum sudantis Imaginis miraculum impetrat. 147.
- Cap. 20. Rosam Imago Deiparæ in S. Rosarij, Sacello creberrime splatur, mulcet, instruit. 154.
- Cap. 21. Rosæ in salutiferum Crucis signum religio, Imaginem S. Catarinæ exornans ab ea vicissim honoratur. 163.
- Cap. 22. Rosæ feruidus in SS. Eucharistiam affectus, cultus, deuotio, pro ea ad agonem se accingit. 173.
- Cap. 23. Rosæ eximius pro periclitantium animarum salute zelus. 185.
- Cap. 24. Rosa pro modulo facultatum corporalibus misericordię operibus proximos iuuare satagit. 195.
- Cap. 25. Rosæ magna in Deum fiducia, crebro in suis suorum, que necessitatibus explorata. 205.
- Cap. 26. Rosæ diuinitus reuelatur effloriturum in Vrbe Limana S. Catarinæ Senensis Cœnobium, tempus occultitur. 215.
- Cap. 27. Rosæ alia cōplura Deo reuelante arcana patefiunt. 226.
- Cap. 28. Rosa mortis suæ præscia grauem yltimæ ægritudinis luctum fortiter excipit, inuictè sustinet. 240.
- Cap. 29. Rosæ marcor extremus, suaue deliquium, & mors pretiosa. 251.
- Cap. 30. Rosæ funebri conductus, exequiæ, tumulus. 261.
- Cap. 31. Rosæ Sepulchrum Ordinarij autoritate mutatum solemnī corporis translatione. 271.
- Cap. 32. & vltimum Rosæ elogia ex pluribus notiora. 278.
- MANTISSAE CAPVT PRIMVM.
- Rosa post mortem, & sepius, & multis apparet gloriosa. 287.



Cap. 2. Rosa à morte in Peccatorum subitis conuersionibus,  
& obstinatione cordium emollienda mirabilis. 297.

Cap. 3. Rosæ defunctæ tactu, odore, veneratione, Mors,  
Morsu, pericula depelluntur. 300.

Cap. 4. Rosæ defunctæ cingulum, Vela, particule vestium,  
aegris, parturientibus, debilibus medicinam desuntant. 315.

Cap. 5. Rosæ sepulchro exemptus puluis dysenteriam, Synan-  
them, phrenesim, cancerum, herniam, febres, papulas, alia-  
que id genus cacosynthera mirabiliter curat. 330.

Cap. 8. & vltimum: Rosæ Imagines contactu lepram, appo-  
mata, impetigines abstergunt, arturide, molydrocolam, ang-  
nam sanant, dentium, stomachi, cranij, doloribus medentur.

348.

SPHALMATA TYPOGRAPHI GRAVIOA SIC CORRIGVNTOR.

Page. 41.	lin. 29.	affixo	lege affixa.
Ibid.	lin. 18.	conciaui	lege cruciatui.
Page. 93.	lin. 10.	laudere	lege laudare.
Page. 118.	lin. 20.	laxabat	lege lassabae.
Page. 140.	lin. 28.	consumer	lege consumer.
Page. 156.	lin. 32.	hac	lege hae.
Page. 164.	lin. 10.	fororis	lege sororis.
Page. 170.	lin. 23.	immunitati	lege immanitati.
Page. 188.	lin. 5.	solitudinis	lege sollicitudinis.
Page. 192.	lin. vitima	illa	lege ille.
Page. 195.	lin. 30.	feu	lege sed.
Page. 231.	lin. 16.	occurrisse	lege accurrisse.
Page. 232.	lin. 3.	religiosa	lege religiofa.
Page. 233.	lin. 28.	abstrigillet	lege obstrigillet.
Page. 235.	lin. 20.	Verumque	interfere vno.
Page. 239.	lin. 14.	Virgans	lege Virgini.
Page. 240.	lin. 13.	Rola	lege Rola.
Page. 244.	lin. 27.	interitum	lege interitum.
Page. 248.	lin. 27.	ic	lege at.
Page. 248.	lin. 8.	caruant	lege caruant.
Page. 250.	lin. 28.	predicat	lege predicat.
Page. 254.	lin. 5.		

Cetera beneuolus Lector aut excusabit aut emendabit.

M M M I R A T V C A O A A S S I T I A M

Rosa defunctæ tactu, odore, veneratione, Mors, Morsu, pericula depelluntur.

# PROTESTATIO AVCTORIS.

**L**ector adverte, ut si qua in recensendis elogijs, ac gestis sanctae Virginis Sponsae Christi hoc libello complexus fui ultra mores illius, ac vitam sanctitatem, & Populorum erga eamdem obsequia, superantia vires humanas, qua miracula videri possint, & ad futurorum praesagia, revelationes, & alia beneficia in mortales collata quoquo modo trahi valeant; Illa tibi propono, ut nolim accipere tanquam ab Apostolica Sede examinata, & approbata, sed ut ea quae a sola auctorum suorum fiat pondus obtineant; nec ideo aliam quam humanam historiam sapiant. Quare etiam inherendo Decretis felicis Urbani VIII. cum declarationibus ab eodem editis quoad venerationem, & cultum, firmiter testatum volo, me hisce lucubrationibus nolle quicquam venerationis aut cultus maiori eidem Virgini Rosa tribuere, vel famam, aut opinionem sanctitatis eiusdem augere, nec illius existimationi aliquid adiungere, vllumque gradum facere ad futuram quandoque illius Canonizationem, aut miraculorum probationem, sed omnia à me relinqui in eo statu, quem hisce meis lucubrationibus seclusis per se obtinerent, non obstante quocumque longissimi temporis cursu. Hoc tam sanctè profiteor, quàm decet eum, qui Sanctae Sedis Apostolica obsequentiissimus filius haberi cupit, & ab illa in omni sua actione dirigi.







